

# მნათობი



114  
1936

8

## შინაარსი

მ. გურია — ს. ს. რ. ქაფურიის ახალი კონსტიტუცია  
და ამიერ-ქავკასიის უმღერატია

### პოეზია

ზრ. აბაშიძე  
ფლ. შაიაკოვსკი  
ზრ. ცეცხლაძე  
მინის პაინე

### პროზა

ლემ. შიაჩელი  
მ. ჯავახიშვილი  
ა. ბულიაშვილი  
ს. თაყაიძე

### ლიტერატურის ისტორია

ბ. ბაბიძე  
მ. დუღუჩაძე

### კრიტიკა და პუბლიცისტიკა

მ. ასტვაცატურაძე

### ხელოვნებათმცოდნეობა

ლ. კალანდიაძე



# მნათობი



სრულიად საქართველოს საბჭოთა  
მწერლების კავშირის შრომელთა  
სალიტერატურო, სახელოვნო და საზო-  
გადოებრივ-საკოლიტიკო უწყისი

2481  
სსსრ

8

წილიწადი მემკვიდრეობა

სახელგანი

1936



პ/მბ. კადატორი ა. თათარიშვილი



საკადატორო კოლეგია:

ირაკლი აბაშიძე  
ნოე ჯოგლაძე  
ნიკო ლორთქიფანიძე  
კონსტ. ლორთქიფანიძე  
ბა. მუშიშვილი  
შალვა კადიანი  
ბალატიონ ტაბიძე  
ტიციან ტაბიძე  
ლევ კიაჩელი  
პანტელეიმონ ჩხიკვაძე  
დენა შენგელაია

---

კადატორის მისამართი: ტფილისი მინაბლის ქ. № 13. ტელ. № 3-55-25.  
ფან. ნინოშვილის სახელ. მწერალთა სასახლე.

განტორის მისამართი: ტფილისი კოროვის ქ. № 7. პერიოდსექტორი.

---

სახელგამის პირველი სტამბა, პლენარის პროსპექტი № 91.

შთავლიტის რწმ. № 7026. შტკ. № 405, ტირაჟი 7000.

ლ. ბერიძე

## ს ს რ კავშირის ახალი კონსტიტუცია და აპიკ-კავკასიის ფედერაცია

საქ. კ. პ. (ბ) ცენტრალური კომიტეტის იენისის პლენუმმა ამხანაგ სტალინის მოხსენების გამო ძირითადად მოიწონა პროექტი საბჭოთა სოციალისტური რესპუბლიკების კავშირის კონსტიტუციისა, რომელსაც მსოფლიო-ისტორიული მნიშვნელობა აქვს როგორც ჩვენი ქვეყნისათვის, ისე კომუნისტების საქმისათვის მთელს მსოფლიოში.

სსრ კავშირის ახალი კონსტიტუცია ადასტურებს იმ უდიდეს ეკონომიურ და პოლიტიკურ ცვლილებებს, რომლებიც მოხდა ჩვენს ქვეყანაში საბჭოთა კავშირის პირველი კონსტიტუციის მიღების შემდეგ განვიღწეულხართ.

ახლა ამ სოციალურ-ეკონომიურ ცვლილებათა საფუძველზე, მასების აქტიურობისა და პოლიტიკური შეგნების ზრდის საფუძველზე ჩვენ უკვე შეგვიძლიან ბოლომდე გავშალოთ საბჭოთა დემოკრატია, მშრომელთა ნამდვილი დემოკრატია.

იმ დროს, როცა კაპიტალისტური სახელმწიფოები მიდიან ფაშისტური დიქტატურის, მშრომელი მასების თვით ყველაზე ელემენტარულ უფლებათა შემდგომი დათრგუნვისა და წართმევის გზით, საბჭოთა სახელმწიფო მიდის მთელი ხალხისათვის ნამდვილი დემოკრატის უფართოესი განვითარების გზით. ამაში მდგომარეობს ჩვენი პარტიის უდიდესი გამარჯვებანი. ამაში მდგომარეობს საქ. კ. პ. (ბ) ცენტრალური კომიტეტისა და ჩვენი პარტიის ბელადის — დიდი სტალინის გენიალური ხელმძღვანელობის გამარჯვებანი.

სოციალიზმის გამარჯვებებმა, რაც-ლენინურ-სტალინური ნაციონალური პოლიტიკის სწორად გატარების შედეგია, შესცვალეს ეროვნებათა მდგომარეობა საბჭოთა კავშირში. შესცვალეს მისი ნაციონალური რესპუბლიკების სახე.





ახალი კონსტიტუციის პროექტი, საკ. კ. პ. (ბ) ცენტრალური კომიტეტის პლენუმისა და სსრ კავშირის ცაკის პრეზიდიუმის მიერ მოწონებული, ითვალისწინებს ამიერ-კავკასიის ფედერაციის ლიკვიდაციას და ამიერ-კავკასიის რესპუბლიკების — საქართველოს, აზერბეიჯანისა და სომხეთის უშუალოდ შესვლას სსრ კავშირში.

ეს წინადადება პირდაპირ გამომდინარეობს ჩვენი პარტიის გენერალური ხაზის, კერძოდ, ნაციონალური პოლიტიკის წარმატებებისა და გამარჯვებებიდან, რომლებიც მიღწეულია რევოლუციის წლების მანძილზე ამიერ-კავკასიის რესპუბლიკებში სოციალისტური მშენებლობის საქმეში.

რა ვითარებაში იქმნებოდა ამიერ-კავკასიის ფედერაცია?

ა) მშრომელი მასებისა და წითელი არმიის შეერთებული ძალებით 1920-21 წლებში აზერბეიჯანსა, საქართველოსა და სომხეთში დამყარდა საბჭოთა ხელისუფლება;

ბ) ამიერ-კავკასიის საბჭოთა რესპუბლიკებმა მემკვიდრეობად მიიღეს ჩამორჩენილი მეურნეობა, საბოლოოდ დანგრეული მენშევიკთა, მუსავატელთა და დაშნაკთა ბატონობით;

გ) ამიერ-კავკასიის ხალხთა შორის იმ სისხლისმღვრელ შეტაკებათა შედეგები, რომლებიც მენშევიკებმა, დაშნაკებმა და მუსავატელებმა იმპერიალისტ ინტერვენტთა პირდაპირი დირექტივით მოაწყვეს, ჯერ კიდევ არ იყო ლიკვიდირებული;

დ) მენშევიკები, მუსავატელები და დაშნაკები აქტიურ ბრძოლას აწარმოებდნენ საბჭოთა ხელისუფლების წინააღმდეგ და აღვივებდნენ ნაციონალურ შეუღლას.

ამიერ-კავკასიის რესპუბლიკების ასეთი მდგომარეობა საბჭოთა ხელისუფლების შექმნისა და განმტკიცების პირველ პერიოდში დაეინებით მოითხოვდა ამიერ-კავკასიის რესპუბლიკათა შეერთებულ ძალებს სა-მეურნეო ნგრევის ლიკვიდაციისა და მეურნეობის აღმავლობისათვის. ისეთი სპეციალური ორგანოს შექმნას, „რომელიც შესძლებდა ეროვნებათა შორის ურთიერთობის რეგულირებას“ (ს ტ ა ლ ი ნ ი), მოითხოვდა ამიერ-კავკასიის რესპუბლიკათა საერთო ღონისძიებებს იმისათვის, რომ საბოლოოდ გაენადგურებინათ მენშევიკთა, დაშნაკთა და მუსავატელთა კონტრრევოლუციური პარტიები.

ლენინისა და სტალინის საერთო წინადადებით, 1921 წლის 29 ნოემბერს რ. კ. პ. (ბ) ცენტრალურმა კომიტეტმა მიიღო ამიერ-კავკასიის ფედერაციის შექმნის გადაწყვეტილება, რომელშიაც ამიერ-კავკასიის რესპუბლიკათა ფედერაცია სენ-პრინციპულად აბსოლუტურად სწორად, რაც აუცილებლად უნდა ყოფილიყო განხორციელებული, და წინადადე-



ბა მისცა საქართველოს, სომხეთისა და აზერბეიჯანის ცენტრალური კომიტეტებს ცხოვრებაში გაეტარებინათ ეს გადაწყვეტილება. მარცხენა ასრულებდნენ რა ლენინ-სტალინის ამ პირდაპირ მიმართულ მითითებას რ. კ. კ. (ბ) ცენტრალური კომიტეტის გადაწყვეტილებას, ამიერ-კავკასიის ბოლშევიკებმა ამხ. ს. ორჯონიკიძის უშუალო ხელმძღვანელობით, შექმნეს ამიერ-კავკასიის ფედერაცია.

ა.-კ. ფედერაციის შექმნამ და განმტკიცებამ, როგორც ცნობილია, ნაციონალ-უკლონისტთა წინააღმდეგ ბრძოლაში განვლო.

ნაციონალ-უკლონისტებს არ ესმოდათ რევოლუციის განვითარების იმ პერიოდის მთელი თავისებურება და ილაშქრებდნენ ფედერაციის წინააღმდეგ.

შათ არ ესმოდათ, რომ ა.-კ. ფედერაციის შექმნისა და განმტკიცების საკითხი იმ პერიოდში წარმოადგენდა ამიერ-კავკასიის რესპუბლიკებში საბჭოთა ხელისუფლების შენარჩუნებისა და განმტკიცების საკითხს.

ნაციონალ-უკლონისტები, რომლებსაც არ ესმოდათ ამიერ-კავკასიის რესპუბლიკებში საბჭოთა ხელისუფლების შენარჩუნებისა და განვითარებისათვის ბრძოლის ეს პირველხარისხოვანი ამოცანა, ქართველ მენშევიკთა, სომეხ დაშნაკთა და აზერბეიჯანელ მუსავატელთა პოზიციებზე ეშვებოდნენ.

ჰქმნიდნენ და ანმტკიცებდნენ რა ა.-კ. ფედერაციას, ამიერ-კავკასიის ბოლშევიკებმა დიდი ბრძოლა ჩაატარეს ნაციონალ-უკლონისტების წინააღმდეგ და გაანადგურეს ნაციონალ-უკლონისტური ოპოზიცია, რომლის ნაწილი, როგორც ცნობილია, შემდეგ კონტრრევოლუციური ტროცკიზმის ბანაკში გადაბარდა.

ნაციონალ-უკლონისტში წარმოადგენდა მემარჯვენე-ოპორტუნისტულ მიმდინარეობას, რომელიც გამოხატავდა ბურჟუაზიულ-ნაციონალისტური, მენშევიკური და კულაკური ელემენტების ზეგავლენას ამიერ-კავკასიის პარტორგანიზაციების ცალკეულ ფენებზე.

ნაციონალ-უკლონისტში წარმოადგენდა იმ შემტევი ქართული შოვინიზმის აშკარა გამოხატულებას, რომელიც ცდილობდა გადექცია ამიერ-კავკასია ეროვნებათა შორის შეტაკებათა ქვეყნად, ცდილობდა აღედგინა მენშევიკური ბატონობის დროება, როცა შოვინისტური გააფთრებით შეპყრობილი ადამიანები ერთმანეთს სწვავდნენ და ზოცავდნენ.

ქართველ ნაციონალ-უკლონისტებს სურდათ გამოეყენებინათ საქართველოს გეოგრაფიული და ეკონომიური უპირატესობანი, რომლებიც იქიდან წარმოსდგება, რომ იგი ჰფლობს ისეთ უმნიშვნელოვანეს საკვანძო პუნქტებს, როგორიც არის ტფილისი და ბათომი. ამ საფუძველზე ისინი მოითხოვდნენ საქართველოს გამოსვლას ამიერ-კავკასიის ფედერაციიდან. უნდოდათ საბჭოთა აზერბეიჯანისა და სომხეთის ხარჯზე შეექმნათ პრივილეგიები საქართველოსათვის.

აგრარულ-გლეხურ საკითხში ნაციონალ-უკლონისტები გამოხატავენ დიდ ქართველი თავად-აზნაურებისა და კულაკების ინტერესებს და მოთხოვნებს, ისინი იცავენენ კულაკურ აგრარულ პოლიტიკას, რომელიც ჩვენი სოფლის განვითარების კაპიტალისტური გზების მლალადებელი და დამცველია.

ნაციონალ-უკლონიზმის საფრთხე იმაში მდგომარეობდა, რომ თავისი გამარჯვების შემთხვევაში იგი განამტკიცებდა ბატონყმობის ნაშთებს სოფლად, განამტკიცებდა კულაკობის პოზიციებს, გადააქცევდა საქართველოს და ამიერ-კავკასიას ერთაშორის შეხლა-შემოხლისა და სისხლისმღვრელ შეტაკებათა ასპარეზად, ძირს გამოუთხრიდა საბჭოთა რესპუბლიკების მთლიან ინტერნაციონალურ ფრონტს იმპერიალიზმის წინააღმდეგ, ხელფებს გაუხსნიდა მენშევიკთა და ბურჟუაზიულ ნაციონალისტთა რეაქციურ ძალებს და ამით გზას გაუკაფადა იმპერიალისტურ ინტერვენციას და კაპიტალიზმის რესტავრაციას.

ამიტომ ნაციონალ-უკლონიზმთან ბრძოლა, ამიერ-კავკასიის ფედერაციის შექმნისათვის ბრძოლა იმ პერიოდში მოასწავებდა ბრძოლას ამიერ-კავკასიის რესპუბლიკებში საბჭოთა ხელისუფლების შენარჩუნებისა და განვითარებისათვის.

ამიტომ იყო, რომ ამიერ-კავკასიის ბოლშევიკები ასე დაუნდობლად ანადგურებდნენ მაშინ ნაციონალ-უკლონიზმს.



მხოლოდ ამიერ-კავკასიის ფედერაციის შექმნითა და განმტკიცებით შესძლეს ამიერ-კავკასიის ბოლშევიკებმა სოციალისტური მშენებლობის იმ უდიდეს წარმატებათა მიღწევა ამიერ-კავკასიის რესპუბლიკებში, რომლებიც დღეს გვაქვს და რომლებისთვისაც ამიერ-კავკასიის რესპუბლიკები პარტიამ და მთავრობამ ლენინის ორდენებით დააჯილდოვეს.

ამიერ-კავკასიის რესპუბლიკები — ქვეყნები „კიდევ უფრო გლეხური ვიდრე რუსეთი“ (ლენინი), — ახლა ინდუსტრიულ-აგრარულ რესპუბლიკებად იქცნენ. პირველი ხუთწლედის გეგმა ამიერ-კავკასიის რესპუბლიკებში წარმატებით და ვადამდე შესრულდა. წარმატებით სრულდება მეორე ხუთწლედის გეგმა.

ამიერ-კავკასიის რესპუბლიკებში საბჭოთა ხელისუფლებამ შექმნა მძლავრი ინდუსტრია. გაიზარდა ნავთის მრეწველობა აზერბეიჯანში. გაიზარდნენ მარგანეცის, ქვანახშირის, სამთამადნო და მრეწველობის სხვა დარგები საქართველოში. სომხეთში აშენდა და შენდება ქიმიური და სპილენძის მრეწველობის მსხვილი საწარმოები.

მრეწველობისათვის შექმნილია მძლავრი ენერგეტიკული ბაზა. შეიქმნა მრეწველობის მთელი რიგი სრულიად ახალი დარგები.



მრეწველობის ხვედრითმა წონამ ამიერ-კავკასიის რესპუბლიკის საერთო სახალხო მეურნეობაში უკვე 72 პროცენტს მიაღწევს.

უდიდესი გამარჯვებებია მოპოვებული სოფლის მეურნეობის სოციალისტური რეკონსტრუქციის საქმეში. გლეხურ მეურნეობათა დაახლოვებით 80 პროცენტი გაერთიანებულია კოლმეურნეობებში. საკოლმეურნეო ცხოვრების სტალინური წესდების საფუძველზე უკანასკნელ წლებში მიღწეულია კოლმეურნეობათა განმტკიცება და კოლმეურნეთა შემდეგული ცხოვრების ზრდა. უდიდესი მუშაობა ჩატარდა სპეციალური და ტექნიკური კულტურების — ბამბის, ჩაის, ციტრუსების, ვენახის, თამბაქოს, ტუნგოს და სხვ. განვითარებისათვის. დიდი სამუშაოები შესრულდა და სრულდება ამოშრობისა და მორწყვის დარგში (კოლხიდა, მულანი, ალაზანი, კირი და სხვ.).

სოფლის მეურნეობისთვის შექმნილია მძლავრი ტექნიკური ბაზა. შექმნილია სამანქანო-სატრაქტორო სადგურები, საკოლმეურნეო მინდვრებზე მუშაობენ კომბაინები, ავტომობილები და ათი ათასობით სხვადასხვა რთული სასოფლო-სამეურნეო მანქანები.

საბჭოთა ხელისუფლების არსებობის წლებში გაიზარდა ამიერ-კავკასიის ხალხთა კულტურა. სავსებით ისპობა წერა-კითხვის უცოდინარობა, შექმნილია უმაღლეს სასწავლებელთა ქსელი, სამეცნიერო-საგამოკვლევო ინსტიტუტთა ქსელი, ვითარდება ლიტერატურა და ხელოვნება.

შექმნეს და განამტკიცეს რა ამიერ-კავკასიის ფედერაცია, ამიერ-კავკასიის რესპუბლიკების ბოლშევიკებმა და მშრომელებმა ბოლომდე აღმოფხვრეს ამიერ-კავკასიის ხალხთა შორის ნაციონალური შუღლის გამოვლინებანი და დაამყარეს მათი ურყევი მეგობრობა.

ამხ. მოლოტოვმა 1935 წლის დეკემბერში, საბჭოთა სომხეთის მშრომელთა დელეგაციის მიღების დროს, თავის გამოსვლაში შემდეგი სიტყვა ამიერ-კავკასიის ხალხთა მეგობრობის შესახებ:

„ჩვენ მივალწიეთ იმას, რომ მრავალერიანი ამიერ-კავკასიაში, სადაც დიდი ხნის განმავლობაში სწარმოებდა გააფთრებელი ბრძოლა სხვადასხვა ეროვნების მშრომელთა შორის, ბრძოლა, რომელსაც ყოველნაირად აღვივებდნენ კაპიტალისტები და მეფის მსახურნი, რომ ახლა ეს ბრძოლა საბოლოოდ ლიკვიდირებულია და რომ ამ ბრძოლის ადგილზე იფურჩქნება ამიერ-კავკასიის ყველა მშრომელთა მეგობრული ცხოვრება“.

დიდი და ურყევი საქართველოს, სომხეთისა და აზერბეიჯანის ხალხების მშრომელთა ურთიერთმეგობრობა, დიდი და მტკიცე ამიერ-კავკასიის ხალხების მშრომელთა მეგობრობა საბჭოთა კავშირის ყველა ხალხის მშრომელებთან.

შექმნეს და განამტკიცეს რა ა.-კ. ფედერაცია, ამიერ-კავკასიის რესპუბლიკების ბოლშევიკებმა და მშრომელებმა შეერთებული ძალებით საბოლოოდ გაანადგურეს მენშევიკთა, დაშნაკთა და მუსიავატელთა,



კონტრრევოლუციური პარტიები და მოახდინეს უკანასკნელ რევოლუციურ-ლიბერალისტური კლასის — კულაკობის ლიკვიდაცია.

ჩვენი პარტიის გამარჯვებამ სოციალისტურ მშენებლობაში, სოფლად საკოლმეურნეო წყობილების განმტკიცებამ ძირფესვიანად მოსპევს მენშევიკთა, დაშნაკთა და მუსავატელთა კონტრრევოლუციური საქმიანობის ნიადაგი.

სოციალისტური მშენებლობის გამარჯვებებისათვის პარტიის გენერალური ხაზისა და მისი ნაციონალური პოლიტიკისათვის ბრძოლაში წარმოიშენენ და გამოიზარდნენ მუშაკთა კადრები ამიერ-კავკასიის რესპუბლიკებში. გაიზარდნენ პარტიულ, სამეურნეო, საბჭოთა ხელმძღვანელების კადრები. გაიზარდნენ სამეცნიერო-ტექნიკური ინტელიგენციისა და ჩვენი სამშობლოს შესანიშნავ ადამიანთა — სტახანოველთა კადრები. რომლებიც სოციალისტური მშენებლობის უაღრესად სხვადასხვა უბნებზე სანიმუშო მუშაობის მაგალითებს იძლევიან. ამ კადრების ზრდა ამიერ-კავკასიის რესპუბლიკებში ჩვენი პარტიის ერთერთ ყველაზე დიდ წარმატებას წარმოადგენს.

ამიერ-კავკასიის რესპუბლიკების მიერ მიღწეულმა ყველა ამ უდიდესმა წარმატებამ შექმნა პირობები ამიერ-კავკასიის ფედერაციის ლიკვიდაციისათვის. ამაში მდგომარეობს საბჭოთა სახელმწიფოს დიალექტიკური განვითარების პროცესის კანონზომიერება.

ამიერ-კავკასიის რესპუბლიკათა სამეურნეო-ეკონომიური ურთიერთობანი დღეს აღარ განისაზღვრებიან მარტო ფედერაციის შიგნით არსებულ ურთიერთობებით.

ამიერ-კავკასიის რესპუბლიკებს: საქართველოს, სომხეთს და აზერბეიჯანს, თავიანთი მზარდი მეურნეობის პირობების გამო, ახლა ფართო სამეურნეო კავშირი აქვთ მთელი საბჭოთა კავშირის მრავალ მზარდსთან და რესპუბლიკასთან.

გაფართოვდა და განმტკიცდა საქართველოს, აზერბეიჯანისა და სომხეთის უშუალო კულტურული კავშირიც საბჭოთა კავშირის სხვა რესპუბლიკებთან.

ამიერ-კავკასიის ფედერაციის რესპუბლიკათა ამ პირდაპირი ურთიერთდამოკიდებულების განვითარებამ საბჭოთა კავშირის სხვა რესპუბლიკებთან და მზარდებთან სულ ახალი მდგომარეობა შექმნა თვითეული ამ რესპუბლიკისათვის საბჭოთა კავშირის სისტემაში.

სოციალისტური მშენებლობის გამარჯვებანი ნაციონალურ რესპუბლიკებში ამჟამად პარტიის წინაშე აყენებენ ახალ ამოცანებს ნაციონალური საკითხის დარგში. ნაციონალურ რესპუბლიკებში შექმნილია მრეწველობა, მასში გამოიზარდნენ მუშათა კადრები. რევოლუციამდე ამიერ-კავკასიის მრეწველობასა და სოფლის მეურნეობაში 67.200 კაცი იყო, ხოლო 1936 წლის 1 იანვრისათვის — 312.200 კაცი. ნაციონალური რეს-

პუბლიკათა გლეხობა დღეს საკომუნისტურ წყობილებშია და საბჭოთა ხელისუფლების ერთგული კომუნისტურ გლეხობაა.

ამისდა მიხედვით — პარტიის ნაციონალური პოლიტიკის ამოცანებში იმაში მდგომარეობს, რომ შემდეგშიც განვამტკიცოდ სწორი ნაციონალური ურთიერთობა საბჭოთა კავშირის მშრომელთა (მუშებსა, გლეხებსა და ინტელიგენციის) შორის, რომლებიც გაერთიანებული არიან დიდ საბჭოთა კავშირში შემავალ რესპუბლიკებად და რომლებმაც უკვე მიადწიეს არა მარტო უფლებრივ, არამედ ეკონომიურ თანასწორობასაც.

1931 წლის 31 ოქტომბერს საკ. კ. პ. (ბ) ცენტრალურმა კომიტეტმა აღნიშნა, რომ საკ. კ. პ. (ბ) ა.-კ. სამხარეო კომიტეტმა დაუშვა მეტისმეტ-ცენტრალიზაცია ამიერ-კავკასიის ფედერაციის სამეურნეო და კულტურულ მშენებლობის ხელმძღვანელობაში, რამაც მთელ რიგ დარგებში გამოიწვია რესპუბლიკური ორგანოების გაუპიროვნება.

ამავე გადაწყვეტილებით საკ. კ. პ. (ბ) ცენტრალურმა კომიტეტმა დაავალა ამიერ-კავკასიის პარტიულ ორგანიზაციებს — უზრუნველყოთ ა.-კ. ფედერაციაში შემავალ ნაციონალურ რესპუბლიკათა ფართო თვითმოქმედებისა და სამეურნეო ინიციატივის გაშლა.

ნაციონალურ რესპუბლიკათა თვითმოქმედებისა და სამეურნეო ინიციატივის განვითარების შესახებ საკ. კ. პ. (ბ) ც. კ.-ის ამ მითითებათა შესრულებამ მოაშადა პირობები ამიერ-კავკასიის ფედერაციის ლიკვიდაციის საკითხის დასაყენებლად.

ამიერ-კავკასიის ფედერაციამ დიდი როლი ითამაშა ამიერ-კავკასიის რესპუბლიკების ბრძოლაში სოციალისტური მშენებლობის გამარჯვებებისათვის. მან მთლიანად გადასჭრა მის წინაშე დასახული ყველა ამოცანა, და ამიტომ ა.-კ. ფედერაციის ლიკვიდაცია, რაც დასახულია სსრ კავშირის ახალი კონსტიტუციის პროექტში, წარმოადგენს სავსებით სწორსა და დროულ ნაბიჯს საბჭოთა სოციალისტური სახელმწიფოს შემდგომი მშენებლობის გზაზე.

ზოგიერთი ყოფილ ნაციონალ-უკლონისტებიდან, ერთდროს რომ ა.-კ. ფედერაციის შექმნის წინააღმდეგ იბრძოდა, უარს არ იქნება ახლა ჩუმჩუმად ილაყბოს იმაზე, რომ ისინი — ნაციონალ-უკლონისტები — თითქოს მართალი იყვნენ, რომ წინადადება ა.-კ. ფედერაციის ლიკვიდაციის შესახებ, საკ. კ. პ. (ბ) ცენტრალური კომიტეტის პლენუმისა და სსრ კავშირის ცაკის პრეზიდიუმის მიერ მოწონებული, თითქოს მათი წინანდელი სიმართლის დადასტურებას წარმოადგენდეს.

განა საჭიროა ლაპარაკი იმაზე რომ სრული სისულელე და ანტიპარტიულია ყოფილ ნაციონალ-უკლონისტთა ასეთი ლაყბობა?

როგორც სიანს, ნაციონალურ რესპუბლიკებში სოციალისტური მშენებლობის უდიდეს გამარჯვებათა მთელმა 15 წელმა ამ ხალხს გაუფრთხილ ჩაუარა, და მათ დღემდე არ ესმით არც თავიანთი წინანდელი შეცდომები, არც ის, თუ რა ხდება საბჭოთა კავშირში დღეს. ისინი სცდებოდნენ მაშინ, სცდებიან ახლაც.

ეკვს ვარეშეა დიდმპყრობელური ელემენტებიც შეეცდებიან გამოვიდნენ ხოლმე საკ. კ. პ. (ბ) ცენტრალური კომიტეტის პლენუმის მიერ საბჭოთა კავშირის ახალი კონსტიტუციის შესახებ მიღებულ ამ მსოფლიო-ისტორიულ გადაწყვეტილებათა წინააღმდეგ.

ეკვს ვარეშეა, საბჭოთა ხელისუფლების ყველა დაუძინებელი მტერიც, პირველ რიგში ტროცკისტ-ზინოვიეველთა განადგურებულ ჯგუფების წაშთებიდან, შეეცდებიან გამოიყენონ ახალი კონსტიტუცია თავიანთ კონტრრევოლუციური მიზნებისათვის.

ჩვენს წინაშე დგას ამოცანა საბოლოოდ მოვსპოთ, მიწის პირიდან აღვავოთ სოციალისტური მშენებლობის მტრები, რა ნილაბსაც უნდა ეფარებოდნენ ისინი, და ამ საფუძველზე მივადწიოთ ჩვენი დიდი სოციალისტური სამშობლოს ძლიერებისა და საბჭოთა კავშირის ხალხთა მეგობრობის კიდევ უფრო მეტ განმტკიცებას.

საქართველოს, აზერბეიჯანისა და სომხეთის ბოლშევიკები, და ყველა მშრომელნი უდიდესი ენტუზიაზმით შეხედნენ საკ. კ. პ. (ბ) ცენტრალური კომიტეტის პლენუმის გადაწყვეტილებებს სტალინური კონსტიტუციის შესახებ.

საქართველოს, აზერბეიჯანისა და სომხეთის ბოლშევიკები, რომლებმაც უდიდესი მუშაობა გასწიეს ამიერ-კავკასიის რესპუბლიკებში საბჭოთა ხელისუფლების განმტკიცებისა და ამ რესპუბლიკებში სოციალისტური მშენებლობის გაჩაღებისათვის, რომლებმაც ჩაატარეს ბრძოლა კონტრრევოლუციურ ნაციონალისტურ პარტიებთან, ტროცკიზმთან და ნაციონალ-უკლონიზმთან და დიდ წარმატებებს მიაღწიეს მასების ინტერნაციონალური აღზრდის საქმეში, ამიერ-კავკასიის ხალხებს შორის ურყევი მეგობრობის განმტკიცების საქმეში, — შემდეგშია შეურიგებლად და განუხრებლად იბრძოლებენ ლენინ-სტალინის დიდი საქმისათვის.

ლ.ო. ჭიაბელი

## გვადი ბიგვა

რომანი

VI

შუადღე ჯერ კიდე არ იქნებოდა, როცა გვადი შინ დაბრუნდა. ორთაე თვალგამოტენილი ხურჯინი მშვიდობით მოიტანა. ოფელში გაღვრილიყო და ქოშინით სუნთქავდა.

ბილიკებითა და უგზო ადგილებით ეარნა. ტვირთი იმდენად მძიმე არ იყო, რამდენადაც გაბერილი და დიდი სჩანდა. გზაზე მხოლოდ ერთი საშიშროება შეემთხვა, რამაც ისე დააფრთხო, რომ კინალამ სული გაძვრა... მაგრამ უვნებელი კი გადაარჩა.

ტყე-ტყე რომ მოდიოდა, სრულიად დავიწყებოდა, რომ ორკეთის კოლმეურმეობა დღეს სწორედ ამ ტყის ერთს განაპირა ნაკვეთს სტეხდა და ჰკაფავდა. გვადის ეს ამბავი მეხსიერებიდან ამოვარდნოდა. ტყე გველო თითქმის და იმ ადგილს დაახლოვებოდა. თვალთ რას დაინახავდა ხშირ ტყეში, ხოლო ყური კი არავითარ ხმაურობისთვის არ მოუყრავს. იმის ნიშანწყალიც კი არ სჩანდა, რომ ამოტელა ხალხი აქ სადმე მუშაობდა, ისეთი სიჩუმე იდგა გარშემო. და მოდიოდა გვადი თავის ფიქრებში გართული, რომლებიც დღეს იმდენი დაგროვებოდა, რომ თავს ვერ ართმევდა.

უცებ თითქმის მის ცხვირისწინ რალაცამ საშინლად დაიგრგვინა და როგორც მეხი, ისე გავარდა. კიდევ დაიგრგვინა, კიდევ გავარდა და მთელი ტყე საშინელმა ზანზარმა მოიცვა.

ეს მოხდა ისე მოულოდნელად, ისე უცბად, რომ გვადის კიძლამ გონება ეღძრა. მაგრამ მიხედვით კი მაშინვე მიხედა, თუ სად მოსულიყო. იმწამსვე ხის ძირში პირქვე დაემხო და მიწიდან ამოჩრილ ფესვებს ორივე ხელებით შეეტოტა. პირველი მისი ფიქრი ის იყო, თავს როგორ ვუშველო. მაგრამ თავი უმაღვე დაავიწყდა, როგორც კი ხურჯინი მოავონდა. მაშინვე მხრიდან გადმოიგდო, ნაბადში გახვია და ზედ მთე-



ლი ტანით დააწვა. — აფეთქებას რომ ცოცხალი ვადარჩენო... მხანა-  
გები ხომ მაინც დაინახავდენ. ეს სიკვდილზე არანაკლები სიკვდილება  
იქნებოდა. მაგრამ იმ საშინელებას კი რა შეედრებოდა. როცა საქონელით  
გატენილ ხურჯინს დაუნახავდენ?

არა ისევ ის ურჩევნოდა გვადის, რომ ხურჯინიანად აფეთქებულიყო  
და მისგან ფერფლიც კი არ დარჩენილიყო ქვეყანაზე.

მალლა რომ აიხედა, თვალი შეასწრო: ცის ნაპერზე სქელი მოშავო  
კომლი გართხულიყო და ჰაერში ერთმანეთის მიწყობილად ყირაობდა  
ჯირკვის ნაგლეჯი, მორის ნახეთქი და ხის ნაფლეთი. ცას ჭოლგასავით  
გაშლილი ფხვიერი მიწისა და ფერფლის კორიანტელი შეფენოდა და  
იქიდან თოვლის ფანტელივით მთელ ტყეს თავს ეყრებოდა.

ამდენხანს ძეხორციელის ჭაჭანება რომ არსად იყო, ახლა რამდენიმე  
მხრიდან ყივინა და სტვენა ატყდა. გვადიმ გარკვეულად იცნო გერას  
შეძახება, თოფის ხმასავით ტყეში შემოჭრილი:

— ფრთხილად! სმენა, არ დაიძრეთ საფრებიდან!

და ისევ სიჩუმე დამკვიდრდა.

გერას ბრძანება გვადიმაც თავის თავზე მიიღო. სული განაბა. ხურ-  
ჯინს მთელი სიმძიმით დააწვა და ფესვს უფრო მაგრა მიეკრა.

კიდევ იფეთქა, კიდევ დაჰქუხა და დაიქექა. გვადის საფარი ხეც შე-  
ინძრა. რამდენიმე შემხმარი ფოთოლი გვადის თავს დააცვივდა.

— ვილუბებიო, შეეშინდა გვადის, ამაფეთქეს და ეს არისო. — წა-  
მოხტა. გაუჯვირდა, რომ უვნებელი იყო. ხურჯინი ჩაბლუჯა და ძეორე  
ხეს მიაშურა. ახლა ამას ამოეფარა, მის ბედზე იქვე ახლოს, ცრტა განზე  
დიდი ხრამი იწყებოდა, ისიც ტყით მოსილი. გვადი თავდაყირა გადა-  
ეწვა ამ ხრამში ხურჯინიან-ნაბდიანად და დაგორებულ ჭვასავით ძირს  
დაეჭანა... მერმე შეუჩერებლად სულ ამ ხრამით იარა, სანამ გვერ-  
დის ასაქცევად მოხერხებულ ადგილს არ მიაგნებდა და ამ უბედურებას  
თავს არ დააღწევდა...

გადარჩა. არავეის დაუნახავს.

თავის ეზოში რომ შევიდა, მხოლოდ მაშინ მოითქვა სული და სას-  
ტიკი დაღლილობაც სწორედ მაშინ იგრძნო. მუხლები უკანკალებდენ  
და ფეხებზე ძლივს იდგა. — პირველად კი არ იყო, რომ გვადი არჩი-  
ლის ასეთ დავალებას ასრულებდა, მაგრამ ამნაირი საშინელება არასო-  
დეს გადაწყდომია.

მაინც როგორ მოხდა, რომ უტკუო ბატყვით სწორედ იქ მიბაჯბაჯდა,  
სადაც ყველაზე უფრო მეტი საშიშროება მოელოდა. დილიდანვე ხომ  
ამ ადგილს გაურბოდა და ემალებოდა. ნეტავი რამ აუბნია ასე გზა და  
კვალი?

ეს უთუოდ იმის ბრალია, რომ დილიდანვე არაჩვეულებრივი ნაქმრები შეემთხვა. ჯერ შეილებთან ომის გამართვა მოუხდა იმ წყევული თიკნისათვის. მერმე მარიამის თავდასხმის ძლივს გადაურჩა. მისივე უბედურება იყო შემოუტია, რომ კინალამ ნაჯახით თავი გაუპო. მისივე უბედურება იყო გადაეციდა და...

ბარდლუნხის ხელით მოვლილი, გაზრდილი და ნაპატიები ორი მანდარინის ხის ოქროს ფასად ღირებული, ნადრეველ დამწიფებული ნაყოფი ვიღაც ობრებს მუქთად შეაჭამა... უმღერა კიდეცა და ასიამოვნა... ბოლოს, ნაქურდალი ბარგი ხურჯინში ჩაულაგეს, ზურგზე აკიდეს და გამოისტუმრეს. ბაზარში არც კი გაუვლია, სიტყვა არავისთან დაუძრავს. ბრაზისა და დარდისაგან მთელი გზა მოსვენება არ ჰქონებია. ტყეში კი არა, სწორ გზაზედაც მხარი აეჭკოდა. ოდის ამბავიც კი დაავიწყდა და, აბა, ტყეში რომ მუშაობა იყო გაჩაღებული, საიდას ვაახსენდებოდა?

ახლა ხუგეშად ისღა დარჩენია გვადის, რომ ბარგის წამოღებისათვის არჩილი კარგად დაასაჩუქრებს, და ამით, იქნება, აინაზღაუროს ის, რაც დაკარგა. რა თქმა უნდა, უბრალო ბარგი რომ იყოს, მისი ზიდვა იმდენი არ ელირება. მაგრამ ნაქურდალის ჩამოტანა სულ სხვაა. თუ მეტად არა, ერთიორად მაინც ხომ უნდა დაფასდეს. აბა, გაბედოს არჩილმა წინანდებულად ახლაც რაღაც გროში მიუგდოს გვადის! ამაზე გვალი არამც და არამც არ დაყაბულდება...

ჯარგვალი გამოკეტილი დახვდა გვადის და ეზო ცარიელი. არც ბაღების ხმა ისმოდა, არც თხისა და მისი თიკნის. ლეკვი ბუთქიას ჭაჭანებაც კი არსად იყო.

ეს ლეკვი მაინც სად გადაიკარგა?

გულჩახვეული, უბედური სახე ჰქონდა ჯარგვალს. ცოცხალივით ნაღვლიანად შემოსცქეროდა გვადის. ეზოც უსიცოცხლო, გატიღებული გამოიყურებოდა. ორთავე მძიმე ღუმილს მოეცევა...

ბაღების ჯავრი არ ჰქონდა გვადის. მათი ამბავი იცოდა და არ აწუხებდა. სამი სკოლაში ეგულებოდა, ორი — საბავშვო ბაღში. თიკნის ჯავრი კი გულში ჩარჩენოდა. ეზო რომ შეათვალე, ერთხელ კიდევ მოაგონდა თიკანი.

— რომ არ სჩანს, ალბათ, სახლს ვერ მოაგნო და დაიკარგაო, ვიფიქრა.

თიკანიც როგორ დაღუპა!

ფარდულში შევიდა. მოიკეცა და კართან ძირს მიწაზე ჩამოჯდა. ზღრჯინიანი ზურგით ზღურბლს მიეყრდნო. მოეშვა... ტანს დასვენება ემა.

ჰე, მგონი, სიბერემაც უწია გვადის.

გაინაბა და გარინდდა. ფიქრისაგანაც უნდოდა დაეხეუნებინა გული დაეხსნა შფოთიან წუხილისაგან. წინა ეზოს გასცქეროდა. გაძარცულ, უფოთლო ხურმის ხეს შეჰყურებდა, რომელიც ჯარჯვლის წინ იდგა. ტანს ვენახი შემოკვროდა, ისიც გაძარცული იყო. ყურისწინასთვის და-მწიფება არც კი ეცლიათ, ისე გაენადგურებიათ ბალღებს. სულ კენწე-როზე მოსხმული კი ჩიტებს გაეჩანაგებიათ. მაგრამ ამ საცოდავ ჩიტებზე, მაინცადამაინც ცუდი რა ეთქმის გვადის. ჩიტები ხომ ყოველ ეზოში არიან. უნდა იყვნენ კიდევაც. უჩიტობა ღმერთმა ნუ ქნას. შესჭამეს ყურძენი, მაგრამ სამაგიეროდ ბევრიც იელურტულეს. ეს ხომ რამედ ღირდა! გვადი ყოველთვის სიამოვნებით უგდებდა მათ ყურს.

მაგრამ ამ ჩიტების მოგონებაზე სხვა რამეც გაახსენდა გვადის, მე-ტად არა სასიამოვნო და ჯავრის მომგვრელი. ეს ის იყო, გვადის ეზოს რომ ერთი შეჩვენებული ძერა შემოეჩვია. არც ერთი წიწილა არ გაუშვა მის ეზოში ცოცხალი. დედალ-ქათამსაც კი უპირებდა მოტაცებას ის ყაჩალი. უთუოდ მოიტაცებდა, მაგრამ გვადიმ დროზე დაასწრო და თვი-თონ დაკლა.

ის ძერა დიდი იყო. საიღამაც გადმოხვეწილი უნდა ყოფილიყო. აჭაურს არ ჰგავდა. მუჭი ნაცრისფერი იყო. გვერდიდან გვერდზე წვე-ბოდა და ისე დადიოდა მედიდური გამომეტყველებით. კაუჭა ნისკარტი ყოველთვის ოდნავ ღია და მომარჯვებული დაჰქონდა, რკინის რაზას მოუგავდა. გვადის ეზოში შინაურივით დასეირნობდა, ჩუმი, უხმო და კულჩათხრობილი. ზედისწერას რასმე ჰგავდა წვეული. ბოლო დროს ისე გაკადნიერდა, რომ აღარავისი რიდი არ ჰქონდა: უკანასკნელი წი-წილი რომ შესჭამა, არ სჯეროდა რომ ის უკანასკნელი იყო, კიდევ სხვებს ეძებდა. ფარდულს თვალს არ ამოკრებდა. მერმე თვითონ დედა-ლი ამოიღო ნიშანში. ხოლო დედლის დაკვლის შემდეგ ისე გათავ-ხედდა, რომ ჯარჯვლის კარსაც კი მოადგებოდა და შიგ ირიბად მოჭყუ-ული ცალი თვალთ იჭვრიტებოდა: ეგონა, მიმალავენო. ბნელში რომ ნაკვერცხალი გამოაშუქებს, მზეზედაც ისე უნათებდა თვალი.

ჰეე, ძერას სათარეშო მას შემდეგ გახდა გვადის ეზო, რაც მისი ცო-ლი ალათია გარდაიცვალა. რამდენი ქათამი, იხვი და ბატი ჰყავდა მოვ-ლილი იმ საწყაალს ამ პატარა ეზოში. მოკვდა თუ არა ალათია, ქათამიც გაჰქრა, იხვიც და ბატიც.

ქირიშია ერთი წლის თუ იქნებოდა, როცა ალათიამ სული ვანუტევა-უქნაურად მოკვდა ის უბედური. ერთხანს იავადმყოფა და მერმე წყა-ლი შეუდგა ტანში. ვასივდა და გაიბერა, ისე გაიბერა, რომ ლოგინზე აღარ ეტეოდა. საოცარი რამე იყო.

— ხო-ხო-ხო, მტრისას, რაც იმას სჭირდა!

არც ცხვირი უჩნდა და არც თვალეები, როცა სიმსივნე მოერია. მათ მაგიერ პატარ-პატარა ნახერცტები აჩნდა აფუებულ ცომივით შემრგვა-

ლებულ სახეზე. ენას ვერ სძრავდა, ოღონდ ხანდახან დაიფურცუნებდა ხოლმე დასიცხულ ცხვარივით და მაშინაც პირიდან მყრალი წყლი წამოსქდებოდა ნალველისფერი.

— ტყირპისგან თუ გაუჩნდა, აბა რა იყო ამისთანა საცოდობა! ჰმ... ბედი. უბედური კაცის ბედი! მაინცადამაინც რაღა გვადის ცოლს დაემართა ასეთი საშინელი ქირი, — ხუთი შვილის დედას, რომელთაგან ოთხს ჯერ რძე არ შეშრობიათ ტუჩებზე. ცოცხალი რომ ყოფილიყო ის უბანო ახლა მარიამის ხნის იქნებოდა, მეტის კი არა... მარიამი ცოცხალია, იმ საწყლის მძორიც კი არ იქნება დარჩენილი, მიწა და მატლი შესქამდა.

დაუშავდებოდა ვითომ რაიმე განგებას, მარიამის ჯანი და სიმრთელე აღათიასაც რომ გამოყოლოდა? — იტყვიან კიდევ, ღმერთი არისო, სამართალი არსებობსო...

— ფუი იმას, ვინც ამას ამბობს. — ხელისჩაქნევით წარმოსთქვა გვადიამ და გადააფურთხა.

ზღურბლზე ზურგით მიწოლილმა ნაბდის შესაკრავი შეიხსნა. ნაბადიც და ხურჯინიც იქვე დასტოვა, სადაც იჯდა და თავად წამოდგა. ჯარგვლის კარს მიაშურა გასაღებად. ის იყო ურდულს მიწვდა თუ არა მისი ყურთასმენა რაღაც ხმაურობამ გაიტაცა, რომელიც ჯარგვლის უკანა მხრიდან ისმოდა და უცნაურ რასმე ხუნტრუცს მოაგონებდა. აქამდისაც უთუოდ ესმოდა იგი გვადის, მაგრამ, ალბათ, მის ცნობიერებას არ სცალოდა ასეთ რამისთვის და გულისყური არ უთხოვებია. მიაყურა. ის ხუნტრუცი ხან უცბად შესწყდებოდა, ხან კიდევ სხვადასხვა ადგილს ატყდებოდა, ხოლო ჯარგვლის უკანა არეს არ სცილდებოდა.

მაღე თითქოს ცხენი შემოაჭენესო, თქარათქურის ხმა გაისმა. თქარათქურს ლეკვის ყეფა და წკავეწკავე მოჰყვა. მოტრიალდა თუ არა გვალი, ფარდულში უცებ ზიკანი შემოიჭრა, თოკი ლეკურივით გვერდზე აკიდებულნი. თიკანს ენაგადმოვდებული ბუთქია მოსდევდა დასაჭერად. გვადის მოულოდნელ დანახვაზე თიკანი შეოცებით შესდგა, კისერი რაშვივით მომართა და გვადის ფეხების ბაკუნით შეაცქერდა.

— შენ აქ საიდან გაჩნდიო, ვითომ გაკვირვებით შეეკითხა და ერთბაშად შეხტა ცალგვერდმოჭყეულად. მერმე შეიკუნტრულა და ისევ ეზოში გაეფარდა. ბუთქია კი ყეფით მიეფარდა გვადის; ვითომ სთხოვა მოწყვი, დამაჭერიწე ეს ეშმაკიო. მაგრამ პასუხისათვის არ დაუტღია, გვერდი აუქცია და წკავეწკავეთ ისევ თიკანს გამოუღდა.

გვადის გაოცება და სიხარული უსაზღვრო იყო. ურდულს ხელი უშვა და ეზოში გაეფარდა. ორივე ხელი წინ გააშვირა და აღტაცებით შესძახა:

— ქირიმე! ქირიმე! ქირიმე! — და თიკანს კვალდაკვალ მიჰყვა. მოულოდნელი სიხარულისაგან ყელი ისე შეეკროდა, რომ ქირიმეს მეტს სხვა სიტყვას ვერ ამბობდა.

თუაზოში შესდგა. პირველი აღტაცება რომ დაუცხრა, თოკანს ვასძახა:

— მოდი, შევრიგდეთ, არაფერს გერჩი, ხატი, რჯულს ჩემსს უჭერო ქვეიანი ყოფილხარ და რა ნება მაქვს ვაგიწყუე. ჩემთვის რომ დაგეგე-რებია, ალბათ, მანდარინების ბედსა ვწევდი და ახლა აქ არ იქნებოდი! თოკიც კი არ დაგიკარგავსო!

მაგრამ თოკანი ისე ერთბაშად გაქრა, როგორც გამოჩნდა. გვადიმ ხე-რიანად თვალის შევლებაც კი ვერ მოასწრო.

დაავიწყდა გვადის, რაც დღეს ქირი გადახდა.

— ინავარდე სადაც გინდოდესო, ნებაზე მოუშვა თოკანი და ისევ ჯარგელის კარს დაუბრუნდა. ურდული აჰყარა, საიდუმლო საკეტი ახსნა და ხურჯინი ნაბდიაანად სახლში შეათრია. გვადის საზრუნავი ახლა ის იყო, რომ ხურჯინი, სადმე მოხერხებულ ადგილას დაემალა დაღამებამდე. ეშინოდა, ბალებმა არ შენიშნონო. ისევ სხვენზე ატანა გადასწყვიტა. ეს ადგილი დაცდილი ჰქონდა. ლოგინზე შესდგა და დიდი ქინთვითა და გაქირვებით ხურჯინი სხვენზე შეაგდო. მერმე ქვემოდან რომ ახედა მოეწონა, კარგად არის დაცულიო, და პატრონს ერთი-ოთი ისე მაგრად შეუტურთხა, რომ თვითონაც კი შერცხვა. მაშინ თავისავე თავს თითი დაუქნია და ვასაფრთხილებლად მიმართა:

— უარესს ღირსი ხარ! შემნახველიც ქურდიაო, ხომ ვაგიგონია! რას მენახები თუ იცი?

ქვარტლიან კედელზე ბნელში ხელი გააფათურა, ძველი ყაბალახი ჩამოიღო. გაფერთხა და წელზე ქამარს ზემოდ მაგრად შემოიკრა. წვე-ტები ზურგს უკან გამოუნასკვა. მერმე კუთხეში მიგდებული წალდი აიღო და გარედ გამოვიდა.

ჯარგელის კარს ისევ ურდული გაუყარა, ისევ საიდუმლოდ ჩაკეტა. წალდი ილიაში ამოიჩარა და ტყისკენ გზას გაუღდა.

## VII

ვასაკაფავად დანიშნული ტყის სანაპირო გამოფერდილ ადგილს წარმოადგენდა ორკეთის გორების ტყიანი კალთების ძირში ნახევარ კუნძულივით გაწოლილს და სამხრეთის ცისკენ პირშებრუნებულსა. წინ ოდნავ დაქანებული მინდორი ედგა, რომელიც ძირს გაშლილი სოფლის შუაგულით, მთებისკენ მოლაშქრე ჯარივით მწყობრად დაძრულ ჩაის ბალებს ეღობებოდა.

თავის მდებარეობითა და სილამაზით ეს ტყის მიდამო ორკეთის თვალად ჩაითვლებოდა. სოფელსაც თავისი ზრდის გეზი აქეთკენ ჰქონდა აღე-ბოლი. ბალებთან ერთად მოსახლეობაც აქეთ მოისწრაფოდა. სოფლის გზები და ბილიკები ამ მინდორზე იყრიდნენ თავს და აქედან ოთხივ კუთხით იფანტებოდნენ.



ამავე ადგილიდან იშლებოდნენ ორკეთის თვალწარმტაცი შორეული პორიზომტები, რომლებიც წრის სწორი ხაზით მას გარს შემოვლებოდნენ. უფრო მეტ წილად ეს ხაზი შორი მთების მუდამ თანდათან მიპყვებოდა, აღმასის მძივივით ლურჯსა და მუქ ფერებში ჩაქდობილს. მხოლოდ დასავლეთის მხრით იგი ძირს დაშვებულ ცის არშიას ჩაქოვებოდა, რომლის ლივლივში დროდადრო უჩინარი ზღვის თვალის კამკაძი სასწაულივით გამოჩნდებოდა და ორკეთს თავს გადაეცლებოდა.

ტყე ძველი იყო. შიგადაშიგ ხშირი. განაპირებზე — მეჩხარი. კომპიტი და რცხილა სპარბობდა. აქა-იქ მუხანარევიც იყო.

კოლმეურხეობის თავმჯდომარეს გერას წინასწარ ზუსტად დაეგგმა გასაჩხები ადგილი. საშენებლად გამოსადეგი მუხა და კომპიტი აღერიცხა, თითოეული ხე დაენიშნა, რომ მჭრელები განსაკუთრებული სიფრთხილით მოპყრობოდნენ.


მუშაობა აქაც ბრიგადებს შორის იყო განაწილებული. ერთი რომ სჭრიდა და კაფავდა, მეორე სხლავდა და მორებად-ხერხავდა, მესამე კი მინდორზე ეზიდებოდა და იქ აწყობდა. თუ დიდი ხე იყო ხარებს შეაბამდნენ, დანარჩენს ხელით მიაგორებდნენ. ფიჩხებს, გამოუდევარ ნაფლეთებს იქვე აგროვებდნენ და სწევადნენ. თითონ გერა მიწაში ჩარჩენილ ძირებისა და კუნძების აფეთქებას ხელმძღვანელობდა.

შუალამემდე ჭრა და აფეთქება მოესრულებიათ, რაც ამ დღისთვის იყო ნავარაუდები. დღის ბოლომდე მოჭრილი ტყის გასხვლა, მორებად დახრება და მინდორზე გადაზიდვა უნდა მოესწროთ.

რამდენსამე ადგილას კოცონი ენდო, ფიჩხი და ნარჩენი იწოდა. როგორც ახო ისე ტყე სქელ კომლს დაებურა.

შინიდან წამოსული გვადი ამ ადგილს ახლაც ტყის მხრიდან მიუახლოვდა. ტყეში შეიმალა და იქიდან დაუწყო ახოს თვალიერება. აზრად ჰქონდა, სანამ გამოცხადდებოდა, იქაურობა კარგად დაეზვერა. გერას შიში და რიდი ჰქონდა. არ უნდოდა ასე დაგვიანებული პირისპირ შეჩხებოდა. გულში ფიჭობდა, ტყიდან ახლობლები და მოკეთებები დაენახა, მერმე შეუშინველად მათთან მისულიყო, ეთხოვა, რომ არ გაეცათ და ისე დაეწყო მუშაობა, როგორც დიდი ხნის მოსულს. მაგრამ ტყეს ისეთი შავი კომლი შემორტყმოდა, რომ გვადი ახოზე მომუშავე ადამიანებს ვერ არჩევდა. რამდენჯერმე გამოიცივალა საფარი. სხვადასხვა მხრიდან მიუდგა ახოს, მაგრამ ნიავს სულ ტყისკენ მოჰქონდა კომლის ღრუბლები და გვადი ყოველთვის გაწბილებული რჩებოდა.

ერთხანს შემდეგ ვადასწყვიტა წინ წაწეულიყო. კომლი იფარა და ახოზე გასვლა გაბედა. მაგრამ როგორც კი ტყეს მოშორდა, წინ რაღამაც შეზილით ჩაუჭროლა. კომლიანი პეტი ერთბაშად შესწრა ტალღებად შეჭრა და გვადის ისე მძლავრად შეხვდა, რომ ახოვით ბუნდლივით მოიტაცა. გვადიმ პირი ისევე ტყისკენ დაეხრებოდა, ვინც



მოცულაც კი ვერ მოასწრო, რომ ახლა ვილაც დაეჯახა, ხელი ~~აქცო~~ და მედგრად შეაძახა:

— გზა, გზა, ამხანაგო! ბრმა ხომ არა ხარ, რომ წინ მიწოდებო-  
გვადი ხმას როგორ ამოიღებდა. იცნო ვისთანაც ჰქონდა საქმე. გა-  
ქცევა დააპირა, მაგრამ ამ დროს ქარმა იმ ადგილს კომლის ფარდა  
შეაფხრიწა და ნაფლეთები განზე გაჰყარა. ადგილი გაშიშვლდა. გვალი  
და ის ვილაცა პირისპირ შერჩნენ ერთმანეთს,

გვადის წინ ბრიგადირი ზოსიმე იდგა, ცალგვერდით მისკენ მობრუნ-  
ებული. კომლით და მიწით შებურული სახე ოფლის ლარებს დაეხეთქა.  
შუბლი წითელ ნარმით წაეკრა და ხელში უშველებელი ოლოკეტი დაე-  
ქირა. გვალი რომ იცნო, გაწითლებული თვალები შეანათა და გაკვირე-  
ბით შეაშტერდა. დაბალ ტანზე ჯირკვივით წამოგებული, განიერი და  
სქელი მხარბეჭი შეათამაშა და ერთი ომახიანად შეჰკიჟინა. მერმე უცებ  
ხმა დაუშვა და თითქოს თავისთვის ჩაილაპარაკაო, ისე გრძლად გააბა:

— აქეთ სად ყოფილა, ეს ლობემძვრალა?

— რომ გაგეტანე, ზოსიმე, ჩემს ობლებს რა პასუხს მისცემდი? —  
აღერსიანად შეეკითხა გვალი ბრიგადირს და მთელი სახით ისე დაეჯღა-  
მა, თითქოს მისი ნახვა გაუხარდაო.

— შენზე უკეთ მოვეუვლიდით... მაშ რა გგონია!.. აქ რას აკეთებ? —  
შეუტია ზოსიმემ.

— რასაც სხვები აკეთებენ, ჭირიმე, მაგრამ შენს მორს კინალამ მოე-  
ყევი, რომ არ შემარჯვნა.

მორის ხსენებაზე ზოსიმე ისევ თავის დაგორებულ ხისკენ მიტრიალ-  
და. გახედა. რაკი დარწმუნდა, რომ მორი დაქანებულზე დაუხმარებ-  
ლად მიგორავდა, მისკენ ოლოკეტი გააშვირა და გვადის მოკლედ ეს-  
როლა.

— მიჰყევი მინდვრამდე! — და თავად უკან გაბრუნდა.

გვადის ამის მეტი არა უნდოდა რა. ისე მოჰკურცხლა ზოსიმეს ხისკენ,  
რომ თავისი ტყირპიანი მუცელიც კი დაავიწყდა. მაგრამ სანამ გვადი  
დაეწეოდა, მორი ახოს შუაადგილას ჩალაცას წამოედვა და დადგა.  
იქვე ახლოს უღელი ხარი ვეება ხეს მიათრევდა. ხარებს რამოდენიმე  
კაცი მიშველებოდა. ზოსიმეს ხეს დადევნებული გვადის დანახვაზე ხა-  
რის მშველელნი მისკენ მობრუნდნენ და ერთხმად შესძახეს:

— ეს რა ამბავია! შეხედეთ, გვალი რა ვეება მუხას მოაგორებს! ყო-  
ჩალ, გვალი!

გვადიმ კარგად გაიგონა ეს შეძახილი და თავიც მოიწონა. რაც კი  
მუხლებში ძალა გააჩნდა, არ დაუზოგავს, ისე გამოიქცა მორისკენ და  
ხედ მთელი ტანით დაეძგრა, რომ ადგილიდან დაეძრა. ისე მოუვიდა,  
რომ დაძგერება ცალ კიდეზე მოუხვდა. მორი განზე მოიქცა, აღმაცერად  
და ისე გადაგორდა. გვადის ზედ ხელები აუსხლტა და განზე გასროლი-

ლი დარჩა. თავი ვერ შეიკავა. ჯერ პაერში შეტრიალდა ბურთოვით და მერმე მიწაზე დაენარცხა. ბრაგვანის ხმა და გვადის დაგმინება მთელი ანოს გადაწვდა.

მუშებში სიცილი ატყდა. ვილაკამ გადაიხარხარა კიდევაც. შეაყენებ ხარები. სიცილ-ხარხარის გავონებაზე ამით კიდევ სხვები მოემატნენ და მიწაზე დამხობილი გვადის გარშემო ხალხი კარგა ბლომად შექუჩდა. სიცილი ყველას გადაედვა. სიცილს ოხუნჯობაც დაერთო.

გვადიმ მძიმედ წამოსწია თავი. სიცილი და ოხუნჯობა რომ გაიგონა, მიმოიხედა. ტანი მოიმარჯვა და მკლავებზე ცალგვერდით დაეყრდნო.

— იცინეთ, ძმებო! — ცრემლიანი ხმით მიმართა მან ხალხს. — იცინეთ! ჯანი მოგკათ ღმერთმა და ხალისი. მე რა? დღე და ღამე ხუთი ლევკი მწოვს და ტყირპისაგან სისხლი მაქვს გამშრალი... აღარ შემძლია. პა, ამას თქვენც ხედავთ და ისაა... იცინეთ, ჭირიმე!..

უცებ შესწყდა სიცილი და მძიმე სიჩუმე ჩამოვარდა. მოიღუშენ შემურული ოფლიანი სახეები.

წრეში ზოსიმე და გერა შემოვარდნენ.

— ზედ შეაკვდა მეთქი კი არ მითქვამს, შე კაი კაცო! — პირველად ზოსიმე მიუახლოვდა და თანაგრძნობიანი საყვედურით მიმართა გვადისს — მერმე, როცა დახედა და დაინახა, რომ გვადის დიდი გასაკვირი არ ჰქონდა, გაუხარდა და თავისებური მშუქარე ხმით შესძახა:

— ჰაიტ, შე გლახა შენა. წამოდექი! ეაეკაცი არა ხარ?

გერა ცოტა მოშორებით იდგა. სახეზე უნებლიე შიში გამოხატოდა და ისე დასცქეროდა გვადისს. როცა გვადიმ გამოკვლევტილი თვალები გაუსწორა, შიშის მაგიერ უნებლიედვე სახეზე ღიმილი აუთამაშდა.

— შეგეშინდა, გვადი? არაფერი... არა გიშავს რა! — უთხრა, მიუახლოვდა, წაკაპიწებული მარჯვენა მკლავი გაშალა, ფართოთ მოიქნია და გვადის წამოსაყენებლად ხელი გაუწოდა.

— ადექი! აქ არც კი მეგულეობდი, ზარმაცო! მითხრეს დობტურთან არისო.

— დობტურთან ხომ არ დავალამებდი, ჭირიმე... მაინცადამაინც კი არ დამგვიანებია! — უპასუხა ჩქარი წართქმით გვადიმ და გერას გამოწვედილი ხელი მაგრად ჩაბლუჯა. გერამ აიჭნია, და გვადიც ფოთოლივით აყუდა მის ჯაჭვისკუნთებიან მკლავს.

— დადევ, გაიმართე! — ფეხზე დააყენა გვადი გერამ და შესათამამებლად ხელი მხარზე დაჰკრა.

გვადი წელში მაინც ვერ გაიმართა. ცალი ხელი ტყირპზე მიედვა, ცალი წელისთვის შეეყენებია და ტანი ისე შეემავრებინა. დაიმანჭა და ჩვეულებრივ ოხუნჯურ კილოზე მიმართა გერას:

— მითხრეს: გერა ვითომ ოდას გიშენებსო, ჭირიმე, და თავი, ალბათ, მდევად წარმოვიდგინე, რომ ამხელა ხეს დავეტაკე.



გვადის სიტყვებმა, როგორც ქარმა ნისლი, ისე გაქვანტერ ქაშუების წუთილიანი მღუსტარება. ყველას გულზე მოეშვა, რომ გვალი მარცხს ასე ადვილად გადაჩჩა.

ისევ გაისმა სიცილი და ოხუნჯობა. მაგრამ კოლექტიური უცარმა აყივლებამ ყველას ხმა დაფარა.

— ეუბოში რომ იწვევს, მაგისი ენა მაინც ბურთივით ითამაშებს პირში! ოჰ, კარგად სთქვი, რაცა სთქვი ასე უნდა! აფერუმ შენს საქმეს, ჩემო გვადი! — წვრილი გამყივანი ხმით შესძახა მან გვადის და მერე ისე გულიანად გადიკისკისა, თითქოს მთელ იმ არეზე ფერადი კენჭები მიმოაბნიაო. იგი ცოტა განზე გამდგარიყო მარტო, ტანდაბალი და ძველი ვაზის ძირივით დაღრაენილი, მხარზე გრძელტარიანი წალდი გაედვა და პირში ყალიონი გამოეჩარა. ჭალარა თმა თავზე ჩირგვივით ადგა, ხოლო თამბაქოს კომლით შეყვითლებული და სიცხით მომწვარ ბალახს დამზგავებული წვერულვაში ისე უბურჭვდა მთელ პირისახეს, რომ ნისკარტივით წაგრძელებული ცხვირი და ჭრელი თვალიღა მოუჩნდა. ძალიან ჰგავდა ჩხიკვს.

გვადის არ უნდოდა უპახუხოდ დაეტოვებია ონისეს სიტყვები, მაგრამ ბრიგადირმა ზოსიმემ დაასწრო და ონისეს შეესიტყვა:

— მაშ, მოდი, ონისე! ენის თამაში ისევ გვადის დაუთმოთ, ჩვენ კი ეს მუხა გადავაგოროთ! აბა, პა, მხარი-მხარს, ბიჭებო! — მოუწოდა მან იქ მდგომთაც და მორს თავისი ოლოკეტი ამოსდვა. ზოსიმეს ყველანი მიეშველენ. ონისემაც არ დააყოვნა და ბრიგადირს გვერდში ამოუდგა.

გვადის მარცხის ადგილას მალე გერა და გვადი და დარჩნენ. გერამ ერთხელ კიდევ შეათვალიერა გვადი თავით ფეხამდე და უთხრა:

— შენ ცოტა დაისვენე ახლა, გვადი. შიში მალე გაგივლის! — შერმე ხმას აუწია, რომ დაშორებულებსაც გაეგონა მისი სიტყვები და განაგრძო: — რაც შეეხება ოდას, ჩემო გვადი, ნუ გგონია, რომ კოლექტივი მას შენ გიშენებს... არ დაგიმსახურებია, ამხანაგო. ბარდლუნის და მის ძმებს დაუმაღლე. სახლი მათი იქნება!

გვადიმ შეუძლებლად დაინახა გაჩუმება. ისიც დიდი დათმობა იყო, ონისეს და ზოსიმეს რომ გაუჩუმდა. ახლა გვადიმაც ყველას გასაგონად მიმართა გერას:

— ცდები, ქირიმე, არ დაგიმსახურებიაო რომ ამბობ. მეტიც მაქვს დამსახურებული... ოდა რაა? ხუთ ვაეკაცს რომ ვუხრდი სახელმწიფოს. ეს არაფერია? ხუთ დამკვრელ ვაეკაცს? აბა, ერთი ჩემიც იანგარიშე შენის ანგარიში რომ ისე გიყვარს... ვერა, ერთი ოდით ჩემი ვაზლიდან ვერ ამოხვალ, ქირიმე.

ონისე უცებ ჩამორჩა ხის დამგორებლებს. ნისკარტი გვადისკენ შემოატრიალა და ახლაც მადიანად გადიკისკისა.



— ჰო, ჰო, ასე მეზობელო! ღონე თუ არა, ენა ზომ მოგცა გამორნმა. ჩემო ბიძია. შენ ახლა ზრდი შენს ლეკვებს, მე კი ხუთი ვეფხვი უნდა დია, მაგრამ ჩემთვის ფაცხაც კი არავის დაუდგამს! მაშ...

— მაშინ ძველი დრო იყო, ონისე. ახლა კი სხვა ამბავია. მაგრამ რაკი დაზრდილან, შეეკაცო, ის შენი ვეფხვები, დახმარებაც აღარ გინდა. ოდასაც დაგიდგამენ და ქარავასლასაც! საქმე დაზრდაა! — არ შეარჩინა გვადიმ ონისეს სიტყვა.

გვადის სიტყვებს ვაშას ძახილით შეხედა ზოსიმეს ბრივადა. ენაწაბორძიკებულ ონისეს პესუხის ვაცემა აღარ დააცლეს. მორზე ახალ-ხალისით მიტანილი იერიშში ჩაითრიეს და გვადისთან უსწორო პაექრობას მოსწყვიტეს.

### VIII

ის მუხის მორი მაინც ჭირვეული რამე გამოდგა. მინდვრის ცოტა ზემოთ, დაღმართზე, მგორებლებს ხელიდან გაექცა და ახლა ძირს თავად დაქანდა ლიწინით. ბრივადის წვერებმა პირველად იგი ნებაზე მიუშვეს იმ იმედით, რომ მინდვრის მანც ვერ ასცდებოდა. მაგრამ რა დაინახეს, რომ მინდვრი პახვალას მორეკილი ნახირით მოფენილიყო, და რამოდენიმე ძროხა ახოსცენაც გამოჰყოლოდა ბალახს. დაქანებული ხის პირდაპირ, ყივინა მორთეს. პახვალას უხმეს, მაგრამ იგი არსად სჩანდა. მაშინ მორს კვალდაკვალ გამოუდგნენ. ახოს სხვა ადგილებიდანაც ასტეხეს განგავში, რომ ძროხები დაეფრთხოთ. მაგრამ მორმა დათქმულივით სწორეთ დროზე აუქცია გვერდი ძროხებს და ხელმარჯვნივ ხრამისკენ გაგორდა. ხრამის ნაპირზე მტვერი ბრდღენით პაერში აჰყარა, მიწას მოწყდა და ბზრიალასავით შუეილიანი ტრიალით შიგ ხრამში აკი გადაეშვა.

ზოსიმე და მისი ბჭები მორს აქაც კვალდაკვალ მოჰყვნენ.

მაგრამ ხრამიდან ხის ამოზიდვა არც ისე იოლი აღმოჩნდა. აღმართზე მას ძვრაც კი ვერ უყვეს. სხვა გზა არ იყო, ხარები უნდა მოეშველე-ბათ.

ხრამში ერთი ტანმორჩილი ნიკორა კამეჩი ჩასულიყო, კიდეს მიდგომოდა და ისე გართულიყო ბალახის ძებნით, რომ არც მორს აქცევდა ყურადღებას და არც მის გარშემო ჭირში მყოფ ხალხს.

ის დრო იყო, როცა ბიჭები ხარების მოსაყვანად უნდა გაქცეულიყვნენ, რომ ზოსიმემ ძალაუნებურად თვალი შეავლო მის გვერდით მობალახე კამეჩს. უცებ მოულოდნელმა აზრმა გაჰკრა თავში. კამეჩისაკენ ნაბიჯი გადადგა და ახლა გულმოდგინედ შეათვალიერა.

— ცოტა მოიცადეთ, ამხანაგებო! — ხელის საიდუმლო ნიშნებით ვასძახა მან-ხარების მოსაყვანად გამზადებულ უმაწვილებს. მერმე ონისესკენ მობრუნდა:

— ონისე, თუ არ ვცდები ეს კამეჩი გოჩას ნიკორა უნდა იყოს! ა? შენ რას იტყვი?

— ნამდვილად მისია! — დაუდასტურეს ზოსიმეს მისივე სიტყვებისგან ერთად სხვებმაც.

სულ ერთი წამით გაჩუმდა ზოსიმე. მერე უცებ ფარული ბრაზის მზილებელი ხმით წარმოსთქვა:

— მერედა, ეს გოჩა შავ სამუშაოს რომ გაურბის და ჩვენ კი ზურგზე ტყავი გვეძვრება, ვითომ რა იქნება, ეს ხე რომ მის კამეჩს მინდორზე ავაზიდვინოთ!

ამხანაგებმა აზრი მოუწონეს ბრივადირს. ამით წაქეზებულმა ზოსიმემ ახლა განკარგულებაც კი ვასცა:

— მაშ ივარგეთ, ბიჭებო! შეაბით თოკი და ბარემ მოვრჩეთ ამ ტიალხეს, ისედაც ბევრი დრო წაგეგართვა!

არ ვასულა ხანი, რომ გოჩა სალანდიას ნიკორამ მორი ხრამის თავზე ამოათრია.

ხრამიდან ამოსვლისთანავე ზოსიმემ თვალი მოჰკრა, რომ მინდორზე დაწყობილ მთრების ერთ-ერთ ყორეს ვილაც კაცი მისდგომოდა, გადასადევნული ცხენი ზურგს უკან მიეყენებია და წინ გაშვერილი მათრახის ტარით ხეებს სათითაოდ ითვლიდა. რომ დააკვირდა, იცნო არჩილ ფორია.

კამეჩშებმული ხის გარშემო თავმოყრილ მუშების ხმაურობაზე ფორია ხრამისკენ შემოტრიალდა და, დაინახა თუ არა ზოსიმე, შორიდან შესძახა:

— ბარაქალა, ამხანაგო ზოსიმე! ყოჩაღ მედაჩემმა ღმერთმა! არ მოველოდი სწორედ, იმდენი გიმუშავნიათ! — ყორეს თავი დაანება და მისკენ წამოვიდა. გადასადევნული ცხენი ნასწავლივით უკან გამოჰყვა მოკლე ნაბიჯის ფრთხილი ღვითთა და საგანგებოდ კისერმომართული.

— ამხანაგებს გამარჯობა! — მიესალმა ფორია მუშებს და დიდოსაგზნებით წარმოსთქვა: — აშენდა სწორედ ორკეთი და ისაა! ან სად იყო, კაცო, ამხელა შუხა და კობიტი: თითოდან მთელი სახლი გამოიქრება. ბარაქალა სწორედ, ბარაქალა! — მერმე ხმას დაუკლო და ბოდაშვიანი ფრთხილი საყვედურით განაგრძო: — ერთი ჩემი სამდურავი მაინც უნდა ვითხრათ, ამხანაგებო. მორები თანაბარ სიგრძეზე არ დაუხერხიან და ეს ჩემს ქარბანას ზედმეტად დატვირთავს. გერასაც კი ვთხოვე, რომ თვალყური...

და უცებ, თითქოს ენა მუცელში ჩაუფარდაო, პირზე სიტყვა შეაწყდა და ქვედა ტუჩს კბილები დააჭდო. თვალების უცნაური ახამხამებით როგორც რასმე მოჩვენებას, ისე შეაშტერდა ხეში შებმულ გოჩას ნიკორას. მაგრამ უშალვე იგრძნო, რომ ვაკვირება მეტრისმეტად გამოაშკარავებული დაურჩა. იმასაც მიხვდა რომ მისი დამალვა უკვე აღარ შე-



იძლებოდა. შეცდომა იმით გამოასწორა, რომ დაუყოვნებლივ შეუსაძქეს თავი აუქნია, შეუღლია და ცალი თვალის მოხუტებით უთხრავს: — კინალამ გოჩას ფურ კამეჩად ჩავთვალე! გამიკვირდა, საიდან სად მეთქი! კოლექტივში ხომ არ შამოუყვანიათმეთქი! — და ნაძალადევად გაიცინა.

— მისია, მისია... დღეს თავის მაგიერ გამოგზავნა სამუშაოდ. მე არ მცალია, მაგრამ არც თქვენ მიმდა ჩამოგზავნეთო ვითომ... ხე-ხე-ხე... გადაკრულად უპასუხა ზოსიმემ და ამანაც ნაძალადევად ჩაიცინა.

— თუ უნდა, მოვიდეს და შეენაცვლოს! — შეტევის მაგვარ კილოზე დასძინა ონისემ ბრიგადირის სიტყვებს და დამღვარი კამეჩი წალდის ტარის კვრით წინ მინდვრისკენ გაივლო.

— ეშმაკმა წაიღოს ერთიც და მეორეც! რა ჩემი საქმეა! — მიხვდა არჩილი, რაც გოჩას ნიკორას დამართოდა და სიტყვა ბანზე გადაავლო:

— ხო, იმას ვამბობდი: გერასაც ეთხოვე მეთქი, რომ ხეები ერთ ზომაზე დაეხერხათ. აბა, ცალკე თავების მოსწორებას რამდენი დრო მოუნდება. ახლა მაინც მიაქციე ყურადღება, გეთაყვანე ზოსიმე.

ახოსკენ მიტრიალდა, თვალი შეავლო და იკითხა:

— სად იქნება, ნეტავი, ახლა გერა? სიტყვა მაქვს მასთან. რაიონიდან დამბაბარეს. იმისთვის გამოვიარე, აქ ვნახავ მეთქი.

ზოსიმემაც ახოსკენ აიხედა.

— აი, იქ იყო წებან. — უპასუხა და ხელის გაშვებით აჩვენა ის ადგილი, სადაც ამასწინად გვადი კინალამ დამარცხდა. იმ ადგილას, ცოტა განაპირებულად, მალალ და განიერ კუნძულზე გვადი მხართემოზე წამოწოლილიყო, ჩრდილქვეშ ფეხი ფეხზე გადაეწყო და თავით იდაყვზე დაყრდნობილი ყალიონს არხეინად აბოლებდა.

— ე, მანდ გვადი რომ ისვენებს, იმას ეცოდინება, თუ სად წავიდა! — უთხრეს ყმაწვილებმა არჩილს.

არჩილი მოახტა თავის ცხენს და ნაჩვენებ ადგილისკენ გასწია. გვადის გაუპიროსპირა.

გაკვირვებულნი იყო ფორია, მთელი კოლექტივის თვალწინ გვადი რომ ასე ფაშასავით ნებივრობდა ჩრდილქვეშ, როცა მის გარშემო ყველანი ოფლში იწურებოდნენ. ეკინებოდა გუნებაში, ალბათ, თავი მოიავადყოფაო.

გვადისთან განზრახ ახლოს არ მივიდა, მოშორებით დააყენა ცხენი და, თითქოს უცხო ეინმე გზად გამვლელი ყოფილიყოს, ისე შეეკითხა ზმაღლა:

— მეგობარო, ვერ შეტყვი გერას ნახვა აქ სად შემიძლია?

გვადი მიუხვდა საქციელს.

— ფრთხილიც რომ არის ეს ოჯახდაქცეულიო, გაიფიქრა თავისთვის და თვითონაც თავი უცხოსავით დაიპირა. პასუხი დაუგვიანა და

ერთხანს გულგრილად უცქირა, კუნძუე ლალად დასვენებული ტანის შეუნძრევლად. მერმე უცებ ყალიონის ტარი ცალ უფაჟიწისეჟიფხეშმა მოიგდო, კუნძიდან მთელი ტანით გადაიხარა და ხელს მსხვილად დასცვიდა.

— გოჩას ნაია იყო წელან და იქეთ გაიყოლია! — თავიც იქე დაუქნია და სახეც ისეთი უჩვენა, თითქოს სხვას ამას არ გაუმხელდა და არჩილს კი საიდუმლოება გაანდო. — გვონია, ჩისკემ წავიდნენ, აი ტყე რომ არის, იმ მხარეს მიიმალნენ.

— რას ამბობ, კაცო? მაქეთ ჩის რა უნდა? — ენამ უსწრო. ვაკვირვებულ არჩილს და სახე უნებურად შეეკრა. შეეტყო, რომ გვადის მიერ მოწოდებულმა მოულოდნელმა ცნობამ გული აუშლვრია ვაეკაცს. —

— უცნაური რამეა: ჩაიში თუ წავიდნენ. ტყეში რა უნდოდათ! არეულად ლაპარაკობ რალაც! — და არჩილმა უნდოთ, ეპვით შეხედა გვადის მაგრამ გვადიმ სრულიად მშვიდად. უწყინრად დაუდასტურა:

— რა ვიცი, ჭირიმე, ისე კი წავიდნენ და...

არჩილმა მოუთმენელი თვალეზი გადაჰკრა იმ არეს, საითაც გვადის თითი ჰქონდა გაშეჟრილი. რომ ვერაფერი დაინახა, სახე მოექცა.

— ჰმ... — ჩაიწკმულია მკერდის შიდნით და ცხენს ჭუსლი ჰკრა უზანგზე აიმართა და ლაფშა იმ ტყის კიდისკენ წააბტუნა. ცოტა რომ გაიარა, უცებ ისევე შესდგა.

— ჰო, ოჰ! — გასძახა გვადიმ წასაქეზებლად, ვითომ კვალს სწორედ მიჰყვები და რატომ შესდგეო.

მაგრამ არჩილს ალბათ ჰქუაშე არ დაუჯდა ცხენით ამდენი ხალხის თვალწინ ტყეში გერასა და ნაიას ძებნა. ცხენს მათრახი ტყაცანით გადაჰკრა და წინსვლის მაგიერ, უკან დაბრუნდა. ახლა გვადისკენ აღარც მოუხედავს, ისე მინდვრისკენ დაეშვა სხვა მიმართულებით.

გვადიმ მათრახის გატყაცუნების ხმაზევე შეატყო, რომ მიზანს სწორედ მოარტყა და არჩილს გულში ბრაზი შეუქიდა. კვლავ მხართეძოზე წამოწვა თავის ალაგას და მიმავალ არჩილს თვალი გააყოლა. ახლა თვალითაც კარგად დაინახა, თუ რა გუნებაზე დააყენეს ფორია მისმა სიტყვებმა: გულზე ნაკბენს გვადი მას ზურგს უკამ ამჩნევდა. ისე მოტეხილივით მიჰქონდა იგი არჩილს და კულამოდუებულოვით მიდიოდა.

და გვადის გესლიანი მოკლე ხითხითი მოწყდა პირზე. უხაროდა, რომ მწვავე რამ საფიჭრებელი გაუჩინა არჩილს. უთუოდ სწორედ იანგარიშა გვადიმ, რომ ნაიას ტყეში წასვლა გერასთან ერთად ფორიასთვის აღვილად მოსანელებელი ამბავი არ იქნებოდა.

— ასე უნდა! ერთი იგემოს, რასაც ნიშნავს აფორიაქება! — ამბობდა გვადი თავის გულში. — აბა, მანდარინებს რომ ყლაპავდა ეს დალოცვილი და სხეებსაც საკუთარსავით სთავაზობდა, ვითომ რაო? ნაობრალო ნახა! — ახლა უფრო გრძლად ჩაიხითხითა გვადიმ. მაგრამ იმდენად იყო



იგი ნასიამოვნები თავისი საქციელით, რომ გულზე მოწოლილი სიბარულის გამოსახატავად ეს თავშეკავებული, ფარული ჩახიობის მსახურს წყვეტდა. რომ შესძლებოდა ისეთს დაჰყიფინებდა, რომ მთელ ჯვეჯსავე მისკდებდა ამ თავისი უცნაური შურისძიების ამბავს. მაგრამ ეს შეუძლებელი იყო.

ისლა მოახერხა, რომ მკერდში ბლომად ჩაითქვა პაერი და ზედიზედ მაგრად და მჭეკარედ დაახველა, რომ ამ სახით მაინც გახმაურებოდა თავის გახარებას. ამით დაკმაყოფილდა.

IX

ტყიდან წამოსული არჩილი არსად შემდგარა. არც შინისკენ შეუხვევია, არც სახერხ ქარხანაში შეუვლია. იგი პირდაპირ გოჩა სალანდიას ჭიშკარს მიადგა. შეალო და ცხენიანად ეზოში შევიდა.

დაუმთავრებელ ოდის წინ გაწყობილ დაზგაზე გოჩას ფიცარი გაემართა და აშალაშინებდა. მისი ცოლი ტასია ქმრის გვერდით დაბალ სკამზე მოკალათებულიყო. ძველი მოღორენცილი სათვალეები (ცხვირზე) ჩამოედვა, თავსაკრავს უკან კეფაზე შენასკვილი ზონრებით დამაგრებული. მატყლის საზამთრო წინდას ქსოვდა და ჩხირებს ნაეარჯიშევ თითებში ისე ათამაშებდა, რომ კაცი თვალს ვერ შეასწრებდა. ეზოში შემოსული ფორია პირველად ტასიამ დაინახა. სათვალეები შუბლზე აიკურა, ხელსაჭმე შეეცეცა და ზეზე წამოდგა. კაბა შეისწორა, თავსაკრავზე ხელი გაიკრა.

— არჩილია, კაცი. შეეგებე! — გადაალაპარაკა ქმარს და თვითონ სტუმრის შესახვედრად წალასლანდა.

დაინახა თუ არა არჩილი, გოჩამ შალაშინს მაშინვე ხელი შეუშვა და მისკენ მიტრიალდა. ტასიას სალამის მიცემაც დაასწრო და მოპატივებაც.

— ესაა, შენთან წამოსვლას ვაპირებდი, არჩილ. უნდა მენახე! — მიუახლოვდა. ცალი ხელი ლავამზე წაუვილო, ცალით აბეანდი დაოქირა და ცხენიდან ჩამოსვლა სთხოვა. არჩილი შეეყოყმამდა. ამდენი არ მცალიაო. მაგრამ მერმე ისევ ჩამობტომა არჩია. გოჩას მადლობა გადაუხადა აბეანდის დაჭერისათვის და ცხენი იქვე დაზგას უტრეზე მიიბა. როცა ისევ მასპინძლისკენ მობრუნდა, პალტოს ჯიბიდან მოგროძო, ოთხკუთხიანი კოლოფი ამოიღო ქალალდში გახვეული. ტასიასკენ მიიქცა და უთხრა:

— შენს ქალიშვილს ვითომ საჩუქარი მოვეტანე... მაგრამ ვერსად ვნახე... და ისევ შენ მიირთვი, ძვირფასო ტასია... აბა, შინ ხომ ვერ წავიღებ! — და კოლოფი გაუწოდა.

— უიმე, თვალი დამიდგეს! ნაია ჩაის კრაფაზეა, შემოგველე. — მიუგო უცხო საჩუქრის დანახვით გახარებულმა ტასიამ. — დღეს მეც იქ უნდა ვიყო, მაგრამ ეს კაცი მარტო ვერ დავტოვე.

ტასია კოლოფს თვალს ვერ ამორებდა. არჩილმა იგი ჩქვესუ-შეერთ-  
ალა და ტასიას სიტყვა ასეთი საყვედურით მოუჭრა: *გიგულმონაქა*

— ჰოდა, იქ რომ არ არის, მეც ამიტომ ვითხარი, ჩემო ტასია. მით-  
ხრეს სადღაც ტყეში წავიდაო ვილაც... — შებორძიკდა, უხერხულობა იგ-  
რძნო და სიტყვა გასწყვიტა. შემდეგ მიინც დასძინა:

— როგორ ვითხრა, მაგრამ ერთადერთი გასათხოვარი ქალი გყავს,  
ტასია და....

მაგრამ ახლაც აზრი არ დაასრულა, არც სიტყვა მოეწონა თავისი და  
არც ხმის კოლო. განზრახვა ჰქონდა ხუმრობით გაეგებინებოდა შშობლე-  
ბისათვის გვადის გადმოცემული ამბავი და სერიოზულად კი გამოუვიდა.  
ვაქაცისათვის შეუფერებლად მოეჩვენა, რომ ნაიას მაგიერ დედამის ეუ-  
ბნებოდა სამდურავს. გვიან გაისწორა საქციელი. სახის გამომეტყველება  
შეიცვალა. გაიღმა და კოლოფი ტასიას ხელში ჩაუჩარა.

— გეხუმრე... რა შენი ბრალა, ნაია რომ ტყეში დადიოდეს... გამო-  
მართვი... ნაიას ნურც ეტყვი, რომ ჩემგან არის.

— ისედაც დავალბებული ვართ შენგან, არჩილ, — ბოხი, დაბალი  
ხმით დაიწყო ცოტა განზე მდგომმა გოჩამ. — რატომ იხარჯები, შე კა-  
ცო! — მერმე უცებ ხმას აუწია და ცოლს მუჭარით მიმართა:

— გესმოდეს, დედაცაო, რასაც გეუბნებიან. მართლა ხუმრობა არ  
გვგონოს. გასათხოვარი ქალიშვილი ტყედ და ველად რომ დაგიდის, ეს  
წესი არ არის. რამდენჯერ მითქვამს, შინ გააჩერე მეთქი. გაფრთხილებ,  
ისე გამოასწოროო საქმე, რომ მე შიგ არ ჩამრიო, თორემ...

ისევე არჩილმა დააშოშმინა გოჩა. ხელი მკლავში ამოსდვა და ოდის-  
კენ გაიყოლა.

— საწყენად კი არ მითქვამს, გოჩა... როგორ გეკადრება, შე კაი კა-  
ცო. აბა, კომკავშირულ ქალს სახლში ხომ ვერ დაამწყვდევე. რა ვუყოთ  
მერმე. ნუ ჯავრობ!

როგორც უცხად აენტო გოჩა, ისე უცხადვე მოლბა. დაზგასთან შე-  
ჩერდა და თავის ცოლს გადმოხედა. ტასიას ფორიას მოტანილი ძღვენი  
ხელის გულზე ფაქრად დაედვა. დიდათ გასაფრთხილებელი საუნჯესა-  
ვით. ხელი წინ გაეშვირა და დაბნეულად იცქირებოდა. ქმრის მოურიდე-  
ბელი შენიშვნისაგან შეურაცხყოფილად გრძნობდა თავს და ნაიას ამბის  
გართულების შიშით ხმაც ვერ ამოელა. იმის მოსაზრებაში იყო, ჩემმა  
სიჩუმემ ნაიას რამე არ აენოსო. მაგრამ გოჩამ ახლა ღმობიერად შეხე-  
და მას და ტკბილი ხმით მიმართა:

— სტუმრის შესაქცევად ერთი ბოთლი ღვინო და ცოტა ხილი მიინც  
გამოგვიტანე, შე ქალო. მანდ რას უდგებარო! —

ამ წინადადებას გამოაფხიზლა ტასია.

— თვითონ როგორ ვერ მივხვდი მე უბედურმაო, წარმოსთქვა და მა-  
შინვე სახლისაკენ გაეშურა საუზმის დასამზადებლად. წინ გაშვებული

კოლოფიანი ხელი ისევ ისე გაჰყვა, როგორც ჰქონდა გაწედილი, სანამ ერთ ადგილზე იდგა.

გოჩამ ბურბუშელა და ნაფოტი გადაგავა დაზვიდან. დომად ადგილი გაუსუფთავა და სთხოვა ცოტახნს შეესვენებია.

— სხვა, შენი ოდის საქმე როგორ მიდის, გოჩა? ფიცარი თუ შემოგელია? — ჰკითხა არჩილმა გოჩას, როცა დაზვაზე ჩამოჯდა და მის წინ ამართული ოდის კედელი შეათვალიერა.

— ისემც შენს მტერს დღე და ღამე დაელიოს! უკანასკნელ ფიცარს ვაშალაშინებ! — სასოწარკვეთილი ხმით უპასუხა გოჩამ. — ვითომ არაფერი ეშველება ამ ჩემ საქმეს, არჩილ?

— ეშველება, ეშველება! შიში ნუ გაქვს! — სწრაფად მიუგო ფორიამ და ცოტა დაფიჭრების შემდეგ დაბალი ფრთხილი ხმით დასძინა: — აი კოლექტივებს რომ დაშლიან მაშინ....

გოჩამ ხუმრობაში ჩამოართვა ეს პასუხი.

— აბა, დავლუპულვარ კაცი და ეს არის. კოლექტივი მთელ ქვეყანას მოედდა და რა დროს დაშლაზე ლაპარაკია, შე კაცო.

— რატომ არა, კომუნები ხომ დაშალეს, და კოლექტივი რით არის ვითომ უკეთესი? — შეტევით შეუბრუნა კითხვა არჩილმა.

— რაღაცა არ მჯერა! ნუთუ სხვა საშუალება არ არის, არჩილ, რომ ამ ჩემ საქმეს მოვლარო. რაღაც ორიოდ ფიცარი მაკლია, სიტყვაზე, და უვარს კი განხედაც გავახერხებ... ვერაფრით დავიყოლიებ ვითომ გერას, ა? შენ რას მტყვი? — გულისწუხებით ეკითხებოდა არჩილს გოჩა, რომელსაც კოლექტივის მომავალი ბედი იმდენად არ აინტერესებდა, რამდენადაც თავისი დღევანდელი გაჭირვება. მაგრამ არჩილმა მაინც თავისი არ დაიშალა:

— ორიოდ ფიცარი რა არის, შე კაცო, ამისათვის გერა რად გჭირია... ჩვენც გავახერხებთ როგორმე, თუმცა კომისია დამინიშნეს, და ყოველი ფიცარი აღრიცხული აქვთ... არავისთვის მიკითხავს, ისე მომიცია და კიდევ მოგცემ, კომისია კი არა, თვითონ გერაც რომ თავს დამადგეს. სხვა არა იყოს რა, ჩემი ქარხანაა. ჯამაგირს რომ მომიგდებენ ორიოდ გროშს, ვითომ ამას ვიკმარებ?... მაგრამ შენ რომ კოლექტივის დაშლა არ მჯერა, ეს კი მაკვირვებს სწორე გითხრა. ჰკვიანი და დაკვირვებული კაცი ხარ, გოჩა, და ნუთუ არაფრად გენიშნება, რაც ხდება ქვეყანაზე. საკანონო-დამო მიწების, თუ ბაღების ნაწილის დაბრუნების ამბავი არაფრად მიგაჩნია? აბა, დააკვირდი, თუ ეს დაშლის დასაწყისი არ არის. მაშ, ერთბაშად ხომ ვერ აუსვამენ ხელს კოლექტივს. რაც უნდა იყოს, პატარა საქმე ხომ არ არის... ახლა კიდევ მუშა საქონელზედაც ალაპარაკდნენ რომ... ვითომ... ჰმ... და ასე ნელ-ნელა გამოეთხრება ძირი მაგ შენს კოლექტივს. სახელმწიფო სხვანაირად კი ვერ გაძლებს, მერწმუნე ამაში. ასეა, გოჩა... ბოლოს მოიგებენ ისინი, ჩემო კეთილო, ვინც არ შესულა კოლექტივში





ან მას დროზე თავი დაანება. დაასაჩუქრონ იქნება კიდევაც... წინ-  
დახედულად მოიქცენ... — აქ მოულოდნელად შესწავიტა მისი მუხამ-  
მა და გოჩას თვალებში შეაქცერდა. მერმე სულ სხვა ხმაზე დაიწყო:

— ო, მართლა, ამ მუშა საქონელზე გამახსენდა. წარმოიდგინე: შე-  
ნი საყვარელი ნიკორა ხეში შეუბამთ ამხანაგებს... წეხას რომ გამოვი-  
არე ტყეში, მაშინ დავინახე... ოდრო-ჩოლოროებში წაღმაუკულმა უშველე-  
ბელ ჯირკვებს აზიდვინებენ. მართალი ვითხრა, შემეცოდა პირუტყვი,  
ისე ქოშინებდა ქანცვამოლეული... რამ გააგიჟა გოჩა, ფური კამეჩი კო-  
ლექტივს როგორ ათხოვა მეთქი? რამდენად ვიცი, ნიკორას შენ უღელში  
არ აბამდი!

დაზგას ცალგვერდით მოწოლილი გოჩა უცებ წელში გაიმართა, თავი  
უკან გადაგდო და არჩილს წარბების აწვეით ისე შეაქცერდა, თითქოს ში-  
ა წინ მოყვარე კი არა, მტერი მჯდარიყოს.

— როგორ თუ მე ვათხოვე? ვინა სთქვა? — შეეკითხა შეკავებული  
ხმით და აზნექილი წარბები ფრთხილად შეკეცა. სახეზე შავი ღრუბელი  
შეაწვა.

— ასე ვითხრეს. თუ ტყვილია და შენ არ ვითხოვებია უთუოდ სა-  
სტიკად აგებენ პასუხს. ახლა ასეა: რაც შენია კანონით, მას ხელს ეუო ახ-  
ლებენ. შეგიძლია სამართალშიც კი მისცე.

— სისხლად ვარწყვევინებ ჩემს აგდებას, თუ გოჩა ვარ, სისხლად! სა-  
მართალში მიცემა რას მიქვიან! მე თვითონ გავასამართლებ მაგ თავგა-  
სულებს! — იყვირა ახლა გოჩამ. დაზგის კუთხეში დაყენებულ ხელე-  
ჩოს მიწვდა, ხელი მარწუხივით ჩასქიდა და ადგილიდან მოიხრდა.

არჩილს არ ეგონა, რომ გოჩას ბრაზი ასე უცებ მოერეოდა. დაზგი-  
დან ჩამოხტა და უკან გამოუდგა.

— ჩხუბი არ გარგებს, გოჩა, იცოდე! საქმითა და ჩივილით უფრო  
მეტს გაიტან... დამიჯერე. ყური დამიგდე, რა ვითხრა... მიაძახა. მაგ-  
რამ გოჩამ ხელის ჩაქნევით ჩამოიცილა და ქიშკარს გრგვინვით მიაშურა  
ამდროს ტასიაც გამოჩნდა. ორსავე ხელში თეფშები ეჭირა, ჩურჩხე-  
ლითა და ხილით სავსე. ე რთი ბოთლი კიდევ მკლავით გულზე მიეხუტე-  
ბია და ასე ოდისკენ მოიჩქაროდა. აყვირებული და მუქარით მიმავალი გო-  
ჩა რომ დაინახა, შეოცებული შეჩერდა.

— სად მიხვალ, კაცო? რა მოხდა იმისთანა, რომ სტუმარი მარტო  
დაგიტოვებია. — მიაძახა, გზიდან გადაუხვია და ისიც ქიშკარისაკენ გაე-  
შურა. მაგრამ გოჩას მისი სიტყვები არც კი გაუგონია, ისე გავიდა ქიშ-  
კრიდან.

არჩილი კი ტასიას წინ გადაეღობა და გოჩას წასვლის მიზეზი ასე  
აუხსნა:

— ვითომ ფური კამეჩის ჩამორთმევა დაუპირებიათ და საქმის გა-  
მოსარკვევად წავიდაო. არაფერია, ნუ შეწუხდებიო, დაამშვიდა.



ტასიას თეფშები ხელიდან კინალამ გაუვარდა, ისე შეიკბნდა ეს ამბავი, არ დაიჯერა.

— ერთი მეწველის ჩამორთმევა სად გაგონილა და ჩემს ცხოველებს გეყავხო.

— მეც ასე მგონია... მართალი არ უნდა იყოს, გაუგებრობაა რაღაცა. — არაფრად ჩაუგდო შეწუხება არჩილმა და აღელვებულ დედაკაცს შეეშტელა: ერთი თეფში და გულზე მიკდომილი ბოთლი ჩამოართვა.

— ნამუყენისაა ვითომ ეს ღვინო, ჩემო ტასია? — აზრის გასათვანტავად ჰკითხა ტასიას, ბოთლი მალლა ასწია და გახედა. — აბა, ადესა რა შეილია, აქამდე მოაწევდა!

X

რაკი ერთ ხეს შეაბეს გოჩა სალანდიას ნიკორა, აღარ მოეშვენ. ახლა ონისემ ითავა და კამეჩი ხისმზიდავთა სხვა ჯგუფსაც მიაშველა, რომელშიაც ორი მისი ვაჟი ერია. ამ ჯგუფს მრუდი რამე საშეშო ჯირკვი უსწორმასწორობის გამო ვერ დაეგორებინა და მიწოლით ძლიეს მოათრეცდა მინდვრისაკენ.

გვადი ბიგვაც ახლა ამ ჯგუფს შეერთებოდა და დასვენების შემდეგ ჯირკვს ხან წინიდან ხან უკნიდან ეპოტინებოდა და თუმცა ბევრს ტყუილია ქაქანებდა, მაგრამ მაინც რაც ძალა გააჩნდა, არ ზოგავდა. მას არც კი უცენია გოჩას კამეჩი, როცა იგი ჯირკვს მიუყენეს. კოლექტივის მუშა საქონლად ჩასთვალა. გაუხარდა კი. კარგი სასახრე წყნელი აირჩია იქვე ახლოს დაყრილ აუფველ ნასხლეცებიდან და კამეჩის გარეკა თავს იღვა.

ბრივადირ ზოსიმეს არ ეკაშნიკა ეს ამბავი. შიშმა გაჰკრა. შეიძლება ამას უსიამოვნება რამე მოჰყვესო, გაიფიქრა. მაგრამ მაინც არა უთქვამს რა.

— ერთი ჯირკვიც რომ გამოათრიოს, ნაპატიებ პირუტყვს ამით რა დაუშავდებაო, — დაიმშვიდა თავი. მაგრამ განზე მაინც გადგა ყოველ შემთხვევისათვის, და თავი მოარიდა.

ამასობაში გოჩა სალანდიაც მალე გამოჩნდა მინდვრის თავთან. ახლა შერჩენილ ოლესავით დადგა შიშველ მინდორზე და ხელ ჩამოფარებული თვალები შორი-ახლო მოავლო იქაურობას. მაშინვე დაინახა ჯირკვში შემბულა თავისი ნიკორა. თითქოს არ მოელოდაო, ისე შეოცდა და მკერდადან სიმწრის გმინვა აღმოსკდა. კბილები კბილებზე ღრჭენით დაასო და ხელეჩო ქარქაშიდან ამოწვდილი ხმალივით მოიმარჯვა. ტანშეშართულიად პირდაპირ გაემართა ნიკორასაკენ. კუნთებდაკიმულ მუხლებს განზრახ განსაკუთრებული ძალის დატანებით შლიდა და ჰკეცავდა, რომ ბრახის დუღილი არ შენელებოდა, სანამ საწაღელ ადგილს მიაღწევდა. შიშვე ფხუბებს უროსავით ისე ურტყამდა მიწას, რომ უკან კვალი რჩებოდა, როგორც ახალ ნათოვზე.

ცოტა რომ გაიარა, კვკუაში არ დაუჯდა ასე ხელაღმართ მისეულ მოწინააღმდეგეებთან. დამინახავენ და დასახვედრად შეემზადებიანო, პირდაპირი ხაზიდან გადაუხვია და ახლა მიმრეც-მომრეცად კორიძის ვაფარებით განაგრძო გზა. აზრად ჰქონდა თავს მოულოდნელად წამოდგომოდა მისი უფლებების შემლახველთ და სასტიკად ემზილებინა ყაჩაღურა საქციელისათვის.

განზე გამდგარ ზოსიმეს მოახლოვებული გოჩას ლანდი უკნიდან შეადგა. თავზე გადაეწყო და მის წინ ყორეს მიმართულებით მინდორზე მხარ-ბეჭ ვაშლილად გაერთბა, სადაც ნიკორასაც ჯიჩკვიანად მიეღწია. ლანდის მხარბეჭის დანახვაზე ზოსიმეს ელდა ეცა.

— გოჩა აქ საიდანსად გაჩნდაო? — მაგრამ მისკენ მობრუნებაც ვერ მოასწრო, რომ გოჩამ შევილით ჩაუქროლა, თითქოს არც კი შეუმჩნევი-აო, და ნიკორას გარშემოხვეულ ჯგუფს მთელი თავისი მალალი ზმით შესძახა!

— ჰაა ჰატ! ვინც ბედავს ამას, მანდ დაშვედეს, თუ დიაცი არ არის! ეს იყო საომრად გამომწვევი შეკიციება, რომელმაც მთით დაგორებულ ლოდივით კილით კიდემდე ჩაირობინა.

ყველამ ერთად მიიხედა გოჩასკენ. შეაყენეს კამეჩი. არავის ეგულუ-ბოდა იქ ამ დროს გოჩა სალანდია და მისმა უცეარმა გამოჩენამ ყველა ძალზე გააკვირა.

გვადი ამდროს თავთან უდგა ნიკორას. ყველაზე უფრო მეტად გვადი გააოცა გოჩას მოულოდნელმა თავდასხმამ. არასოდეს არ დაბნეულა იგი აგრერივად. თვალების მოფშენეტაც კი დააპირა, რადგანაც გოჩას მოსე-ლა დაუჯერებლად მიაჩნდა. როცა გოჩას ზმა მეზიეთი გავარდა, რაღაც მანქანებით გვადის სწორედ მაშინ მოხვდა თვალში კამეჩის შუბლზე მრგვალად დამჯდარი, ჯორის ნალის ოდენა თეთრი ხალი და საბტაც დარჩა. უცებ ყველაფერი ცხადი შეიქნა მისთვის. თითქოს უბიძგესო, ისე გაშორდა კამეჩს და სახრეც მაშინვე ხელიდან შეუმჩნეველად გაავდო. თითქოს უჩინმანინის ქუდი დაიხურაო, ისე ზურგს უკან შეაფარა თავი დანარჩენებს, რომ გოჩას არ დაენახა.

ონისემ კი იგრძნო, თუ გულმაგრად არ იქნებოდა და უკან დახევია დააპირებდა, გოჩა უფრო ვათამამდებოდა და მისგან მეტიც იყო მოსა-ლოდნელი. ამიტომპირიქით შეტევა ამჯობინა. ნისკარტი მალლა შეისრო-ლა და ჩხიკვივით დაიხავლა:

— დიაცი თუ არ ხარ, მთელი დღე შინ რა გინდა, რომ გვემალები! ვაეკაცები აქ ვართ ყველანი! — ღრაკნილი ტანი გაიმართა, რომ უფრო მალალი გამოჩენილიყო და თავის ვაეებს დაუახლოვდა. წინ დაუდგა, წალდის წვერი მიწაზე დააბჯინა და ტარი ხელში ისე დაიჭირა, თითქოს ძოსაქნეველ მოიმარჯვო.

გოჩამ ერთი აღშაყვრად გახედა ამ პატარა მოხუცს, მისი შემართობა სასაცილოდ მოეჩვენა, მაგრამ შეკრული წარბები არც კი შეურბევია.



— გხედავ, რაც ვაგაკი ბრძანდები, ონისე! — უთხრა მე სხვებსაც ვადაკრა თვალი და დასძინა: — ერთ ფურ კამენს მორევი-ხართ არა? — ნიკორასთან მიიჭრა, საბელზე ხელი აპკრა, ისევ ონისეს-კენ მიტრიალდა და ბრძანებით შეჰყვირა:

— აუშვი მეთქი ახლავე კამეჩი!

— თუ შენ შეებმები მაგ ჯირკვს, გაუშვებ, ისე კი არა! აბა, რა გე-გონა! შენი გადასათრევიია!... ბატონობა წამომიწყევ?.. ხელი არ ახლო კა-მენს! — შეტრევითვე მიუგო ონისემ და ახლა იმითაც შეურაცყოფილმა, რომ გოჩამ ვაგაკობა დაუწყუნა, მისკენ შეუპოვრად ნაბიჯი გადადგა-ვილამაც ონისეს სიტყვას კვერი დაკრა და გოჩას მიმართ მუქარით წამოიძახა:

— დიხაც!  
ეს წამოძახება საბედისწერო შეიქნა, თითქოს ნიშანი მისცაო, ისე იმო-ქმედა გოჩაზე.

— ჩემია და ხელიც არ ვახლო! როგორ მიბედავ! — შებლაგვა მან და ხელეჩო თავს ზევით მაღლა ამართა. შემდეგ ისევ ძირს დააქანა მკლავის ფრთოდ გაშლით და ზურგს უკან მოიგდო მოსქნევად. იმავე წამში ონისეს გრძელტარხანი წაღდიც პაერში აიშართა.

შეიქნა დიდი აურზაური.  
ზოსიმეს თავიდანვე ენიშნა, რომ გოჩას უეცარი გამოჩენა კარგის მო-მასწავებელი არ იყო. ჩაუჭოლდა თუ არა გოჩამ, მაშინვე უკან მიჰყვა, რომ მოსალოდნელ აყალმაყალში დროზე ჩარეულიყო. მაგრამ იმას კი მაინც არ მოელოდა, რომ საქმე ხელეჩოსა და წაღდის მოქნევამდე მივი-დოდა. გაშალა თუ არა გოჩამ მკლავი ხელეჩოს მოსაქნევად. ზოსიმე ეო-თი ნახტომით მივიარდა მას და მკლავი ორივე ხელით დაუჭირა.

— ღმერთი არ გაგიწყრეს, არ გაბედო! — შეუყვირა და სანამ გოჩა მის მოულოდნელ თავდასხმაზე რასმე პასუხს მოიაზრებდა, მკლავი მო-უჭტია და თვალის დახამხამებაში იარალი ხელიდან გამოაცალა.

ონისეს კი ამხანაგები შემოერტყყენ. უფროსმა ვაჟმა ჩაგონებით უთხრა:

— მე ვაგცემ პასუხს, შენ გაჩუმდიო, — და ახლა თვითონ დაუდგა-წინ. რა დაინახა განიარაღებული გოჩა, ონისემაც თავისი წაღდი ძირს დაუშვა.

ჩხუბმა შთელი მინდორი შესძრა. ახოსაც მოედვა ეს ამბავი და იქიდან ჩაის პლანტაციაშიც შეიჭრა. ვინც ახლოს იყო, გოჩას ყვირილის პირ-ველ გაგონებაზევე გამოიქცა ჩხუბის ადგილისკენ. მერმე შორი კუთხეე-

ბიდანაც დაიძრა ხალხი. სულ მოკლე ხანში მინდორზე დასრულდა მთელი  
მა კოლექტივმა მოიყარა თავი.

— გოჩა სალანდია ჩხუბობსო, გავარდა ცნობა ჩვენი მინდორიდან.  
ჩაის კრეფაზე მომუშავე ქალები ცნობისმოყვარეობას აიტანა. მიანებებს  
მუშაობას თავი და მინდორს მიაშურეს.

გერას ყურამდე ჩხუბის ამბავმა მაშინ მოაღწია, როცა ის ერთი ბრი-  
გადიდან მეორეში გადადიოდა დასათვალისწინებლად. შესდგა ყურები დას-  
კვიტა. ყვირილი და უჩვეულო ხმაურობა რომ მოესმა, გაუკვირდა. ვერ  
წარმოედგინა ვის შორის უნდა მომხდარიყო ჩხუბი და რატომ. სულ ნა-  
ხევარი საათიც არ იქნებოდა გასული, რაც იქაურობა დატოვა, და ამ  
ოცნა ხანში ასეთი რა უნდა მომხდარიყო? მინდვრისკენ სირბილით მიმ-  
ავალი ხალხი რომ დაინახა, დაყოვნება აღარ შეიძლებოდა. კვლებიდან  
კვლებზე გადაველო ჩაის ბუჩქებს და, თითქოს მუხლებში ნიავქარი შეიყე-  
ნაო, ისე მოჭუსლა იჭითკენ, საითაც დიდი და პატარა გავრბოდა.

გოჩას ნაიამ კი არ იცოდა, როგორ მოქცეულიყო, როცა უთხრეს, მა-  
მაშენს ჩხუბი აუტეხიაო. ჯერ არც დაიჯერა. მაგრამ რა ნახა, რომ მისი  
გვერდით მომუშავე ქვრივ მარიამსაც კალათი განზე მიეგდო და ისიც  
სხვებთან ერთად გაქცეულიყო, გული აუჩქროლდა. ჩაის ფოთლით საე-  
ჭი კალთის დაცლაც კი დაავიწყდა, ისე მოწყდა თავის ადგილს და ამხა-  
ნაგებს დაედევნა.

(გაგრძელება შემდეგ №-ში).



გრიგოლ აბაშიძე

## მ თ ე ლ ა ნ თ ა ნ

რომ მოიკრიბა  
ძალა ზევსური  
დღემ — და გაბრწყინდა  
ცა დარბაზებად.  
მზე ჩადიოდა —  
მთვრალი ზევსური  
და მთებზე  
ჩრდილებს აბარბაცებდა.  
დაეტოვებო ბინა  
და გამოვედით,  
გავეყვით ჩუმად,  
გზას ჩვეულებრივ,  
შორს მოედანზე  
ჩანდა პორტრეტი  
განათებული  
ფარჩეულებით!  
ქალღმერთს, ფერადს,  
ქარი ფარული  
ატრიალებდა  
თითისტარით.  
და გაჰყურებდა ხალხს  
სიყვარულით  
განათებული  
დიდი სტალინი!

თითქო დაგვადგა  
 შუქნი მზისანი  
 შთაგვაგონა და  
 ცაში გვატარა...  
 რა დიდი არის  
 ჩვენი მიზანი —  
 ამ შთაგონების  
 ხალხში გატანა!



ეროვნული  
 ბიბლიოთეკა



მის. ჯავახიშვილი

## ქალის ზვირთი

რ(ომანი \*)

XV

ანდრომ ყველანი ერთად მოიწვია საუზმეზე, შეილებიც და ძმისწულებიც. ქეთო მიპატიებულნი არ იყო. შემთხვევით შემოვიდა, თითქმის ცივად მიესალმა ყველას და დაღვრემილი მიუჯდა სუფრას.

მისი მამაც დაღვრემილი იყო. სანამ საუზმეს შემოიტანდნენ, ანდრო მოუსვენრად დაბორიალობდა და დროგამოშვებით ისე ოხრავდა, თითქო უმძიმეს სათქმელს ამზადებდა. არავინ იცოდა რა კაეშანი აწუხებდა სამოქალაქო გენერალ ახატელს.

ამას წინათ ანდროს სოფელში „მისდა დაუკითხავად“ ასი ყაფაზი ესულიყო, იქაურობა აეკლოთ, ორი გლეხი დაეჭირათ, ერთი მოეკლათ, თორმეტი თავიკაცი დაეპატიმრებინათ, ანდროს კუთვნილი ღალა აეკრიფათ, „სრული წესრიგი დაემყარებინათ“ და მეორე სოფელში გადასულიყვნენ. ამის გამო ანდრო არა სწუხდა, არც სიხარულს ამელავებდა. მხოლოდ ამბობდა: ვინც კანონი დაარღვია, პასუხიც იმან აგო, მორჩა და გათავდაო. მაგრამ ბობოქარ ერთობას ფიქრადაც არ მოსვლოდა გათავებულებიყო. ყოველგვარი „თავისუფლება“, ჩვიდმეტ ოქტომბერს გამოგლეჯილი, მან ძირფესვიანად გამოიყენა, რათა ძალღონე მოემრავლებინა და საბოლოო იერიშისათვის მომზადებულიყო. ანდროს ესეც აწუხებდა, მაგრამ მან თავის შეილებსა და ძმისწულებს სხვა რამისთვის დაუძახა. საუზმის დროს ხმა არ ამოუღია, ცოტას სჭამდა, ისევ ოხრავდა თავჩაქინდრული იჯდა და საუზმის გათავებას მოუსვენრად ელოდა. სმამა რომ გათავდა, ანდრომ წვერზე ხელი მოისვა და ბორძიკით დაიწყო:

— შეილებო, ჩვენს მამაპაპურს მამულს მეორე მხრიდანაც გაუჩნდა ხიფათი. თქვენც იცით, რომ იგი დაგირავებულია და პირველ იანვრისათვის დიდი თანხა უნდა შეეიტანოთ ბანკში. ამას როგორმე მოვიშორებ, ვადას გადავადებინებ, მაგრამ უბედურება ის არის, რომ კერძო უვადო

\*) გაგრძელება იხ. „მნათობი“ № 7.



თამასუქები მაქვს გაცემული, რომელნიც ნოტარიუსისთვის გადაუციათ საპროტესტოდ. ახლა მწადიან თქვენი რჩევაც მოვისმინოყ *არქიტყენყყ; პრო- გორ მოვიქცეთ?*  
*ზინჯლირთყყყ*

— ვის მიეცით თამასუქები? — ჰკითხა გრიგოლმა.

— წვერაძეს, ავშაროვს, რახმანოვს, პეტროსიანს და ცეიტლინს. — უპასუხა ანდრომ და თითები აატკაცუნა.

— შეეახშეთა დიდი კრებული შეუდგენია. — ჩასჩურჩულა ნიკო? აკაკის და ჩაიციანა.

— სულ რამდენია?

— ოცდაათი ათასია. — ჩუმი ხმით მისცა ცნობა ანდრომ.

— პასუხს ვინ აგებს? — ოდნავ აღუწია ხმა გრიგოლმა.

— პასუხს ეს საერთო სახლი და ჩვენი საერთო მამული აგებს. — უფრო მეტად დაუწია ხმას ანდრომ.

— ბიძაჩემო, — წამოიძახა გრიგოლმა, — ჩემთვის, მიტოსთვის და ჩემი ცოლშვილისთვის ყელი გამოგიჭრიათ.

გრიგოლს სასხლი აღუვარდა თავებირში. მრგვალ მუშტს ოდნავ ურახუნებდა მუხის მაგიდას და ცხარედ ჩიოდა: მისი ბიძა თავის ძმისწულეების მზრუნველი იყო და საბოლოო ანგარიშის გასწორების დროს ხუთმეტროდე ათასი მანეთი ვალი დაედო. მამულისა და სახლის დაგირავეების დროს გრიგოლმა და დიმიტრიმ სრული რწმუნება მისცეს ანდრომს, რომელმაც ბანკიდან ფული გამოიტანა და ძმისწულეების ძველ ვალს ათიოდე ათასი კიდეე მიუმატა. ახლა მას ის რწმუნება ხელახლა გამოუყენებია, ოცდაათი ათასი კიდეე უსესხნია და ეს ფულიც მარტო თვითონ დაუხარჯავს.

— რას გვიშვრები, რაზე გვლუპავ, ბიძაჩემო?! ოთხი ათასი თუმანი საიდან უნდა გადაგვიხადო? — ეკითხებოდა გრიგოლი და გაშმაგებულ დარბოდა ოთახში. — გაგვაგებიინე, რას აპირებ? რა იმედს გვაძლევ? დიმიტრი გაფითრებული იჯდა და პასუხს ელოდა.

ანდრომ იმედის მიცემის შავიერ სუფრაზე თითი ააკაკუნა და წაილულულდა:

— ქეთოს გათხოვება ხუთმეტრი ათასი დაგვიჯდა. ყველანი ქეთოს დააშტერდნენ. ქეთოს შერცხვა, თვითონაც არ იცოდა, რად შერცხვა. გაწითლდა და თავჩაღუნულმა წაილაპარაკა:

— რა ჩემი ბრალია... მე არაფერიც არ მითხოვნია.

— შენი რა ბრალია, შვილო. — დაამშვიდა მამამ. — შენმა ქმარმა კო ჩვენც გვიმტყუნა და თვითონაც კეთუა წააგო: ათას-თუმნიანი თამასუქი წვერაძეს ექვსას თუმნად მიუგდო. რადგან შენ წვერაძე დაიწუნე, ის ჩვენი მოსისხლე გახდა, ჩემს თამასუქებს ყიდულობს და განიავებას გვიპირებს.

— კეთილი, მაგრამ ჩვენ რად ვიპყლიტებით შუაში, ბიძახეწნო? კვლავ წამოიძახა გრიგოლმა. — ხუთმეტი ათასი ქეთოს ვაძინებდა და გიჯდათ, ხუთმეტი ათასი ილიკომ გაფლანგა....

— მე არ მახსენო! — დაიძახა უცებ ილიკომ და ფერწასული წამოხტა. — არ მახსენო მეთქი, თორემ სისხლს დავეღვრი. მე არაფერიც არ გამიფლანგავს. ჩემზე სულ არაფერი დახარჯულა. დროა მეც მოვიტხოვო ჩემი წილი. მეც მომბეზრდა უთაებლო ხეტიალი. მინდოდა ცოლი შემერთო, მაგრამ ნება არ მომცეს. იმ ქალს ამ სახლში არ შემოუშვებთო. რაკი აგრეა, ნებადაურთველად შევირთავ. თუმცა, რალა დაგიშალოთ, გუშინ ჯვარი დავიწერე და გავათავე.

— ვაიმე! — ამოიკენესა მარიამმა, რომელმაც თავის და ანდროს სახელით ნება არ მისცა ილიკოს ის ქალი შეერთო.

— ბინა უნდა მოვაწყო, ვალი უნდა გავისტუმრო. — განავრძო ღვინით აფორიაქებულმა ილიკომ. — თუ ხვალ შეადღემდის ხუთი ათასი არ ჩავიბარებიათ, ვილაკას მოვკლავ, ამ სახლს გადაეწვავ და მეც თავს მოვიკლავ. — და ისტერიკულად გაიმეორა: — თავს მოვიკლავ მეთქი!

ყველანი შიშით და გაოცებით შესცქეროდნენ ილიკოს. ბოლოს ნიკომ ჰკითხა:

— ვინ შეირთე ბიჭო? ბარემ ეგეც გვითხარი...

— ვინა და პეტიპას მეტოქე, სახელოვანი ადელ ჰოპკინსი შევირთე, მაშა! უბრალო ვინმე ნუ გვონია.

— წყალი! დედას გული შეუწუხდა. — წამოიძახა ქეთომ და კინალამ თვითონაც გული შეუწუხდა.

ორმა საშინელებამ — გალატაკების ხიფათმა და მადამ ჰოპკინსის დანათესაებებამ — ყველას თავზარი დასცა. მხოლოდ ნიკო ილიმებოდა გულგრილად. მარიამის გულყრამ ყველანი წამოშალა. ყველაზე ადრე ნიკო წამოვარდა და წყალს ეცა.

ანდრომაც წამოიწია, მაგრამ გულზე ხელი რტაცა და ისევ სკამზე დაეშვა. ალიაქოთმა იმატა. შეწუხებული მარიამი თავის ოთახში გაიტანეს. ანდროს აკაკი და ილიკო მიეშველნენ, წამოაყენეს, ილღიებში შეუსხდნენ, კაბინეტში შეიყვანეს და ტყავგადაკრულ ტახტზე მიასვენეს.

ნახევარი საათის შემდეგ გონსმოსულ მარიამს მშვიდად ჩაეძინა. ანდრო ისევ ჰბორგავდა. დიმიტრი იქვე ეჯდა და უვლიდა. ანდროს შეილებმა და გრიგოლმა სასტუმრო ოთახში მოიყარეს თავი. ჩუმად ისხდნენ, ფეხაკრეფით დადიოდნენ და სათქმელს ვეღარ ამბობდნენ. ბოლოს გრიგოლმა ჰკითხა ილიკოს:

— შენი ცოლი რამდენ ხანს მოღვაწეობდა შანტანში?

— ცხრა წელიწადს. — მიუგო ილიკომ და ზღარბივით აიშალა. — მაგას რად მეკითხები? — პასუხს აღარ მოუცადა, უცებ ხანჯალზე გაიკრა ხელი და შესძახა: — ვინც ჩემ ცოლზე ცუდს იტყვის, ასო-ასო ავჭნი!

ფრთხილად მეთქი, თორემ... — ყველას ავი თვალთ გადახედა, შერბე მოსხლტა და საჩქაროდ გავიდა შინიდან.

„უაზრობა იქნება ვუთხრა, რომ შავის ადელი აშკარა შემაჯავრობა, რომ ის ჩემ ქმარსაც ჰყვარობდა, რომ მას ათასობით ჰყავდა კურო — ზოგი მხოლოდ ერთი ღამით, ზოგი ერთი კვირით და ზოგიც ორი თვით. ვაი სირცხვილო! ვაი წაბილწულო ოჯახო!“ — გაიფიქრა ქეთომ და ფანჯარას მიადგა.

— ყველაფერი ინგრევა: სახელმწიფოც, საზოგადოებაც, ოჯახიც და გვარიც. — მწუხარებით ჩაილაპარაკა გრიგოლმა. — შეიღ საუკუნეზე მეტია, რაც ჩვენს მამულ-დედულს თავს ვეველებით. ამ ხანში მას ათასი სული ახატნელი მაინც გამოუზრდია. ახლა კი ანდრო ახატნელის ხელში უნდა გაიყიდოს? არ შეიძლება! ვერ დავიჯერებ!

ხმა არავეინ გასცა. ყველას ბოღმა ჰქონდა მოწოლილი და არავეინ იცოდა, რა გზით აეცილებინათ ავი ხიფათი, რომელიც უკვე კარს ურახუნებდა მათ. მხოლოდ ნიკო დარჩა უდარდელი. დაუდევრად გაწოლილიყო საქანელაში და დამცინავად იღიმებოდა.

ქეთო ფანჯარაში იხედებოდა. უცებ მოღრეცილი სახლის იქით ხევიდან ვინმე კაცმა ამოჰყო თავი და იქაურობა მოათვალაფრა. ქეთომ მაშინვე იცნო ზურაბი, გაოცებული ამოეფარა ფარდას და გურგენიძეს დაადგა თვალი. „იმ ხეეში რა უნდა? რას ეძებს? ვის უთვალთვალებს?“

მცირე ხნის შემდეგ თავჩალუნულმა ზურაბმა ფართე ვერანი ეზო დინჯად გადმოსერა და გვერდელა სახლს შეაფარა თავი. ქეთოს მაშინვე გაახსენდა ლევანი, რომელიც ოთხიოდე თვის წინათ იმ ეზოში ცოდვილობდა, გაახსენდა და გონების მთელი ძალაღონე მოიკრიფა იმის გასაგებად, თუ რა უნდა ყოფილიყო იმ სახლში? „აღბათ იმ ქოხში ბინა გაუჩინეს ზურაბს“. — თითქმის მიაგნო სიმართლეს იედიტმა და დამცირება იგრძნო: რატომ ერთხელ მაინც არ დაიბარა ზურაბმა ქეთო? თუ ოღნავე მაინც მოსწონს მას, მაშ რაღად ერიდება? რისთვის დასჭირდა მას ნიკოს შუამავლობა? ნუ თუ ის დაუვიწყარი ამბავი, რომელიც ბნელ გვირაბში მოხდა, ზურაბმა მეორე დღესვე დაივიწყა? ქეთო იმ სამიოდე საათს სამარემდის მიიტანს, ერთად რომ გაატარეს გვირაბში, ზურაბმა კი... პოი ვერაგო, უმადურო მამაკაცნო! ვაი იმ ქალს, ვინც მოგენდობათ: მზაკვარი, გულცივი და მოღალატე ყოფილხარ, ზურაბო! ქეთოს უმწიკვლო სხეულს დამბალი ხილი ამჯობინე? კეთილი, აგრე იყოს. ნათქვამია ფერი ფერსა, მადლი ღმერთსაო. თუ ზურაბი ქეთოს შეხვდა სადმე, აღბათ თავს გაიმართლებს: ერთობას გადავეგვ, ველარ მოვიცალეო. ვითომ ერთი საათითაც ველარ მოვიცალა? ტყუილია! ქორია! ნამდვილი მიზეზი სხვა ვინმეა.



მართაც, შე უმადურო, შენ გადაეღობე გზაზე შენს კეთილისმყოფელ ქეთოს, შენ მოხიბლე ზურაბი. მაგრამ რა თილისმით შეძლო შენმა აჯადოვე? სულიერი ნათესაობით?

არა, ქეთოს არა სჯერა. მარტო საერთო რწმენა და საერთო საქმე რა საკმარისია! ალბათ სხეულიც სხეულმა იცნო და სისხლიც სისხლს მიუღდა.

ქუჩის გაღალმა იმ სახლის ორ ფანჯარას უცებ თეთრი ჩითის ფარდები ჩამოეფარა. „ალბათ ზურაბი მარტოა. — გაიფიქრა ქეთომ. — მაგრამ იქნება მართაც იქ არის?“

ნიკო გვერდში ამოუდგა ქეთოს და ჰკითხა:

— რას დაღონებულხარ? ახატნელების გაქირვება შენც გეწყინა?

— მე ჩემი ქმრის მაგიერად მრცხვენიან. — მიუგო დამ. — ის ათითასი მანეთი ჩემი მზითვეი იყო, მან კი მე არა მკითხარა და თამასუქები ნახევარ ფასში მიუგდო წვერაძეს.

— სჯობს სულ დაივიწყო.

— მეც ავრე ვაპირებ.

— ახალს რას მეტყვი, ივდიო?

— არაფერს. რაც გითხარით, ისიც გეყოფათ. — ბრაზიანად უთხრა ქეთომ.

— გაჯავრებული ყოფილხარ.

ქეთომ არაფერი უპასუხა, მცირე ხნის შემდეგ ქოხზე მიუთითა და შეცვლილი ხმით ჰკითხა:

— ნიკო, აგერ იმ სახლში ვინა ცხოვრობს?

— მე რა ვიცი? — მიუგო ძმამ და მის ხმას შფოთი დაეტყო. — რად მეკითხები? რა მოხდა? იქ ხომ არავინ დაინახე?

— არავინაც არ დამინახავს.

— მაშ რათა მკითხე?

— რა ექნა, რას ჩამაცივდი?

მე კი არა, შენ ჩამაცივდი. აქამდის არ გკითხავს და რაღა ახლა მეკითხები?

— ქეთო ფანჯარას მოშორდა და საბოლოოდ დარწმუნდა, რომ იმ სახლში ზურაბი ცხოვრობდა.

მან ნიკო მეორე ოთახში გაიყვანა და ჩუმად ჰკითხა:

— ზურაბზე ხომ არაფერი გაგიგია?

— არაფერი. რა უნდა გამეგო?

— სულ არაფერი გაგიგია? — ჩააცივდა ქეთო.

— არაფერი შეთქი.

— იმაზე ცუდს ხომ არაფერს ამბობენ?

— რა უნდა სთქვან, ქალო? რა ირიბულად მეკითხები?





იმ ორ თვეში ზურაბს ახატნელების ქუჩაზე ერთხელაც არ გაუტელია. იმ ნაჭერს მიწისას, სადაც მოღრეცილი სახლი იდგა, უკნიდნარქვენი ზურაბი დიოდა. ზურაბი ხევიხვე უვლიდა და მხოლოდ იმის გამო ჰქმნებოდა მისი სახლი და მისი ეზოც ახატნელთა სახლის ზემო-სართულიდან მოსჩანდა. გურგენიძე ფრთხილობდა და ერიდებოდა ის ალაგი დღისით გაველო ხოლმე. მაგრამ საქმე მუდამ არ ნებდებოდა და მას ზოგჯერ დღისითაც მიიყვანდა ახალ ბინაზე და იქიდანაც დღისით გამოიყვანდა ხოლმე.

იმ დღეს რაქდენი თავისუფალი იყო, თითქმის რიყრაყზე შესხლტა იმ სახლში, მარღად ჩაცურდა ხერელში და გაზეთის აწყობას შეუდგა.

ზურაბი შუადღის შემდეგ მოვიდა. მან საკუთარი გასაღებით გააღო კარი, შიგნიდან ჩაყტა, თეთრი ფარდები ჩამოუშვა და ისიც ბუხარში ჩაძვრა. გურგენიძემ ახალი წერილი ჩაუტანა რაქდენს, ნახევარ საათში უკანვე ამოძვრა, ბუხარში ფილაქანი გაასწორა, ზედ პრიმუსი ააშიშინა, ჩაიდანე შესდგა, მერმე მაგიდას მიუჯდა და კორექტურის გასწორებას შეუდგა. მან რამდენიმე წერილი გაასწორა და ბოლოს საკუთარი წერილიც გადაიკითხა.

ზურაბი სწერდა: ოქტომბრის მანიფესტი ჯერ არ გაცივებულა, როცა მთავრობა სამზადისს შეუდგა. მან შავი რაზმები შეადგინა, ჯარი „გაწმინდა“, აფიცრები შეარჩია, კამარჩილა მოაწყო. სათათბიროს დიდი ძალა არ ექნება. დებუტატების საკრებულოს უფლება აქვს ითათბიროს, მაგრამ ნება არ აქვს ძირითად კანონებს გადასცდეს. მას ზემოდან სახელმწიფო საბჭო დასცქერის, რომელსაც შეუძლიან ყოველი მისი დადგენილება გააუქმოს, თუ იგი არ მოეწონა, ხოლო ორივეს თავით-ფეხამდის იარაღში ჩამჯდარი მთავრობა ადგია, რომელსაც სულ ადვილად შეუძლიან ყურმოჭრილ ყმებად აქციოს ისინი, და თუ უჩიობას გაუბედავენ, უბრალო მსახურივით დაითხოვს და უფრო მორჩილ ხალხს მიიწვევს. გურგენიძის აზრით თავდაპირველად საჭირო იყო დამფუძნებელი კრების მოწვევა და ძველი ძირითადი კანონების განიაცება, ხოლო ამ საქმის შესრულება მხოლოდ გამარჯვებულ აჯანყებას შეეძლო. დასასრულ ავტორი აფრთოვანებით მოუწოდებდა ხალხს იარაღი აეხსა, დარაზმულიყო, წითელ დროშას გაჰყოლოდა და გადამწყვეტ ბრძოლაში ჩარეულიყო, რომელიც საცაა უნდა დაწყებულიყო.

გურგენიძემ თითქმის ბოლომდის ჩაიკითხა წერილი. უცებ კარი დააკაკუნეს. ზურაბი შეკრთა, წამოხტა, რევოლვერზე იკრა ხელი, ფეხაკრებით მივიდა ფანჯარასთან და ფრთხილად გაიხედა გარეთ. იქ არავინ მოსჩანდა. ზურაბს თითქმის გაეფანტა კრთომა. მტერი რომ მოსულიყო, თავდაპირველად ალყას შემოარტყამდა. მაშ კერძო ვინმე იქნება.

კარი უფრო გაბედულად დააკაკუნეს. ცხადია, რომ მტერი არ არის, მაგრამ არც ზურაბის ამხანაგია. მათ სამჯერ უნდა დააკაკუნონ მაგრა, ეს ვილაც კი უთავბოლოდ არაკუნებს.

— რომელი ხარ?

ქეთომ ზურაბის ხმა იცნო და მთრთოლვარე ხმით შეუძახა:

— ზურაბ, მე ვარ... ქეთო ვარ. კარი გამოიღე.

გურგენიძემ კარი გაუღო, შემოუშვა, ისევ მიუქცა და ცივად და-  
აყარა:

— მარტო ხარ? როგორ მომაგენი? ვინ მოგასწავლა?

ქეთო გაშეშდა. მას ეგონა, ზურაბი გადაეხვეოდა, სიხარულით ცას დაეწეოდა, მან კი სალამიც არ აღიროსა და სუსხიანი ხმით განაგრძო:

— სთქვი რალა? როგორ მომაგენი მეთქი? ვინ მოგასწავლა? რას გაჩემებულხარ?!

ქეთო აიბრიზა. ჯერ კარგა ხანს იყუჩა და მერმე ნაწყენი ხმით ჰკითხა:

— სალამსაც არ მაღიროსებ?

— რა დროს ვგ არის! გეკითხები, როგორ მომაგენი მეთქი?

— თუ სალამის ღირსიც აღარა ვარ, მაშ უკანვე დაებრუნდები. ბო-  
დიშს ვიხდი შეწუხებისათვის.

— დაიცა. ვერ წახვალ. კარი დაკეტილია. აქ მო. აი აქ დაჯექი და ყური დამიგდე.

მკლავში ხელი წაავლო, ტახტზე დასვა, თვითონ გაიარ-გამოიარა, მერმე გვერდით მიუჯდა, ხელი ჩამოართვა და უთხრა:

— ჩემო ქეთინო, ნუ გწყინს, ნუ მიჯავრდები. ჩვენი ამბავი რომ გცოდნოდა, არც მოხვიდოდი და არც გეწყინებოდა.

ზურაბმა მოკლედ უთხრა: ახლა გაცხარებული სამზადისია. რამდენიმე დღეში სამკვდრო-სასიცოცხლო ბრძოლა დაიწყება და, რა საკვირველია, რომ ზურაბმა ვერ მოიცილა. არც ახლა სცალიან. საცაა უნდა წავიდეს. ამხანაგები ელოდებიან.

— მაშ წავალ. მშვიდობით იყავი. — ცივად მიუგო ქეთომ და წამოდგა.

დაიცა მეთქი, ქეთინო. ჯერ მითხარი, ვხა ვინ მოგასწავლა. ზურაბა ამან შეაწუხა და სანამდის არ გაგიშვებს, მანამ ამას არ გაიგებდეს.

— ამ ეზოში რომ შემოდოდი, მე იმ ფანჯარაში ვიყურებოდი და დაგინახე. — და თვითონ სახლზე მიუთითა.

ზურაბი თითქმის დამშვიდდა. მან შვებით ამოიქუნთქა და ჰკითხა:

— ეზოში საიდან შემოხვედი?

— ერთი საათია რაც ამ სახლს გარშემო ვუვლი. ბოლოს ხევში ჩავედი და იქიდან ამოვედი.

— ღონ არავენ გითვალთვალა?

— ნუ გეშინიან. სულ ირგვლივ ვიხედებოდი. ფრინველსაც კი არ დაუნახივარ. დაწყნარდი მეთქი. დანამდვილებით ვიცი, რომ მე თვალს არ მაღვენებენ. — დაამშვიდა ქეთომ ზურაბი და ხელზე ხელი დაადო:

— არა მჯერა. გული სხვას მეუბნება. შენი ქმარი დაგეშლილი მეძებარია და იცის, რომ შენ ჩვენს ჯგუფთან რაღაც კავშირი გაქვს, რომ სამუდამოდ არ ჩამოგვეშორებიხარ და, მაშასადამე, ჯაშუს მოგიჩენდა.

— მართლია, მომიჩინა, მაგრამ ის ჯაშუში მოვისყიდე და ხელთ ჩა-  
ვიგდე. — გამოუტყდა ქეთო ზურაბს და წელანდელი ამბავი უამრავად  
ქერა ჯაშუშის ხსენებაზე გურგენიძე უარესად შემფოთვეს. —  
— ეგ რა გიქნია, ქეთო!  
— ხელთა მყავს მეთქი, ზურაბ.  
— შენ კი არა გყავს, — გააწყვეტინა მეგობარმა, — იმას ჰყოლიხარ  
ხელთ, შე საწყალო, შენა. სანამ ფულსა და ბეჭედს მისცემდი, რატომ მე  
არა მკითხე?

ქეთომ დრო იხელთა და ზურაბი საყვედურით გაავსო. ქალმა მას  
უბიწოება შესწირა, ზურაბი კი დაიკარგა და მას აქეთ ერთხელაც არ  
გამოჩენილა. ქეთოს გაგიჟებით შეუყვარდა გურგენიძე და იმის გარდა  
სხვა არაფერი სპყავს.

— შენა ხარ ჩემი ნამდვილი ქმარიც, ჩემი ძმაც და ჩემი ერთადერთი  
მეგობარიც, შენ კი... გცხვენოდეს... არც კი შემიბრალებ... ერთხელაც არ  
გამიხსენე.

ზურაბმა გულაჩუყებულმა ქეთოს მკლავები მოხვია, ცრემლიანი სახე  
დაუკოცნა და შეცოდება აღიარა:

— შე ვტყუი, ვტყუი მეთქი... ჩემი ბრალია. დამნაშავე ვარ და მა-  
პატიე...

— თუ შენც გიყვარვარ, გაპატიებ...

— რაც მოხდა, დაივიწყე...

— თუ შენს თავს კვირაში ერთხელ მაინც მაჩვენებ, ყველაფერს და-  
ვივიწყებ... ჩემო ზურაბ... ჩემო მტანჯველო ზურკო.

დიღბანს ისხდნენ ჩახლართულნი. მერმე ქეთო გაძალიანდა და აბურ-  
ბურტა:

— დაიცა... არ შეიძლება... არ მინდა მეთქი... მაგისტვის არ მოვსულ-  
ვარ... ახა ღმერთო ჩემო!...

ქეთოს დიღბანს ჰყავდა ზურაბი მკლავ-ჩახვეული. თმებს უჩეჩავდა,  
ჰკოცნიდა და მაძლარ კატასავით ხრუტუნებდა:

ბრაზიანო... ბურტავ... კიდეც გამაჯადოებ?... კიდეც დამემდურები?  
კიდეც დამეკარგები? — და უცებ უნებურად წამოსცდა: — ზურაბ, ნუ  
თუ მართას ჩემზე მეტად უყვარხარ?

მართას ხსენებაზე ზურაბმა სახე შეიკუმუნა და ქეთოს მკლავებს თავი  
დააღწია. ქეთომ ხელი სტაცა და დამნაშავესავით შეეხვეწა:

— ზურაბ, ნუ გამიწყრები. ამას იქით იმის სახელსაც კი აღარ გავხ-  
სენებ. ეს ერთი წამომცდა და მაპატიე, დაივიწყე.

ზეზე ამდგარმა ზურაბმა ქალს დახედა. გულადმა მწოლარე ქეთოს  
შიშველი მუხლები უჩანდა. პაწია ფეხებზე ლაქის ფეხსაცმელი უკრია-  
ლებდა, ხოლო გამოქანდაკებული წვივები და მუხლის თავები სახიან



შავ წინდებში ჰქონდა გამოწყობილი. ქეთომ მორცხვად გაუღიზა და ფეხები კაბაში შეიკეცა. ზურაბმა მის სხეულს თვალი ააყუარა და ხელთაც ვით გადავლებულ თეთრ ნასთს დააცქერდა. „ლამაზიაჲ მის ცხვირს, მისი კბილები, — მეტად მგრძობიარე, ვნებიანი, ამავე დროს ოდნავ მომსუბუქო, მიამიტი და ადვილმორწმუნეა, ის კი“...

მან, მართამ, შორიდანაც გადასწია სასწორი.

ზურაბს ქეთო კვირაში ერთხელ თუ ავონდებოდა, მართა კი მუდამ თან სდევდა, მისი სახე სულში ედგა, მისი ნახვა სწყუროდა, მართას დინჯმა ჭკუიან, მუდამ სწორმა ხასიათმა, უზადო ერთგულებამ, დაუზარლობამ და ბავშობიდანვე შესისხლხორცებულმა რწმენამ ისე ღრმად შეიდღულა ზურაბი, რომ მას უმართოდ ცხოვრება ვერც კი წარმოედგინა. „ის ჩემი მეუღლეა და სამუდამო მეგობარი, ქეთო კი გზაზე შემხვდა... ესეც მიყვარს, მაგრამ ქეთო დროებითია, სადღაც დამივიარდება, ჩამომშორდება და თავის გზით წავა“.

გურგენიძეს თავის ორგულობა და ლალატი გულს უკაწრავდა. აქამდის ეგონა, იმ ჯურღმულში მომხდარი ამბავი უნებური ცდუნება იყო და აღარ გამეორდებაო, ახლა კი თითქო რწმუნდებოდა, რომ მართას გარდა ეს ქალიც ჩაექსოვა მას და ისე ღრმად გამოება ფეხვივით, რომ იმის ამოსაგლეჯი ძალა აღარ ეყოფოდა. მართას ზურაბის ერთგულებაში ეჭვი არ შეჰქონდა, ქეთო კი თავის ხასობას უკვე შეეგუა და ახლა იმასღა ემუდარებოდა ზურაბს, რომ მას ხელი არ ეკრა მისთვის და კვირავა ერთხელ მაინც ენახა.

— და თუ ამის ღირსიც არა ვარ, თუ სულაც არ გიყვარვარ, სამუდამოდ ჩამოგშორდება და ვეცდება გულიდან ამოგავლო.

მცირე ხნით სიჩუმე ჩამოვარდა და ამ სიჩუმეში ნელი შორეული კაკლნი გაისმა. ზურაბი ჩაფიქრებული იდგა, ქეთომ კი სმენა გაიმახვილა და ჩუმს რითმიულ ჩახუნს მიუგდო ყური.

— ზურაბ, გესმის?

— რა იყო? რა უნდა მესმოდეს? — ჰკითხა შემკრთალმა ზურაბმა.

— აბა ყური დაუგდე. ქვეიდან რაღაც ხმაურობა ისმის, თითქო რაღაც ნანქანა მუშაობდეს.

— ქვევით მანქანას რა უნდა? მოგეჩვენა... ალბათ აქვე მეზობლად ხმაურობენ.

— აბა ყური მიუგდე.

— არა შეთქი.

ზურაბს მოუსვენრობა დაეტყო. ქეთოს გვერდით მიუგდა, მან თეთრი ნასთი ჩამოუშალა, მიუალერსა და ჰკითხა:

— მაშ ქმარი აღარ გიყვარს?

— ვანა როდის მიყვარდა, რომ ახლა მიყვარდეს?

— მართასთვის გითქვამს, ძალიან მომწონსო. — გაახსენა ზურაბმა.

— მომწონდა... ძალიან მომწონდა. — მიუგო ქეთომ ხანგრძლივი ყუყმანის შემდეგ. — გარდა ამისა, ჩემს დედმამასაც უნდოდა დაჩქვრე მჭლად შქონდა თქვენითვის სამსახური გამეწია, მაგრამ... ჩემი ქმარი მჭყრის ვინმე გამოდგა... მცხენიან, ვერ გეტყვი.

— ბარემ დაასრულე. — მიაწოდა ზურაბმა და ლამობდა მანქანის ხმაურობა ლაპარაკში ჩაეხშო. — მიაშბე, მე რას მიმალავ!

— არამზადაა, ჯიბგირია... ახლავე მლაღატობს. — და ქეთომ ცრემლიანი ხმით უამბო ავშაროვის წარსული და ადელის ამბავიც.

— საწყალო... საბრალო ქეთინო. — შეიცოდა ზურაბმა. — სიცოცხლე თავიდანვე ჩავმწარებია, მაგრამ ეს არაფერი. გაფრთხილდი, თორემ შესაძლებელია ამაზე უარესი დღე დაგადგეს. გათხოვება რომ დააბირე, მართამ გაგაფრთხილა და ჩემი აზრიც ვადმოგცა. მან გითხრა, მეტად ძნელი ტორთი აგოკიდნია და იქნება დავარდო.

— მახსოვს. მე ჯერ სასინანულო არაფერი მაქვს... თუმცა... იქნება მაქვს, მაგრამ სანამ შენა მყევხარ, მანამ ყველაფერს მოვიტმენ.

— კეთილი, ჩემი იმედიც იქონიე, მაგრამ იცოდე, შენი მოსვლა პირველი და უკანასკნელი იყოს.

— მაშ სადა გნაზო? — სასოწარკვეთით შესძახა ქეთომ.

— მაგას შე თვითონ შეგატყობინებ ხოლმე, ახლა კი ეს სახლი სამუდამოდ დაივიწყე და აქეთ არც კი მოიხედო, არც სადმე ახსენო, თორემ... ზურაბმა ველარ დაასრულა. უცებ ბუხარში ყრუ რახუნი გაისმა. გურგენიძე დაკბენილივით წამოვარდა. ქეთოც წამოხტა და გაფითრდა. რახუნი უფრო მკაფიოთ გამეორდა.

— რახუნი ბუხარში გაისმის. — ჩუმად სთქვა ქალმა და ბუხარს ეცა. მერმე ზურაბს ვადმოხედა, გაულიმა და დაასრულა: — მესმის, მიგხვდები. ლევაში რომ მუშაობდა, ფანჯრიდან დავინახე და მაშინვე ვიფიქრე, აქ რალაც ამბავია მეთქი.

— აქეთ მოდი! რა შენი საქმეა! — ჩაიბრიალა გაჯავრებულმა ზურაბმა და ქეთო მკვახედ გაიყვანა განზე. გურგენიძე მიხვდა, რომ დამალვა ამო იქნებოდა. მაგიდიდან სწრაფად მოხვეტა კორექტურა, ბუხრიდან პრიმუსი გამოდგა, ფილაქანი გასწია, რაედენს ფურცლები მიანიჭა და ბრაზიანად ჩასჩურჩულა:

— ბედოვლათო! უწნოე! ველარ მომიცადე?!

პასუხი აღარ დააცადა, ფილაქანი კვლავ შესწია, პრიმუსიც შესდგა, ხელები უკან დაიწყო და პირსუსხიანმა რამდენჯერმე ჩამოიარა ოთახი. მერმე მოლიმარე ქეთოს მიადგა და სთქვა:

— რაც არის, არის. რალა დაგიმალო: აქ პატარა სტამბა გავმართე და... რას იტინი, ქალო!

— შენზე მეტინება. — მიუგო ქეთომ და ორივე მკლავით ჩამოეკიდა კისერზე. — ისე დაფაცურდი, თითქო ქურდობაში დამეჭორე. რად მი-

ჯავრდები? ნუ თუ არ მენდობი? ნუ მიმალავ, ნუ ხარ გულმხრეული. იმედი მქონდა, ზურაბი პარტიაში შემიყვანს მეთქი, შენ უნდა მოხერხებო.

— რა დროს ეგ არის! რა შენი საქმეა პარტიაში ყოფნაში? შენ გინდა შენთვის ზურაბმა და ქეთოს მკლავებს გაუსხლტა.

— თუ კი მართას შეუძლიან...

— მართას ნუ ედრები. მართა ხუთი წელიწადია მუშაობს. ის გამძლეა, დაგეშილია, ერთგულია.

— ორგული არც მე ვარ. — წყენით წამოიძახა ქეთომ. — მე მართაზე უფრო სახიფათო საქმეს ვაკეთებ. მაშ რას მერჩი, რატომ მჩაგრავ?

— დაწყნარდი, ქეთინო. — მოლბა უცებ ზურაბი. — დაჯექი და ყური მიგდე. შენ მართალს ამბობ, მაგრამ...

ქეთო მართალს ამბობს, მაგრამ საქმეს მეორე მხრიდანაც უნდა შეხედოს. ქეთო ენადარმის ცოლია. მან თავის ქმარს ხაფანგი დაუგო, მაგრამ შესაძლებელია იმ ხაფანგში ნადირზე უფრო ადრე თვითონ მონადირე გაებას. ქეთოს ტყუილად ჰგონია თითქო მას ის ქერა ჯაშუში გადმოებროს.

— ნუ დაუჯერებ მეთქი. ის ორ ძროხას სწველის. უბრალო რამეზე არ გაგცემს, მაგრამ ბირკივით აგედევნება და როცა დიდ ნადირს მიაგნებს ისეთ დროს დაგცხებს, როცა არაფერსაც არ მოელი.

— ალბათ დიდი ნადირი შენ იქნები. — ჩაურთო ქეთომ და შეშინებულმა წამოიძახა: — ღმერთმა დაგიფაროს! უწინამც მიწა გამისკდეს და შრე ჩამიტანოს! უწინამც მზე დამიბნელდეს!

ქეთინოს შშის დაბნელება ველარას უშველის. სჯობს ახლავე დაუჯეროს ზურაბს და მის დარიგებას ოდნავაც არ გადაუხვიოს, თორემ...

ზურაბმა მრავალი დარიგება მისცა, მისგან ახალი ცნობა მოისმინა და ბოლოს ჰკითხა:

— ჰო, მართლა: ახალი ზომ არაფერი გაგიგია?

ქეთო შეყოყმანდა. სანამ ზურაბს მოაგნებდა, მანამ გადაწყვეტილი ჰქონდა ის ამბავი შეეტყობინებინა, რომელმაც დილას თავზარი დასცა. მერმე თანდათან დაწყნარდა, მოიფიქრა და გადასჭრა ზურაბისთვის არაფერი არ ეთქვა. გადაჭრილი ჰქონდა: ჯერ ჩემ ქმარს, „ჩემ აგენტს“ და მეგობრებს ფრთხილად გამოვეკითხავ და მერმე გარემოების მიხედვით მოვიტყვიო. მან არ გაითვალისწინა ზურაბის კითხვა და ფორხილით უპასუხა:

— ახალი?... არაფერი.... საიმისო არაფერი.

ზურაბმა ყოყმანი და ფერის ცვალემა შეატყო და —

— რას მიმალავ! მითხარი, რა იცი?

— არაფერი მეთქი.... საიმისო არაფერი. — წაილულლულა ქეთომ.

— შენს ქმარსაც აგრე ელაპარაკები ხოლმე? — გაუღიმა ზურაბმა. — აკი ამბობდი, ისე ვიტყვი ტყუილს, რომ ეშმაკიც ვერ შემატყუებსო. კბლეკი ბაღლიც კი შეგატყობს, რომ რაღაც ამბავი იცი და მიმეფხვლე. ~~მეც ვიცი~~ ქეთომ უცებ გაჰბედა და სხაპასხუპით დაიწყო:

— ჩემ ქმართან ისე ვტყუი ხოლმე, რომ წარბსაც არ შევიხრი, მაგრამ შენ... ვერა, შენ ვერ მოგატყუებ, ვერაფერს ვერ დავგიმალავ. ყური მიგდე, ზურაბ. აქ მო, დაჯექი... საქმე ის არის, რომ ჩემი ქმარიც მატყუებს. წელან მართალი სთქვი, ხაფანგს გიგებსო. დღეს ერთ ხაფანგს წავაწყდი, მაგრამ ვერ მივართვი, ვერ გამაბა. სხვა ჩემ მაგიერ უეჭველად გაებმეოდა, მე კი ის ხაფანგი შორიდანვე დაეინახე და... ჯერ თავხარი დამეცა, მერმე კი გამეცინა... დიალ, გამეცინა.

— გამაგებინე, რა მოხდა შეთქი?

— ის მოხდა, რომ... სათქმელადაც არა ღირს, მაგრამ რაკი დავიწყე, ბარემ სულ ვიამბობ. დღეს დილით არტემს თავის მაგიდაზე რამდენიმე საქმე დაავიწყდა.

— განგებ დაავიწყდა. — ჩაუროთო ზურაბმა.

— რა მალე მიხვდი. — გაეხარდა ქეთოს. — შენი ძველი საქმეც იქ იყო. გადავშალე და ის ფურცელი წავიკითხე, სადაც ეწერა: მართას ბინას თვალი ადევნეთო, ზურაბს ჯერ ნუ დააპატიმრებთო და... ფოცხვერი ჩენი აგენტიაო. მართლა, ჯერ ეს მითხარი, ფოცხვერის ლალატი კარგად შეამოწმე?

— მე აქ არ ვიყავი და მაგისტანა საქმეში არც ვერევი. ის კი შინც იცოდე, რომ ჩენი ბიჭები ტყუილუბრალოდ არავის გაიმეტებენ. მე დღეს დილით დაებრუნდი და გავიგე: თურმე ფოცხვერისთვის თვალი უდევნებიათ და სწორედ მაშინ მიუსწრიათ, როცა ის წუპაკი და შენი ქერა ჯაშუში „ახრანკის“ საიდუმლო ბინაში ტკბილად კურკურებდნენ. ფოცხვერი იქვე გაუთავებიათ, შენი აგენტი კი ფანჯარაში გადამხტარა და მიმალულა.

— მაშ ავშაროვის წერილობითი შენიშვნა ფოცხვერზე მართალი ყოფილა? — ჰკითხა ფერმიხდილმა ქალმა.

— სჩანს მართალი ყოფილა. ახლა სთქვი, ახალი რა გაიგე?

— ახალი?... ახალი ის არის, რომ ჩემ ქმარს იმავე ფურცელზე მიუწერია: გურგენიძეს ხელი არ ახლოთ, დიდ სამსახურს გვიწევსო. აჰა, გითხარი და გავათავე. — და ქეთომ ისე ამოიხენეშა, თითქო ზურგიდან ვეება ლოდი ჩამოეგდო. ცოტა ხანს იყუჩა და ზურაბს შეხედა.

ზურაბი არც კი შეინძრა თითქო არც შეკრთა და არც გაოცდა. მან ღიმილით შეხედა ქეთოს და დინჯი ხმით ჰკითხა:

— მერმე?

— მერმე არაფერი. საქმე იქვე დავდე და შენ საძებნელად წამოვედი.

ზურაბი სდუმდა და ისევ იღიმებოდა, ქეთოს კი უკვირდა: რატომ არ მეკითხება, მისი ღალატი დავიჯერე თუ არაო? ამ კითხვას კარგა ხანს ელოდა, თანაც ალტაცებაში მოდიოდა თავის ნაცვარელი მეგობარის სიღინჯით და დუმლით. უცებ ფიცხლად მოეხვია წას. თან ჰკოცნიდა და თან ეუბნებოდა:

— შენ კი გენაცვალე, ზურაბ... თავს შემოგველოს შენი ქეთინო... ნუ დამიღონდი. შენი ღალატი ერთი წამითაც არ დავიჯერე.

— ეითომ? მართლა? — თითქო თავისთვის ჩაილაპარაკა ზურაბმა.

— ქეთო მოგიკედეს, თუ ვტყუოდე. აბა მოიფიქრე: მე რომ დამეჯერა, ნუ თუ წელან დაგნებდებოდი და ამდენს გიალურსებდი? ნუ თუ...

— კარგი, მჯერა. — გააწყვეტინა ზურაბმა და თვითონაც მოეხვია. — მჯერა მეთქი... გმადლობ ქეთინო, გმადლობ. ახლა კი დავრწმუნდი, რომ მართლა ერთგული მეგობარი ყოფილხარ, რომ ნამდვილად გყვარებოდა და არც არასოდეს მიღალატებ. მაგრამ...

მაგრამ ზურაბს ისევ ის აზინებს: ქეთო ბადეს ეთამაშება. ერთხელაც იქნება ის ბადე თავს შეიკრავს და ქეთოსაც, ზურაბსაც და მათ მეგობრებსაც შიგ მოიყოლებს. ზურაბი ერთხელ კიდევ შეეხვეწა ქეთოს მეტად ფრთხილად ყოფილიყო, მრავალი რჩევა-დარიგება მისცა და დაასრულა:

— შენს ქმარს კი იმასვე მიეუზღავე, რაც მან მომიზლო. ახლა კი წადი და ამ სახლის გზა-კვალი სამუდამოდ დაივიწყე. მშვიდობით იყავი. მალე მოგიკითხავ... კარგი, გეყოფა... სული შემიგუბდა.

ანაზღად სამჯერ ზედიზედ დააკაუნეს კარი. ქეთო ძლიერ შეერთა. ზურაბმა წაიბურტყუნა:

— ყველას ახლა მოუნდა მოსვლა. ან მართა იქნება, ან ნიკო. — და კარი გააღო.

ორივენი შემოვიდნენ ოთახში, მართაც და ნიკოც.

წელან ნიკომ ქეთოს თვალი აადევნა ფანჯრიდან და მიხვდა, რომ ქეთომ ზურაბის ახალ ბინას მიაგნო. მან ჯერ განიზრახა დასწეოდა ქეთოს და გზაკვალი აერივნა, მაგრამ მერმე ვერაგულმა აზრმა გაუფუჩუნა და მაშინვე მართას ბინისკენ დაეშვა. მართა შინ არ დაუხვდა. ნიკო ისევ ზემოთ ამოვიდა და ორჯელ კიდევ ჩავიდა. მართა რომ დაბრუნდა, ნიკომ უთხრა:

„მართავე, წამო ზურაბი ენახოთ. ქუთაისიდან დღეს დილით უნდა დაბრუნებულიყო და ახლა იქ იქნება“.

„იმის ნახვა მეც მინდა, საქმე მაქვს, — უბასუხა ქალმა, — მაგრამ იქ მისვლა სახიფათოა. ზურაბი გაჯავრდება“.

„წამო მეთქი. პასუხს მე ვაგებ“.

მართამ დასთმო. ორი კვირა იქნებოდა, რაც ზურაბი არეკნახაყ და მასთან ყოფნა მოსწყურდა. ნიკო გამოჰყვა და ახლა გაშტეტულნი იდგა კარებში. წელან რომ ნიკოს ეთქვა მისთვის, იმ საიდუმლო ოთახში ქეთო დაგიხვდებაო, მართა არც დაიჯერებდა და არც გამოჰყვებოდა, ახლა კი ორივე ქალი ფერწასული იდგა და არ იცოდნენ სად დაემალნათ შემკრთალი თვალები და რა ეთქვათ ერთმანეთისათვის.

— გამარჯობა, ზურაბ! მიესალმა ირიბული ღიმილით ნიკო. — რასა იქმ, როგორა ხარ?

— მართა რად მოიყვანე? დღისით რად მოხვედით? — ცივად ჰკითხა ზურაბმა.

— მართას მოსვლა გეწყინა? — უკბინა ნიკომ. რახან ქეთოს შეუძლიან მოვიდეს, მგონი ჩვენც უფლება უნდა გვქონდეს...

— ქეთომ ერთი დააშავა და შენ ორი. — გააწყვეტინა ზურაბმა. — ქეთომ თვითონ მომავნო. დიდი საქმე ჰქონდა, მან არ იცოდა, რომ აქ მოსვლაც სასტიკად აჯკრძალე, შენ კი იცოდი, არც დიდი რამ საქმე გაქვს და სულ სხვანაირმა ზრახვამ მოგიყვანა.

— მაგაზეა ნათქვამი: ჩემი შენ ვითხარო. გული მოგიკალიო. ბარემ უბრალოდ ეთქვათ: ხელი შეგიშალეთ, ეს არის და მეტი არაფერი.

ზურაბს მეხით აევსო თვალები. ნიკოს პირისპირ მიადგა და უნდოდა მკვახე რამ ეთქვა. მაგრამ ნიკომ დაასწრო:

— ჩემო ზურაბ, ზუმრობა არა გცოდნია. ნუ გვიწყრები. მართა ბრალი არ არის. წესი მე დავარღვიე. საქმე მქონდა, მაგრამ სჯობს გადავდოთ მართა, წავიდეთ.

მას უნდოდა ქეთო ზურაბისთვის დაეტოვებინა, თვითონ კი მართა წაეყვანა, ნუგეში ეცა მისთვის და მისი გული მოეგო. ეგონა, ახლა ზურაბის ლალატი მართამ საკუთარი თვალით ნახა და მას სამუდამოდ ჩამოშორდებო, მაგრამ ზურაბმა მართა არ დაანება:

— შენ ქეთო წაიყვანე, მართა კი აქ დარჩება.

ქეთო მაშინვე გაემართა კარისკენ. მართა კი ტახტზე ჩამოჯდა.

ელდანაცემი ნიკო თავის დას გამოჰყვა.

ზურაბი და მართა მარტო დარჩნენ. თავჩაჭინდრული, პირმოღუშულა ვაეი სწრაფი ნაბიჯით დადიოდა ოთახში. მას თითქო დაავიწყდა, რომ მისი საყვარელი მეგობარი იქვე იჯდა და მისგან ნუგეშსა და წელანდელი სიტყვების განმარტებას ელოდა: „ქალმა თვითონ მომავნო. დიდი საქმე ჰქონდაო“. ბოლოს ზურაბმა მიიხედა და დაინახა: მართას პირსახე ხელლებში ჩაემალნა და ჩუმად ტიროდა. ვაეი გაოცებული შესდგა. რას

იფიქრებდა, რომ ცეცხლსა და გრივალში ნაწრობ მარტას ტორილი შე-  
 ეწლო? ისიც რისთვის და რატომ? თქმა არ უნდა, რომ იქვიანობამ აატი-  
 რა, მაგრამ რა დროს იქვია!

ზურაბი მართასთან მივიდა, გვერდზე მიუჯდა, ცალი ხელში მარტას  
 და მეორე ხელი თმაზე გადაუსვა.

— დამშვიდდი, მათიკო... დაწყნარდი, გენაცვალოს ზურაბი.

მართამ პირსახე მკერდზე მიაყრდნო და ცრემლით დაუსველა.

— დამშვიდდი შეთქი. ყველაფერს გაამბობ.

ნახევარი საათის შემდეგ მართა დამშვიდებული და დაჯერებული  
 წავიდა.

ვლადიმირ მაიაკოვსკი

## შინისკან უსხოეთიდან

მონახეთ ვზები,  
ჩამომშორდით ჩემო ფიქრებო.  
შეერთდით,  
შეხედით  
სიღრმეებო ზღვისა და სულის.  
სიფხიზლის შუქი  
ზოგჯერ კაცში თუ რომ მიჰქრება, —  
ასეთი კაცი ემსგავსება  
უთუოდ სულელს.

გეშზე ვარ.  
მერგო კაიუტა უსაძაგლესი:  
ჩემს ზევით სცეკვენ,  
ჰვენესის ჭერი,  
ქუსლით ნაგლესი,  
და რიერატამდე,  
მთელი ღამე,  
სტირის კოტივით,  
ამ ღრიანცელში ჩაქსოვილი  
ერთი მოტივი:  
„მარკიტა,  
მარკიტა,  
ჩემო მარკიტა, —  
მითხარ,  
ჩემი სიყვარული  
რატომ არ ვინდა“.

აბა, რისთვის შემყვარებს  
ქალი მარკიტა, —  
ვერ მოჰხიბლავ მას





ეროვნული  
წიგლმწიფთვეს

უფულო სიავკარგითა.  
ზოლო კოცნა მარკიტასი  
თუ მოგინდება,  
ასი ფრანკი უჩვენე და  
მოგიფრინდება.

ეს ფულიც კმარა,  
ცხოვრებას რომ სიამე შესჭრა.  
ინტელიგენტო,  
ბურჟლიან თავს  
სხვა რა გილონებს:  
ვინდა რომ ხელში  
ქალს საკერი მანქანა შესჭრა,  
აბრეშუმზე რომ აგვირისტებს  
ლექსთა სტრიქონებს.

კომუნისმისკენ მუშამ ტვირთი  
ქვევიდან ზიდა, —  
ფიწალით,  
ნამგლით,  
მალაროთი ზრდილ სიმწარეში.  
მე კი ვეშვები კომუნისმში  
პოეტურ ციდან,  
რადგან ვერ ეპოვე სიყვარული  
ამის ჯარეშე.

სულ ერთი არის,  
გამაგდეს თუ წაველი ნებით,  
სჩანს,  
უცხოეთში სიტყვის ფოლადს  
ქანგი ედება.  
რისი გულღისთვის  
ამ შორეულ წვიმებში ედნები.  
და აქ რომ ჩავლბე,  
ჩავეიანგო. —  
რა გაკეთდება.

ზღვებს გაღმა ვგდივარ,  
უმოდრაო მანქანა,



ცალად.  
 ეს სიზარმაცე მე  
 რა საზღვრებს გადამაცილებს.  
 ჩემში კი ქშინავს  
 საბჭოეთის იმ ქარხნის ძალა —  
 ბედნიერებას რომ სჭედავს და  
 რომ ანაწილებს.

არ მინდა ვიყო მე ყვავილი,  
 რომელსაც ტყეში  
 მოსწყვეტს მოხელე,  
 ან გასთელავს  
 ვისიმე ჩექმა.  
 მინდა —  
 „გოსპლანმა“ დებატებით  
 და ოფლის თქეშით,  
 ჩემთვის დასახოს  
 ლექსთა წერის წლიური გეგმა.

მინდა, რომ ფიქრი  
 აზროვნება,  
 იმ გზას დანებდეს,  
 რომელსაც დროთა კომისარი  
 მათთვის ბრძანებდეს.  
 და როგორც სპეცის ზე-ულუფა,  
 ზე-წარჩინება, —  
 გულს არ მიაკლდეს  
 სიყვარულის მძლავრი დინება.

მინდა ქარხკომი დამადებდეს  
 ტუჩებზე კლიტეს,  
 რომ შრომის შემდეგ,  
 ხელახალი  
 შრომა არ მღლიდეს.

მინდა რომ ხიშტთან  
 კალმის ქებაც  
 თანაბრად ითქვას.  
 თუჯის,



ეროვნული  
წიგლმწიქმე

ფოლადის  
და შესახებ ლექსების ძალის, —  
პოლიტიურის სახელით რომ  
იტყოდენ სიტყვას,  
და იგი სიტყვა ეკუთვნოდეს  
პირადათ სტალინს,  
„მაშ,  
ამრიგათო...  
მუშა მტვერში აღარ ავღია, —  
ასწია თავი, მწვერვალების თანასწორმაო, —  
და ჩვენს კავშირში, ლექსის ძალამ, უკვე ფაქტია. —  
უკან დასტოვა  
ომის წინა დროის ნორმაო“.

1925

სთარგმნა ნიკოლო მიწიშვილმა.



აკაკი ბელიაშვილი.

## ბ ა ბ რ ა ზ ა

მ ო თ ხ რ ო ბ ა

ზემბო მივერდნო სადგურის ბაქანზე რკინის სვეტს და ნელა დაიწყო ღიღინი. მრავალი ქვეყანა შემოიარა ზემბომ და მიეჩვია ყოველი გამვლელის კირკიტს. ახლაც სადგურის ბაქანზე მოსიარულე ხალხი ინტერესით აკვირდებოდა მას, როგორც უცხო ქვეყნიდან მოსულ ჯარისკაცსა და მისთვის გაუგებარ ენაზე საუბრობდა. ღმერთო ჩემო, რამდენ ენაზე ლაპარაკობს თურმე ხალხი! თავდაპირველად ზემბოს ეგონა, რომ ინდუსებს ვარდა მთელი ქვეყანა ინგლისურ ენაზე ლაპარაკობდა, მაგრამ თურმე სულ სხვადასხვა ენა ყოფილა ქვეყანაზე. საფრანგეთში ფრანგულად ლაპარაკობდნენ. შემდეგ ტყვე გერმანელებიც ნახა, ისინიც თავიანთ ენაზე ლაპარაკობდნენ. სტამბოლში რომ მივიდა, რა ენაზე არ ლაპარაკობდა ხალხი. ზემბომ იქ პირველად ნახა თურქები, ბერძნები, რუსები. ახლა აქ კიდევ ქართველებიც ყოფილან, ესენიც თურმე თავიანთ ენაზე ლაპარაკობენ.

სადგურის მესამე ხაზზე იდგა მათი სამხედრო მატარებელი და ყოველი ოცი ნაბიჯის შემდეგ, ხაზის გასწვრივ, იდგნენ ინდუსი გუშაგები. მატარებელში მარტო მათ ჯარისკაცებს და ოფიცრებს შეეძლოთ შესვლა. უკვე მესამე დღეა აქ დგანან და მორიგეობისაგან თავისუფალი ჯარისკაცები არხეინად დასეირნობენ ბაქანზე სადგურში და სადგურის ახლო-მახლო ქუჩებში.

ზემბო გაკვირვებული უცქეროდა ამ მიხერგილ და დამახინჯებულ ფაგონებს, ჩამქრალ ენგიან ორთქმეალებს, ლიანდაგებს შუა მოსიარულე ხალხს, ტომრიან და კალიათებიან დედაკაცებს და სულ სხვადასხვაგვარად ჩაცმულ ჯარისკაცებს, რომელნიც არავითარ დისციპლინას არ ემორჩილებოდნენ, მუდამ უქმად ხეტიალობდნენ, ლაზღანრობდნენ, ლოთობდნენ, ჩხუბობდნენ და არავინ არ იყო მათი პატრონი. ძალიან უკვირდა ყველაფერი ეს ზემბოს. რა უცნაურ ქვეყანაში მოხვდა ან რაზე წამოიყვანეს აქ, არც ეს იცოდა. სამხედრო გემით მოიყვანეს ბათომში. იქ ზემბომ ნახა ლამაზი ბალი და ქერა პროსტიტუტი ქალები,

რომელნიც თვალების ნაბვით ეპატოებოდნენ ზემბოს და სივეარულში პარტო ერთ შილინგს მოითხოვდნენ.

იქიდან მატარებელში ჩასხეს მათი ნაწილი და მათი მთელი მთავალმა ისინი ტფილისში ჩამოიყვანა, სად დადიან, რისთვის დადიან, ამის შესახებ ზემბომ არაფერი არ იცოდა. მათი ოფიცრები ყოველ დღე და დიოდნენ ქალაქში, იცვამდნენ საპარადო მუნდირებს და ყოველ ღამე მთვრალეები ბრუნდებოდნენ თავიანთ სალონ-ვაგონებში. ერთხელ გენერალიც კი ისეთი მთვრალი მოიყვანეს, რომ საკაცზე დააწვინეს და ისე შეათრიეს ვაგონში. ამბობდნენ, ღვინის ქვეყანაში მოვედითო. მართლა ღვინის ქვეყანა ყოფილა!

ფიქრებში გართული ზემბო სადგურზე ამტყდარმა ყვირილმა და ყაყანმა გამოარკვია. სადგურის მოხელეები გაფაციცებით გარბოდნენ და ხელების ქნევით საოცრად უყვიროდნენ ერთმანეთს. ზემბო ძალზე დაინტერესდა და მის გვერდით უცბათ შეჩერებულ ქართველ ჯარისკაცს ინგლისურად ჰკითხა:

— რა მოხდა?

ის კი პატარა ქვაბით ხელში პირდაღებული შესცქეროდა ამ უცნაურ სკუნას. მან ზემბოს შეკითხვას ყურადღება არ მიაქცია და ისე გადიხარბარა, რომ თვალებიდან ცრემლები გადმოსცვივდა.

ზემბოს ისევ უნდოდა ეკითხა, მაგრამ გაახსენდა, რომ ამათ ინგლისურისა არაფერი გაეგებოდათ და ხელი ჩაიჭნია. მოულოდნელად ჯარისკაცმა მიიხედა, და ზემბოს გაკვირვებას საზღვარი არ ჰქონდა, როდესაც მან დამტვრეულ ინგლისურ ენაზე უპასუხა:

— სადგურის ზარი მოუპარაეთ.

— ოჰო, როგორ თუ მოუპარაეთ!

— ზემბოსაც გაეცინა. რა ხალხი ყოფილა ამ ქვეყანაში. წესრიგი სულ არ არის. სად გაგონილა, რომ რკინის გზის სადგურზე ქურდებმა ზარი მოიპარონ, ხუთფუთიანი ზარი.

— მატარებელი გამოსულა ნავთლულიდან, — განაგრძო ჯარისკაცმა თავის გაჭირვებული ინგლისური ენით, — გამოსვლის ზარი უნდა დაეკრათ და თურმე მოუპარაეთ...

სადგურის თანამშრომლებმა კარგა ხანს იყაყანეს, ბოლოს საიდანღაც რელსის ნაჭერი მოათრიეს, ზარის ადგილას დაჰკიდეს და შემოკრეს. ზემბოს კვლავ გაეცინა. ხელი ჩაიჭნია, რა ხალხი ყოფილა აქო, და ისევ ჯარისკაცს მიუბრუნდა:

— თქვენ საიდან იცით ინგლისური?

ჯარისკაცმა თავის პატარა ქვაბს დახედა, რომლითაც ულუფა წვენი უნდა მიეღო, და ზემბოს უპასუხა:

— კანადაში სამ წელიწადს ემუშაობდი.

— აჰა!

— იქ ვისწავლე.

— თქვენ რა გქვიათ?

— ბაგრატა. თქვენა?

— ზემზო.

— უცბად დამეგობრდნენ. ბაგრატას სულ დაავიწყდა წვენის მიღება და ზემზოს თავისი თავგადასავალი უამბო. მისი სოფელი მთებშია, გლოჯა ჰქვია. იქ წერილი მიიღეს, კანადაში დიდი სამუშაოები იყო, და თხოუმეტი გლოჯელი წავიდა. რიგაში გემში ჩასხდნენ და ნიუ-იორკში ამოჰყვეს თავი. მაშინ ენა არც ერთმა არ იცოდა და საბაჟოში ყველას ზურგზე დააკერეს ტილოები, რომლებზედაც მისამართი იყო დაწერილი. წაიკითხავდნენ თუ არა კონდუქტორები მათ ზურგზე მისამართებს, შესაფერ სადგურზე ჩამოსხამდნენ და მეორე მატარებელში გადასხამდნენ. ამგვარად მივიდნენ ისინი ვინიპეგამდე და იქიდან ყველანი რკინის გზის მშენებლობაზე წაიყვანეს. იქ ისწავლა ბაგრატამ ინგლისური. კიდევ რომ დარჩენილიყო, ალბათ, სულ კარგად ისწავლიდა, მაგრამ ომის ხმა რომ გაეარდა, თავის ქვეყანაში დაბრუნება არჩია. სან-ფრანცისკოში ჩავიდნენ, იქ გემში ჩასხდნენ და ვლადივოსტოკით შინ დაბრუნდნენ.

ზემზომაც უამბო, რომ ის ინდუსია. ჰაიდარაბადელი. მისი სოფელი ჰაიდარაბადიდან სულ ერთი დღის სავალზეა. იქ ბევრი სპილოებია. ბაგრატას უნახავს სპილო სამხეცეში? ჰო და სწორედ იმისთანა სპილოები ტყეებში ცხოვრობენ.

კარგა ხანს ისაუბრეს. ზემზოს აინტერესებდა, თუ რით იყო გამოწვეული ეს არე-დარევა. ბაგრატამ აუხსნა, რომ აქ რევოლუცია მოხდა რუსეთის იმპერატორი — ტყაბ! ძირს ჩამოაგდეს. მერე რუსეთში სამოქალაქო ომი დაიწყო და ბოლშევიკების მეთაურობით მუშებმა და გლეხებმა ჩაიგდეს ხელისუფლება.

ზემზოს პირველად ესმოდა ასეთი ამბავი. თავის სოფელში ისე გაიზარდა, რომ წერა-კითხვა არც კი იცოდა. ჯარში რომ წაიყვანეს, მარტო მწკრივში სიარული, თოფის ხელში დაკერა და შორილება ასწავლეს. გაპირებამ შეასწავლა ინგლისური ენა და აქამდე არც კი ეგონა, თუ მთელ დედამიწაზე ინგლისელების მეტი ვინმე ბატონობდა. სიტყვა რევოლუციაც პირველად ესმოდა, და თუ ხალხს მეფის ჩამოგდება შეეძლო, ამის წარმოდგენაც კი არ ჰქონდა.

ბაგრატას ამხანაგები შემოესიენ. მისი ინგლისურით აღტაცებაში მოვიდნენ. ქვიტირელმა რაედენამ მუცელში ცერი ჰკრა ბაგრატას და ჩაულაპარაკა:

— მინისტრად გამოდგები, შე დასაღუპავო! რას გეუბნება მაგ თათარი?

ბიჭებმა ჩაიცივნეს. ქოსა ნესტორამ, რომელსაც რაზმში მტკსახელად რატომღაც ვაყას ეძახდნენ, წინ წამოიწია და ბაგრატას მხარეს გადავიდა.

— ერთი ჰკითხე, თუ კაცი ხარ, რა ამბებია ანგლისში? მხიარულად აყაყანდნენ.

— მიდი ვაყა, მიდი!

— გოლუგე ერთი, თუ კაცი ხარ, ინგლისის ჯავრით მთელი ღამეები არ ძინავს?

— ბიჭო, ჰკითხე ერთი, მართალია, რომ ინგლისში ქალები...

ლწინაწურ შეკითხვაზე ყველამ გადინახარა. ზემოც იღიმებოდა. რა უდარდელი და მხიარული ხალხი ყოფილ აქ, თუმცა, რა აქვთ სადარდელი? ზემომ იკითხოს, რომ რამდენიმე ათასი კილომეტრითაა დაშორებული თავის ქვეყანას, მერე რისთვის...

ბაგრატა გამოეთხოვა ზემოს და ამხანაგებთან ერთად კერძის მისაღებად წავიდა. მათი ჯავშნიანი მატარებელი ეს არის ეხლა დაბრუნდა ფრონტიდან და საღამომდე აქ დარჩება. ჯარისკაცები ცდილობდნენ, რაც შეიძლება მეტი სიამოვნებით დაეტვირთათ თავისუფალი დრო და სადილობის შემდეგ ყველა აპირებდა სადგურის ქუჩაზე ადამიანის სასტუმროში წასვლას.

ჯავშნიანი მატარებლის უფროსმა მაისურაძემ ბრძანება გასცა, სადგურს და სადგურის ქუჩას არავინ არ გასცილებოდა, რადგან შეიძლება მოულოდნელად დასჭირებოდათ გასვლა.

მეტად მკაცრი კაცი იყო მაისურაძე. მეფის არმიის მსახურებდა, და შტაბს-კაპიტანის ჩინი ჰქონდა. ვლადიკავკავის კადეტთა კორპუსი დაამთავრა და ბავშვობიდანვე ისეთ წრეში მოხვდა, რომ თავის თავს რუსის მეფის ერთგულ მონად სთვლიდა. თავი რუსად მიაჩნდა. ავსტრიის ფრონტზე გიორგის ჯვარი დაიმსახურა. ნამდვილი მგელი იყო, ომის დროს არაფერს არ ერიდებოდა. ძალიან პატარა თავი და აზროვნება ჰქონდა იმისათვის, რომ გარკვეულიყო, თუ რისთვის იბრძოდა და ან რა დროს იყო საჭირო წინდახედულება. რევოლუცია რომ მოხდა, სულ აერია დავთარი. ფრონტზე ჯარისკაცებმა პაგონების აგლეჯა მოუხდომეს, ორი მათგანი ნაგანით მოჰკლა და საქართველოსაკენ მოუსვა. პაგონები ვლადიკავკავში მაინც ააგლიჯეს და მხოლოდ ტფილისში დაიკერა ისევ. აქ უკვე პოლკოვნიკის პაგონებმა დაუმშვენა მხრები და რუსული გიორგის ჯვარიც ხომ ნებადართული იყო.

ერთ დღეს მენშევიკების სამხედრო მინისტრმა დაიბარა და უთხრა:

— უნდა მოგვიხერხოთ, ბატონო პოლკოვნიკო, და ჯავშნიანი მატარებელი გავვიკეთოთ. აი არსენალის სახელოსნოები და აი დეპო. ითავით ამ საქმის ხელმძღვანელობა, იხსენით დემოკრატია, თორემ ყველგან ხალხი აჯანყებას აწყობს...

ითავა, სამხედრო ინჟინერები მონახა. სახელოსნოებში ფოლადის ჯავ-  
შანი გამონახა, და მართლაც, რამდენიმე ხნის შემდეგ დეპუტატმა ანდრონიკ  
ფრქვევებითა და ზარბაზნებით მორთული ჯავშნიანი მატარებელი  
მოაგოგეს. ჯავშნოსანის უფროსობა თითონ მაისურაძემ იყისრა.

სხვადასხვა ნაწილში გაქირვებით მოაგროვა სათანადო რაზმი და აა-  
მოკმედა თავისი ჯავშნოსანი.



ბაგრატამ აავსო თავისი ქვაბი წვნით, მიიღო პრტყელი და ნოტიო  
ყვითელი ჭადის ნაჭერი და ვაყასთან ერთად უკან გამობრუნდა. ორივემ  
ფეხს აუჩქარა, რადგან ბაგრატას უნდოდა სოფელში წერილის მიწერა  
მოესწრო. სადგურის ბეჭანზე დახურჯინებული გლოლელები შეხვდნენ.  
მისი სახლის ამბავი და წერილი გადასცეს. ყველა კარგად ყოფილა, მაგ-  
რამ ბაგრატას დარდი აწუხებთ თურმე. გლოლელებს ძალიან გა-  
უხარდათ ბაგრატას ნახვა, ღმერთს მადლობა შესწირეს, რაკი ცოცხალი  
ნახეს და უთხრეს, წერილი დაეწერა, რადგან ამალამვე აპირებდნენ  
წასვლას, თუ კი მატარებელში შესვლას მოახერხებდნენ...

ბაგრატას მოაგონდა თავისი სოფელი, ეზო, მიდამო, ნაძვნარი, ვეძა.  
სამინლად მოენატრა შინ ყოფნა. საჩქაროდ აიღო თავისი ულუფა და ბი-  
ჭებს შეეხვეწა სამსონას დუქანში მოეცადა, ის მიუტანდა წერილს აჩ-  
ქარებულნი გაეჭანა თავის ვაგონისაკენ. გაიჩინა სადგურის აყროლებუ-  
ლი დარბაზი, გავიდა ბეჭანზე და, რაკი თავისი ჯავშნოსანი პირველ ხაზ-  
ზე ვერ დაინახა, ამხანავს ჰკითხა:

— რა იქნა, კაცო, ჩვენი ჯავშნოსანი?

— მეოთხე ხაზზე გადააყენეს წყლის ასაღებად.

ბაგრატამ ლიანდაგებისაკენ გაიხედა. წინა ხაზი თავისუფალი იყო, მე-  
ორე ხაზზე ინგლისელების ეშელონი იდგა. ეშელონის იქით შეამჩნია  
ჯავშნოსანის ორთქლმავლის მილი.

— ჩვენი ჯავშნოსანი რა იქნა? — შეეკითხა წამოწეული ვაყა.

— იქით გადაუყენებიათ. წამოდი, შემოუაროთ.

— შემოუაროთ, კი არა, პირდაპირ გავძვრეთ ამ ანგლიჩნების მატა-  
რებლის ქვეშ. იქიდან რა შემომარონიებს ამ სიგრძე მატარებელს! —  
სთქვა ვაყამ და მატარებლისაკენ გაემართა.

— მოიცა, კაცო! — მიძახა ბაგრატამ, მაგრამ ვაყა პირდაპირ გაემარ-  
თა, სწრაფად დაიღუნა და ის იყო გაძვრა კიდევ ორ ვაგონს შუა, რომ  
ამ დროს ტალანზე მდგარმა ინგლისელმა ლეიტენანტმა პაიკმა ინდუს  
ჯარისკაცს ჯუნგოს ხელიდან ხიშტიანი თოფი გამოგლიჯა და თავწა-  
ზრილ ვაყას ხიშტი კისერში ჩასცა. ვაყას ხმა არც კი ამოუღია, ისე წაიქ-  
ცა ლიანდაგებში. წვნით სავსე ქვაბს თავზე დაეცა. ქვაბი წაიქცა, წვენი



დაიღვარა, ხოლო აღაპლაპებული ფოლადის ლიანდაგი სისხლის ზოლმა შეღება.

არამზადა! — ჩაილაპარაკა პაიკმა. — მაგას ჰგონია, <sup>ეროვნულ</sup> ~~კარგად~~ ~~მარტობის~~ ~~ქვეშ~~ დაძვრება.

ვაყვას ერთი კი შეაერთოლა და ვათავდა. ლეიტენანტმა გულცივად დახედდა ზემოდან, შემდეგ ჯუნგოს თოფი დაუბრუნა და მრისხანედ უთხრა:

— რა გქონდა ნაბრძანები?

ჯუნგომ კანკალით უპასუხა:

— ჩვენ ამ წუთში გამოგვეცვალეს. ვერც კი მოვასწარი შემხებედა.

— მატარებელთან არაეინ მოუშვათ! — გადაუბრიალა თვალები ჯუნგოს პაიკმა და ვაგონში შევიდა.

იქ არხეინად გატენა ჩიბუხი, გააბოლა და ოდნავ ირონიულად გაიღიმა, როდესაც გარედან ქართველი ჯარისკაცების ყაყანი მოესმა. ფანჯრიდან დაინახა ჯუნგოს გარშემო შეგჯუფული ჯარისკაცები. ისინი თავიანთი ამხანაგის წაღებას ცდილობდნენ, მაგრამ ჯუნგო იღლიაში გამოჩრილ თოფით წინ დადგომოდა და მატარებელთან არ უშვებდა. როგორ ღრიალებენ! ერთხელ პაიკმა სომალში მაიმუნი მოჰკლა კოლტით, სწორედ ასე აღრიალდნენ თავმოყრილი მაიმუნები, ერთი ალიაქოთი ასტეხეს და მართლა ადამიანებივით გლოვობდნენ. ამათაც რა ამბავი ასტეხეს. საკვირველია, ცხოველებსაც აქვთ გვაროვნული თავდაცვის ინსტიქტი ასეთ ჩვეულებრივ ფიჭვებში იყო გართული ლეიტენანტი პაიკი, როდესაც თავდაცვის ინსტიქტმა მოულოდნელად მრისხანე სახე მიიღო.

ვაგონში გაფითრებული ზემბო შევარდა და ლეიტენანტს ხელი აუღო.

— ბატონო ლეიტენანტო, ჩვენს ეშელონს ალყა შემოარტყეს და ჯავშნოსანის ტყვიამფრქვევები ჩვენსკენ მომართეს.

— რაო? — შეკრთა ლეიტენანტი, მაგრამ გულის დასამშვიდებლად ხელი ჩაიჭნია. — სისულელეა, წადი, ვერაფერს ვერ გაბედავენ.

ფანჯრიდან დაინახა, როგორ გაიშალა ხანჯლიანი ჯარისკაცების მწყრივი ყველანი სათითაოდ ჩაწენენ რელსებს იქით და შაშხანები მომართეს. სადგურის ბაქანი სწრაფად დაიძალა ხალხისაგან. დებარკადერზე რამდენიმე ჯარისკაცმა სირბილით გამოავარა მაქსიმის ტყვიამფრქვევი და პირველმა ნომერმა მარდად ჩაუგდო საკეტში სავაზნე ბაბთა. ტყვიამფრქვევის ლულა სალონ-ვაგონისაკენ მიმართეს.

სალონ-ვაგონის დარბაზიდან მოისმა გენერლის ხმა:

— ლეიტენანტ!

პაიკი შევარდა კუბეში და გენერლის წინ გამოიჭიმა. ოფიცრები აღელვებით შესცქეროდნენ ფანჯრიდან საბრძოლოდ ამოპრავებულ ჯარს.

გაიგეთ, რა მოხდა, ახლავე!

— ბატონო გენერალო... — პაიკს ენა დაება. უნდოდა აეხსნა მდგომარეობა, მაგრამ ყველას ყურადღება მიიპყრო ქართველმა რომელიც რომელიც ორი ჯარისკაცის თანხლებით მიუახლოვდა სალ...

— შემოვიდნენ! — ბრძანა გენერალმა.

ოფიცერი ჯარისკაცთა თანხლებით შევიდა ვაგონში. გენერალს სამხედრო სალამი მისცა და ფრანგულ ენაზე უთხრა:

— ბატონო გენერალო, თქვენმა ოფიცერმა სრულიად უდანაშაულოდ მოჰკლა ჩვენი ჯავშნოსნის საუკეთესო მეზარბაზნე. ჯავშნოსნის უფროსის განკარგულებით, თუ ოცდაათხ წუთში არ გადმოგიციათ ჩვენთვის მკვლელი, თქვენს ეშელონს გაეანადგურებთ.

გენერალმა უნებურად წაიღო ხელი სველე ტელეფონისაკენ.

— მე თქვენ არ გიცნობთ, ვინა ხართ! ახლაც დაველაპარაკები პირდაპირი მათუღლით თქვენ მთავრობას.

ოფიცერს გაეცინა:

— ტყუილად ეცდებით, სერ! ყველა მათული გადაჭრილია და თქვენც ალყა-შემორტყმული ხართ. ახლა ოცდა შვიდი წუთია სამი საათისა, სრულ ორ საათსა და ორმოცდა თერთმეტ წუთზე ჩვენ ვიწყებთ სამხედრო მოქმედებას.

— ბატონო ოფიცერო, თქვენ გავიწყდებათ, რა არის აღნიშნული ინგლისელის პასპორტში.

— ჩვენთვის სრულიადაც არ არის საინტერესო.

— მე მაინც გეტყვით, რა არის აღნიშნული: ყოველი ინგლისელის სიცოცხლეს ჩემი სახელმწიფო იცავს მთელი თავისი შეიარაღებული ძალებით.

— ბატონო გენერალო, მე თქვენთან საუბარი დავამთავრე

ოფიცერი მიბრუნდა, მისი თვალისხილიანი ჯარისკაცებიც მიბრუნდნენ და წავიდნენ. სწრაფად გადაიბრინეს ლიანდაგი და გენერალმა დაინახა, თუ როგორ მიუახლოვდა ტყვიამფრტვევს ოფიცერი. პირველი ნომერი წამოაყენა და სადგურის საათზე მიუთითა. ეტყობოდა, რომ სროლის ვადა აუხსნა. ჯარისკაცმა ხელი აუღო და ისევ ტყვიამფრტვევთან ჩაიჩოქა. ოფიცერი კი სირბილით გაემართა მწყრივის ვასწერივ.

გენერალმა ვაგონის მეორე მხარეზე გაიხედა ჯავშნოსნისკენ იქიდან ტყვიამფრტვევები მოემართათ. ლიუკები დაეკეტათ, თოფიანი ჯარისკაცები იქით-აქეთ გარბოდ-გამორბოდნენ და წინა ბაქანთან ზარბაზნთან დამდგარი პოლკოვნიკი მრისხანედ იძლეოდა განკარგულებას. მასთან მიიბრინა ოფიცერმა, ხელი აუღო და შედეგი მოახსენა. პოლკოვნიკმა რალაც უთხრა და ყველანი ჯავშნოსნის ვაგონში შეიკეტნენ.

— ეს თქვენ ჩაიდინეთ, ლეიტენანტ? — მოუბრუნდა გენერალი პაიკს.

— დ... დიახ! თქვენი განკარგულება იყო, რომ მატარებელთან არავინ დაგვეშვა.



— მერე?

— ის ჯარისკაცი კი ჩვენი მატარებლის ქვეშ აბიჯდება ვეჭრობას.

— იარაღით?

ზინჯიროთქა

— არა, კერძი მიჰქონდა პატარა ქვაბით.

გენერალმა თავი ჩაჰკიდა და შევერცხლილ თმაზე ხელი გადაისვა. ათი წუთი სწრაფად გავიდა და სადგურის არე-მარეში სახარელი სიჩუმე ჩამოვარდა.

— ლეიტენანტ პაიკ, ესენი აღარ ხუმრობენ! ხუთ წუთის ვადას ვაბლევთ, ნახეთ გამოსავალი.

გენერალი გაჩუმდა, ოფიცრებიც სდუმდნენ. კუბეში აშკარად ისმოდა კედელზე ჩამოკიდებული საათის ტიკ-ტაკ!

ლეიტენანტი პაიკი აკანკალდა. პირველად იგრძნო სიკვდილის შიშა. ერთ წუთში თვალწინ გაუელვა წარსულმა ცხოვრებამ და ყველაფერი ერთად მოაგონდა. ამ ქვეყანაში თავი უკვე სამშვიდობოს ეგონა. ფიქრობდა ისევ ლივერპულში დაბრუნებას; სადაც, მას ოქროსფერ-თმიანი მისის ეთელი დაუხვდებოდა და თავის სახლს კვლავ აავსებდა სიხარულით. ახლა კი ვიღაცის მოკვლისათვის პასუხი უნდა აგოს.

საათი ისევ განაგრძობდა ტიკ-ტაკ, ტიკ-ტაკ!

— ლეიტენანტ პაიკ, წადით კუბეში და დაისვენეთ. თქვენ ღელავთ. ინგლისელი არასოდეს არ უნდა ღელავდეს. მე უკვე გამოვნახე გამოსავალი, — სთქვა გენერალმა. სწრაფად ჩაჯდა, რამდენიმე პწკარი დასწერა რუსულად, დაკეცა, კონვერტში ჩასდო და ადუტანტს მიშართა:

— მომიყვანეთ შემთხვევის ადგილას მდგარი გუშაგები.

ადუტანტი გავიდა

— ლეიტენანტ პაიკ, ვიბრძანებთ, წადით კუბეში!

აკანკალებული პაიკი ბარბაცით გავიდა. თითქმის მაშინვე შემოვიდა ადუტანტი და ორივე ინდუსი მოიყვანა. მათ სამხედრო სალაში მისცეს გენერალს.

— ზემბო, აი ეს წერილი გადაეციოთ ჯაგშნოსნის უფროსს ხუთ წუთში, — გაუწოდა წერილი გენერალმა.

ზემბომ წერილი გამოართვა და ჯუნგოსთან ერთად ვაგონიდან გავიდა.

— ათ წუთში ალყას მოხსნიან, — მშვიდათ ჩაილაპარაკა გენერალმა. ოფიცრებმა გაიღიმეს. მიხვდნენ.

ზემბომ ჯუნგოსთან ერთად გადაიარა ლიანდაგი და ჯაგშნოსნის კარებზე დააკაკუნა. ლიუკი გაიხსნა, ვიღაცამ გამოიხედა და ცოტა ხნის შემდეგ ფოლადის კარებიც გაიღო. ორივე პოლკოვნიკის წინაშე წარსდგა, ზემბომ კონვერტი გადასცა და სამხედრო წესის მიხედვით გამოიჭიმა.

პოლკოვნიკმა წერილი გადაიკითხა, შემდეგ ორივე ინდუსი თავიდან <sup>გადა</sup> ხამდე ჩაათვალიერა და თავის ბიჭებს გადახედა.

— რაო, რას იწერება? — ევლარ მოითმინა ვილაცამ. <sup>ერქონესული  
გინჯლიწყენა</sup>

ყველას საწინელი დაძაბულობა ეტყობოდა. ძლივს იკავებდნენ სიბრა-  
ზისაგან თავს. ყველანი გრძნობდნენ, რომ ამ გადამწყვეტ წუთს ან უნდა  
არახრახებულებოთ ტყვიამფრქვევები, ან...

— ერთი ოფიცრის ნაცვლად ორ ჯარისკაცს იძლევიან, ისიც ინდუ-  
სებს, წაიყვანეთ ორივე და დახვრიტეთო, — ბრძანა პოლკოვნიკმა.

ბაგრატა ძლივს გამოერკვა. მთელი ეს უბედურება თავისი თვალით  
დაინახა და ახლაც კანკალებდა. საბრალო ქოსა ნესტორა! ერთი საათის  
წინად ბაგრატას თუმანი სთხოვა. ვილაც ვაქრისაგან აბრეშუმის წინდე-  
ბი იყიდა, ცოლს უნდა გაუგზავნო.

— მის ღლეში არ ცმია ამისთანა რამე ჩემ ცოლს, გაუგზავნი ერთი  
რევა გადირევა საწყალიო.

ის წინდები ალბათ ისევ ჯიბეში უდევს საბრალოს და ისე გღია იმა-  
ვი აღგილას ვაგონებს ქვეშ.

— წაიყვანეთ! — საწინლად ამოისროლა ეს გამხმარი სიტყვა პოლ-  
კოვნიკმა.

— ესენი რა შუაში არიან! — უცბად შეედავა ბაგრატა და ჯარისკა-  
ცების ორმოცდაათ სისხლიან თვალს თამამად შეხედა. ნესტორა მოკლა  
ოფიცრმა, ამათ კი არ მოუკლავთ.

პოლკოვნიკმა ვაკვირვებით გადახედა ბაგრატას.

— შენ რომ საუკეთესო მსროლელი არ იყო, ასეთი თავხედობისთვის  
იცი, რას გიზამდი?

ბურთი ყელში მოაწვა ბაგრატას.

— ახლაც დაშვრიტეთ, თუ გინდათ. მე მიინც ჩემი უნდა ვთქვა-  
მაგენი რა შუაში არიან?

— ჩემად! — დაიღრიალა პოლკოვნიკმა.

რადენამ ზელი ჰკრა ბაგრატას, ვაგონის კუთხეში მიაგდო და ალელ-  
გებულად ჩაუჩურჩულა:

— გაგიტდი, თუ რა ღმერთი გაგიწყრა!

ჯარისკაცები სწრაფად შემოეხვივნენ ინდუსებს, ძირს ჩაიყვანეს და  
სადგურის მეორე მხრისკენ გაირეკეს, სადაც ამართული იყო მაღალი კე-  
დელი ნაძალადევის ქუჩის გასწვრივ. ჯარისკაცები მკლავებზე გადაკი-  
დული თოფებით შორი-ახლო მისდევდნენ. ზემზო თავდაბრალი მიდიო-  
და. ჯუნგომ შეშინებულად ჩაულაპარაკა:

— ესენი მგონია არ ხუმრობენ, სად მივყევართ?

ზემზომ აიხედა და დაინახა, რომ მათ კედლისკენ ერეკებოდნენ.



ეროვნული

საბავშვო

ივანემ ხორავით სავსე კალათა ძირს დადგა და გაბრუნებულ სახით ყარამანს გადაეხვია.

— რამდენი ხანია არ მინახავხარ. საიდან სად? როგორ ხარ, ბიჭო? ორივეს ხნოვანება ერთად ას ოც წელს უდრიდა და ერთმანეთს მაინც ბიჭოთი მიმართავენდნენ მზიარული ბებრები. ერთი მათგანი ხარავოულში მუშაობდა მეისრედ, ხოლო მეორე კიათურა-საჩხერის ხაზზე ოცდა ათ წელიწადს მუშაობდა კონტრუქტორად.

ყარამანმა თეთრ წვერებზე ხელი ჩამოისვია და მზიარულად უბასუხა: — ჩემ ქალიშვილთან ჩამოვედი, ჩემო ივანე! შენ რაფა ხარ, დაბერებულხარ შე გლახა.

— დაებერდი, ჩემო ყარამან, დაებერდი! ახლანდელ დროში დაბერდები კი არა, რატომ მეტი არ მოგივა კაცს. მოდი ერთი აქეთ მოდექი თუ კაცი ხარ, — კალათა გვერდზე მიდგა ივანემ და უნებურად სადგურისაკენ გაიხედა.

— ი, ეს რა ამბავია თუ კაცი ხარ?

მოხუცებს უცბად ყველაფერი დააღიწყდათ და კისერწაძაბულებმა კედელს იქით გადაიხედეს.

ქუჩა კედლის სიმაღლეზე გადიოდა და მთელი სადგურის მიდამოები ხელისგულივით მოსჩანდა.

ჯარისკაცებმა ორი ინდუსი მიიყვანეს. კედელთან გააჩერეს. ოფიცერმა რალაც ჰკითხა თავის ჯარისკაცებს. მათ ჯიბეები მოიქექეს. ბოლოს ერთი ჯარისკაცი ჩაჯდა და ფეხზე მოხვეული პაჭიკები მოიხსნა. იმ პაჭიკებით ინდუსებს თვალები აუხვიეს.

ყარამანი შეწუხდა.

— რას უპირებენ ეგ ოჯახ დასაქცევები?

— ბიჭო, ხვრეტენ, მგონია!

ჯარისკაცები გამწკრივდნენ. თოფები შემართეს. ოფიცერმა ხმალი აწოილო, დაიჭნია. და თოფებმა დაიქექა. ერთი ინდუსი მაშინვე წაიქცა. მეორე ისევე ფეხზე იდგა. მაშინ ერთმა ჯარისკაცმა მეორედ ამართა თოფი: რალაც უცნაურად დაიქუხა შაშხანამ და ფეხზე მდგარი ინდუსი ნელა წაიქცა.

ორივე მოხუცი გაფითრებულის სახით შესცქეროდნენ ერთმანეთს.

— რას ერჩოდნენ ნეტა უბედურებს? — გულის სიღრმიდან ამოხდა ყარამანს.

— წამო, თუ ძმა ხარ, გავსცილდეთ ამ დაწყვეტილ ადგილს. რა ენაზე ეს ამ სიბერის დროს! — დაავლო ხელი თავის კალათას ივანემ და ორივემ აჩქარებული ნაბიჯით გადაიარეს ქუჩა. მარცხნივ შეუხვიეს. ქა-

ქანით აიარეს აღმართი, გორაკზე ავიდნენ და რომელიღაც სანდთან გა-  
ჩერდნენ. სულს ძლივს ითქვამდნენ.

ლიანდაგებიდან ორთქლმავლის სტვენა მოესმათ.

მიიხედეს.

ნავთლუღის მხრისკენ ზღაზნით მიიპარებოდა უჩრხელის მავგარი  
ჯაგშნოსანი.

სანდთან გა-  
ჩერდნენ  
ერკუნულნი  
ზინგლირთქვა

მატარებელში ხალხი ერთმანეთზე იყო მიხერგილი და ჰაერი ისე იყო  
დახუთული, რომ რკინასაც კი გაავარვარებდა, საპირფარეშოს წინ დე-  
რეფანში ჩაქედილი გლოლელები ჩუმად ჩურჩულებდნენ:

— თუ მშვიდობით ჩვედით გლოლაში, რას აპირებ მერე? — შეეკით-  
ხა ბაგრატას ისმაილი.

— კირკიშოზე გადავალ, ბალყარში. აჯანყებულ ბოლშევიკთა რაზ-  
მებს შევეურთდები.

— ბალშევიკებს? — წამოიძახა ისმაილმა.

გლოლელებმა აქეთ-იქით მიიხედეს.

— გაჩუმდი, კაცო, არავინ გაგვიგონოს! — ჩაილაპარაკა ერთმა.

— ჰო იმათთან მივდივარ. — დაემოწმა ბაგრატა ისმაილს. რასაც ის-  
ინი ამბობენ, ყველაფერი მართლდება. მენშევიკებს არაფერი შეუძლიათ,  
ისევ ბურჟუები და მემამულეები ბატონობენ. მათ მიემატა ინგლისელი  
იმპერიალისტების თავგასულობა. მალე დავბრუნდებით იქიდან. ნუ გე-  
შინია... ბოლშევიკები გვიშველიან, ისინი გაანთავისუფლებენ მშრო-  
მელებს...

გლოლელები გაჩუმდნენ. ჭრიალით და კენესით მიდიოდა მატარებე-  
ლი. ვაგონში ჰაერი უფრო გახურდა და ვიღაც მგზავრის მიერ ანთებულა  
პატარა სანთლის ნაჭერიც ჩაქრა.

ზნელოდა და მძიმე ჰაერი სულს უხუთავდა ყველას.

გრიგოლ ცეცხლაძე

## ღაბრუნება

ყველა პოეტი იმ სოფლის დილას  
უმღერის, ლექსით შეაქოს უნდა,  
სადაც შობილა, სადაც გაზრდილა,  
სად ხეტიალის შემდეგ დაბრუნდა.

მეც ვინახულე ჩემი სოფელი,  
შვიდი წლის ბიჭმა რომ მივატოვე, —  
გამოცვლილია ირგვლივ ყოველი,  
ისიც ძლივს ვიცან რაც ძველი ვპოვე.

გადავიარე მე უნაგერა,  
მდინარე სუფსის ლამაზი ქალა, —  
მე სინამდვილე თითქოს არ მჯერა,  
ცხადი სიზმარებზე გადაიშალა.

იქ სადაც, იყო მიწები მწირი  
და სილატაკე გულს არინებდა, —  
თვალს იტაცებენ ბაღები ხშირნი  
ოქროებდასხმულ მანდარინებთა.

ტყის და მინდვრების ვხარობ სიმწვანით,  
უცხო კაცებით მივალ მარტოკა;  
როს ნასახლარი ჩვენი ვიცანი  
გულმა მეტ ძალით დაიწყო ტოკვა...

ოთხი სახლია ჩვენს ნასახლარზე,  
ოთხი ეზოა, ოთხი ბაღნარი...  
მობუცი ქალი მოდგა ჭიშკარზე,  
და მომაჩერდა მე სახით წყნარით...



— სალამი დედი!  
 — „იცოცხლე შეილო!  
 რად აცქერდები ამ არე-მარეს!“  
 — მე მოვიფიგნო ბავშვობა ვციდლობ,  
 ჩემი ბავშვობა აქ გავატარე!

ზაშინ პატარა ბიჭი ვიყავი...  
 მახსოვს ეგ ვაშლი...  
 მაგრამ სად არის  
 ბელელის გვერდით ბებერი წყავი,  
 ან დიდი მუხა,  
 ან ის ჭადარი?..

— „შვილო გრიგოლ ხარ,  
 ჩემი გრიგოლი?..  
 ღმერთს მადლი.  
 ესეც ნანატრი წუთი,  
 შენ ჩემი შვილის ხარ თანატოლი,  
 შენ გაზრდილი ხარ ჩემი ძუძუთი“...  
 ზა

მომეალერსა, მომხვია ხელი;  
 ვსინჯავდით სახეს ჩვენ ერთმანეთის, —  
 და მე ვიგრძენი ჩემი გამზრდელი,  
 ვით გაცოცხლება დაკარგულ დედის...

11/II — 1935 წ.

ს. შაიდანო.





ს. თაყაიძე

## უ რ თ ე ბ ი

(რომანი \*)

### XXIV

აივანზე რომ ავიდნენ, განცვიფრებით შეათვალიერა ფარეშმა ლაღი: ეს რა ახალგაზრდა მიჯნური შეუძენია ნინოს. ხოლო ლაღი ტყვესავეთ მიჰყვებოდა მასპინძელს და ორგვარი გრძნობით იყო შეპყრობილი: ქალის შიშველი მკლავიდან გადმოსული საამო სითბო ხვევდა ტკბილ ბურჯანში და თან იმასაც ნატრობდა. — მალე განშორებოდა მას

— აი, ლილი, შენ რომ მეუბნებოდი, ბატონი ლაღი გამაცანიო, ხომ მოგიყვახე ახლა. — მიმართა ნინომ ღია კართან ატუზულ ბავშვს.

ლილიმ პირველად გაიგონა ამ უცხო კაცის სახელი და არც მოუსურვებია ოდესმე მისი გაცნობა, მაგრამ დედის სიტყვები შეიფერა. წამოაკაკლული თვალები ღიმილით ააციმციმა და ლაღის ხელი გაუწოდა. შევიდნენ სუფთად მილაგებულ ფართო ოთახში და ამდენი უბერხულობა არ შეზოჭავდა ლაღის — ეს რომ არისტოკრატიული სალონი ყოფილიყო; არც ბარმაქსიზში და, მით უმეტეს, არც ტაშბაშში ასე სანებიეროდ მოწყობილი ბინა არ უნახავს. მიხას სიტყვები მოაგონდა რატომღაც, ამ დილით რომ უთხრა — ნინო დიდი კულტურული ქალია.

— დაბრძანდით, ლაღი ჩემო! ბოდიში! მე ისეთი ხასიათი მაქვს, კაცს ერთხელ თუ დაუუმეგობრდი, მერე ოფიციალობა აღარ მეხერხება. სასადილო მაგიდასთან მიდგმული სკამი გამოსწია ნინომ და დარბაისლურად მკვერმეტყველობდა განუწყვეტლივ, მჩქეფარე ნაკადივით აფრქვევდა გრძნობით გამთბარ სიტყვებს.

ლაღიმ მარტოოდენ შეკითხვებზე უპასუხა. მხოლოდ და მერმე ლაღის გაესაუბრა.

ფარეშმა ყავა დაუდგა წინ, ხოლო ნინომ კონიაკი დაუსხა.

— მიირთვიეთ, გენაცვალე, მიირთვიეთ. ვერ წარმოიდგენთ, როგორ შემეცოდვეთ წუხელის, როდესაც იმ ბნელ სრამში გაემურეთ საჩქარო საქმისათვის. არც დღისით და არც ღამით მოსვენება არა გაქვთ!

\*) გაგრძელება. იხ. „მნათობი“ № 7.



რამდენიმეჯერ გააპარა ლადიმ თვალი ნინოს მოშლილ მკვლელებს. მკვრელისაკენ, წუხანდელი სცენაც ხომ თვალ წინ ედგა. პირველად მოაგონდა თითქო და სახე აეწევა, თავი დაბარა და ავტომატურად მისწვდა ფინჯანს.

სიჰმით ნაფეთქი ღიმილი მოეფინა ნინოს ლალისფერ ტუჩებს, ადგა და სარკეს მიაშურა, პუდრიანი ფოჩი მოისვა ღაწვებზე; თახაც იღუპლად საუბრობდა გუნებაში: „არ უყურებ, როგორი მორცხეი ყოფილა? ხომ არ ნახობს ნეტაეი? არა, ასეთი ვაჟი და სინანული!.. მაინც მეტი იერიშია საჭირო... არჩილის საჭმე მართლაც ცუდათაა. მოსე? დაიკარგოს იქით, გლახაკი! არავითარი უნარი მას აღარ შერჩენია. მიხას მეტო დამხმარე არავინაა. ისიც განზე გადგება, როცა გამოსავალი აღარ იქნება... თუ ჩაჯდა, დიდი ხნით ჩაჯდება. ეს კი ახალგაზრდა ინჟინერია, მომავალი ამისია... ისედაც რომ კარგია“...

პერანგის ლენტი გაისწორა, ნელსურნელიანი ხელი უბეში ჩაიყო და ფარეშს გადაჰკრა თვალი.

და ლადის არ შეუშინებია, ისე მოხერხებულად გაიყვანა ფარეშმა მეორე ოთახში ლილი.

გოგმანით მიუახლოვდა ნინო, ნაზად დააყრდნო მხარზე ხელი, დაიხარა და ფირუზისფერი თვალებით მოუალერსა უსიტყვოდ, საამბოროდ გამზანდებული ტუჩები კი ოდნავ უთრთოდა ნიავეისაგან შერხებულ ყაყაოს ფოთლებივით. მოგადოვებულევით დააცქერდა ლადი ჩამოზნექილ გულმკერდს, სურნელოვან საიდუმლოებით სავსეს, უღმობელის ძალით მიმზიდველს, ყრუანტელმა დაუარა და თავი რომ გადასწია, ნინოს მოზეიმე თვალების შეჭმა შეაკრთო, საულეაშე და ხელისგული ცივი ოფლით შეეკონა, სკამს მიეყრდნო და თვითონაც არ მიმხედარა, საიდან მოუვიდა თავში ეს:

— რამდენი წლისაა თქვენი ჭალიშვილი?

მწვავედ დასუსხა ნინო ამ შეკითხვამ, მაგრამ მაინც არ დაიბნა, ოდნავის შეზებით მოუსვა ნიკაპზე საამოდ ფშვინვარე თითები, გვერდით მიუჯდა, კონიაკი დაისხა და სასმისზე მიურაწყუნა:

— ეს ჩვენი განუყრელი მეგობრობის სადღეგრძელო იყოს...

ზომაზე მეტად შეზარხოშებული იყო არჩილი და კარი მძლავრად შეაღო, ჯერ შედგა, ცივად დაამტერდა ლადის, მერმე ნათელი ღიმილი შემოეფინა ღაქლავა სახეზე და თაფლისფერი თვალები გაუბრწყინდა.

— ამას ვის ვხედავ?! ლადი ჩემო, ნუთუ თქვენ ბრძანდებით?! ეს რა ბედნიერი საათი ყოფილა! მე კი სად ვიყავი!..

ლადისთან მიიჭრა და ორივე ხელები მოხვია მაჯაზე.

— აი, ეს მესმის! განა დასაშვებია, ჩვენ ერთმანეთთან არ მივიდეთ. ერთმანეთის სიხარული და ჰირვარამი არ გავიზიაროთ?.. დამისბი, ნი-



ნო, აი, ამ მაღალ ჭიქაში დამისხი! პირველადაა ლადი ჩემს [რუჯუხში] და ეს უბედნიერესი დღეა ჩვენთვის. ო, შენ არ იცი, ნინოგაბია [რუჯუხში] მისა-ხიწნავე ახალგაზრდაა ეს! მთელი ხრამპქისის თვალია, თვალი!..

არჩილმა სასმისი ასწია, ფრთხილად გრძნობიერი გამომეტყველება მიიღო და სადღეგრძელო წამოიწყო:

— ლადი ჩემო...

აუტანელი შეიქნა ლადისათვის კვლავ ამ სანებივროდ მორთულ ოთახში დარჩენა და წასასვლელად წამოიწია. არჩილს კი ეგონა: ფეხზე ადგომით აპირებს ლადი სადღეგრძელოს მოსმენასო; მეგობრულის თავაზიანობით დაადო მხარზე მარცხენა ხელი და მოთაფლული ხმით უთხრა:

— აჰ, როგორ გეკადრებათ! დაბრძანდით, ლადი ჩემო!

წელში გაიძარტა, სასმისი ასწია და განაგრძო:

— არავის ისეთი საპასუხისმგებლო საქმე არა აქვს აქ დავალებულ-ლი, ჩემო ძვირფასო მეგობარო, როგორც თქვენ, და ვერავინ ისე ჩინებულად ვერ უძღვება მშენებლობას, როგორც თქვენ. ეს ყველამ იცის, ლადი ჩემო, თამაზმაც იცის და ბაგრატმაც. ჩვენი პარტკომი ხომ მუდამ თქვენს ქებაშია. ქეშმარიტად, ჩვენი ქვეყნის სასიკადალო შვილი ხართ, ლადი ჩემო! მაგრამ ახლა ამაში კი არ არის საქმე, ახლა ჩემი აღფრთო-ვანება უნდა გაგიზიარო. ჩემს ერთადერთ შვილს გეფიცებით, კარი რომ შემოვადე და ჩემს ბინაში დაგინახე, ყელამდე სინარულით ავივსე. რატომ მერე, ლადი ჩემო? იმიტომ, რომ რაც არ უნდა იყოს, ერთ დიდ საქმეს ვემსახურებით და ერთმანეთთან მისვლაც უნდა გვიყვარდეს. რა ვუყოთ მერე, ეგება საქმეში ყოველთვის ერთმანეთს ვერ ვასიაშოვნეთ, საქმე სხვაა და მეგობრობა და პურმარილი სხვა. ჰო, არა, პურმარილი, ლადი ჩემო, ქართველი ხალხის სული და გულია, მზესავით ნათელი გული. თეთრსა და შავს პურმარილი გამოაჩენს...

ოთახში ლილი და ფარეში შემოვიდნენ. ლილი დედას ამოუდგა გვერდით, ხოლო მარუსია ეშმაკურად უთვალთვალებდა ლადისა და ნინოს. არჩილი მაღალფარდოვანად მკერამეტყველობდა და შემოდგომის ბუზებივით ეხვეოდა ლადის უხვად მოთაფლული სიტყვები.

— კარგი, არჩილ, თავი ნუ მოაწყინე სტუმარს! — შეაჩერა ბოლოს ნინომ და ლადის მრავალმნიშვნელოვნად გაუღიმა, ღვინო დაუსხა და ხელში მიაწოდა.

სულმოუთქმელად გამოსცალა ლადიმ ის ჭიქა და, სანებლიძის დაუ-სრულებელი პატიყის შემდეგ რომ თემშარაზე გამოვიდა, თავისუფლად ამოისუნთქა. ასალო სასადილოში ეგულებოდა და იქით გაეშურა.

განმარტოებით იჯდა ასალო გზის პირად დაყრილ ქვებზე, დაღვრე-მილი, უღიმღამო ფიქრებში დანთქმული, სწორედ ისე, ნისლიან ჭაობში



რომ მგზავრს გზა დაებნევა და მზის ამოსვლამდე უნდა იხეტიალოს ქვე-  
 უსვენებლად, რათა ტკბილ ნანასავით მოშრიალე ლელში ჯერ ჰაერით  
 და რომელიმე ქვეწარმავალმა არ დაშხამოს. იქვე, მის გასწრივ აღმარ-  
 თული ეკლესიის მაღალი გუმბათი უჩრდილავდა პორიზონტს და ეგო-  
 ნა: აქაც, ამ მიძინებულ სოფელშიაც იბრძვისო ჯერ კიდევ ორი ბა-  
 ნაყი: ერთს თამაზი, ლადი და ნათელა მიუძღვის წინ, ხოლო მეორეს  
 სანებლიძე, მიქატაძე და ფოფხაძე რაზმავს საიერიშოდ...

არ შეუმჩნევია ასალოს, მაღალ ქედზე რომ პირსავსე მთვარე გად-  
 მოდგა და მტრედისფერ ღრუბლებივით ამოტივტივდნენ მთავრებილები,  
 სწრაფად მომავალ ლადის მოჰკრა მხოლოდ თვალი და სიხარულით  
 მიეგება:

- გული გამიწყალდა, ბიჭო, შენს მოლოდინში...
- ბქ რას აკეთებდი, სასადილოში რატომ არ დამიცადე?
- ფოფხაძემ არ დამაყენა... ვალეშილია და კაცმა არ იცის რას მი-  
 ვლემ-მოედება.
- მაინც რა მინდაო?
- არ იცი მთვრალი კაცის ამბავი?.. მე მგონია, ბარსევიანმა გა-  
 დასცა შენი ნალაპარაკევი და იმან გადარია.
- ეგ რაა, უარეს დღეს დავაყენებ! — ჩაილაპარაკა ლადიმ და ნა-  
 ბიჯს აუჩქარა.

მორიდებით შეათვალეირა ასალომ ეს ხმაიწეული ჭაბუკი და მყისვე  
 მიხვდა — სანებლიძის ბინიდან კარგ გუნებაზე არ დაბრუნებულა იგი.  
 და ფრიად სასიამოვნოდ დაურჩა ეს ასალოს, ეინაიდან ბუნდოვანად  
 წარმოესახა, თითქო იქ — სანებლიძის ოჯახში — მაცდურებით სავსე  
 ჭეღლი იხლართებოდა და იმ ქსელში გახვევას უპირებდნენ ლადის.

სამუშაოთა სამმართველოსთან, გზაჯვარედინზე შემოეხეჩა მათ ფოფ-  
 ხაძე; ახლა უფრო დარხულად მოაბიჯებდა მრუდე ფეხებს, მაგრამ  
 ასალო და ლადი რომ დაინახა, ფხიზელივით გაიძართა წელში და ამა-  
 ყად წამოიძახა:

— ა, ბატონო, ა! ძალღი ახსენე და ჯოხი ხელში გეჭიროსო. მოიწი  
 აქეთ, შენ, ჩემო ძმაო, დამანახე ერთი შენი სიფათი!

ხმა არ ამოუღია ლადის, ზიზლით ახედ-დახედა მიხას და გზა განავრძო  
 მოწყვეტით გადახტა მაშინ ფოფხაძე, გულისპირში ჩაავლო ლადის  
 მარცხენა ხელი, მარჯვენა ასალოს ჰკრა და დაუყვირა:

- დაიკარგე იქით, ბებერო ძაღლო!
- მერმე ლადის შეანათა მგლურად ანთებული თვალები და ბრაზისაგან  
 დახშული ხმით შეეკითხა:



— რა ილაპარაკე შენ ამ საღამოს ჩემზე? ზურგს უკან მიტხრი სა-  
მარეს? ინტრიგანობა დაიწყე? ვერ გავიგებდი გეგონა და  
მაკლებს შე რამეს?..

შესაძლოა სხვა დროს ასე შეაკრად არ მოქცეულიყო ლადი, ტკბი-  
ლი სიტყვით დაემშვიდებია ეს გაბოროტებული კაცი, მაგრამ ახლა სა-  
ნებლიძის ბინიდან გამოყოლილი გულისწყრომა შემოენთო და ცალი  
ხელი რომ მაჯაზე მოუჭირა მარწუხივით, მეორე ნიკაპზე აპკრა კვა-  
სავით...

გულშეღონებულებით წაბარბაცდა მიხა და ასალოს ფეხებთან ჩაი-  
კეცა, მაგრამ უმაღვე წამოიჩოქა, ჯერ ყბაზე მოივლო ხელი, დაჭრი-  
ლივით დაიგმინა და გრძლად გაბმული გინება აღმოხდა, მერმე წამო-  
იწია და ბრაუნინგი იშისწვლა.

რამდენი ხანია ასე მძლავრად არ დაჭიმულა ასალოს კუნთები! კა-  
ბუჯური თავდავიწყებით ეცა მიხას, მკლავი დაუწირება და რევოლვერი  
ხელიდგან გამოსტაცა, ტყვიები ამოიღო შიგ და ცარიელი ბრაუნინგი და-  
უგდო წინ, შემდეგ გარინდულ ლადის დაუყვია:

— წამოდი, ბიჭო! ამისთანა მზეცზე უნდა გაისვარო ხელი!..

მრისხანედ წამოიძმართა საესებით გამოფხიზლებული მიხა, რევოლვე-  
რი რამდენიმეჯერ შეატრიალა ხელში, ჯიბეში ჩაიღო და ენით გამო-  
უთქმელი სიძულვილით გადააპკრა თვალი ასალოს:

— ასე ხომ, გურგენიძე? კარგი, მე შენ გიჩვენებ სეირს!..

— რას იმუქრები, ყაძახო? შენ კი არა, თვითმპყრობელობის ჯალა-  
თებმაც ვერაფერი დამაკლეს მე! — უბასუხა ასალომ და ლადის ხელი  
გამოსდო.

— წაეიდეთ, ძამია...

პო, მძიმე ტვირთივით მოიხსნა მხრებიდან ახლა ასალომ ათეული  
წლები და ისე მსუბუქად მიაბიჯებს, თითქო ლადის ტოლა იყო...

ღრმად ჩაფიქრებული მიდიოდა ლადი და ჯერ კიდევ დაუწმენდელ  
შთაბეჭდილებებში ერკვევოდა; ერთი კი ცხადი იყო: მეტი სიფხიზლე-  
საჭირო. ეს მაშინაც იგრძნო ლადიმ, როდესაც ნინო შეუძღვა სანებიერ-  
ოდ მორთულ ოთახში... შემდეგ: სანებლიძის სადღეგრძელო. განა გუ-  
ლისამრევი პირმოთნეობა არ იყო იგი?.. ის ქალი კი ნამდვილი დელა-  
ლია, ვინც მოეწონება, ყველას გულს გადაუხსნის... ფოფხაძე რამ გა-  
დარია?.. სარდიონ წილოსანმა რომ უამბო ერთხელ, მაშინ წარმოუდგა  
ისეთი სახე, როგორც მიხას ჰქონდა წელან, და სწორედ იმ სახეს აპკრა  
მუშტი ნიკაპზე ლადიმ...

გასცილდნენ სოფელს, პატარა ხევი გადასჭრეს და წელამდე შემო-  
ყრილ ყანაში ვიწრო ზოლად გავლებულ ბილიკს აპყენენ. მრავალკეც  
ქაველებივით ლივლივებდა თავთავებზე ცის იერიდან გადმოღვრილი შე-



ქ მთვარისა და პურის ლეროებით სუნთქავდა მიწა, რძეაქვით შეღებულ მარცვლებს აწოვებდა ნოყიერებას თვისას და დედასთან ერთად მხაროდა წელგამართულ პირმშობებს. მეოცნებე გოლიათებით გარიბდულიყვინენ გამსჭვირვალე სამოსში გახვეული მწვერვალები და ფოთებადამძიმებული ნიავე არწევდა ქციის ტრამალებში ჩაწოლილ დუმილს.

ფართო ვზაზე გავიდნენ და ასალომ ნაბიჯი შეანელა, თათქო მეტად დიდი მანძილი განვლეს და რამდენიმე წუთით დავიწყებული ხანდაზმულობაც დაუბრუნდა.

— იცი, ლადი, რამდენი ჭუჭყი და ნაგავია ჯერ კიდევ დარჩენილი?

— შენ სხვა რამე სთქვი, თორემ...

— არა, მე ადამიანის შეგნებაზე ვლაპარაკობ, წარსულის შხამით გაელენთილ შეგნებაზე. აქ იყრის თავს ყველაფერი: საზოგადოებრივი ჭონების მტაცებლობა, ბატონკაცური შედიდურობა, მატყუარობა, ზნედაცემულობა და ყოველივე ის, რაც კერძო საკუთრების ნიადაგზე განმტკიცებულმა ადამიანთა ურთიერთობამ წარმოშვა.

— ბიძია ასალო, გეტყობა, პოლიტიკური ეკონომია არ დაგვიწყებია.

— მოიცა, თუ ბიჭი ხარ! წიგნებში ისედაც ყველაფერი ნათელია, მე ცოცხალ სინამდვილეზე გელაპარაკები. დავანებოთ თავი სანებლიძეს და მისთანებს... თუმცა რატომ? შენ წელან მის ბინაში იყავი და დარწმუნებული ვარ, შეამჩნევდი, — შენ გგონია კანონიერი ხელფასით კმაყოფილდება ის, ისე დადგება, რომ სადმე რაიმეს არ წაჰკრას ხელი! კარგი, ჯანდაბას მისი თავი! სადაც იჭნება მოიტეხს კისერს! აი ფოფხაძე. — არა, იმიტომ კი არ ვლაპარაკობ მასზე, რომ ახლა უსიამოვნება მოგვივიდა, ეგ რა შუაშია, ან მთერალ კაცს რა მოეთხოვება. მაგრამ განა შეიძლება კომუნისტი ვუწოდოთ ისეთ ადამიანს, რომელიც არაფერს სწავლობს, თავისი საქმეც ხეირიანად არ გაეგება და მთელ თავისუფალ დროს ნარდის თამაშს და ქეიფს ანდომებს?... კომუნისტი! იცი ბიჭო, რამხელა ადამიანი უნდა იყოს კომუნისტი? მარქსისა და ენგელსის მიწერმოწერა წაიკითხე, იქ არის დიდი ადამანების დიდი მორალი, სიყვარული, მეგობრობა...

ლადიმ შეატყო: აღელვებული იყო ასალო და აღარ გაეკამათა.

წყაროსთან ჩაუხვიეს. ქვებზე ჩამოსხდნენ... ყრუ გუგუნე ამოიქრა ზრამიდან და შორეულ მოძახილივით დაინთქა ნაპრალებში.

— ბიჭებმა ლალუმი ააფეთქეს! — სიხარულით წამოიძახა ლადიმ.

მთვარის შუქით დამშვენებულ მთაგრეხილებს მოავლო ასალომ თვალი და თითქო თავისთვის ჩაილაპარაკა:

— რა კარგია, ბიჭო, ქვეყანა...

## XXV

ავენტოს პირველ დეკადაში კიდევ უფრო გააძლიერეს ბრივადებს იერიში. ვასო დვალისეილის წინადადების მიხედვით გარდაქმნეს მუშაობა და დიდ ჭარბატებასაც მიაღწიეს, შრომის ნაყოფიერება საოცრად გაიზარდა. მაგრამ გვირაბის დამთავრების ვადა დღითიდღე ახლოვდებოდა და ჩამორჩება ჯერ კიდევ გამოსწორებული არ იყო. ნიკო გოგოლაძის ბრივადა წააწყდა მხოლოდ ადვილად სანგრევ ქვის ფენას და ვასოს რამდენიმე მეტრით წინ გაუსწრეს. ბიჭებს ხალისი მოემატათ და მხიარულად ოხუნჯობდნენ — ნახავ, თუ ვასოს ბუჭსირზე არ ავიყვანთო. გოგოლაძე კი ჩვეულებრივის სიღინჯით უწევდა მათ ხალმძლეანელობას და შემთხვევით მოპოებულ გამარჯვებას არაფრითარ მნიშვნელობას არ აძლევდა, ვინაიდან არაფერ იცოდა — ამ სხმულ ფოლადივით შეკირულ კლდეში როგორი ნიადაგი შეხედებოდათ.

ლადი ალანია დღეღამეში თვრამეტე საათი ფეხზე იდგა, ოდნავ გაბდა კიდევ. გუშინ წინ ნათელასაგან წერილი მიიღო და მხოლოდ რამდენიმე სიტყვით უპასუხა, ხანგრძლივად წერისათვის არ ეცალა. ხანდახან ბარმაქისში თუ ჩაირბენდა ცხენით ბაგრატიან სათათბიროდ, ან რაიმე მასალის მისაღებად. რამდენიმეჯერ მოჰკრა იქ თვალი ნინოს, მიმზიდველი ღიმილით დამშვენებულს, მაგრამ ლადიმ თავი აარიდა. ერთხელ კი გზაზე გადაუდგა ნინო ცხენით მიმავალს და მოხდენილად დაუქნია ხელი; ლადის თითქო არ შეუმჩნევია, ცხენს მათრახი გადაჰკრა, გვერდი აუარა და ტაშბაშისკენ მოჰკურცხლა.

საკვირველი იყო ფოფხაძის საქციელი. ლადისა და ასალოსთან რომ ჩხუბი მოუვიდა, მეორე დღესვე გასწია ტფილისს, ოთხი დღე დარჩა იქ და საუკეთესო მანქანა ჩამოიტანა. საქმიანი გამომეტყველებით შეხვდა ლადის ხევში, გვირაბის სათავესთან, და ხელი ისე გაუწოდა, თითქო მათ შორის არაფერი არ მომხდარიყოს.

ასალოც იქვე იყო მაშინ, სამკედლოში მუშაობდა და ლადისთან შერიგებული მიხა რომ დაინახა, ულვაშებში გაელიმა, სწავრით ხელი გაიწმინდა, ფიცრულზე ჩამოკიდებულ ქურთუკის უბიდან ბრაუნინგის ტყვიები ამოიღო და ფოფხაძეს მიუტანა.

მედიდურად გამოართვა მიხამ ტყვიები ასალოს, ჯიბეში ჩაიწყო და ნაძალადევად გაილიმა. მერმე ლადის გადაულაპარაკა:

— ეჰ, ჩემო ძმაო, როდის იყო, მთვრალ კაცს რომ ჰკუთვია ეკითხებოდა...

„კუპრივით ბნელია ამ კაცის სული — გაივლო გუნებაში ასალომ, — გულითად მეგობარვით ეხმატკბილება ლადის. ვინ იცის, იქნება მართლა შესტკივა გული საქმეზე. ნაკლი ვის არა აქვს“...

მხოლოდ ერთ საღამოს ჩაფიქრდა ღრმად ასალო, მაგრამ ამ უტყუარ ვით ბნელი სულის ამოცნობა მაინც ვერ შესძლო. დავეუბნებოდა ვესტუმრა ოთახში. მარტო იყო ასალო და ჩვეულებრივად ვახშაის ამზადებდა. დავითი შემფოთებული იყო და მისკლისთანავე წამოიძახა:

— საშინელებაა სწორედ!..

— რა მოხდა, დავით?

— რაღა რა მოხდა, შე კაცო! წუხელის ფოფხაძის ორი წლის ბავშვი დაიღუპა.

— ვაი, უბედური!.. სად, როგორ?

— ნუ მკითხავ, თუ ძმა ხარ! ყელში დანა რომ გამოიკარო, სისხლო არ გამომივა. დავიწვი იმ ბედკრული ქალის საცოდაობით. ჩემი მეზობელია. მშვენიერი გოგო იყო, სანამ მავ წყეულს გადაეკრებოდა. ახლა აქანე წამოსულა და ის არის ქე დაიღუპა.

ასალომ მკედრული ღუმელი ვერ აიტანა და კვლავ შეეკიოთა:

— მაინც როგორ იყო მაგათი საქმე?

— ეჰ, რაც ვინდა ის მითხარი და მაგისთანა ხალხს ვერ ვუროგდები მე... ჰო, როგორ იყო და...



კოჯრიდან მანგლისისაკენ დაეშვა ავტობუსი და აშრააღდა ფერდობებზე აქოჩრილი ხეები. ტფილისში აუტანელი სიცხე იყო, აქ კი ჰაეროვან ნაკადივით მოსისინებდა ნიავე გრილი და ცხოველმყოფელი. მგზავრებს უმოწყალოდ ანჯღრევდა მოშლილ რესპორებიანი მანქანა, მაგრამ აქ მაინც შევებით ამოისუნთქეს და სიამით ათვალეირებდნენ მიდამოს: მალაღ კლდეზე ფრთამოტეხილ არწივივით გადმომდგარ ძველ ციხეს, ღრმა ხეებს, მოხასხასე ველებსა და შორეულ მთებს; აგერ რუხი გორებით შემოზღუდული კუმისის ტბა კამკამებს თეთრად, მეთოლიების გუნდებივით დაფარფატებს თავს ცის იერში მოციმციმე ნისლის ქულები.

მეტსმეტად დაიკლავნა გზა, შოფერი კვლავ ხელმარჯვედ მიაქროლებს ავტობუსს და ყუთში ჩაწყობილ ბოთლებივით ეჯახებიან ერთმანეთს მგზავრები, მაინც მზიარულად ხმაურობენ, იცინიან და ოხუნჯობენ.

წინა სკამზე ზის ასალგაზრდა ქალი, ტანმოორჩილი და გამხდარი, თმა მწვანე დოლბანდით აქვს გადაკონილი და მიწისფერი ადევს მოგრძო სახეზე, ცრემლით ამომწვარ დიდრონ თვალებს დაფეთებულივით აელვარებს და ხშირხშირად დაჰყურებს მუხლებზე მწოლარე ბავშვს. ფრთხილად გადაუწევს პირზე გადაფარებულ მანდილს, სიციხისაგან წამონთებულ ლაწევებსა და ნაკვერცხლებივით გაღვივებულ ტუჩებს უცქერის





დიდხანს, მერმე ნაზად, ნაზად შეახებს ხელს ხუკუკუ... ღრმად ამოიხრებს და ირგვლივ რომ მიმოიხედავს, სხვას ვერაფერს ვხედავს. ამ უცხო ქვეყანაში, მარტოდენ შიშველი მთებია აქ და თვალუწვდენელი ხრამები, საბედისწერო საშიშროებით სავსე...

რამდენიმე დღის წინათ მიიღო თებრონემ უსახელო წერილი: შენი ქმარი სხვა ქალს ირთავსო და თუ შეგიძლია დროზე მიუსწარიო. კარგად იცოდა თებრონემ: მიხა უთუოდ გაიჩენდა საყვარელს, მაგრამ კოლშვილზე თუ მთლად ხელს აიღებდა, ეს წარმოდგენილი არ ჰქონდა. ქუთაისში ყოფნის დროსაც დასდევდა მიხა სუბუქი ყოფაქცევის ქალებს და ამიტომ არის ახლა თებრონე ასე ჩამომტკნარი; სულ რამდენიმე წელიწადში დაქარგა ფერხორცი და ქლეჭიანს დაემსგავსა. მიხა თორმეტი წლით უფროსია მასზე, მაგრამ დღესაც ისევე ჩამრგვალებული და ჯანღონით სავსეა, როგორც პირველი გაცნობის დროს იყო. ახ, ნეტავი არ გაეცნო მაშინ! პასუხსაგები თანამდებობის კაცი იყო და როგორ იფიქრებდა, ასე თუ გაუმწარდებოდა სიცოცხლე. ამ ბოლოს ხომ სულ დაილია ქალი. რამდენი ეხვეწა — მეც წამიყვანეო ხრამქესში, მაგრამ უარი უთხრა. ახლა კი სხვა ქალს თხოულობს თურმე...

კვლავ ბავშვს დააშტერდა ცრემლით დანისლული თვალებით და შეაფრეოლა, გაცრეცილ ტუჩებზე იკბინა სიმწარით. მერმე დაიხარა, ნაზად აკოცა ბავშვს გახურებულ შუბლზე და ათრთოლებული ხმით ჩასჩურჩულა:

— დედა გენაცვალოს, შეილო, ერთი შემომხედე, დედა!

ბავშვმა დედის მსგავსი დიდრონი თვალები გახსნა, უმწეოდ დაიკვნესა და მყისვე დახუჭა, ვინაიდან მოვარგარე ცეცხლად შემოენთო უსაშველო ტალღებივით აგორებული სინათლე...

წერილი რომ მიიღო და წამოსვლა გადასწყვიტა, ბავშვი ცოტათი შეუძლოდ იყო, ხშირად ტიროდა და კაცმა არ იცოდა, რა სტკივოდა. ექიმს უჩვენა და საშიში არაფერიაო, დაამშვიდა. ოჯახშიაც დაამხედეს, რაკი წასვლა გულში ამოიჭერი, ბავშვს რა უჭირსო, ხრამქესში კარგი პაერი ყოფილა და ორთავეს მოგიხდებათო, თან იმ შენს ვადარეულ ქმარს კოლშვილისაკენ მოახედებო.

მატარებელში კარგად მოეწყო. ტფილისში პაპანება იყო და ბავშვს სული ეხუთებოდა, ქირვეულობდა და ტიროდა, ამ დილით კი. აეტობუსი რომ დაიძრა, თითქო დამშვიდდა და ჩასთვლიმა, სიცხე მისცა მხოლოდ და თვალის გაბელა უჭირდა.

მანგლისში რომ შეჩერდნენ, ცივი ტილო დააფინა შუბლზე და ოდნავ ასწია ბავშვმა ქუთუთოები, პაწია ტუჩებიც გახსნა ღიმილით და გალხვა, აჩქოლდა დედის გული: აქამდე განუჭვრეტელი ნისლი ეხვია თითქო ვარს და ეს გაუთავებელი გზაც უფსკრულისაკენ ეშვებოდა.

ახლა კი რიყრაფივით აენტო ალიკოს ღიმილი და... პირველად ხედავს თებრონე ვარკვევით გრძელ აივნიან თეთრ დუქნებს, ვეება ტაძარს და ქუჩაში მოსიერნე მოაგარაკეებს...

ალარ დამთავრდა ხვეულები აღმართში, გუგუნით შირახრახებს აეტობუსი, კარუსელივით ტრიალებს ხევიდან ხევაამდე; ხან აღგეთის მიდამოები გადაიშლება მრავალფერადად და ხან ბედანის ქედი აღიმართება ცის კიდურამდე.

თებრონეს საგონებელიც ასევე იხლართება:

...მოიკეთებს ალიკო... როგორ დახვდება მიხა?.. მატარებელში გაუცივდა ალბათ, ფანჯრები ღია იყო... ვინ არის ნეტავი ის ქალი? უთუოდ ლამაზი იქნება... სიცხემ თუ აწყინა ტფილისში. ახლა მშვიდათაა, თვალის გახელა უჭირს მხოლოდ...

მიქტრის მანქანა ზეგანზე; გზა ახალი შეკეთებულია, ჯერ გატყეცილი არაა და შოფერს მინდვრის პირად მიჰყავს აეტობუსი, ორმოცდაათ კილომეტრს ჰკეცავს საათში. ჯერ სამსარის თხემები ამოტივტივდა სივრცეში, მერმე თრიალეთის მწვანე კალთები შემოერკალა ჩრდილოეთს და ამა მთაგრეხილებში მომწყვედელი ქციის ხეობა, — ქორის ბუდეშივით მოჩანს გორებზე შერჩენილი ძველი ეკლესიები და თვალი ვერ სწვდება ოდროზოლო ტრამალებს...

დაეშენენ დაღმართში, ყაზარმებს გვერდით ჩაუარეს და ბარმაქსიზში რომ შეიქრნენ, უაზროდ მოაველო თებრონემ თვალი გრძელ სახლებსა და გომურებს, კვლავ იმაზე ფიქრობდა, თუ როგორ შეხვდებოდა მიხა, იქნება ის ქალი უკვე ბინაში ჰყავს და მაშინ სად წავიდეს, ეს ავადმყოფი ბავშვი სად წაიყვანოს?..

სასტუმროს წინ დადგა აეტობუსი. სერგო ნიკურაძე იყო იქ, ამხანაგს ელოდა და მგზავრებს ათვალეურებდა, თებრონე იცნო და მიეშველა; ჩემოდანი გამოართვა და ქმრის ბინისაკენ გაუძღვა.

გულზე მოეშვა თებრონეს; სჩანს კარგად ყოფილა საქმე, რაკი სერგო არაფერს ეუბნება და ქმრის ოთახში მიჰყავს. ბავშვი გულზე მიიხუტა, სახეზე ლოყა მიაყრდნო და უსიტყვოდ ანუგეშა ისიც და თავისი თავიც: „ნუ გეშინია, გენაცვალე. აი, მივალთ მამაშენთან და შენც კარგად იქნები და მეც“... მაგრამ ეს ვინაა? ვინ მოჰყვება მიხას ხელგამოდებული?.. ღმერთო, რა შესანიშნავად აცვია და რა ლამაზია! ეს არის ნამდვილად... შესდგა, გაშეშდა თებრონე, ლამის ბავშვი დაუვარდეს ხელიდან...

პროვინციის მივარდნილ სადგურზე რომ გამოვლენ მოცლილი მატარებლის მოსვლის დროს, ისე მოსიერნობდნენ თემშარაზე ნინო და მიხა, რათა გავეგოთ მათი მეგობარი ხომ არაეინ ჩამოვიდა ტფილისიდან. არჩილი სახლში არ იყო და ერთად ისადილეს დღეს; მიხა ოდნავ შე-

ზარხოშებულის კი იყო და რაღაც სასაცილო ანეკდოტს უამბობდა ნინოს; მაგრამ ახლა უცებ შეაშრა ღიმილი სქელ ტურნებზე, ცრემლები დაწკურა და გარინდებულ თებრონეს დააშტერდა, მერე შეაღწია მკლავი შეუშვა და მრისხანედ გაემართა მისკენ:

— რა გინდოდა, ქალო, შენ აქ?

ნიკაპი აუთრთოლდა თებრონეს, თვალთავან ცრემლები გადმოცვივდა და სხვა ვერაფერი მოახერხა, ეს უთხრა მხოლოდ:

— ალიკო გამიხდა ავად...

— მოდი და ჰქუა ჰკითხე ახლა ამას შენ! ავადმყოფი ბავშვი აქ წამოიყვანე?

— არა... გზაში... გზაში...

— ნუ იჯღანები ამ ქუჩაში, თავი ნუ მომჭერი! — მგესლავი ხმით ჩასისინა მიხამ და მერმე სერგოს მიმართა:

— აიყვანე, სერგო, ოთახში, მე ერთი საჩქარო საქმე მაქვს და ახლავე მოვალ.

მორჩილად ვაპყვა თებრონე სერგოს; ჩაუარა ნინოს გვერდით და ვერ მოითმინა, ცრემლიანი თვალები შეავლო შურით; მწარედ, მწარედ შეეკუმშა გული, ამ უცხო ქალის წითლად შეღებულ ტურნებზე რომ დამცინავი ღიმილი დაიკლაკნა გველივით.

ოთახი მიულავებელი და დამტვერილი იყო. იატაკზე პაპიროსის ნამწვავები ეყარა. ეს კარგი ნიშანი იყო. აქ ქალის ხელი არ ემჩნეოდა. დააწვინა ბავშვი და ამბორით გაუსინჯა სიცხე. პირსაბანზე ტილო დაასველა და ტაშტი რომ წყლით საესე იყო, ესეც კარგ ნიშნად მიიჩნია. მაინც ვერ დამშვიდდა, იმ მკერდსავსე ქალის სახე ედგა თვალწინ...

უსაშველოდ დაუძმძმდა წუთები, სანამ მიხა კარს შეაღებდა, და ამ დაუსრულებელმა ტანჯვამ შეუფაქლა სისხლნაკლული დაწვები, მკაცრად შეაგება ცრემლამომშრალი თვალები:

— ვინ არის, მიხა, ის ქალი? .

— ა, ბატონო, ა, ჯერ არ ჩამოსულა და თავისი უზნეობა უკვე დაიწყო!..

— არა, მე გეკითხები, ვინ არის-მეთქი ის ქალი?..

— შენ ჰქუაზე ხომ არ შეიშალე, ქალო! ვინ იქნება, ამხანაგის ცოლია. რამდენ ქალთანაც კაცი გაივლის, ყველა საყვარელი ხომ არაა?.. შენ ის მითხარი, რატომ არ მაცნობე, თუ მოხვიდოდი? დასაწვევრავად დამესტი თავს? კიდევ ვერ მოიშალე შენი უზნეობა? ნუ თუ ჩვენს დროში ვერ უნდა შეიგნოს ქალმა, რომ ეჭვიანობა უდიდესი უკულტურობაა? რა მოგივიდა, რამ ავიშალა ასე ნერვები?..

მართლაც რა აღელვებს ახლა თებრონეს? ის უსახელო წერილი ხომ არ გამართლდა. მიხა ისევ ისაა, რაც იყო. და მოლბა, მოეშვა თებრონე,

სევდიანი ღიმილით აუთრთოლდა ფერმკრთალი ტუჩები და ქმარს მოეხვია.

— მიხა, გენაცვალე, ავად არის ჩვენი ალიკო... ექიმი ეწვევა და აქ და მოიყვანე მალე...

მყისვე გაიქცა მიხა ექიმთან. ბავშვის ავადმყოფობა საესეებით არღვევდა მის გეგმას. რამდენიმე დღეში მანგლისიდან საყვარელს მოელის და მანამდე ესენი უთუოდ უნდა გაისტუმროს აქედან... „ახია ჩემზე, — უსახვედურა თავს მიხამ — აქამდე უნდა მომეცილებია თავიდან ეს ძვალტყავა ქალი... ექვსი თვეა არ მინახავს და მთლად დალეულა, საფრთხობელას დამსგავსებია“...

ექიმმა დაკვირვებით გასინჯა ბავშვი, მაგრამ საშიში ვერაფერი აღმოაჩინა. სიცხეც დიდი არ ჰქონდა: ოცდათვრამეტი და ორი ხაზი. ტვინის ანთება არ უნდა იყოსო, გაივლო გუნებაში და მშობლები დაარიგა, თუ როგორ უნდა მოველოთ, წამლებიც ისეთი გამოსწერა, რაც ადგილობრივ იშოვებოდა.

...მეორე დღეს ნაშუალამევს მძიმედ ჩაეძინა თებრონეს, ჩაეძინა და... ალიკოს ხმა ესმის თითქო მეორე ლოგინიდან, აი, კიდევაც წამოჯდა ის, დედას გაუღიმა და ხელი დაუქნია, მერმე გაიბუტა და ამიზნებულნი ხმით ეძახის.

„რა მოგივიდა ახლა, დაგენაცვლე, ბიჭუნო. დაღლილი ვარ და ცოტა მცალე, ჭირიმე!“ — ეხვეწება თებრონე და ძილს თავს ვერ აღწევს, მძიმე და უფერულ სიცალიერეში იძირება... მაგრამ ბავშვის ხმა ისევ ჩასწივის ყურში და ახლა ნათლად ხედავს: თვალუწვდენელ უფსკრულზე გადებული ეს ხიდი და ძლივს გაჰყავს ბავშვი: მზარავი მშუილი მოისმის სკვარამიდან და ძარღვებში სისხლი ეყინება, საცაა საესეებით გამოეცლება მკლავებში ძალა და მერმე საშველი აღარაა; მაინც როგორმე უნდა გავიდეს ამ ხიდზე და აკანკალებული მუხლებით განაგრძობს სვლას. მაგრამ აგერ ის მკერდსავსე ქალი შემოეფეთა კატასავით გაყინული თვლებით და დამცინავი ღიმილი აუსრიალდა წითლად შეღებილ ტუჩებზე. გული შეულონდა თებრონეს და ბავშვი ხელიდან დაუვარდა...

ძლივს წამოიკენესა და ზეწამოიჭრა...

დღემილია. ალიკოს სძინავს. მიხას ფშვინვა ისმის მხოლოდ; საბანი წელამდე გადახდილი აქვს და შავბანჯგელიანი მკერდი და მკლავები მოუჩანს ანთარივით. ფანჯარაში განთიადის შუქი შემოდერილა; სული მოითქვა თებრონემ და ბავშვს მიაშურა. ვისილაც უხილავმა ხელმა გაალო ფანჯარა და იდუმალი შრიალით შეიჭრა ოთახში ზარდამცემი სახე სიკვდილისა. პირი ღია დარჩენოდა ალიკოს, თვალეციც გაეხილა და ცივად, უაზროდ შეჰყურებდა დედას. გალიგვებულ ნიკაპზე მოუსვა ხელი და... უსასოოდ დაიკიელა, ლოყები დაიკაწრა...



კვირაა დღეს და სოფლის განაპირას, მდინარის <sup>უკანა ნაპირს</sup> ~~უკანა ნაპირს~~ <sup>უკანა ნაპირს</sup> ~~უკანა ნაპირს~~ ხრამქესელებმა ააგეს ამ ტაფობში ეს ფარდულები და ახლა ყველა სოფლიდან — რეხადან მოკიდებული გომარეთამდე — აქ მოდიან კოლმეურნეები, მოაქვთ გასასყიდათ ყველი, კარაქი, კვერცი და თამბაქო; თავმორთულ ქალებს ქათმები უჭირავთ ხელში, ხოლო ქალამნიანი ქაბუკები გოქებს სთავაზობენ მუშტარს. ახალციხელ მუსლიმანებს კეზიან ცხენებზე აკიდებული ვოდრებით მსხალი, ვაშლი და კორკიმელი მოუტონიათ, ბორჩალოელებს კი — საზამთრო და ნესვი; დინჯად სხედან ისინი მაღალ ურმებზე და გრძელი დანები ლაპლაპებს მზის სხივებში. აგერ ერთმა თავზე ხელაღებულმა ფეხშიშველა ბიჭმა საზამთრო მოიტაცა და დღელში შედგაფუნდა, პატრონს წყალში შესვლა დაეზარა და ხელი ჩაიჭნია, სხვები კი მზიარულად იცინიან. ბერძნების, სომხების, გერმანელების, ქართველების, თურქებისა და რუსების ნაირნაირი სახეები ერთმანეთში ირევიან. ნინოს კალათიანი ფარეში ახლავს, გვერდით მიქატაძე მიჰყვება და წიწილებს ჰყიდულობს. ფარდულების ირგვლივ შეეგუფულ ზალხს საგარეოდ მორთული ბერძნის გოგოები გამოეყვნენ, ფართოდ გაშალეს ფერხული, მონოტონურად ლილინებენ და ნაოქიან გრძელ კაბებში არხევენ რიტმიულად თეძოებსა და გულმკერდს; თვალებიდან უბიწო ენების ნაპერწკლებს აფრქვევენ; სქელი ქამრები არტყაათ და ამ ქამრებს უმღერიან ისინი:

„გოგოე, შენი ქამარი“...

ფოფხაძის ოთახი ცრემლით აივსო. შუაში, მაგიდაზე დგას პატარა თურქი კუბო და მინდვრის ყვავილებში სძინავს თითქო მშვიდათ ალიკოს. ახლად დავარცხნილი წაბლისფერი ხუჭუქა თმა შეენის ფერმკრთალს და არავინ უწყის, სად წაიღო სიკვდილმა მისი ნორჩი ღიჟული. ლანდივით დაკურტებს ლოყებდახოკილი, სანთელივით ჩამომდნარი დედა. ცრემლამომშოალ თვალებს ახამხამებს საცოდავით და შემლალივით ბუტბუტებს...

ასწიეს კუბო და მაშინ შეიცხადა ხმაჩახლეჩილმა, თავში მოირტყა ხელი და ცრემლებად დაიწურა.

ალმაროს შეუყვია პროცესია. წინ ხრამქესელების დროშა მიუძღოდათ და რამდენიმე გვირგვინი, მინდვრის ყვავილებისაგან დაწნული. ასალი დავითს მიჰყვებოდა გვერდით და გულზე შხამად ევლებოდა თებრონეს სიტყვები. ორ ქალს მიჰყავდა იგი და ჩავარდნილი ხმით მისტიროდა თავის პირშვოს:

...მე მოგკალი, შვილო, დაგენაცვლე, ჩემი ხელით მოგკალი, რა გეინდოდა აქ? ვისთან მოგვდიოდით?.. რა ვიცოდი, ჭირიმე, თუ ა თუ გკონდა... ნარა ხუ გეშინია, გენაცვალე, დედიკო, ტოვებ, მალე მოვალ და წაგიყვან... ბებიაშენი სახლში არ მიმიშვებს, შვილო, ისე... ცოტახანს მოითმინე, ჭირიმე, არ შეგეშინდეს, შვილო, ჩემო ბიჭუნო...

აქე მოსტყვამდა, ვიდრე სასაფლაომდის ავიდოდნენ, აქ კი, გათხრილო სამარე რომ დაინახა, გული შეულონდა და ჩაიყეცა, საფლავის ძეგლის ჩრდილს დაემსგავსა.

უხილავმა ძალამ წაუბიძგა თითქო ასალოც, ქალთა წრე გაიარღვია და თებრონეს მიეხალა. მაგრამ სანუგეშო სიტყვა ვერ იპოვნა, შებრუნდა და კუბოსთან ჩაიჩოქა, ოდნავ შეახო ათრთოლებული ხელი ხუტუქა თმას და ორი მოკამკამე კურცხალი დაეცა ყვავილებს... ვინ იცის, იქნება ამ ბავშვთან ერთად თავის დაღუბულ გოგონასაც სტირის ახლა ასალო: იქნება ჰგონია: საპატიმროდან გაუშვეს და ახლად ამოთხრილ საფლავთან მიუსწრო მისი სიცოცხლის ყვავილს...

დააყარეს ბელტები კუბოს და სადღაც ტაშბაშისაკენ მშენებლებმა დაღუბები ააფეთქეს; გაზაფხულის ჭექა-ქუხილივით გადაუარა გუგუნმა სასაფლაოს და შორეულ ხრამებში დაინთქა.

დაიკალა სასაფლაო. მხოლოდ რამდენიმე ბერძნის დედაკაცი დარჩა გალავანთან; ერთს გულმა არ მოუთმინა, მივიდა და მზრუნველი ხელით გააწოროა ამ უცხო ბავშვის სამარეზე უწყესრიგოდ დაყრილი ყვავილები. მერმე ტაფობა გადახედა: ბაზრობა დაშლილი იყო.

XXVI

გულჩათხრობილი ბრუნდებოდა ასალო ტაშბაშში; ქუდი ხელში ეჭირა და ჭიკარა თმა დაღარულ შუბლზე ჩამოშლოდა. მის სმენაზე ვერ აღწევდა, ირგვლივ ყანებში რომ მწყერები ჭუჭქუკობდნენ, ვერც იმას ამჩნევდა, გადახრილი მზე რომ სწვავდა კეფას. რამდენიმეჯერ შეავლო თვალი სერს, მაგრამ თითქო არც კი დაუნახავს მოხასხასე მოლზე ცხვრის ფარასავით მიმოფანტული ქვეები. სასაფლაოზე დავითს რომ განშორდა, მას შემდეგაც დედის წამებული სახე ედგა თვალწინ და კუბოში ჩასვენებული ბავშვი. ყურში ჩასწივოდა, ფიცრებზე რომ ბელტები ახრიოდა, თითქო ჯალათმა დაიგმინა საზარლად და სახრჩობელაზე ჩამოკიდებულს კისრის ძარღვები დაუწყვიტა. ეს მზარავი სურათი აგონდებოდა მუდამ, როდესაც მძაფრი სევდა შეიპყრობდა, ვინაიდან ჭაბუკობისას საპატიმროებში ყოფნის დროს აღებუქდა იგი ხსოვნაში. სწორედ იმ კვირაში გაიყვანეს ციხიდან დასახრჩობად სამი ვაჟკაცი, როდესაც ჩვილბავშვიანი ილენე საავადმყოფოში ესალმებოდა თურმე სიცოცხლეს...

ახლა ისიც კი არ იცის, თუ სად არიან ისინი დამარხული, ერთად ჩაყარეს დედა-შვილი მიწაში, თუ ცალცალკე...  
 ერეკლე

„ებერდები, მაგრამ მოგონებები კი არ ბერდებიან...“  
 ლაპარაკი ასალომ და შორეულ ქედებს გაჰხედა; ვერც ლორლებიან კლდეებს სჭერტს და ვერც გომარეთის გააწვრივ ფერდოზე შეფენილ ტყეს, თითქო რკინაბანდი აღიმართა სივრცეში და სანახავად მოსულ ელენეს ესაუბრება საპატიმროში; ბავშვი ზეწარშია გახვეული, სახეც შეფუთვნილი აქვს და მარტოოდენ თვალები მოუჩანს, სწორეთ ისეთი, როგორიც დედამისს აქვს...

ხევის პირად ჩაუხვია და ქვას ფეხი წამოჰკრა, მხოლოდ მაშინ გამოერკვა და სოფლიდან წყაროზე მომავალი სომხის გოგოები განცვიფრებით შეათვალიერა, ერთი მისი ბინის მეპატრონის ქალიშვილი იყო და ასალოს შინაურულად გაუღიმა, მჩქეფარე სიციცხლის ნაკადი გადმოაფრქვია თითქო თავისი მარლი თვალებიდან და ქართულად მიესალმა:

— გამარჯობა, ამხანაგო ასალო!

მერმე თვის ტოლებს გაუცინა ხმამაღლა და ვედროების რაწკუნის გაიქცნენ ისინი წყაროსაკენ; მოზრდილ ქალებივით მიაფრიალებდნენ გრძელ კაბებს და ხევი ბანს აძლევდა გაუბზარავ გულებიდან წყრალით ამოხეთქილ სიცილს.

ასალოსაც უნებლიედ გაეღიმა და უმაღვე ლადის ჩემოდანში ჩაქეტლი პორტრეტი მოაგონდა, ნათელას პირმკინარე პორტრეტი... რა იქნება რამდენიმე დღით რომ წავიდეს ტფილისს და პირადათ ნახოს ეს მამაცო გოგონა, რომელიც ასე საოცრად ჩამოჰგავს ელენეს?..

ბრწყინვალე ოცნებასავით დაეუფლა ეს აზრი და ნაბიჯს აუჩქარა, თითქო ეს არის უკვე ტფილისს მიეშურებაო.

ლადი არ დასწრებია ფოფხაძის ბავშვის დაკრძალვას, გადაუდებელი საქმეები ჰქონდა. მას შემდეგ, რაც ვასო დვალიშვილის წინადადების მიხედვით გარდაქმნეს მუშაობა და შრომის ნაყოფიერება ერთობ გაიზარდა, უბნის ხელმძღვანელის მოვალეობაც გართულდა; ახლა გაცილებით მეტი დახმარება სჭირდებოდა ბრიგადებს, მეტი ხელსაწყო. მეტი მასალა...

ასალომ ოთახი გამოჰგავა და ვაზშმის სამზადისს შეუდგა. მოუთმენლად მოელოდა ლადის, თითქო ეს ქაბუკი მისი მბრძანებელი ყოფილყოს და არ იცოდა, მისცემდა თუ არა ტფილისში წასვლის ნებას.

გვიან მივიდა ლადი და მაშინვე ახალი გაზეთი აიღო ხელში. თან დაკვირვებით მოაიღო თვალი მაგიდას. წერილი ხომ არ მოუტანიათო. მერმე ასალო რომ ბავშვის დაკრძალვის ამბავს უყობოდა, ერთხანს თანაგრძნობით უსმენდა, შემდეგ კი რალაც მოაგონდა და საგენერატორო საოგურის სამონტაჟო ნახაზები გაშალა... თბრობა შესწვრიტა ასალოპ, ვინაიდან კარგად იცოდა, რომ ახლა მისი სიტყვები ყრუ გუფუნავით

დანიტებოდა სიცალიერეში. სახეზე დააცქერდა მხოლოდ და... ვახდეს ბიჭი! მხეც მეტისმეტად მოეკიდა. დაღლილობა არ ემჩვენებოდა. ცხლია და სიცოცხლით სავსე, მაგრამ ხანდახან ისეთი გამომეტყველებას აქვს, თითქო შმაფრ ვნებას ებრძოდეს. რა მოხდა? სანებლიძის ცოლმა ხომ არ აუმღერია გული? იქნება“...

ალარ დაუმთავრებია ასალოს ეს ფიქრი, ვინაიდან ლადიმ ისეთი ლიბილით მიუხედა, რომელიც მას ფრიად შეენოდა. გული გაუნათლდა ასალოს და სულ სხეანაირად მომზადებული ფრაზა ასე წარმოსთქვა:

— მოდი, ბიჭო, გამიშვი ტფილისში!.. ოთხი დღე დამაგვიანდება, მეტი არა.

— რა დროს წასვლაა ახლა! ხომ ხედავ, როგორი გამწვავებული მუშაობა გვაქვს! — გაიკვირვა ლადიმ.

— ძლიერ საქირო საქმე მაქვს, ჩემი მეგობარი ქალისაგან წერილი მივიღე. — იეშმაკა ასალომ. — ნათელასაც ვინახულებ, თუ მისამართს ზოგემ.

ღრმა შინგანი ლიბილით გაუბრწყინდა ლადის თავლისფერი თვალები და ასალოს სახე აარიდა.

— არა, ნათელა რა შუაშია! ისე კი, თუ აუცილებელი საქმე გაქვს წაღი, ბიძია ასალო. სარდიონ წილოსანი შენს მაგივრადაც იმუშავებს...



მეორე დღეს ლადის თორმეტ საათზე ასალო უკვე ტფილისში იყო. მეტისმეტად ნუსხავი ეს ვაჩირადლებული და ამბობოქრებული ქალაქი, თითქო მთელი წლები გავიდა მას შემდეგ, რაც სავსებით მოსწყდა ამ განუღმებულ გუგუნსა და ორომტრიალს, ჭეჩაში მიმომავალთა მრავალსახეობას და ქციის ხეობის მყუდრო და უშფოთველ ცხოვრებას შეეთვისა. ეს ხალხიც თითქო სადღესასწაულოდ მორთულა და მრავალფერად ლივლივებს. ბრწყინავს, კაშკაშებს ათასნაირი სამოსი...

თავისუფლების ნოედანთან ჩაუხვია და მყისვე შესდგა გავგნებულნი: პროექტორების გრძნელმა ალმა აიტაცა თითქო სივრცეში უზარმაზარი ნაცრისფერი შენობა და კამოს მოიერიშე ჯგუფიც განცვიფრებით გაკყურებს თითქო ამ პრილა ასპარეზს... სად გაპქრა ტფილისის ქორვაქრების ხიამაყე, ან ირანული მალაზია სადღა თავისი ნუშითა და ქიშმიშით?! ერთი წელიწადიც არ შესრულებულა ჯერ, ასალო რომ ტფილისში არ ყოფილა და, ხედავ, როგორ შეცვლილა აქაურობა!...

გამოუცდელ სიხილივით აუარა გვერდი თეატრებიდან გამოსულთა და ბინაში რომ მივიდა, დიდხანს არ დაეძინა. უამრავი სახეები ეხვევოდა გარს და განუწყვეტელი ვუგუნიც მღვრიე მორვესავით იგრაგ-



ნებოდა, თანაც ხელ დილით ლადის მიერ გამოგზავნილი წერილი უნდა გადასცეს ჩათელას და...

გახორცილათ. ჩასძინებოდა ღრმად. ცხრა საათზე გაიღვიძრა და დაიხსენა ლისმა საუბრე გაუშხადა, მაგრამ აღარ დაუცადა, დაიბანა თუ არა ხელპირი, უმალვე ნათელას ბინისკენ გაეშურა.

გული უჩქროლავდა, კარზე რომ ხელი დააკაკუნა, მწვავე ყრუანტელმა აიტანა და თვალბზე ბინდი გადაეფინა; ეგონა, აი, სადაცა გადაიხსნება კუპრივით პირგადაგლეხილი უფსკრული და ელენეს მოაღერსე სახე ამოანათებს დაუფიწყარი ღიმილით...

ხანდაზმულმა ქალმა გააღო კარი და მოკრძალებით შეეკითხა:

— ვინ გნებავს, ბატონო, თქვენ?

— მე... ნათელას ნახვა მინდოდა.

— ნათელა უკვე წავიდა. სალამომდე აღარ დაბრუნდება... რა საქმე გქონდათ მასთან?

— მინდოდა წერილი გადამეცა.

— დაგვიტოვეთ, ჩვენ გადავცემთ.

— არა, სალამოს მოვალ და მე თვითონ ჩავაბარებ.

დამძიმებული ნაბიჯით ჩაჰყვა ასალო კბეხს, ეზოდან გაედა და მწარედ გაეღიმა, მერმე თავისთავს უსაყვედურა: „მუდამ ასეთი ფანტაზიორი უნდა იყო, ბიჭო, შენ?.. რას დაეძებ, ვისი პოვნა გწადია? გაგონილა, მიცვალებული რომ საფლავიდან დგებოდეს?.. არ გინახავა, ადამიანი რომ ადამიანს დაჰგვანებოდეს?.. სრულიად უცხო, სულ სხვა დედმამის შვილი... საავადმყოფოში ხომ ყველაფერი გამოირკვა, ხომ გასცდა მიწა და სამუდამოდ ჩაიტანა მთელი შენი იმედი, ელენეც და ის თოთო ბავშვიც... პო—და, ნულარ ჩერჩეტობ ამ სიბერის დროს, პირდაპირ შეხედე თვალბში სინამდვილეს“...

ვერის ხილთან მტვერს თავი დააღწია და ახალ სანაპიროს გაჰყვა ჰაერი დაიწმინდა. ლამაზ სარტყელივით დამშვენებია მტკვარს ფართო სვეტებიანი მოაჯირი. ცოცხალ მესრებივით ჩამწკრივებულა ნორჩი ქაღარები, აქა-იქ უკვე შეფოთლილი. ოდნავის შრიალით მიმოჰქრიან ავტრები სარკესავით სმულ ასფალტზე. აქ კი, მადათოვის კუნძულზე, სადაც შმორიანი ქაობი იდგა და მთელი ტფილისის სანაგვე იყო, ბალი აღმოცენებულა, მაღალი ნაძვები და კვიპაროსები ამოხეთქილან რაჰდენიმე თვეში; ახალ მორწყულ ყვავილებზე უამრავი აღმასი ციმციმებს და... როგორის ოსტატობით ასრიალებს ეს ბავშვი პატარა ველოსიპედს!..

მოაღერსე ღიმილით დააცქერდა ასალო ამ მალხაზ ბიჭუნას და ის ეგონა, თავზე ხელი მოუსვაო, ეს სიტყვები რომ გაივლო გულში: „ინაევარდე, ჩემო კარგო, ინაევარდე! შენთვის შენდება ეს ბალი, შენთან ერთად დაფაქვაცდებიან ეს ნერგები და შენ რომ შენს სატრფოსთან ერთად



გავილი ამ ხეივანში, ეს ხეებიც თანშეზრდილივით აშრიალდებოან, მშობ-  
ლიურად შეარხვევენ შტოებს და იდუმლად მოგიყვებიან (არც მშვენიერ  
ბელთა გმირულ თავგადასავალს“...

მუხრანის ხილთან ჩამოხტა ტრამეიდან და კვლავ მტვერში გაეხვია.  
აქ ქვებისა და სილის გორები იდგა. ავლაბრისაკენ, ნესტიან კლდის  
პირად, აღმართი თითქმის გაესწორებიათ და მოედანივით ფართო გზას  
მოერიშე ათასეულივით შესევოდნენ მუშები, ფის ადულდებდნენ ვეიჭა  
ქვაბებში, ხრეში მოჰქონდათ, ტრამეის ლიანდაგი გაჰყავდათ, ქვებს  
სთლიდნენ და მოაჯირს ალამაზებდნენ. ბულში გახვეული, წელზემოდ  
სამოსგახდილი ვაჟაკები, მზისაგან დამწვარი, ფოლადივით მაგარკუნ-  
თებიანნი და ხელხვერიელნი პირქუშად გამოიყურებოდნენ და ისე იყ-  
ნენ დანთქმული თავიანთ საქმეში, თითქო თაკარა სიცხისაგან გაეპრე-  
რებული ქალაქის ვაბმული გუგუნი მათ სმენამდე ვერც კი აღწევდა.  
ხოლო ხელჩართული ბრძოლის ასპარეზივით გაშლილი გზა ბუნდოვან  
ოცნებასავით მიიწევდა ზევით, თითქო ეუფუნა წვიმისაგან პირდაბანილ  
დილას მოელისო...

მეტეხის შესახვევთან შესდგა და უნებლიედ ირგვლივ მიმოიხედა. ხიშ-  
ტებიანი ჯარისკაცები ხომ არ მომყვებო, ხელებიც შეათამაშა: ჯაჭვები  
არ აჩხარუნდესო. მერე ციხის კედლებს შეავლო თვალი და ძველისძველი  
პრისხანებით გადმოდგა ეს სისხლჩაქცეული ჯალათი, სახრობელასავით  
აღიმართა და უამრავ განწირულთა ლანდები შავ ძაძაში გაჰხვია; მუნჯი  
იყო ეს კედლები და ენით გამოუთქმელი მწუხარებით გაკლენთილი...

უანგისაგან დაქმულ რკინის კარებს მიადგა. დაკეტილი იყო. მერე  
ნაცნობი შეხვდა და ქვედა კორპუსიდან შეუძღვა.

— აქ ქართული ხელოვნების მუზეუმისათვის ისეთი სასახლე შე-  
ნდება, მთელი ტფილისის თვალი იქნება. — ეუბნება ასალოს თანამე-  
ზერი.

ჰო, ინგრევა, სავსებით აღიგვება დედამიწის პირისაგან ეს ბასტილია.  
მარტოდნენ ეს ძველი ეკლესია დარჩება ხელუხლებელი. ხუთმეტი საუ-  
კლნია დგას ეს ძველი აქ; მრავალმეტყველ მოწმესავით დაჰყურებდა  
საქართველოს დედაქალაქის არაერთგზის აოხრებას. მეფე ერეკლემ ვაან-  
თავისუფლო წაუწერიათ ამ ტაძრის კედელზე. ჰმ, ვაანთავისუფლა!  
სწორედ მერმე ააგეს ეს ცოცხალთა სასაფლაო... ახლა კი რა მსუბუქი  
და საანო ჰაერია აქ, თითქო ამ წუთას შემოველო თავს ეს ნიავი კავა-  
საონის ბროლივით მოკაშვამე მწვერვალებს, თერგისა და არაგვის ნანჩ-  
ქრეკა ნოიტაცა და უცნაური შრიალით დაბოროილობს ამ ნანგრევებში.

ამჩატდა, წელში გაიმართა ასალო, ეიწრო კიბეს აჰყვა მეორე სარ-  
თულისაკენ. თაღებს ძელები ჰქონდა შედგმული და აგურის ნამსხვრე-  
ვები ეყარა საფეხურებზე. აკლდამისებურ დერეფანში შეუხვია; გამოა-

გაუელ თვალებიდან და ღია კარებიდან სინათლე შემოდგომოვლიყო შიშ და აღარსად იყო სულის შემხუთავი ჰაერი საპატიმროსკენ მიმავალი და ღიათ მზრხოლავე ლამაზები ეკიდა გამჭვარტლულ სველ ჰაერსა და ხის კარს მიადგა, სადაც მთელი წელიწადი იყო ჩაკეტილი, და ფრთხილად შეაბო ხელი რკინის ურდულს, დამტვერულსა და ეანგმოკიდებულს სარკმელსაც მიაპყრო მოგონებათა ანარეკლით დაჩრდილული თვალები და... რამდენჯერ მიყრდნობია ასალო შებლით ამ ფიცარს, როდესაც შეეფარაჯიანი მეციხოვნე აბრაზუნებდა ლურსმნებიან ჩექმებს დერფთანში, თითქო ახლად გათხრილ საფლავში ჩაშვებულ ცხედარს ბელტებს აყრიანო... ამ დახშულ საკანში თავსდებოდა მაშინ მთელი ქვეყნებერება და ნადრეკად მოწყვეტილ ფოთლებივით სციეოდა დღეები სიქაბუკისა; სასიკვდილოდ განწირულთა გმინვასავით ამოიჭრებოდა დილით ბორკილების ელარუნი და სიმწრის ოფლივით შეეონილ ჰერს ქვეტრიალებდა მზარავი ზუზუნი, ცივი და უღმობელი. აი, გაუღეს თითქო კარი ასალოს და სხვა კატორღელებთან ერთად გამოუშვეს სამსართულიან ციხის კედლებით შემოზღუდულ ეზოში; ჯარისკაცებივით ჩამწკრიდნენ ორ-ორი და აჩხარუნდა კრიალა რგოლები, სქელი სალტეებით კოჭებთან შეჭედილი. მედიდურად დგას შუაში მეციხოვნე, პირქუშად უთვალთვალებს მათ და ზუთმეტი წუთით საკნებიდან გამოყვანილ ბრძანებლობს: „წინ დაიხედე!“ „ლაპარაკი არ გაბედო!“ და გარს უტრიალებენ ისინი ამ საფრთხობელას, მძიმე რევოლვერითა და ხმალით შექურვილს, თავისუფლების შემმუსერელთა მონას, რომელსაც თითოეული მათგანი მოერეოდა, კედელზე შეანარცხებდა მჭვარივით. მაგრამ მის ზურგს უკან მთელი ლაშქარი იდგა და სივრცე სახრხობელას მარყუებით იყო დაქსელილი გალავნიდან გალავნამდე. ამიტომ იდგა მეციხოვნე ასე ამაყად და დაუშრეტელი ბოლმით იესებოდა შეჯაჭვულ ადამიანთა გული. ბორკილების რაჩხარუნხით გარს უვლიდნენ ისინი მეციხოვნეს, ჰერგადაბდილ ზეცისაკენაც იშვიათად აიხედავდნენ გულჩათხრობილნი ხოლო ირგვლივ სქელი კედლები იყო აღმართული და სარკმლებიდან ტუსალთა შექმოწყურებული თვალები გამოკრთოდა ნისლგადაფენილ ვარსკვლავებივით. და ჩვეულებრივი სართულები კი არ იყო ეს, ცხრა მთას იქით ჩამოქცეული ნაპრაღი იყო. მოწყვეტილი ყოველივე ადამიანურს; მზის ამოსვლასაც ისეთივე მწუხარებით ეგებებოდნენ აქ, როგორც უძილო ლამეს, გაზაფხულიც ისევე მოსაწყენი იყო და აუტანელი. როგორც შემოდგომის ღრუბლიანი დღეები. სიზმარივით ახსოვდათ, იქვე ახლოს რომ დიდი ქალაქი ბობოჭობდა, ქუჩებში ეტლები მიმოჰქროდა და ბაღებში მოსეირნენი იცინოდნენ... ჰარხნის საყვირის ხმას თუ მოჰყავდნენ დილით ყურს და სასიცოცხლო ნუგეშით გაიმსქვალებოდნენ...

საკანში შევიდა ასალო და კედელს დააკერდა: ძველი წარწერები ხომ არ დარჩენილაო; ეკრანივით აენთო იგი და ლ ა დ ო კ ე ც ხ ო ვ ე ლ

მა ნაღვლიანად გაუღიმა, სწორედ ისე, ამ საკანში ყოფნის დროს რომ წარმოადგენდა მის სახეს, იმედის შარავანდედით მოსილს, მწვერულზე შექით ანთებულ მწვერვალისაკენ აღმავალს. მაგრამ აი ჩველას სისხლმა და ტარგადატეხილ დროშასავით მოსწყდა ფანჯარას ლაღო. იატაკზე დაცა განგმირული და ახალ საუკუნეთა მზილველი გულის სისხლით გაბრწყინდა დროშა... ეს არსენ ჯორჯიაშვილია. ღამეა ჯერ და მეტეხიც ღამესავით ჩაშვავებულია; უფსკრულია ყველგან და დასაყრდენი არსად მოიპოვება. სიკვდილ მისჯილთა საკნიდან გამოჰყავა: ჯორჯიაშვილი. უმოწყალოდ ნაცემი და დაჭრილი. ღამის სისხლში იფეთქოს ფრჩხილებიდან, ისე მაგრად აქვს ხელები გაკრული. და რამდენი ჯალათი ეხვევა!.. თავით იგერიებს არსენი იმათ, წელში იმართება და ამყად მიდის სახრჩობელასკენ... ეს კი კამოა. პირდაპირ შექუქრებს თვალებში სიკვდილს და ჩიტი უზის მაჯაზე მიმინოსავით, ფრთებს უსწორებს; თვითონაც გასაფრენად ემზადება. შეშლილივით გაუღიმებს მეციხოვნეს, ხოლო მარტო რომ დარჩება, იმას ანგარიშობა, თუ რამდენი უმბარა უნდა ააფეთქოს კიდევ, ან ლენინი და სტალინი როდის ინახულოს... იმ უმბარების ძალამ ხომ არ შეანგრია ახლა ეს კარები...

ურკინაბანდო ფანჯარას მიადგა; ღორლებიან გამოქცეებულს დაშვავსებოდა იგი და პორიზონტზეც სულ სხვა სურათი გადაიშალა. მხოლოდ რუხი გორები დარჩენილიყო უცვლელად; რამდენჯერ უნატრია იქ ასვლა ასალოს...

სხვა საკნებშიაც შეიხედა და უამრავი ლანდები დაბორიალობდა თითქო ამ მკვდრულ დუმილში... აქ თომა ჩუბინიძე იყო ძოთავსებელი. მაგიდანთან იჯდა ხოლმე და წიგნს ჰკითხულობდა. წვერი მოშვებული ჰქონდა თომას და სახეზე საპატიმროს ჩრდილი ეფინა. მაინც მზიარულად გაუღიმებდა ასალოს და ეს ღმილი მომავლის ანარეკლივით ენთებოდა ვიწრო საკანში...

... „ვატ ამიქ ვატ  
 რამანს მისყე 'იღინეჩს მისყან ვისთიფ ნიღინმისყეჩესე ამ აყნეპ რამანს  
 აყნე ქედისთ აყნახემნე რე ამანსთე 'ნიღინეჩე 'ამიამ ამ ამანსთე რედიქ დე  
 ვნეგნეჩე ნიმ 'ამანინეგნეგ რედიყნინეჩე ნმამტისე აყნისე ქისყის ამ ამჟი  
 ატრეს 'იგნე ამანეგედეყ ნმამყ ნიღმისთიფ ამ აყნისყანს რამანისეჩე  
 რმინეამისე სედე ამამ ქსინე ამიდე 'სედე 'ამეან ამისყ 'ამ — აყ“

ამდინეგნე რამანს აყნინამამინეღისე  
 ამანინინამყაყ ამ მანინმარეს ნეღეჰსე რეგინეჩე აყან აყისთ 'ამანს  
 -გეყის ანის რედეამ ამ ნეგინე ამანედეყ აყამამყ რედიყანს 'ამანინე  
 აყნინისედეგ დე ამეგნეჩეყ ამ აყისყე ამანისეჩე ამანინე რეგნისთ

წამოდგა. ნანგრევთა შორის თვალი მიმოატარა, თითქო აქ ჩაჩრჩნილ დღეებს იბეჭდავსო მუხსიერებაში. მერმე ამჩატებელი წამსწინა...  
 ჯიჯღინოვნება

## XXVII

ქუჩებში აუტანელი სიციხე იდგა. ჩაიჭროლებდა ავტომობილი და მღვრიე შადრევანივით აიჭრებოდა გავარვალელებულ სივრცეში ქვაფინილიდან ახვეტილი მტვერი. მთიდან ჩამოსულ ასალოს სული ეხუთებოდა. მოენატრა ტაშმაშის ცივი წყარო და წმინდა ჰაერი. ნეტავი მალე დალამდესო, ჰფიქრობდა ასალო. გადასცემს წერილს ნათელას და ხვალვე გასწევს ხრამქვისსაყენ. ბიჭებს ახლა იქ დღედაღამე გასწორებული აქეთ განა შეიძლება ასეთ დროს დღეების გაცდენა? სარდიონი კარგი მუშაა, მაგრამ ორი კაცის საქმეს მაინც ვერ გასწვდება... ლადისაც უნდა მიხედოს, ის ქალი ეშმაკივით შეუჩნდა. რა დაუშლის ხელს, სილამაზე აქლია, თუ გამოცდილება...

საკმელების საამო სუნი მოხვდა და შიმშილი იგრძნო. მყისვე შეუხვია სასადილოში. კუთხეში პატარა მაგიდა თავისუფალი იყო. მის წინ, სულ ახლოს ოთხი ახლგაზრდა ხმაურობდა; უკვე საკმაოდ დანაყრებულიყვენ და ღვიზის შეეჭკოდნენ. თეთრხალათიანი კაცი მიეახლა ასალოს და თავაზიანად შეეკითხა:

— რას ინებებთ, ჩანახსა თუ ყაურმას?

ასალომ კერძი დაუკვეთა და ირგვლივ თვალი მოავლო: ყველას დაბლში მყოფ ქერა ქაბუტსაც, სახე შეფაკლოდა და ეს იყო კახური ღვინის ნაძალი, სასმისში მოთამაშე წინწყლებივით მჩქეფარე, სიცოცხლით სავსე. ამ ოთხ ახლგაზრდას კი ფრიად ენაწყლიანი თამადა ჰყავთ, ინტიმურად ლაპარაკობს და ეტყობა გულწრფელია, თვალები უბრწყინავს და ამ ფართო თვალეებში სამეგობროდ გაშლილი გული უელვარება.

მოეწონა ასალოს ეს ღიმშეუმშრალი თამადა და სიამოვნებით უგდებდა ყურს. თვითონაც მოითხოვა ნახევარი ბოთლი ღვინო და თავი ისე წარმოიდგინა, თითქო მათთან ერთად მზიარულობდა. მაგრამ აი ერთი თმახუტკუტკა ახალგაზრდა წამოდგა და მეორემ მაჯაში ჩააელო ხელი.

— არა, ჯერ ნუ, თუ ძმა ხარ, შალიკო, თითო ჭიქა კიდევ დაელიოთ!

— ნუ გაჭირვე, კაცო, საქმე, დაჯექი! რაღაცა „სახალტურო“ საქმე გექნება ამ სალამოს, მეტი ზომ არაფერი! ამისთვის გვტოვებ ამხანაგებს! — მიმართა მესამემ.

— ძალზე საჩქარო საქმე მაქვს, ძმობას გეფიცებით, თორემ თქვენთან ყოფნას რა ჯობია. ვანაგრძეთ, ნუ მოიწყენთ. — უბასუხა მათ თმახუტკუტკამ და ქუდი დაიხურა.



თამადამ ანთებული თვალები გადაჰკრა ამხანაგებს:

— გაუშვით, წავიდეს! მაგას ვანა მეგობრობა და სიყვარული ვაყვება?

თმახუჭუჭა ღიმილით გამოეთხოვა მათ და სუფრაზე უხეზოვლი და მილი ჩამოვარდა. ასალომაც იგრძნო თითქო ეს და კობტად გამოწყობილ-თმახუჭუჭა ჰაბუქს თვალი გააყოლა.

— იცით რა? — დაარღვია სიჩუმე თამადამ. — მაგასთან დღეს მე პურისჭამაც არ მინდოდა.

— რატომ?

— რატომ და... მაგრამ ჯერ დაიცათ, ერთი ჭიქა დავლიოთ... ეს ჩვენი თაობის სადღეგრძელო იყოს, კაი ბიჭის, ახალი ადამიანის...

გრძლად გააბა სიტყვა თამადამ და ფართო თვალებში კვლავ სამეგობროდ გაშლილი გული აუფლევარდა. ასალომაც მათთან ერთად გამოსცალა ჭიქა და, ახალგაზრდებმა რომ ხმადაბლა მრავალგამიერი ჩაალიდინეს, გუნებაში თვითონაც ბანი მისცა.

— ვინ იყო, „სახალტურო“ საქმე გეჭნებოთ რომ უთხრა? — წამოიძახა შემდეგ თამადამ. — ჰო, შენ ალექსი! სწორია, ნამდვილი მეხალტურეა მაგი, საძაგელი მეხალტურე!

— ვაჰ, ერთი ამას უყურე და! შენ არ დადიხარ ქალებში თუ რა? — შენიშმა შავთვალწარბა ჰაბუქმა.

— დამაცა, ჯერ ვაიგე რაშია საქმე. ახალგაზრდა კაცმა თუ ცოტა არ იეშმაკა, ისე როგორ იქნება, მაგრამ ყველაფერს საზღვარი აქვს... შენ ეს მითხარი, არსებობს თუ არა სიყვარული, მეგობრობა, ოჯახი?

— მა რა, ველურები ხომ არა ვართ!

— მართლაც და, ჩვენ ხომ თავი მოგვწონს: ახალი ადამიანები ვართ, სოციალისტური საზოგადოების წევრიო. ახლა მაგის ამბავს დაუგდეთ ყური და სთქვით მერე — ღირს თუ არა მაგასთან ამხანაგობა და პურის ჭამა.

— რა მოხდა, კაცო, ისეთი?

— ნამდვილია ეს, შეთხზული არ გეგონოთ. შემთხვევით წავაწყდი. ერთ ქალიშვილს ვიცნობდი, წინად კომკავშირში ერთად ვმუშაობდით. მშვენიერი გოგონა იყო, გატაცებული, გულწრფელი. მერე მასწავლებლობა დაიწყო. გადაკიდებია ეს ყმაწვილი, ცოლად შეგირთავო, მოუხიბლავს. მე შენ გეტყვი, გარეგნულად ცუდი ბიჭია, ან ენა არ უფარგა თუ რა. ამას წინათ შევხვდი იმ ქალს და ვეღარ ვიცანი, ლანდს დამსვავსე ბია, თვალები ჩავარდნია, ქლექიანი გევინება. მერე ამხანაგმა მიამბო: მთელი თვეები ქალის ბინაში ცხოვრობდა თურმე, მაგრამ როგორც „შეატყო ფეხმძიმედააო, მაშინვე გაიპარა თურმე, ორ თვეს არ გამოჩენილა, მშობლებთან ყოფილა საავარაკოდ. ქალს კიდევ იმედი ჰქონდა...

არ მილაღატებსო. ტფილისში რომ დაბრუნდა, ქალმა მოსტებნა, მაგარან ვინ ხარ, ჩემთან რა საქმე გაქვსო... ქალი ზაფრისაგან დაფარული იყო და დნოდა. წარმოიდგინეთ ახლა თქვენ იმ ლანდათ ქეჭლბუხის მსგავსი რეობა და თქვით — ღირს მაგასთან ამხანაგობა და მეგობრობა?

სასადილოში მექიანურე შევიდა. ყველანი მზიარული შეძახილით მიეგებნენ. ქუჭყიანი ხალათი ეცვა მექიანურეს, საკინძვახსნილი. სოკოსფეროსახე ჰქონდა და წყალჩამდგარ თვალებს მაგიდიდან მაგიდისკენ აცეცებდა. რამდენიმე ქიქა გადაჰკრა ზედიზედ, მეოცნებესავით ჰერს შეაშტერდა და სიმები ააკრიმანჭულა. ყველანი სმენად იქცნენ. ასალოც გარინდული უგდებდა ყურს ამ უცნაურ მსახიობს და თანაც ჰფიქრობდა: „რამხელა მანძილია ადამიანიდან ადამიანამდის? მე მთელი სოცოცხლე დაღუპულ ცოლშვილსათვის გლოვას შევადიე, ის ყმაწვილი კი ორსულ ქალს გაურბის! არც შვილი სწამს და არც მეგობრობა... ეს რა ტერმინი შემოუღიათ! წინათ „ხალტურას“ იმას უწოდებდნენ, მწერალი რომ თავის ნიჭსა და უნარზე უფრო დაბალ ნაწარმოებს გამოაქვეყნებდა. მერმე შოფერების მიმართ შემოიღეს, ზედმეტ მგზავრს რომ წაიფანენ და ფულს ჯიბეში ჩაიდებენ, ახლა კი მხალტურე მგონი რალაც ახირებულ ღონეუანს გამოხატავს... ჰაი, ჰაი, ბიჭებო! უფრო მწვავე, უფრო ვესლიანი დალი უნდა დაასვით იმათ, ვისაც სოციალისტურ საზოგადოებაშია შემოაქვს აზნაურული ზნედაცემულობა“...

საიდან მოაგონდა ეს სიტყვა — აზნაურული? ჰო, ნათელას წერილში ამოიკითხა...

საათს დახედა და მყისვე წამოდგა. ქუჩაში რომ გამოვიდა, თითქო ჩრდილდაფენილმა ტალღამ მოიტაცა (მზე გორს მიჰფარებოდა); მრავალწელს ფიქრთა ხვეულებში შემონახული ოცნება შეფართქალდა, მძლავრ ფრთებში გახვია ქალაქის გუგუნე, მოოქროვილ ცის თალისაკენ აიჭრა და... ასალო ისე მიისწრაფის, თითქო მისი და ელენეს თამარი გაუცოცხლდა, თითქო დიდი ხანია მიელის ის, მშობლიურ ალერსს მონატრებული... დაძრულ ტრამვაის შეახტა და მგზავრებში გაიქედა; შალის კოსტუმში აცვია და ოფლშია გაღვრილი, მაღალი შუბლის ნაოქებშიაც ოფლი ჩასდგომია და ფართო თვალები აბანოდან გამოსულივით უბრწყინავს. ურთიერთზე მჭიდროდ მიტმასნებული ხალხი მხარით გაარღვია და კართან გაჩერდა. არ გაუგონია, ვიღაცამ რომ დაუყვირა, გვერდები ნუ ჩამამტვრიეო. ვადაბინდული მზერით გაკყურებს ქუჩას და მასთან ერთად მოძრაობს და მიჰქრის წინ სახლების დამტვრეული კედლები, ფეტვები და სახედაგრძელებული მოსეირნენი, ტროტუარის გასწვრივ ჩამწყრივებული ხეებიც ჩაბმულან ფერხულში და უწყვეტი გრიალით რაბრახითა და ზეურით მიემართება ყველაფერი იქითკენ, სადაც თამარი დგას ახლა და მოუთმენლად მოელის ასალოს.



გაჩერებამდე გადმოხტა და ეზოში შესავალთან შესდგა, გულზე დაი-  
 ღო ხელი, თითქო ბადეში გახვეული მიმინო შეირხა მძლავრად, და მუხუ-  
 რენას ლამობსო. მერმე ოფლი მოიწმინდა და ირგვლივ მიფრთხვდა, მუხუ-  
 ტარა ბიჭს უთოს ოდენა ავტომობილი შეჩერნოდა ხელში და ამ სახე-  
 წამოგზნებულ უცხო კაცს მისჩერებოდა; შეიძლება მთვრალი ეგონა და  
 გასაქცევად მზად იყო. აი მართლაც შებრუნდა იგი და ეზოდან გამოსულ  
 ჭალ-ვაგს მიაშურა:

— დეიდა, ნათელა! როდის წამიყვან აეროდრომზე?

კედელს მიეყრდნო ასალო, ციებცხელებიანივით შეაერგოლა და  
 თვალთ დაუბნელდა; შორეულ აჩრდილივით ხელდავს ბუნდოვნად, ნათე-  
 ლა რომ დაიხარა და ბავშვს ნიკაპზე ხელი მოუსვა. სურს თვალეები მოიწ-  
 მინდოს და მოწყურებული მხერით მიიხეტოს მკერდზე ეს ნანატრი სახე,  
 მაგრამ თითქო დამბლა დაეცა და განძრევა არ ძალუძს, თითქო კიდე-  
 ვაც ეშინია: მოჩვენება არ იყოსო და არ დაეაფრთხოო. რამდენი ხანია  
 რღუმლად მოელის ამ წუთს და ხლა რომ უცებ მოსწყდეს წამწამებს სიხა-  
 რულის ცრემლივით, ხომ მასთან ერთად დაინთქება ჯამთა უფსკრულში!  
 აქვე ახლოს არის სადღაც დიდი ჭალაქი, ქვაფენილზედაც მიმოდიან ალ-  
 ბათ, ასალო კი მარტოოდენ ნათელას პროფილსა სკვრეტს და ელენე  
 უდგას თვალწინ. არა, ეს თამარია; მოხდა სასწაული და ეილაცამ გადა-  
 არჩინა სამადლოდ...

მაგრამ ის მიდის, კოხტა ვაემა გამოსდო ხელი და ასალოსაყენ არც  
 გამოუხედავს. მყისვე გამოფხიზლდა და უკან დაედევნა მათ. საკმაოდ  
 მიუხელოვდა; ხმა ესმოდა მათი, მხოლოდ სიტყვებს ვერ არკვევდა, არც  
 აინტერესებდა, ნათელას აღნაგობას აკვირდებოდა და... ელენე უფრო  
 მაღალი იყო, ეს ოდნავ ტანმოორჩილია; ელენემ გოგმანით სიარული იც-  
 ოდა, ეს კი ვაჟკაცურად ადგამს ლამაზად ჩამოსხმულ ფეხებს, დაბალქუს-  
 ლიანი ფეხსაცმელები აცვია და თმაც ვაჟურად აქვს შეკრეპილი. იმისი  
 თმა ასეთი დაყურსული შავი არ იყო, ეს ყორნის ფრთასავით ბრწყინავს.  
 მიხერა-მოხერაშიაც მეტი ნებისყოფა გამოსჰვივის... არა, რატომ ჰგონია  
 ასალოს, რომ თვალეებითა და სახის იერით ერთმანეთს არ დაემსგავსებიან  
 შორელები? სხვა რაა მათ შორის საერთო? ეს მოქნილი მხრები და  
 მზემოკიდებული ყელი... იქმება ნაწნავები რომ არა აქვს, იმიტომ მოჩანს  
 ასე მაღალი? სმენად იქცა ასალო და ნათელას ხმაც ეუცხოვა, სულ სხვა  
 კილოა ეს, სხვანაირად ჟღერს და სხვა ხასიათს, სხვა მისწრაფებებს გა-  
 მონატრებს; თითქო ორი გუმბათი აღიმართა სივრცეში: ერთი დაბალია  
 და ჰაერდახშული, გაბზარული ხმა აწყდება თალებს და ამოდ ეძებს გა-  
 მოსავალს, უსასოოდ ზუზუნებს და უკურნებელი სევდით ჰკაწრავს  
 გულს, ხოლო მეორე ცის ლაქვარდებშია გადასარკული და არა აქვს და-  
 სასრული ზეალმავალ ჰანგების ჰარმონიას...





მოსახვევში ვაემა უკან მოიხედა და ზარდაცემული ვეფხვი დასალო. ეს ხომ ის თმახუტუტა ყმაწვილია, წელიან რომ ზარდაცემული ვეფხვი ალარ დაიკადა და თამადამ მასთან პურისჭამა სამარცხვინოდ მიიჩნია! დაიკა, შალიკო ახსენეს მგონი მათ?... აჰ, აი ვინ ყოფილა შალიკო ქვეთარაძე! ფეხმძიმე ცოლი მიუტივებია და ახლა...

ლადი მოაგონდა ასალოს და ნათელას წერაღი. ახლა მიხვდა, თუ რატომ აღმღერია ლადის გული ქვეთარაძის ხსენებამ. ისეთი გრძნობა დაეებადა, თითქო ასალო კი არ გაპყურებდა მათ, ბალისაკენ მიმავალთ, არამედ ლადი იღგა მის ნაცვლად აქ და მძვინვარე ეკვის ცეცხლი შემონთებოდა.

„ჰმ, ასეა მაშ საქმე!“ — გაივლო გუნებაში ასალომ და ქალ-ვაჟისაგან გასწია. მთვარეულივით მისდევდა მათ და, ქუჩა რომ გადასჭრა, ბეწვზე გადაჩა, ავტომობილმა კინალამ გაიტანა. ისინი უკვე ბალში შევადნენ, როდესაც ასალო კიშვარს მიადგა. ვილაკამ ზრდილობიანად მოაგონა — ბილეთი აიღეთო. სალაროს მიაშურა, თვალი კი მოსეირნეებისაკენ ეჭირა, მაგრამ მათ შორის მხოლოდ ნათელას ხედავდა.

მალალო ხეების გადაბარდნილ შტოებში უკუტყვეულ შადრევანივით იღვრებოდა ნათურების შუქი და ნაზად კომკიმებდნენ რძისფერი ნაჩქერივით ვაბანილი ფოთლები; და ისეთი მყუდროება სუფევდა ამ შებურვილ სივრცეში, თითქო ნიაიცი არ შეხებოდეს კენწეროებს ოდესმე.

მორწყულსა და ჰაერდაწმენდილ ხეივნებში ჯგუფჯგუფად მიმოდინდნენ მოსეირნენი. ასალოს გაბმული ხმაური ესმოდა მხოლოდ, იშვიათად თუ მოჰკრავდა ყურს ლალ კისკასს, თითქო მოჰკიკიკე ფრინველი შეფართქალდაო ფოთლებში. ნათელას დაეძებდა გულაჩქროლებული, ეგონა, საშინელი განსაცდელი მოელისო ახლა ნათელას და თუ დროზე არ მიეშველა, რა პირით უნდა მივიდეს ლადისთან, რითი უნდა იმართლოს თავი მეგობართან, რომელსაც დღედაღამე მოსვენება არა აქვს და მთელი ძალღონით იბრძვის გეგმის შესრულებისათვის. ლადი მშენებლობის ფრონტზეა, მხნედ მიუძღვის წინ თავის რაზმს და იერიშიდან იერიშზე გადადის, მისი სატრფო კი ვის ადევნებია, ვისთან ატარებს დროს! აკი ათასი მეტრიდან რომ ძირს მოფრინავდა, მაშინაც ლადი ახსოვდა, მას ეძახოდა და უსაყვედურებდა — შენ გვირაბში დაძვრები და ჩემ ხმას როგორ გაიგონებდიო!.. არა, იქნება არ იცის, თუ რა მაცდური მიჰყვება გვერდით, ვინ იცის, ეგება ჰგონია — ამ ყმაწვილის გულიც წმინდაა და სიყვარულით აღსავსე... სად გაჰქრნენ?! იქნება უკან გაბრუნდნენ?

ყველა ხეივანი მოიარა ასალომ, მტკვრისკენაც გადაიხედა, მაგრამ ისინი ეერსად იპოვნა. დაკარგულ ბავშვივით აცეცებდა თვალს და ვერ ამჩნევდა, მოსეირნენი რომ ირონიულად ახედ-დახედავდნენ ხოლმე ამ

ვაოფლიანებულ კაცს, თითქო ხანდაზმული მიჯნური ვნებიან ეკვს შე-  
უპყვრია და მოლაღატეს ამაოდ დაეძებნა.

ბოლოს საზაფხულო კლუბის ფიკარნაგზე შესდგა და.. აგერ წინა  
რიგებში სხედან ისინი! თავისუფლად ამოისუნთქა ასალომ და გამოსასე-  
ლელთან ჩამოჯდა. ესტრადაზე თეთრსამოსიანი ჭაბუკი მოსწრებულად  
ოხუნჯობდა და ხალხს აცინებდა. მსახიობი რომ მოიწყენდა და ისეთ გა-  
მომეტყველებას მიიღებდა, თითქო ტირილს აპირებსო, მაყურებლებს  
სწორედ მაშინ ხარხარებდნენ. ასალოსაც ღიმილი მოერია და მსახიობს  
თვალი ააჩიდა, ვინაიდან თავისი მდგომარეობა უფრო სასაცილოდ მიიჩ-  
ნია. რამ შეაშფოთა წელან, თავქუდმოგლეჯილი რომ დარბოდა ბაღში  
და რაღაც უსაშველო საფრთხეს მოელოდა? ლაღი ეცოდებოდა ეგზომ  
გულმტკივნეულად. თუ თავის დამწვარ ოცნებას მისდევდა, გაზაფხულის  
ცვარივით აორთქლებულ ოცნებას? ეგების ელენეს ცრემლები იყო იგი,  
უკანასკნელი ცრემლები, უმწეო ბავშვს რომ დააფრქვია სიკვდილის  
ვაშს, და ახლა ვინ გაიგებს, სად დაინთქა იგი, რომელ მდინარეს შეუ-  
ერთდა, რომელ ოკეანეში გაითქვიფა, სად წაიღეს ღრუბლებმა, რომელ  
ბაღს მოასხურეს და რომელმა ნერგებმა შეისრუტეს... მაინც ხომ არის  
იგი სადმე, ვინაიდან ამბობენ — ამ ქვეყანაზე არც ერთი ატომი არ იკარ-  
გებო, სახეს იცვლოსო მზოლოდ...

ესტრადაზე მეორე ენამქვევრი სატირიკოსი ამეტყველდა და მაყურებ-  
ლებს ისეთი სიცილი წასკდათ, მთელი დარბაზი არახრახდა. ასალოს რომ  
ვინმე სახეზე დაჰკვირვებოდა, იტყოდა: ზედმეტი სიცილისაგან ცრემლი  
მორევიანო, რაკი წამოგზნებულნიც იყო და წამწამებზე კურცხალი ჟბრწ-  
უნაედა.

ფარდა ფარდას შეუერთდა და ხალხიც წამოიშალა. სკამს დაეყრ-  
დნო ხელებით ასალო და ნათელა რომ მიუახლოვდა, ერთ წამს კლაჯ  
გაქტრა სინამდვილე, განძრევა აღარ შეეძლო, თორემ უთუოდ მივარდუ-  
ბოდა და მოეხვეოდა, მაგრამ ვის მოსწრებია, ბნელეთში ღამენათევსა  
ამომავალ მზეს მისწვდეს და გულში ჩაიკრას! მისი შუქიც ეყოფა, საი-  
ცოცხლოდ ანთებული შუქი. იცის ეს ასალომ, იცის და უკვირს: ეს შე-  
გვრემანი სახე, ეს ღიმილი და ეს თვალეები ნუ თუ ელენესი არ არის?!

გვერდით რომ ჩაუარეს, ვაემა რაღაც წასტურჩულა ნათელას ყურში  
და ასალოს არ მოეწონა ეს, თითქო უწმინდური სუნთქვა შეეხო ამ უმან-  
კო სახეს და სულ სხვა იერით დაინისლა იგი; ახლა ნათელას ღიმილიც  
ეუცხოვა და თვალთაგან გამომკრთალი შუქიც, კვლავ ლაღი მოაგონო  
და წარბები შეიქმუხნა, მწეავე ტკივილით შეეკუმშა გული. ძლივს აით-  
რია ფეხი და მშვერავივით გაპყვა მათ.

განაპირა ხეივანში განმარტოვდნენ ისინი. ტოტებდახრილ ხის ძირას მიდგმულ სკამზე ჩამოსხდნენ. ათიოდე მეტრის მანძილზე მყოფი სკამი იყო თავისუფალი და წელმოწყვეტილივით დაეშვა ~~შედეგს მისთვის~~ დაიღალა ამდენი მღელვარებით და უღიმღამო ფიქრებიც დაუმძიმდა ფრთებდამსხვრეულ ფრინველივით გადაიჩეხა ბნელ ნაპრაღში მისი უსუსური ოცნება და ახლა რაღა უნდა, ვის უთვალთვალებს, ვის დაეძებს მეოცე საუკუნეა ახლა და მიცვალბულები მკედრითით აღარ სდგებიან. რა არის საერთო ამ სააღერსოდ მომწიფებულ ქალსა და უპატრონოდ დაღუპულ ბავშვს შორის? არც ელენესა ჰგავს მაინცა და მაინც... „მუდამ ასეთი იყავი, ბიჭო, შენ! საპატიშრობებში შეეჩვიე არსებულის დაიწყებას და შორეთში დაფრინავდი ოცნებით. ამან გავანაპირა, სინამდვილეში გარკვევის უნარი დაგიკარგა“...

ასე არიგებდა და ტუქსავდა ასალო თავის თავს, რათა ოდნავ მაინც დაეყუჩებია შეჭირვებული გულის ტკივილი. მაგრამ როდესაც მოეჩვენა, თითქო ვაჟმა მეტისმეტად მიუახლოვა სახე ნათელას და ხელიც გულმკერდისკენ შეაპარა, უმაღვე წამოიჭრა ასალო, ჯიბიდან ლადის წერილი ამოიღო და მოურიღებლად წარსდგა მათ წინაშე.

— უკაცრავად, თქვენ აღანიას უნდა იცნობდეთ... აი, ეს წერილი გამომატანა თქვენთან.

შეწვა, გაშეშდა ნათელა, მერმე ვაჟისაგან ოდნავ განზე გაიწია; ჯერ მწვავედ წამოუნთო დაწვები, შემდეგ ნაცრისფერი გადაედო. ოდნავ შეუთრთოლდა ხელი, წერილი რომ გამოართვა, თითქო სიზმარშია და საოცარ მოჩვენებას პირისპირ შეეფეთაო. კონვერტი შეატრიალა და ლადის ხელი იცნო. „რას იფიქრებს ახლა ლადი, ეს კაცი რომ დაბრუნდება?“ — მხოლოდ ეს გაუელევა და მყისვე წამოდგა, ბინისაკენ გასწორწრაფი ნაბიჯით. მოულოდნელად დაეწია ასალო და მაჯაში ხელი ჩაავლო.

— ნათელა, შშ... (უნდოდა ეთქვა „შვილო“, მაგრამ ბაგეზე კბილი დაიდგა და ისე გამოუვიდა, თითქო რაღაც მძიმე საიდუმლო აქვს სათქმელი და ეხვეწება ხმა არ ამოიღო) — მაგ ყმაწვილს ერიდე, ჩემო კარგო. მაგას ფეხმძიმე ცოლი ჰყავს...

კვლავ ფერი ეცვალა ნათელას, გულიდან ნაფეთქი სისხლი გადაეცლო სახეზე, მერმე სავსებით გაფითრდა, თვალები მრისხანედ დაწყურა და ასალოს ახედ-დახედა, ტუჩებიც შეუტოკდა, თითქო შემშუსვრელი სიტყვის თქმას ლამობსო, მაგრამ რაკი ხმა ვერ დასძრა, ხელი გამოვლიჯა და თავის გზას გაუდგა.

მწარედ გაელიმა ასალოს, შემობრუნდა და ქავთარაძე შეეჩეხა წინ, ამასაც მაგრად ჩაავლო მაჯაში ხელი და მპრძანებელივით შეეკითხა:

— თქვენ საით, ყმაწვილო?



— ვინაა ეს დამთხვეული?! ხელი გამიშევი!

ზიზღნარევი სიმკაცრით ჩააშტერდა მას ასალო თვალეშიც და მკერდსაც რო მაგრად მოუჭირა და თვითონაც არ იცოდა, რაში დაეხატებოდა და რაში დაეხატებოდა. ამიტომ იყო მისი სიტყვები ესოდენ კადნიერი:

— ვინა ვარ? კაცი ვარ, ადამიანი! იცი შენ რა არის ადამიანი? მე გეტბნები ჩვენი ეპოქის ახალ, დიდ ადამიანზე! მზის ამოსვლა ხომ განახავა? ისე ამოდის იგი საბჭოთა ქვეყანაში, დედამიწის ყოველი კუთხე უნდა მოიაროს, ყველგან უნდა დამკვიდრდეს, შენ რათ უნდა ჩამორჩე მას? ამიტომ გარჩევნია, ბიძია, იმ შენ მიტოვებულ ცოლსა და ბავშვს მიხედო და სხვებს გზაზე ნუ ელობები! ასე აჯობებს, დამიჯერე! — უთხრა ეს და გამარჯვებულ რაინდით განშორდა.

XXVIII

ერთხელაც არ მოუხედავს უკან ნათელას, ქუჩაში მიმავალთაც ვერ ამჩნევდა, არც ავტობობისა და ტრამვაის გრუხენი ესმოდა, საკუთარ ღიქრში იყო დანთქმული და... რამდენმა ვაჟმა გააყოლა თვალი ამ მკერდსავე ქალიშვილს, რომელიც ასე ამაყად მიეშურებოდა სადღაც, თითქო პაემანზე დაუგვიანდა და მის მიერ უკვე არჩეულის მეტს შესახებ ვადაც არავის ჰკადრულობსო. თეთრი ტილოს კაბა ეცვა და მოხდენილად ინაკეთებოდა ქალწულის მკვრივი აღნაგობა; მოკლე კულულები ოდნავ ჩამოშლოდა; ვაჟაკურად მიდიოდა, მაგრამ ქალური ეშხი და სინაზე მაინც უხვად გამოსჭვიოდა მის მიხერა-მოხერაში.

მისწრაფოდა და იმიტომ კი არ რჩებოდა ქალაქის ორომტრიალი მისი ცნობიერების მიღმა, რომ ფრიად რთული საგონებელით იყო შეპყრობილი, არა, მხოლოდ ერთ გრძნობას შეემსქვალა, თითქო გულის სიღრმემდე აღწევს ეს უცარი კრილობა და მთელ სიცოცხლეში აღარ განიკურნება იგი. და არც იმაში ერკვევა ახლა ნათელა, რა არის ეს სირცხვილი, თუ იმედის დაღუპვა? იქნება სიყრმიდანვე თანშეზრდილი და მუდამ სანატრელი სახე მიეფარა ანაზღად პირდაღებულ ნაპრალს და იმას მისდევს თავდავიწყებით, ვინაიდან უმისოდ არსებობა ვერც კი წარმოუდგენია...

კიბეზე მარდად აიბრინა და მოუთმენლად დაარახუნა კარზე.

— რა მოგივიდა, ნათელა, ხომ არავინ მოგსდევს? — შეეკითხა დიასახლისი და დაკვირვებით შეათვალიერა, რაკი ასე შემფოთებული არასოდეს არ ენახა.

ნათელამ პასუხის მიცემა ვერ მოახერხა, ნაძალადევად გაუღიმა მხოლოდ, თან ხელით ანიშნა — არაფერიც არ მომსვლიათ და თავის პატარა ოთახში შეიჭრა.

— დაიცა, ქალო, ჩაი მაინც დალიე!



— არ მინდა, არა! — მიიძახა ნათელამ და კარი მიხურა.

სარტყელი შეიხსნა და ბრაზმორეულივით დააგდო სკამზე ხელი გულზე მიიდო და ღრმად ამოისუნთქა, თითქო ოთახში ატყუნელი აიქვ დაგუბებულებიყოს და ღია ფანჯრიდან შემოსული ჰაერი არ ყოფნიდეს.

ოთახი მართლაც ვიწრო იყო. ერთი ტახტი იდგა შიგ, ქალურის ხელოვნებით მორთული, და ორიოდ სკამი. ფანჯრის სიახლოვეს მოგროძო მაგიდა, ზედ ცისფერი ქალღია გადაფარებული; საწერკალამი, რვეულები და სარკე; იქვე თაროები, წიგნებით სავსე. კედელზე ბელადების პორტრეტები, ყველა კონსტრუქციის დირიჟაბლები და ჰაერობლანები, პილოტების სურათები. აი ეს კი ლადი და ნათელაა, ლამაზ ჩარჩოში ჩასმული; ამისი ცალი ლადისაც ხომ აქვს ჩემოდანში შენახული, და ასალოც კარგად იცნობს ამ ჯადოსნურ სურათს, დაუფიქვარი ღიმილით რომ შეაშუქებს ხოლმე ელენეს ბუდეშური თვალეები და მაკდური ოცნება იტაცებს ათას ჭირვარაში გამოვლილ მარტოხელა კაცს.. კუთხეში ჩემოდანი, თეთრეული და პილოტის სამოსი საკიდარზე.

ზოგი რამ ქუთაისიდან ჩამოაკვია ნათელას, ხოლო დანარჩენი აქ შეიძინა. რამდენიმეჯერ დააჯილდოვეს სწავლაში წარმატებისათვის, თან სტიპენდიიდან და სამსახურში მიღებულ ხელფასიდან ინარჩუნებდა, შობიჭირნობას ეწეოდა, რათა ეს აუცილებელი ნივთები, წიგნები, და სამოსი შეეძინა.

უკვე წელიწადზე მეტია, რაც ტფილისში ჩამოვიდა და ერთხელაც არ დაბრუნებულა თავის ბინაში ასე გულშეჭირვებულ. თვითონაც უკვირდა, დაუშრეტელი ხალისითა და მღელვარე სიციცხლით სავსე დღეები რომ ესოდენი სისწრაფით გარბოდნენ. მცირეოდენი თავისუფალადრო მინ სამეცადინოდაც არა ჰყოფნიდა, ხოლო როდესაც აეროდრომზე უწევდა მუშაობა და სწავლა, ერთობ დაღლილი მოდიოდა და მკაცრე ჩაეძინებოდა. დილით საყვირის ხმაზე დგებოდა მუდამ და ასე ეგონა — ათასი სიციცხლე რომ მისცა, ყველას ამოავსებს დაუზარებელი შრომით, საიერიშო სიმღერებითა და სიყვარულით. ახლა კი რა მოუვიდა? მაინც რა მოხდა ისეთი?

შუბლზე მოისვა ხელი. მაგრამ ფიქრთაგან მაინც ვერ გამოერკვანა არ იცნობს შალიკოს? განა დააეიწყა „დაშაქრული ენა და ეგონიშით გატენილი გული?“ ხომ ახსოვს, როგორ გაეზარდა ლადის, ამ სიტყვებით რომ დაუზახიათა შალიკო. მაშ რატომ ჰგვრიდა სიამეს ამ ბოლოს მასთან შეხვედრა? რა? ძველი ამხანაგია და კომკავშირში ერთად მუშაობდნენ? მარტოდენ ეს, მეტი არაფერი? ნუ თაღლითობ! ლადი აქ არის, აგერ ეს მისი წერილია და გულახდილად უთხარი მას ყველაფერი... ან კი რა აქვს დასამალავი. განა ოთქსმე უღალატნია ნისოვის? განა მუდამ არ ახსოვს? მაშ დღეს რა დაემართა? რამ შებოქა ასე



მძლავრად, რამ გაარინდა, როდესაც შალიკო მისკენ გადაიხარა და  
დხეც ხელი შეახო?

მწვავედ შეაყრეოლა ნათელას და ხელი გაიქნია, თითქო სწორსწორად  
დგას შალიკო მის გვერდით და მოხვევას უპირებსო. კვლავ გაშეშდა,  
ათრთოლებულ გულის ხმას დაუგდო ყური და შეძრწუნდა, ვინაიდან  
ახლაც მოეჩვენა, თითქო იღუმალის ცეცხლის ანადენი გადაეველო გულმ-  
კერძზე და ნაწვიმარი დილის ნიავევით მოელის შალიკოს სუნთქვას,  
მისი მოლაციცე ხლის შეხებას.

— ფუ. წყეულიმც იყოს ქალის გაჩენა! — მრისახანედ ჩაილაპარაკა  
და ასალო დაუდგა თვალწინ... საკვირველია, სწორედ ამ დროს საიდან  
გაჩნდა ეს უცნაური კაცი! რალა მაინცადამაინც მაშინ გაუწოდა წერილი,  
როდესაც შალიკო მოხვევას უპირებდა და თვითონ არავითარი საწინააღმ-  
დეგო ძალა აღარ შერჩენოდა. მორწმუნე რომ იყოს, იტყოდა: რალაც  
იღუმალმა ძალამ დაიფარა ჩემი უმანკოებაო... ალბათ, სადმე ახლოს იჯდა  
ის კაცი და უთვალთვალებდა. იქნება უნდოდა გაეგო — ლადის როგორ-  
საცოლო ჰყავსო. სირცხვილი! ნეტავი, მიწა გასკდეს და... კი, მაგრამ  
შალიკოს საიდან იცნობს?! „მაგ ყმაწვილს ერიდეთ... მაგას ფეხმძიმე  
ცოლი ჰყავსო“... ხრამქსში გაიგეს ეს და მან კი ვერ შეიტყო? თუმცა  
რად სჭირდებოდა, ისედაც იცის, ვინც არის შალიკო, არასოდეს სერიო-  
ზულად არ უფიქრია მასზე... მით უარესი! რას იტყვის ახლა ის კაცი?  
იქნება ლადისაც უთხრას — ასე და ასე შევესწარიო...

თეთრი, მახვილი კბილები დაადგა ნათელამ ქვედა ტუჩს და სიმწ-  
რისაგან დაიკვნესა. ლადი უწინაც გაიბუტებოდა ხოლმე, ნათელას რომ  
შალიკოსთან დაინახავდა და ახლა ხომ მთლად გადაირევა. ვინ დააჯე-  
რებს — ნათელას გული არ შეეცვლილაო. განა იმ კაცმა თავისი თვლით  
არ დაინახა ყველაფერი... არა, ის ნათელა არ იყო, ის ერთის წუთით  
თავდავიწყებული, ძალმიღებული ქალი იყო. ნათელა კი, ის კაციც რომ  
არ მისულყო, ისედაც აღშფოთდებოდა და თავგასულ ჭავთარაძეს ხელს  
ჰკრავდა. ნათელა აქ არის, გულახდილი, შეუპოვარი ნათელა და სრუ-  
ლებით არ შეჰფერის მას ეს დიაკური შიში ვილაც გადამთიელის წინაშე.  
რაც უნდა, ისა სთქვას! არა, დარიგებაც რომ კი დაუწყო!.. როგორი გა-  
ფითრებული და საბრალო სახე ჰქონდა! არავინ ახსოვს ნათელას ისეთი  
ნათესავი, რომელსაც ასე შესტკიოდეს გული მისთვის. საოცარია!

უნდოდა წერილი წაეკითხა, მაგრამ ფიქრი ფიქრს აედევნა და ვახ-  
სნილი კონვერტი ხელში შერჩა. რა მოარბენინებდა? იქნება სჯობდა  
შეჩერებულიყო და იმ უცხო კაცს მშვიდათ გამოლაპარაკებოდა. მაგრამ  
არა, თვალთმაქცობა არ ძალუძს ნათელას. ასე ეგონა, მთელი ქვეყანა  
მას შეჰყურებდა, სამარცხვინო ქსელში გახვეულს... ის კი არა, ისა სთქვას,  
იმ წუთში, როცა შალიკო გადაიხარა და გაინაბა, ახსოვდა თუ არა ლადი?  
გამოტყდეს, მახეში გაბმული ფრინველი ხომ არაა, ერთსა და იმავე აღ-

გილას რომ ფართქალობს, არა, არ ახსოვდა. მაშინ მოვიდა ის ექვსი და მეზივით დაატყდა ლადი ალანისას ხსენება. გამოიქცეოდა, აბა რეს... იხამდა, რა ჰქონდა საერთო იმ უმწეოდ აღტკინებულ ქალთან? იმ წუთშივე არ უნდა გაეწყვიტა მასთან ყოველივე კავშირი! ჰო — და, ნათელა აქ არის, ვაგაკაცივით ჭედმაღალი და სამხედრო დისციპლინით გაწრთენილი ნათელა. აი ის შლის ბარათს და ჰკითხულობს.

„...ამ წერილს ჩემი კარგი მეგობარი — ასალო გურგენიძე გადმოგცემს. მას ერთხელ შენი სურათი ვუჩვენე და, ვერ წარმოიდგენ, როგორ გაუხარდა. ერთს ჩემს მეგობარ ჭალს მაგონებსო, იმას ჰგავსო საცხებით... ერთხელ, თუ გახსოვს, მის მაგიერ მოკითხვაც კი მოგწერე. ძალიან სურს შენი ნახვა და გაცნობა“..

ნათელამ კითხვა შესწყვიტა და უნებლიედ მიმოიხედა, თითქო ემინია, ასალო იქვე ახლოს არ იდგეს და უღმობელ მამხილებელივით არ შეჰყურებდეს... არა, ამიერიდან არასოდეს არ მოიწადინებს ნათელა მასთან პირსპირ შეხვედრას, მუდამ მოერიდება.

„...გახსოვს, ნათელა, შენი სიტყვები: ვაჟი ჭალში მხოლოდ ჭალს კი არ უნდა ზედავდესო, არამედ... ამან მე ძალიან ჩამაფიქრა“... — სწერდა კიდევ ლადი და ნათელა უცებ შეერთა, ეს ნაცნობი ფრაზა რომ ამოიკითხა. წელანდელი სცენა წარმოესახა და... განა მარტო ვაჟი? — გაიფლო გუნებაში. — თურმე ჭალიც მარტოდენ ვაჟს კი არ უნდა ზედავდეს ვაჟში, არამედ ამხანაგსა და თანამებრძოლს... მაგრამ ამხანაგი განა ერთია ან ორი? არა, ეს ფრაზა ვერ გამოხატავს მთლიანად იმას, რისი თქმაც ნათელას სურდა. უფრო მკვეთრი და ნათელი სიტყვა საჭირო და ეს სიტყვა კი ასე გამოითქმის: სიყვარული. (საკვირველია, რატომ არ გახუნდა ეს სიტყვა ამდენი საუკუნის მანძილზე! აი ახლაც ამომავალ მზესავით აენტო ნათელას წინაშე და თვალი მოსჭრა; წამწამებით დაიჩრდილა ანაზღათ მოზღვავებული შუქი და ტუჩებზე ნაზი ღიმილი გაეფურჩქნა, ისეთი ღიმილი, როდესაც მთელი არსება ერთ სახეს შეჰხარის, ეს სახე კი გულის სიღრმეში ლივლივებს, როგორც თარაზოში მოთავსებული ვერცხლისწყალი, ვინაიდან გული სარკეა და ღიმილი — შარავანდელი. ჰო-და, რა გაახუნებს ამ სიტყვას — სიყვარულს! თუმცა ხანდახან მიზრწნილ ბერიკაცივით ეამგადასულია თითქო იგი, მაგრამ მაინც დედის ძუძუებთან მოთამაშე ბავშვივით კისკასობს და იცინის მარადის).

ყუთი გამოალო ნათელამ და წერილი ჩასდო შიგ, სხვა ბარათებსაც ფრთხილად შეაზო ხელი, თითქო იმ ფურცლებს ლადის მაჯისცემა არხევედა და იდუმალად ეალერსებოდა ნათელას თითებს. მერმე მაგიდას დაეყრდნო და მოწყურებული მზერით შეაკცერდა ლადის სურათს... კურცხალი ზომ არ ციმციმებს გრძელ წამწამებზე? იქნება დიდხანს ჰქონდა თვალი გაშტერებული და ცრემლიც ამან გამოიწვია?



საყვირის შორეული ზეზუნი ჩასწვდა ყურში, ოდნავეჭრულ-  
თობები და ისევ დახუჭა, ტბილ ბურანში გაეხვია. მაგრამ მტკიცე მსახარა  
დათან მოახლოვდა, გაძლიერდა და მკეპარე ხმებით გაივსო ნათელას  
ვიწრო ოთახი. მყისვე წამოიჭრა, ფეხი მოირთხა და მხარზე პერანგის  
ლენტი გაისწორა. ერთის წამით კვლავ მილულა თვალი, ვინაიდან  
წუხანდელი შემთხვევა მოაგონდა და ასალოს გაფითრებული სახე მოე-  
ჩენა. წარბები შეკუმხნა, თითქო ვიღაცას უჯავრდებო, მრისხანედ ასწია  
თავი და შიშველი ფეხებით გადმოეშვა იატაკზე. მაგიდისაკენ მიიხედა,  
მისებური ეშხით მომუწა ტუჩები და ლადის სურათს გაუღიმა, თან ხე-  
ლიც აღმართა და თითები შეათამაშა. მერმე საკიდარს მიაშურა და პი-  
ლოტის მწვანე სამოსი ჩამოიღო. აეროდრომზე მიეჩქარება. შეიძლება  
სააგიტაციო გადაფრენაშიაც მოუწიოს მონაწილეობის მიღება.

მაღე გამოეწყო, ტყავის ქურთუკი მკლავზე გადაიღო, სათვალეებიანი  
მუზარადი ხელში დაიჭირა და ავიოკლუბისაკენ გასწია. ქუჩაში და  
ტრამვაიშიაც ყველანი ამ ვაჟურად ჩაცმულ ქალიშვილს აცქერდებოდნენ  
და ნათელა, ამდენი თვალების ციმციმში გახვეული, ჯერ კიდევ გრძნობ-  
და მცირეოდენ უხერხულობას, ქალური კდემამოსილებით გამოწვეულს.  
თუმცა ამ გრძნობაში ფრიად ამამალებელი სიამაყეც ერია და თუ რომე-  
ლიმე თავზედი უძღებად დუწყებდა სინჯვას მის ტანკენარობას, ნათელა  
შუბლს შეიკრავდა და ელვარე მახვილივით მოიქნევდა თვალთა შუქს.  
თავისათვად, შეუმჩნევლად სწარმოებდა ეს უჩინარი ბრძოლა და ნა-  
თელას არასოდეს არ უფიქრნია მასზე, თუმცა იცოდა კი, რომ გამარჯვე-  
ბა მუდამ მას რჩებოდა.

კლუბში რომ აირბინა, ლაწევები წამოგზნებული პქონდა და ბუდე-  
შურ თვალეებში დილის სხივი ჩასდგომოდა. ახალგაზრდა პილოტები უკვე  
თავმოყრილი იყვნენ და ნათელას მეგობრული შეძახილით მიეგებნენ.  
მათ შორის ნათელას გარდა მხოლოდ რამდენიმე ქალიშვილი ერია, მაგ-  
რამ ამ ვაგებთან ისინი ბავშვობიდანვე თანშეზრდილივით თავისუფლად  
გრძნობდნენ თავს, გაბედულ ოხუნჯობასა და გადაკრულ სიტყვებს არ  
ერიდებოდნენ. თუმცა ესეც კია: შესვენების დროს ქალიშვილები გან-  
ცალკევებით ჩამოსხდებოდნენ, გულგახსნილად მუსაიფობდნენ და ლა-  
ლად კისკასობდნენ.

კლუბის უკანა ეზოში ჯარისკაცებივით ჩამწკრივა პილოტები უფ-  
როსმა, თვითონაც წელში გაიმართა და ქორულად შეავლო მათ თვალი.  
ფრთებაწურულ მძლავრ ფრინველსა ჰგავდა ამ დროს უფროსის მოგ-  
რძო სახე, მზემოკიდებული, ქედმაღალი და მტკიცე, ვით სხმული ფო-  
ლადი; ახალგაზრდა პილოტებმაც შემართეს მკერდები, თითქო ყალბზე  
შემდგარ ტალღად იქცნენ და თითოეული მათგანი გრძნობს, რომ თავის



თავს აღარ ეკუთვნის, მაგრამ აი უფროსმა დაყვავებით გაუღონა მათ და ეს ღიმილი მყისვე მოიტაცეს, სათითაოდ ჩამოირიგეს, საკუთარი იე-  
 წით ააციმციმეს და აეტობუსში ჩასხდნენ.

მზე გიზგიზებდა და ქალაქში უკვე მოვარვარე სიცხე ჩამოდგა, საბლე-  
 ბის სახურავები ალაპლაპდა და ქუჩებმა ნაცრისფერი დოღბანდი წამო-  
 ისხეს.

გასცილდნენ ნავთლულს და პილოტებმა სიმღერა წამოიწყეს. მტკვრის  
 სიახლოვეს მიჰქროდა აეტობუსი და ყვითლად გადარუჯული ველებიდან  
 ნელთბილი ნიავი მოსისინებდა. კბოდის პირად ყვავები დაბაჯბაჯობდნენ  
 და გუგუნით მიმავალ აეტობუსსა და მომღერალ ახალგაზრდებს არ უფრ-  
 თხოვდნენ, ოღნავ სწევდნენ მხოლოდ თავს და ცალ თვალს აყოლებდნენ  
 მჭირდავივით.

ნათელა უფროსის გვერდით იჯდა, ტყავის ქურთუკი და სათვალე-  
 ბიანი მუხარადი მუხლებზე ედო, შორეულ ქედს გაჰყურებდა და სახე  
 შინაგანი ღიმილით ჰქონდა გაბრწყინებული; შავი თმის კულელებს ნიავი  
 უფარფატებდა და გადაშვილდულ წარბებს სიმებივით შეარხევდა ხოლ-  
 მე, როდესაც ხმას აუმაღლებდა და ვერცხლის ზარის წკრიალი შეიჭრე-  
 ბოდა ჭაბუკთა საიერიშო სიმღერაში. ასეთი განწყობილების უამა იყო  
 განცდილი, ლადის რომ მისწერა ერთხელ: ცა და ხმელეთი, მზე და მდი-  
 ნარეები, კავკასიონის მწვერვალები და თვალუწვდენელი ველები — ყვე-  
 ლაფერი ჩვენიაო. აი მთელი ხმით მღერის ახლ ნათელა და ჰგონია, ლა-  
 დიც იქვეა, პილოტთა შორის ზის და ერთად მიჰქრან წინ, ხოლო შავ-  
 გვრემან სახეზე თუ მიმზიდველი ეშხი გადააფენია, ეს იმიტომ, რომ ლა-  
 დის თავი მოაწონოს. რატომაც არა? ლადიმ უნდა იცოდეს: ნათელა  
 არავის არ ჩამორჩება არც სილამაზითა და არც ვაკეკატური სიმამაცით.

აეტობუსი ხევში დაექანა და ქვებზე არახრახდა. სიმღერა შეწყდა.  
 სამაგიეროდ ინსტრუქტორმა ერთ კურსანტს ეშმაკურად შეავლო ცალი  
 თვალი და, ამას წინათ რომ აეროდრომზე ფრთამოტეხილ ორბივით და-  
 ეშვა, ის მოაგონა. ყველას სიცილი წასკდა. კურსანტსაც დამნაშავესავით  
 მორცხვად გაელიმა, მაგრამ სიცილი რომ აღარ დამთავრდა, ქერა ზახე  
 დაენისლა, გვერდით მჯდომ ამხანაგს კუშტად მიუხედა და იდაყვი ჰკრა:

— რას ხარხარებ? შენ უარესი არ მოგივიდა!

ახლა ამ ტანმორჩილ ჭაბუკს დაასვეს თვალი და ეს საერთო სიცილია  
 და ლალი ზუმრობა გარდაბნამდე აღარ დამცხრალა.

რკინისგზის ლიანდაგი გადასჭრეს, ბალახშემხმარ გორზე შეივაცეს და  
 მწირი მინდორი ხელისგულივით გადაიშალა. მტკვრის პირად, ჩა-  
 ვარდნილ ტაფობში, ძველ ნაქალაქარზე, უღრანი ტყის ნაშთი შემე-  
 ჩხრებულა, ვინ იფიქრებს, აქ თუ რამდენიმე ათეული წლის წინათ  
 ნადირთა საიმედო თავშესაფარი იყო, ირემი, შველი, ზოხოზი და დურაჯი



მრავლობდა. შესაძლებელია, რუსთველს რომ ნადირობა აქვს აწერილი, სწორედ ამ მიდამოების ახლომახლო იყო სადმე.

ნათელამ თვალი მოავლო ფოილოს ხიდამდე ქუფრად გავლებულ ტყის ზოლსა და ხორბლისფერ ტრამალებს. როგორ უცნაურად დატრილდა ეს სანახები. პირველად რომ აფრინდა და ათასი მეტრის სიმაღლიდან გადმოიხედა. დამზობილ ჯამებივით დაპატარავდა გორაკები, მინდვრები ოქროსფრად ბზინავდა და მტკვარი ვერცხლის ლენტს დაემსგავსა. კი არ შეშინებია, პირიქით, დიდი ხნის ნატვრა აღსრულდა და მის სიხარულს საზღვარი არა ჰქონდა, მაგრამ მაინც ისეთი გრძობა დაეხადა, თითქო ბუმბულივით ამჩატდა, წონასწორობა დაჰკარგა და დასაყრდენი არსად მოიპოვება, საკმაოა ქარმა მიმართულება იცვალის და აღარ ექნება დასასრული ამ სიცილიერეში უგზოუკვლოდ ხეტიალს... მას შემდეგ დიდი ხანი გავიდა და ახლა მოწყურებული თვლით გაჰყურებს ნათელა შორეულ პორიზონტს, ახლა გამოცდა ჩაბარებული აქვს და დამოუკიდებლად ფრენის უფლება მიენიჭა.

აეროდრომზე პატარა კოშკია, გრძელი ანგარი და გვერდლია ფარდული. ამ ფარდულში ისაუზმეს პილოტებმა.

მერმე უფროსმა კვლავ ჩაამწკრივა იმინი, რამდენიმე კაცი გამოჰყო, მათ შორის ნათელაც, და სათითაოდ დაეალება მისცა.

— არის, ამხანაგო უფროსო! — უბასუხა ნათელამ: ცდილობდა სიღინჯე შეენარჩუნებია, ტუჩები მომეწა და შუბლი შეიკრა, მაგრამ წყეულ ღიმილი თვალებში მაინც აენთო და ლაწევები შეეფაკლა.

უფროსს მზემოკიდებული მოგრძო სახე ნათელი იერით დაუმშვენდა, მაინც წარბები შექმუნნა და ფრიადოსან მოწაფეს თითი დაუქნია.

ცელქი ბავშვივით შეხტა ნათელა და თავის თვითმფრინავისაკენ გაიქცა. ეს მეორეჯერ ხვდა შორ მანძილზე გაფრენა და სიხარულს ველარ მალაგს.

ჯერ პროპელერი მისწიმოსწია და მყისვე საქმიანი გამომეტყველება აღებეჭდა სახეზე. ახალგაზრდა პილოტი ნათელა, მაგრამ კარგად იცის, თუ რა დიდი მნიშვნელობა აქვს გაფრენის წინ მანქანის ყველა ნაწილის გასინჯვას, კარგი პილოტი მატერიალურ ნაწილს ისე უნდა იცნობდეს, როგორც საკუთარ მაჯისცემას.

მოტორი გულდასმით დაათვალიერა, სტაბილიზატორს ახედ-დახედა, ტრასი სათითაოდ შეარხია, კაბინაში ჩაიხედა და ხელსაწყოებს — ალტიმეტრს, კომპასს, თარაზოს, სახელურსა და სატერფულს ისეთი მზრუნველობითა და აღურსით შეავლო თვალი, თითქო ცოცხალი არსებანი არიანო.

მერმე ტყავის ქურთუკი ჩაიცვა. მუხარადი დაიხურა და ორიოდ წუთიც არ დაჰყოვნებია, უკვე პაერში ასრიალდა.

ალტიმეტრს დახედა. ცხრაასი მეტრის სიმაღლეზე გამარჯვებულნი მდებარე მთის მწვერვალზე მოვარდარე ველი ჩალისფერად ჭრტილებდა; მტკვრის მთის მწვერვალზე დაემსგავსა, გორაკების ფერდობებზე მზის სხივთა ანარეკლი კამკაშებდა.

ხმაშეწყობილი ბუბუნით მიარღვევდა ჰაერს პროპელერი და ნათელას გრილი ქარი ეხვევოდა გარს, საამო შრიალით აღნებოდა სახეზე. სახე-ლურსა და პედალს ისე გრძნობდა, როგორც საკუთარ ხელსა და ფეხს, მორტორის მუშაობასაც თავისი გულის ფეთქასავით განიცდიდა. აქ ახლა მარტოოდენ მანქანა კი არ მოძრაობდა, მარტოოდენ ბენზინი კი არ ენთებოდა, ფრთებშესხმული ადამიანის ნებისყოფა დაეუფლა ზესკნელს და უსულო საგნებს სული ჩაუდგა.

სოღანლულისაკენ რომ შეუხვია, ცალკეად გადახედა ალმურში დანთქმულ ტფილისს და წუხანდელმა შეხვედრამ გაუელვა თვალწინ. ღიმილი მოერია. ქალაქს თვალი მოსწყვიტა და სისწრაფის მაჩვენებელს დააკვირდა. ისარი 90 უახლოვდებოდა. გამკილავი ღიმილი მაინც არ შეაშრა ტუჩებზე. თავის ორეულს დასცინოდა, დაფეთებული რომ გამოიქცა წუხელის ბალიდან. მთელი მისი არსება, მთელი გულისყური აქ იყო. მანქანის ნაწილებში გადაზრდილი, მაგრამ გონების ერთი კუნჭული განთვისებულიყო და დამოუკიდებლად ჰფიჭობდა: დღეს თუ არა ხვალ დაბრუნდება ასალო ხრამქვსში. ნეტავი რას ეტყვის ლადის?.. მაინც რამ დააბნია ისე? რა უქირდა, დამშვიდებით გამოლაპარაკებოდა? სულ ადვილად დაარწმუნებდა, რომ შალიკოსთან მას არაფერი საერთო არა აქვს. ეს ხომ სრული სიმართლეა? იმ კაცს ისეთი კეთილი სახე ჰქონდა, უთუოდ დაიჯერებდა... ფეხშიძე ცოლი ჰყავსო. მართალი იქნება... გულფიცხია ლადი, ერთხელ ყასიდად გააჯავრა და სამ დღეს ხმა აღარ გასცა.

კუმისის ტბა აბრჭყვიალდა ტაფობში ჩარჩენილ ბროლის თასივით და ნათელამ გონების ეს ერთი კუნჭულიც ცის იერში გადმოღვრილ სიხარულით ამოავსო, თან თითქო ლადის გაბუტული სახე ეხმანა და მკაცრად შეუტია: „აი, შე გიეო, გიეო!“

ალგეთის ხეობას აყვია, მაღალ კლდეზე გადმოდგმულ ციხე-კოშკს გვერდით ჩეუქროლა და დიდი აღარ დაჰყოვნებია, მანგლისის ნაძვნარს გადაჰყურებდა. შეეძლო აქედან უკან გამობრუნებულიყო. მაგრამ შორეულმა ქედმა თვალი მოსტაცა და წინ გასწია. თან ტკლისაკენაც უნდოდა გადაეხედა. იქეთაა სადღაც ხრამქვსი და იქნება ლადიმ მოჰკრას თვალი თვითმფრინავს. ამ საღამოს წერილს მისწერს და გააჯავრებს: მე მანდ დავფრინავდი, შენ კი გვირაბში დაძვრებოდიო. მაჯის საათზე დანიხედა, დრო საკმაო რჩებოდა. ეს ხომ სააგიტაცო გადაფრენაა, რამდენადაც შეტ მიღამოს მოივლის, მით უკეთესია.

ვერეს ხეობიდან მარცხნივ შეუხვია და ანაზღად მზე მიეფარა, თვითმფრინავი ჩრდილში შეიჭრა. მიიხედ-მოიხედა და მყისვე ქუფრ ნისლში



გაეხვია. მობრუნება ახლა გვიანაა, შეიძლება მიმართულება ოდნავ გაუ-  
რუდდეს და კლდეს დაეჯახოს. განუკერძოებელი ჯანლი შრეაქცხუღუღ  
გვლივ, თითქო თვალის დახამხამების უმალ დაინთქა მზე ტყეჭყეჭინაშხაქა  
უფსკრულში და დედამიწას პირველყოფილი ქაოსი დაეუფლა. მაინც  
მზისკენ, ზევით! გაივლო გულში ნათელამ და ისე მძაფრად იგრძნო  
სახელური, თითქო შესისხლხორცებული ჰქონოდეს. მთელი გონება და  
სმენა დაძაბული ჰქონდა, თვალთ ვერაფერს ხედავდა, მაგრამ მანქანის  
ხმაშეწყობილი გუგუნით მიიზღვედა უკუნეთს და ნათელ ცისკენ მი-  
იწვედა. საკმაოა ახლა ოდნავ შეკრთეს გული, ან ხელი აუთრთოლდეს,  
ნებისყოფის სიმტკიცე დაკარგოს და მაშინ ან მთას შეენარცხება, ან  
არა და ვერეს ღრმა ხევში ჩაიხმხვრევა. პირველად შეხვდა ნათელას ასეთ  
აზღვაგებულ ნისლში ბრმა ფრენა. აქ რომ ირგვლივ მთები და ნაპრა-  
ლები არ იყოს, მაშინ საფრთხე მოსალოდნელი არ იქნებოდა, ან შემობ-  
რუნდებოდა, ან პირდაპირი ხაზით გასწევდა წინ. უსაზომოდ დამძიმდა  
წუთები. ტუჩს კბილი დააჭირა და თვალეები დაწყურა, თითქო წვედიადის  
განკერძტას ლამობსო. მოტორმა ენა ამოიდგა და მოიერიშე თანამებრ-  
ძოლივით ხშიანობს, პროპელერია მტრების ურდოში შეკრილ მხედრის  
ხმალივით ჰკაფავს შემოსეულ გოლიათებს, ჰკაფავს და ზუზუნებს. წუ-  
თები მაინც საუკუნეებზე მეტად დამძიმდა. ნათელა თითქო რალაც და-  
ნაშაულსა გრძნობს. მანგლისიდან უნდა დაბრუნებულყო. ბავშური  
ცელქობა იყო ეს. აქაო და ხრამქესში ლადი მუშაობსო... თვითმფრინავს  
რომ რაიმე მოუვიდეს... არა, მოტორი საიმედოდ ხშიანობს და სახელურ-  
საც ისე გრძნობს, თითქო მისი სხეულის ნაწილი იყოს. წუთები კი უფს-  
კრულივით ღრმა და ბნელი. შესაძლოა რომელიმე მთას უახლოვდებო-  
დეს და საშინელის ძალით დაეჯახოს.

ზევით, უფრო ზევით! — უნმოდ სთქვა და ტუჩს კბილი შეუშვა,  
თითქო ღიმილიც კი მოერია, მხნეობის გამათეკცებელი სიამაყით გა-  
იმსქვალა; კამანინი და მოლოკოვი მოაგონდა, მათი შეუპოვარი ბრძოლა  
ყინვიან ქარბუქში. რა არის ეს იმასთან შედარებით? ზაფხულის ნისლია  
მხოლოდ და მეტი არაფერი. რამდენჯერ უნატრია, ოდნავ მაინც დამს-  
გავსებოდა საბჭოთა სწორუპოვარ გმირებს. ოცნებით წარმოიდგენდა  
ზოლმე ქარიშხალსა და გრივალს, ცის კიდემდე აღმართულ ღრუბლების  
კედლებს, რომელთაც უშიშრად ჰკვეთდა თავისი თვითმფრინავით, სიერ-  
ცეში აზღვაგებულ მრისხანე ტალღებს არ უფრთხოდა და მწვერვალი-  
დან მწვერვალზე გადადიოდა... ახლა ეს ოცნება აღარ არის, ახლა მარ-  
თლა ამოიდგა ენა მოტორმა და ნათელას გულიც მასთან ერთად ძვრს...

ფართო სათვალეებმაც ვერ უშველა, ცეცხლივით აელეარებულმა  
ცის იერმა თვალი მოსჭრა, უსაზომო შვებით აღივსო და მწვავედ შემოე-  
სხურა უცებ მოვარდნილი ჩქერი სინათლისა. გეზი მაინც გამართა. ნამ-  
ძინარევსავით ძალდატანებით გააქყიტა თვალი და კომპასს დახედა. სამ-

ხრეთ-დასავლეთი. ალტიმეტრი 2300 უჩვენებს. სივრცეში მიმოიბრუნა თვალი და მოეჩვენა, თითქო თეთრი ზღვის გასწვრივ მდებარე მთა-მოსავლეთით ღრუბლები გადასარკველიყო, მზის სხივებში თოვლივით მოკაშკაშე ღრუბლები; სპეტაკ ქაღალდით ლივლივებდა ოდნავ დარბეული ტალღები, შორეულ მთის თხემამდე ჯავარიან მარმარილოს ბურღივით გადადგმული. დასავლეთით კი, თრიალეთის ქედსა და სამაარის მწვერვალებს შორის, სივრცე თავისუფალი იყო, ქვევით პატარა გორაკები, აქა-იქ ყუთებივით შეჯგუფული სახლები და ყვითლად მობიბინე მინდვრები მოსჩანდა; ქცია თასმის ნაწყვეტებივით მიმოფანტულიყო ტაფობში.

ღრუბლებს გვერდი აუქცია. ასიოდე მეტრით მიწისაკენ დაეშვა და, უკან მობრუნებას რომ აპირებდა, მარჯვენა ვირაეის დროს, მოტორმა თითქო კილო შეიცვალა და გაბზარული ხმით ახრიალდა. ნათელა სმუნად იქცა. „ცილინდრს რალაც მოუვიდა“. ტუჩს კბილი დაადგა და ღრუბლებისაკენ მიიხედა; ახლა ქარხნის მილებიდან ამოვარდნილ კვამლივით იგრავნებოდა იგი და დედამიწიდან ტყვიის ფერი ქსელი ჩაფენილიყო. ეს სეტყვაა, ქციის ხეობის ხშირი სტუმარი. წარღვნაკავით ზღვაურობს და მისკენ მოემართება. უთუოდ უნდა მოერიდოს, მაგრამ მანქანას რა დაეშართა! სანთელი თუ გაჭუჭყიანდა და ცილინდრი წყობიდან გამოვიდა. „თვითმფრინავი სიმაღლეს ჰკარგავს...“ ახლა სხვა გზა არაა, უთუოდ უნდა დაჯდეს სადმე. მინდვრისაკენ გადაიხედა. ამ გორებს როგორმე უნდა გასცილდეს, აქ დაშვება შეუძლებელია. ორიოდ წუთის დაყოვნება და მორჩა — მანქანა დაიმსხვრევა. აქამდე ენაამოდგმული მოტორი გუგუნებდა მძლავრად და ნისლში გახვეულ ნათელას ცისაკენ მიაფრენდა, ახლა პილოტის ხელი და თვალი სწყვეტს ორთავეს ბედს...

შეხორცებული სახელურით გამართა გეზი. მანძილს თვალდაწყურული ზომავდა და ველს რომ მიუახლოვდა, ფრთებგაშლილ ორბივით შემოუქროლა, გაშეშებულ მთიბველების სიახლოვეს აირჩია ადგილი და მოხდენილად დაეშვა. მოტორი გამოუერთა და თვითმფრინავი თავისუფლად გასრიალდა მოთიბულ მინდორზე. პროპელერის შრიალი რომ შეწყდა, ნათელაც გაინაბა მცირე ხნით: ახლა იგრძნო, თუ რა საშინელ განსაცდელს დააღწია თავი ამ უცნობ მიდამოში.



მთიბველები მოკრძალებით მიუახლოვდნენ ნათელას. ესენი ადგილობრივი კოლმეურნენი იყვნენ და ასე ახლოს პაერობლანი არასოდეს არ ენახათ. ასიოდე ნაბიჯის მანძილზე შესდგნენ და ერთმანეთს მიუხედეს. თვალს არ უჯერებდნენ, ვაჟურად ჩაცმული პილოტი რომ ქალი აღმოჩნდა.

აგერ გადმოვიდა ის კაბინიდან, სათვალეებიანი მუზარადი მოიხადა და თმა შეიფერთხა. მერმე მოტორს მიაშურა და სამკუთხა კარავებზე დადგა. გულდასმით დაათვალიერა ყველა ნაწილი, ახლა ცხადია: მანქანა მუშაობდა და ორი ცილინდრი წყობიდან გამოსულა. სანთლებს ახლავე გამოსცვლის და დაუბრკოლებლად გასწევს აეროდრომისაკენ.

საათს დახედა. არა უშავს რა, დიდი, დიდი, ერთი საათი დაავიანდეს, ამისთვის საყვედურს არ ეტყვიან. სივრცეს მოავლო თვალი და სახე გაუნათლდა: ყომრალი ღრუბლები აღმოსავლეთისაკენ მისცურავს, აქ კი მზე იკბინება და დამქლრალი თივის სუნი დგას.

ახლომახლო სათიბებიდან და ყანებიდან მორბოდნენ კოლმეურნეები, ქალები და ბავშვები. გზად მიმავალმა მხედარმა ცხენი მოაბრუნა, მათრახი გადაჰკრა და ყველას წინ გაუსწრო. მთიბველებს გული მოეცათ, წინ წაიწიეს.

ნათელამ კაბინიდან ხელსაწყო და სამარაგო სანთლები ამოიღო, გაშეშებულ გლეხებს გაუღიმა და ჰკითხა:

— სადაური ხართ ამხანაგებო?

— ჩვენ აქაური ვართ, ბარმაქსიზელი.

— ბარმაქსიზი?! — გაიკვირვა ნათელამ, ფერი ეცვალა და ქანჩალები უხერხულად შეატრიალა ხელში. საოცარია, ნისლს რომ თავი დააღწია და მოტორმა კილო შეიცვალა, მერმე ლადი აღარ მოჰგონებია. ახლა კი...

— შორსაა აქედან?

— რატომ, აქვეა, სულ ახლოს.

ამ დროს მხედარმა გაჰყენებული ცხენი ძლივს შეაჩერა და პილოტს ისე დააცქერდა, თითქო უცნაური რამ მოეჩვენათ.

ნათელამ ცხენოსანს თვალი გაუსწორა და ღიმილი მოერია, ამ კაბუკის სახეზე რომ ესოდენი განცვიფრება ამოიკითხა.

— თქვენ, ამხანაგო, ხრამქესში ვერ გამეგზავნებით?

მხედარმა უსიტყვოდ თავი დაუქნია.

— ინჯინერი ლადი აღანია მონახეთ და გადაეცით, ახლავე მოვიდეს აქ. ნახევარ საათში თვითმფრინავი მზად იქნება და მეტს ვეღარ დავუცდი.

კაბუკმა ცხენს აღვირი მოსწია.

— მოიცა, დაიმახსოვრე: ლადი აღანია. ნათელა გხმობილობს-თქვა.

— ვიცი, ვიცი! — წამოიძახა მხედარმა და ცხენიც ადგილიდან მოსწყდა.

თვითმფრინავის ირგვლივ თავმოყრილ ხალხის რიცხვი ყოველ წუთს მატულობდა. თავმორთული ქალები და თმაგაჩეილი ბავშვები ისე აცეცებდნენ თვალს, თითქო ეს უცნაური პილოტი ჯადოსანი ყოფილიყო და ცისა და დედამიწის საიდუმლოება ხელთ ეპყრას.

ხანდაზმული გლეხებიც ფრიად განცვიფრებულნი იყვნენ: „ნუ თუ ამ ვაჟურად მორთულ გიგოა იმდენი სიმამაცე შესწევს, რამდენი სიმამაცე დაფრინავს?! რა იმედით? უწინ მარხილივით გაფარჩხულნი უნდა იმდენს-მინანი მანქანა და სულს არ ითქვამს. ეს ჯამბაზი ქალბიჭა კი რაღაცას ჩხირკედელაობს. ასე მოფერებმა იციან გზაზე ავტომობილის შეკეთება. მაგრამ ეს ხომ ცაში დაფრინავს“...

მხოლოდ ერთმა პიონერმა გაბედა, თვითმფრინავთან მივიდა და ფრთხილად შეახო ხელი. მას მყისვე მიაძახეს:

— მოშორდი მალე!

ბავშვმა შიშით მიმოიხედა და უკან დაიხია.

ნათელამ ცილინდრებს სანთელი გამოუცვალა, მოტორის კარი დახურა და საათს დახედა. გვიანდება. მეტი დაყოვნება აღარ შეიძლება. წარბები შეკმუხნა და მუხარადი დაიხურა. კაბინაში ჩაჯდა და გასაფრენად მოემზადა... პროპელერი რომ აჩახახადა, ირგვლივ შემოხვეული ხალხი უმაღლე მიმოიფანტა.

სწორედ ამ დროს გამოჩნდა ორი ცხენოსანი. ნათელას თვალები გაუბრწყინდა და მოტორი გამოუერთა. ნისლში რომ იყო გახვეული და კლდებზე დაჯახებდა, მოელოდა, მაშინ არ აჩქოლებია ასე გული. ავტომატურად მოიხადა მუხარადი და კაბინიდან გადმოვიდა.

თვითმფრინავის სიახლოვეს შეჯგუფული ხალხიც მასთან ერთად მი-აჩერდა გამოქენებულ ცხენებზე წინ გადმოხრილ მხედრებს. ლადი რამდენიმე მეტრით დაწინაურებულყო და მოჯირითესავით მოაქროლებდა ტაიქს, თითქო ფინიშზე უნდა მოუსწროსო. მიხაკისფერი ხალათი ეცვა და თავშიშველი იყო. მარდათ გადმოხტა და... ნათელას შეფაკლულ სახეს ხედავს მხოლოდ, თითქო არც კი შეუშინევია, მას რომ ტყავის ქურთუჯი აცვია და მწვანე შარვალი.

— ნათელა! მარცხი ხომ არ მოგივიდა?

მორცხვად დახარა თავი ნათელამ და გამოწვდილ ხელში ხელი ჩაუღო.

— არა. იძულებით დავეშვი. ახლაც გაფრინდები. შენ გელოდებოდი.

მერმე თავი ასწია, თვალი თვალში გაუყარა და საკოცნელად რომ ტურები აუთრთოლდა, სრულებით არ მოგონებია, ამდენი ხალხი თუ მისჩერებოდა მათ. არც ლადი ხედავდა ახლა ვისმეს, ანაზღად მოზღვავებულმა ბედნიერებამ დაათრო და მთელი ქვეყნიერება ნათელას თვალთა შუქში გაეხვია; ორი გული ძგერდა ერთ კოცნაში, რომელსაც არც დასაბამი ჰქონდა და არც დასასრული.

პირველად ნათელა გამოერკვია.

— მშვიდობით ახლა... ისედაც დაგვიანებული ვარ. შენ როდის ჩამოხვალ?

— სექტემბრის ბოლოს. მანამდე გვირახს აუცილებლად დაემთავრებოდა.

— არ გადააცილო, იცოდე! — დაემუქრა ნათელა და მუზარადის საყურეები შეიკრა და რაღაც მოაგონდა.

— ლადი, მოიწი აქეთ!.. იმ შენმა მეგობარმა ასალომ თუ რაიმე გიხრას ჩემზე, არ დაუჯერო. ხომ გესმის!

სთქვა ესა და პროპელერიც აშრიალდა, თვითმფრინავი ნელა ვაგორდა მინდორზე, თანდათან აუჩქარა, ჯერ კული ასწია და მერმე უცებ მოსწყდა მიწას, ლამაზად შესცურდა სივრცეში.

სოფლელებმა აღტაცებით გააყოლეს თვალი მანქანას და თავიანთ სიხარულს ხმამაღლა გამოსთქვამდნენ. ლადი კი მხოლოდ მაშინ გამოფხიზლდა, როდესაც ნათელა მაღალ ქედს გასცილდა და წარმტაც ოცნებასავით დაინთქა ცის იერში.

(დასასრული შემდეგ №-ში).



პენის პინი

## „ღრიკუდი ინგეგეცო“

33.

მთისა მწვერვალზე დგას ჩრდილოეთში  
მაღალი ფიჭვი, განმარტოებით.  
იგი თვლემს, თანაც თოვლით და ყინვით  
დაფარულია მისი რტოები.

ფიჭვი ოცნებობს ლამაზ პალმაზე  
და ელანდება ცა შორეული —  
პიტალო კლდენი მაშრიყის ცხელას  
სადაც სწუხს იგი, დარდათ ქცეული.

34.

### ამოგს თავი:

ახ, მე რომ ვიყო ის სკამი, სადაც  
სატრფოს ფეხები ისვენებს ხშირად —  
რამდენიც უნდა მტკეპნოს იმ ფეხით  
არ მივიჩნევდი მე ამას ჩირად.

### ამოგს გული:

ახ, მე რომ ვიყო ბალიში რბილი  
რომელზეც სატრფო დაასობს ნემსებს —  
დამასოს კიდევ რამდენიც უნდა  
ეს გამაბარებს, არ ამაკენესებს.

### ამოგს სიმღერა:

ახ, მე რომ ვიყო იგი ქალაღი  
პიპილოტკებად სატრფო რომ ხმარობს,  
ჩაეხურჩულეზღი ყურში ფარულად  
რაც ჩემში ცოცხლობს, სუნთქავს და ხარობს!



35.

მას შემდეგ, რაც რომ სატრფოს დავშორდი  
სიცილის ნდომა სულმთლად დავკარგე,  
და ოხუნჯობა, უშნო, უკბილო  
ლიმილისათვის არ მიხსნის ბაგეს.

მას შემდეგ, რაც რომ სატრფო დავკარგე  
ატირედაც კი არ ძალშიძს მწველი,  
თუმცა ტკივილი გულს მიკლავს, მაგრამ  
არ ეკარგება ჩემს თვალებს ცრემლი.

36.

დიდ ტკივილებით მე ექმნი პატარა  
სიმღერებს, სავსეს ტკბილი ჰანგებით,  
ისინი ეშხით გაშლიან ფრთებს და  
სატრფოს გულისკენ მიფრენენ შვებით.

მათ საყვარელის იპოვეს გული  
მაგრამ დაბრუნდნენ უკანვე წყენით,  
ჩივიან მწარედ და არ უნდათ სთქვან  
რა ნახეს მასში ნალღელის მფენი.

37.

ფილისტერენი, საზეიმოთ მორთულნი,  
სეირნობენ, იხარებენ გუნებას,  
ლურჯ მდელოზე ციკნებივით დახტიან  
შეჰხარიან გალალეზულ ბუნებას.

საამურად აყვავებულ მიდამოს  
განაბული თვალებით შესცქერიან,  
და უსმენენ გრძელ ყურებით ბელურებს  
მინდვრებში რომ გატაცებით მღერიან.

მე კი ამ დროს ჩემს ფანჯრებზე ვაფარებ  
ფარდებს, შავათ რომ არიან ხვეული,  
და დღისითაც არ მტოვებენ მარტოკა  
ჩვენებანი ჩემთან შემოჩვეული.



გამოჩნდება სიყვარული ფარული  
 მოფრენილი სამარიდან, ვით ჩრდილი,  
 ჯდება ჩემთან იგი განმარტოებით  
 და გულს მიღობს მე იმისი ტირილი!

## 38.

დავიწყებული ქვით სურათები  
 ბნელ საფლავებში ტოვებენ ბინას,  
 ჩემთან ჩნდებიან და მაგონებენ  
 როგორ ვცხოვრობდი ოდესღაც, წინაღ.

ვეხეტებოდი ქუჩებში დღისით  
 გარემოცული ოცნებით, მკრთალით,  
 და გაოცებით მიცქერდა ხალხი  
 ვიყავი მუნჯი, სევდით მზირალი.

ლამის სიბნელე მერჩია დღეებს  
 როს წყნარდებოდნენ ქუჩები — ფართო,  
 მე ჩემს განუყრელ მეგობარ ლანდთან  
 ვხეტიალობდი უსიტყვოთ, მარტო.

ხიდზე გავლისას ჩემთა ნაბიჯთა  
 გამოძახილი მესმოდა ნელი,  
 და ღრუბლებიდან გამომზირალი  
 მესალმებოდა მთვარე ნათელი!

შეგჩერდებოდი შენი სახლის წინ  
 მოულოდნელად, დაფიქრებული,  
 ვაცქერდებოდი, უსიტყვოთ, ფანჯრებს  
 და ტკივილებით მიკვნესდა გული.

ვიცი შენ ბევრჯერ გადმოვიხედავს  
 და ვინახავარ ფანჯრის მახლობლად —  
 განათებული მთვარის სხივებით  
 როგორ ვიღვქი სვეტივით ობლად!

## 39.

ქაბუკს უყვარს გოგონა  
 გოგონა კი სხვას ეტრფის

იმ სხვას კიდევ სხვა უყვარს  
სურს შეერთოს ცოლად ის.



გულდაწყვეტილი ქალი  
ვაჟს მიჰყვება ცოლად კარგს,  
მაგრამ ქმარს ის არ უყვარს  
და ეძლევა სევდა-დარდს.

ეს არს ძველი ამბავი  
მაგრამ მარად ახალი,  
შენ რომ ეს დაგემართოს  
გულს გაგიპობს ვალალი.

## 40.

ოდეს მომესმის ჰანგები ტკიბილი  
გრძნობით რომ მღერის შეყვარებულ,  
ამდროს მგონია ლამობს გაპობას  
მძლავრ ტკივილისგან ეს ჩემი გული.

და მიმაქანებს შავი ნალველი  
მწვერვალებისკენ ნელინელ, რბევით,  
და ჩემს უდიდეს ტკივილს და სევდას  
იქ ეიმსუბუქებ ცრემლების ფრქვევით.

## 41.

მე სიზმრად ვნახე შეფის ასული  
აეთამყრფი და ფერმიღეული,  
ერთად ვისხედით მწვანე ცაცხვის ქვეშ  
ერთმანეთს მტკიცედ მკერდს ჩახვეული.

— არ მინდა ტახტი მე მამაშენის  
არც მისი სკიპტრა, ოქროთი მშვენი,  
არც მარგალიტით სავსე გვირგვინი  
მე მინდა მხოლოდ შენ იყო ჩემი.

— არ შეიძლება, — მიპასუხა მან —  
მე ზომ ბინად მაქვს სამარე ბნელი,  
და მხოლოდ ღამით ძალმიძს გეწვიო,  
რადგან უშენოთ იქ ვერ გავძელი.



## 42.

ჩემო ძვირფასო, ცოთად ციჯვართ  
გულს გვიღონებდა სათუთი სევდი:  
შორს მივეცურავდით მსუბუქი ნაფიჯი  
და მღუმარებას ღამე გვახვევდა.

აეროვანი კუნძული კოხტა  
მთვარის სხივებით კრთოდა წარმტაცად.  
იქ ვაისმოდა სიმღერა ტკბილი  
და ნისლი თრთოდა, ტოკავდა ნაზად.

ველავ უფრო ტკბილად ისმოდა მღერა  
ნისლიც ღელავდა ზვირთად ქცეულს.  
ჩვენ მივეცურავდით უსიხარულოდ  
და გვიტაცებდა გზა შორეულს.

## 43.

ძველ ზღაპრებიდან გამოდის იგი  
და თეთრ ხელს მიქნევს, ქცეული ჩრდილად  
თანაც ჯადოსნურ, უცხო მზარეზე  
მოწყობილად ხმით იმღერის ტკბილად.

სად მწუხარებენ ყვავილნი დიდნი  
— პროსფერ ღამის შუქით ნაფერი,  
და შესცქერიან ერთმანეთს ისე  
როგორც მიჯნურნი ჯვარდანაწერი.

აადაც ხეები, მოსაუბრენი,  
ზშირად იწყებენ საამოდ მღერას.  
და საცეკვაო წარმტაც ჰანგების  
ნაკადულები ასტეხენ ღღერას.

ახ. ნეტავ ამდროს იქ გაეჩნდებოდეს  
გაიხარებდა შვებით ეს გული,  
დაფივიწყებდი ტკივილს და ტანჯვას.  
ტკბილ ნეტარებით ატოკებული.



ახ, საოცნებო იგი ქვეყანა  
რომელსაც ხშირად სიზმრები ხატავს!..  
...მაგრამ ამოვა დილის მზე მწველი  
და ჩემს ოცნებას ქაფივით ფანტავს.

44.

მე შენ მიყვარდი, მიყვარხარ ეხლაც  
და ქვეყანაც რომ დაიქცეს — მჯერა —  
მის ნანგრევთაგან გამოაშუქებს  
ტრფობის აღმური, გულში რომ დელავს!

45.

გაბრწყინებული ზაფხულის დილით.  
მშვენიერ ბაღნარს ვეწვევი მარტო,  
ყვავილნი თრთიან და ბაასობენ  
და მე, მდუმარე, ესეირნობ, ედარდობ.

ყვავილნი თრთიან და ბაასობენ  
და თანაგრძნობით ახელენ თვალებს,  
— „ჩვენს ლამაზ დაზე ნუ გაჯავრდები  
ყრმით ფერმკრთალო და მთვალაღვე!“

46.

ჩემში ანთებული სიყვარულის ალი  
ბნელი ბრწყინვალეებით კრთის, ანათებს მარად.  
როგორც მოწყენილი, უსხიეო ზღაპარი  
ზაფხულის ღამეში ნაამბობი წყნარად.

მომხიბვლელ ბაღნარში მოტრფიალე წყვილი  
დაზეირნობს მარტო, მდუმარებით სავსე.  
ბუღბუღლები სტვენენ, საამოდ გალობენ  
და სხივები მთვარის კაშკაშებენ ცაზე.

ქალწული დგას უტყვად, როგორც ქანდაკება  
ჩაინდი მუხლს იღრვებს მის წინ გრძნობით  
მთვრალი.

მაგრამ ჩნდება მათთან გოლიათი მხეცი —  
გარბის შიშისაგან ფერწასული ქალი.



ქართული  
წიგლისკაცთა  
კავშირი

სისხლით შეღებილი ეცემა რაინდი  
და შინისკენ გარბის მხეცი საშიშარი.  
...როცა დამმარხავენ ჩემო საყვარელო,  
გათავდება მაშინ აქ ჩემი ზღაპარი!

## 47.

მე მაწამეს, ჯვარზე მაცვეს —  
გავხდი მსხვერპლი მათი ვნების, —  
ზოგმა თავის სიყვარულით  
და სხვებმა კი მძულევარებით.

მომიწამლეს მათ მე პური  
საწამლავი მასვეს ბევრი,  
ზოგმა თავის სიყვარულით  
და სხვებმა კი მძულევარებით.

მაგრამ, ვინაც სხვებზე მეტად  
ჯვარს მაცევა და გამამწარა —  
არ მალირსა სიძულვილი,  
არც არასდროს შემიყვარა!

## 48.

შენს მშვენიერ ლოყებზე  
ცხელი ზაფხული ღვივის.  
და პაწია გულში-კი  
არის ზამთარი ცივი.

მაგრამ გელის ძვირფასო  
შენ ცვლილება ამგვარი:  
გულს ზაფხული გეწვევა  
და ლოყებზე ზამთარი!

## 49.

როს შორდებიან ერთმანეთს ორნი  
და გაუწვდიან მოწყენით ხელებს,  
მაშინ ოხრავენ დაუსრულებლად  
ორთავეს თვალებს ცრემლი უსველებს.



ჩემო ძვირფასო, არ გვიკენესია  
და არ გვიღვრია ცრემლები ცხელი —  
ჩვენ განშორების შემდეგ გვეწვია  
ოხვრა და ვიში გულის დამწველი.

50.

ისინი ისბდნენ და სვამდნენ ჩაის  
და სიყვარულზე ჰქონდათ ბაასი,  
ვაენი — მორთულნი ესთეტიურად  
ქალნი — აღსავსე გრძნობებით ნაზით.

— სიყვარული ჯობს პლატონიური, —  
სთქვა ეს პოფრატმა, გამზდარმა მეტად.  
კოლს გაეღიმა ირონიულად  
და თან წამოსცდა: „ახ“ — უცაბედათ.

მაშინ პასტორმა დაალო პირი:  
— არ ვარგა ტრფობა ტლანქად, უმსგავსად  
რადგან იგი ვნებს ჩვენს ჯანმრთელობას.  
— „ნუ-თუ!“ — წარმოსთქვა ასულმა ნაზად.

გრაფის ცოლმა კი ჩაურთო წყენით:  
— სიყვარული ხომ ცეცხლია ვნების! —  
და თანაც ბარონს ფინჯანი ჩაი  
მიართვა კდებით და მორიდებით!

მაგიდას აკლდი შენ, საყვარელო,  
ჩემო საუნჯევ, იმედო გულის,  
შენ ხომ შესძლებდი აგეხსნა მათთვის  
რა არის ტრფობა და სიყვარული!

51.

მოშხამულია ჩემი სიმღერა  
არც შეიძლება იყოს სხვაგვარად,  
გაფურჩქენილ დღეებს ჩემი სიცოცხლის  
შენ ჩააწვეთე შხამი, სამსალა.

მოშხამულია სიმღერა ჩემი  
და განა ძალმიძს არ იყოს ასე?



გველები დამყავს იმ გულით ეხლა  
შენდამი ტრფობით რომ არის სავსე.

## 52.

ისევე მეზმანა ძველი სიზმარი  
მაისის ღამის ეშხით ვტკებბოდით,  
ცაცხვის ქვეშ მსხდარნი, ერთმანეთს, მარად  
ერთგულეებაზე ვეფიცებოდით.

ეს იყო ფიცი მეტად უსაზღვრო,  
ალერსი, კოცნა სიამის მგვრელად,  
და ეს ხსოვნაში რომ ჩამრჩენოდა,  
შენ ხელზედაც-კი მიკბინე მწველად.

ჩემო ძვირფასო, ბასრ-კბილიანო,  
თვალეები შუქით ვინ დაგიმშვენა?  
ფიცი მწამს, წესად მიღებულა —  
მაგრამ ზედმეტი კი იყო კბენა!

## 53.

ვდგევარ, მარტო, მთის მწვერვალზე,  
და მოწყენა გულს მიგმირავს,  
— ნეტავ ჩიტი ვიყო მაინც! —  
ოხვრით ვამბობ ამას ხშირად.

მერცხალი რომ ვიყო, მარდი,  
გავჩნდებოდი შენთან ფრენით,  
ბუღეს იქ გავიკეთებდი  
სადაც ფანჯარაა შენი!

ბუღბული რომ ვიყო ნაზი  
გავჩნდებოდი შენთან ფრენით,  
ღამით, ცაცხვის მწვერვალიდან,  
ვიმღერებდი ჰანგებს ღებნით!

ანდა ვიყო გულწითელა,  
გავჩნდებოდი შენთან მყისვე,  
შენ ხომ თანაუგრძნობ იმათ.  
ძალგის განკურნებაც მისცე!



## 54.

მწვანედ მოზიბინე ტყისკენ  
 მიმაჭანებს ეტლი ნელა,  
 ყვავილოვანი მინდორი  
 მზის შუქით კრთის მომზიბელელად.

ვზივარ მარტო და ვოცნებობ  
 მაგონდება სატრფო ტკბილი,  
 და თავდახრით, მორიდებით  
 მესალმება სამი ჩრდილი.

და დაცინვით, თვალთმაქცურად  
 ერთმანეთში ირევიან,  
 მარღად ხტიან მანკვა-გრეხით,  
 ხითხითებენ, ჩემს წინ რბიან.

## 55.

სიზმრად ვნახე — თითქოს სატრფოვ  
 იწეტი ცივ სახარეში.  
 გამელვიძა და ლოყებზე  
 მელვრებოდა ცრემლის თქეში.

სიზმრად ვნახე, თითქოს სატრფოვ  
 მიმატოვე, მარტო, ობლად,  
 გამელვიძა, კვლავ ვტიროდი,  
 მწვავდა ცრემლი შეუშრიობლად.

სიზმრად ვნახე — თითქოს სატრფოვ  
 ერთგული ხარ ისევ ჩემი,  
 გამელვიძა და ჩემს თვალებს  
 კვლავ სდიოდა მწველი ცრემლი.

## 56.

ყოველ ღამე ვხედავ სიზმრად  
 როგორ მესალმები გულით,  
 მე გიკოცნი ღამაზ ფეხებს  
 თვალეებზე ცრემლ მორეული.



შენ მწუხარედ შემომყურებ  
ოქროსთმიან თავის რხევით,  
და თვალთაგან გცვივა მალვით,  
კრემლი, მარგალიტის ფერი.

და ტკბილ სიტყვებს ჩამწურჩულებ  
მაწვდი ვარდებს გაზარებით,  
გავიღვიძებ, ქრება მყისვე  
ყვავილები და სიტყვები.

## 57.

გაისმის ქარის სტვენა-ღმუილი  
წვიმს, შემოდგომის ღამეა ბნელი.  
სად არის ახლა, ნეტავ ვიცოდე,  
სატრფო ძვირფასი და საყვარელი.

ვხედავ ფანჯარას ის მიყრდნობია  
და ზის ოთახში მდუმარე, მარტო.  
თვალები კრემლით აქვს ავსებული  
ღამეს გასცქერის და მძიმეთ დარდობს.

## 58.

ღამე არის ნესტიანი ცივი.  
არხევს ზეგებს შემოდგომის ქარი,  
გაბვეული ზამთრის მოსასხამში,  
ცხენზე მჯდარა, ტყისკენ მივიჩქარი.

მივიჩქარი და ჩემი ფიჭვები  
წინ მისწრებენ, ვერ აკრთობს ეს ბნელი,  
მსუბუქ ფრთებით მიმავრუნენ იქით,  
სადაც ცხოვრობს სატრფო საყვარელი.

მორიდებით მხედებიან მსახურნი  
ხელთ უჭირავთ ჭრაქი ალის მფრქვევი,  
შე სასწრაფოდ — დეზების წკარუნით —  
ხვეულ კიბით ავირბინე ზევით.

საწოლ ბინას, სურნელებით სავსეს  
ანათებდა ელნათური მკრთალი.

იქ მელოდა სატრფო უნაზესი —  
და ჩავეყარ მკერდში — ვნებით მთვრალი.



ჭარი უსტვენს, ფოთლებში გაჰკივის,  
მუხა ამბობს, ისე თითქოს ჯავრობს:  
— ახ, რა გინდა სულელ ოცნებასთან,  
შენ სულელო, უცნაურო მეზავრო!

## 59.

ეშვება დაბლა ვარსკვლავი სწრაფი  
მაღალი ზეცის ლურჯი ტატნობით,  
ეს ვარსკვლავია სიყვარულისა  
ბევრჯერ ხილული, ძველი ნაცნობი.

სცვივა ვაშლის ხეს ფოთოლი უხვად  
და ყვავილები აფრაცხელა,  
მათ ცელჭი სიო ეთამაშება  
და ისმის ფრთების შრიალი ნელი.

ტბაზე მცურავი იმღერის გედი  
წყალს ალივლივებს ფრთების შერხევით,  
შემდეგ ანელებს სიმღერას იგი  
და ჩაეშვება სიღრმეში, ქვევით.

გამეფებულა სიბნელე ირგვლივ,  
ორთიან ფოთლები, ტოკავს ყვავილი,  
ირღვევა ცაში ვარსკვლავი უცებ,  
და სწყდება გედის სიმღერა ტკბილი.

თარ. გერმანულით ხ. ვარდოშვილისა

ბიციან ბაბიძე

## დავით გუგუშვილი და ვაჟა-ფშაველა

ვაჟა-ფშაველას პოეტურმა სახელმა სიცოცხლის მიწურულში მოუსწრო. ფშავესურეთიდან მომსკდარი პოეზიის ნიაღვარში უკვე გადმოსცდა „სალსა კლდეებსა“ და მეწყერივით ჩამოწვა ბარიან საქართველოში.

ამ დროს თითქო გამომშრალიყო პოეტური ნიადაგი ტფილისში და დედა-ქალაქი სიხარულით და აღტაცებით შეხვდა ვაჟა-ფშაველას დაუთოკავ შემოქმედებას.

აკაკი წერეთელი, რომელიც ყოველთვის განებივრებული იყო ხალხის სიყვარულით და სახელით, ეხლა უკვე გრძნობს ამ დევის სუნთქვას და ვაჟა-ფშაველასადმი მიძღვნილ ცნობილ ლექსში ცდილობს გაბზაროს ვაჟას დაგვიანებული დიდება.

ვაჟა-ფშაველა თავის პასუხში მოზუცი პოეტის შარის მოდებას არ მალავს და მოითხოვს „ქორების მოშორებას“, თანაც გაკვირვებული ჰკითხულობს: „რატომ არ ჰგუობს, არ ვიცი, მთის პანკს ბუნება ბარისაო“.

ვაჟას ეს ლექსი თითქო გვაგონებს პოლ ვერლენის სიკვდილის წინ ერუანტელით ატირებას: „ჩემო ძმებო, ჩემო ცუდო ძმებო, რისთვის დამივიწყეთ მეო“. ვერლენსაც ვაჟასავით გვიან ეახლა დიდება.

მაგრამ, თუ აკაკი წერეთელი ვაჟა-ფშაველას შემოქმედების ზენიტშიც უსაყვედურებს ენის სიწმინდის შერყვნას, რაც ჰამბურგის ანგარიშით თითონ პოეზიის დაწუნებას ნიშნავს, მეორე პოეტი, აგრეთვე გამთბარი ხალხის სიყვარულით და დიდებით და თავისი დროის გემოვნების კანონმდებელი ილია ჭავჭავაძე იმ თავითვე აღტაცებით ხედება ვაჟა-ფშაველას გამოჩენას ქართულ პოეზიაში, თითონ მოიხდის პოეტურ გვირგვინს და მოიდრეკს ქედს ვაჟა-ფშაველის წინაშე.

უეჭველია, ილია ჭავჭავაძისათვის ეს არ ყოფილა არც ხერხი და არც ფესტი — ეს იყო გულთმისნობით გაზომილი წინასწარმეტყველება, რომ ქართულ პოეზიას დევის ნაფეხურით მოზღვა ახალი გოლიათი და ნიკოლოზ ბარათაშვილის შემდეგ გასწია პოეზიის არე და განი.



ილია ჭავჭავაძის გამოცდილ თვალს არ დაემალა, რომ ვაჟა-ფშაველა მის თანამედროვე პოეტებზე „სამი ვაფურცელია ნაშლევა იდგა“ და რომ მას მოჰქონდა შეუვალ მთებიდან შეუტყობილ მთაგონება.

აკაკისა და ილიას ასეთმა, ერთი მეორის საწინააღმდეგო, შეხვედრამ უფრო დააბნია ქართული კრიტიკა და ვაჟა მან წარმოიდგინა ახალ გამოუცნობ სფინქსად.

ყველა კრიტიკოსი, ვინც კი შეჭებია ვაჟა-ფშაველას შემოქმედებას, აღნიშნავს, რომ ქართულ მწერლობაში მოულოდნელი იყო ვაჟას გამოჩენა, რომ მას არა ჰყოლია არც წინაპარი და არც მემკვიდრე დარჩენია, რომ მისი ფენომენი ჯერაც აუხსნელია.

ზოგ კრიტიკოსს ვაჟა-ფშაველა ჩამორჩენილ ადამიანად მიაჩნდა, თითქოს მას მხოლოდ მთის ხალხურ მოშაირეთავან აედგა ენა და იგი პირველყოფილი ადამიანის სიჯიუტეს ატარებდა, ზოგი კიდევ, უფრო ახალი ფორმალისტების სკოლით გატაცებული, ვაჟა-ფშაველაში ზედავდა სიმბოლისტს, ხოლო ყველანი ერთად ამტკიცებდნენ, რომ ვაჟა-ფშაველა ამოვარდნილია კლასიკური ქართული პოეზიის რგოლიდან.

რამდენიმე ხნის წინად არც ჩემთვის იყო ნათელი ვაჟა-ფშაველას პოეზიის სათავე და ვაჟა-ფშაველას ლექსთა სრული კრებულის წინასიტყვაობაში ამ ცნებათა არევაზე ვსწერდი:

— „ეს ჩვენში თითქო ვასაგებიც არი, რადგან, ილია ჭავჭავაძის არ იყოს, საქართველოში კრიტიკა ყოველთვის ჩამორჩებოდა მწერლობას. კრიტიკას ჰქონდა თავისი გათლილი ყალიბი და წინდაწინ შემუშავებული ფორმულები, რომელთა დაკანონებისთვისაც სხვა ქვეყნებში სულ სხვა ხალხი იბრძოდა. ვაჟა-ფშაველა კი ისეთი ცომისაგან იყო მოზეულილი, რომ არც ერთ ქვეყანაში ამის პურს არ სჭამენ... და გასაგებია, რატომ უპასუხა ვაჟა-ფშაველას გამოჩენას ასე დაბნეულად ქართულმა მწერლობამ“...

მართალია, ქართული პოეტიკის კვლევა-ძიება დღესაც არ გასცილებია პირველ ცდებს და დაუდგენელია ელემენტალური ნორმები, მაგრამ ჩვენი შეცდომა იყო, რომ მხედველობაში არ მივიღეთ თითონ ვაჟა-ფშაველას დეკლარაცია, რომელშიც მან უდიდესი გულწრფელობით და პირდაპირობით დაასახელა თავისი პოეტური წინამორბედი და გვანიშნა თავისი პოეზიის საწყისი. მე ვგულისხმობ ვაჟა-ფშაველას ლექსს, რომელიც მან დავით გურამიშვილის ხსოვნას მიუძღვნა.

ეს ლექსი არის ვაჟა-ფშაველას „Iart Pootic“. ამ ლექსში ყოველ სტრიქონს თავისი აზრი აქვს, იქ ნიუანსებით და ზოგან ფორმალეზებით მოცემულია ვაჟა-ფშაველას პოეტური აღსარება:



„შენ ჩემო წინამორბედო  
 უძვირესო პაპო.  
 შენ ახოდილს ვეამბორებო,  
 ლექსიც რამ დამიჩაპაო.  
 ნეტა რის მემუღარები,  
 სე რა ვიამბო აბო, —  
 ნამდვილო მამულიშვილო,  
 სამშობლოს ეკლის მკაფაო.  
 პოეტად ვიხსენიები,  
 თუმცა ხარი ვარ ლაბაო;  
 ჩემისთანები ბავებზე  
 ასო, ათასი აბო.

ტან-ფეხშიშველი დავდივარ,  
 ცოლს არ მიცვია კაბაო;;  
 შენი ცრემლებით მოვხარშე  
 ჩემი გრძობების ფაფაო,  
 აზგვარი საჭმლის კეთებას  
 დიდი სდომია ჯაფაო.

ვაფელე სული და გული,  
 როდის ხანია ველაპაო,  
 გაუთაეები ვამოდგა,  
 არც დამკარგვია მადაო,  
 ვიცი, არ გაიჯაერდები  
 და არცა მკითხავ, რადაო?  
 მას აქეთ ჩონგურს ვაფელერებ.  
 თანაც ლექსებსა ვჩმაბაო.  
 ჩემქმემად კიდევცა ვსტრიო,  
 რა დავიშალო მნახაო?  
 იქნება მადლობელიც ხარ,  
 იქნება არა მძრახაო.

გული დადნა და დანადგლდა,  
 მიხმება, შრება ხახაო.  
 დაროჭილი ვარ თქვენ წინა,  
 ვათ ერთი ვინშე გლახაო,  
 მიშველეთ, მოშაკლენინეთ  
 დელო რაც დამისახაო,  
 მაშინ თქვენ ნათელ სახეებს  
 მცე პირნათლადა ვნახაო!..“

უფრო აშკარად არ შეიძლება პოეტმა დაასახელოს და გამოამკლავ-  
 ნოს თავისი პოეტური ვინაობა, როგორც ეს ამ ლექსშია გამოთქმული.  
 მხოლოდ რაღაც გაუგებრობას შეეძლო ამ გულტყვლი ილსარების შემ-  
 დეგ კიდევ სხვაგან ეძებნა ვაჟას შემოქმედების სათავე. თვითონ პოეტმა  
 მაგისტრალი ხაზებით გახსნა და გაშალა თავისი გენიალოგია. ვაჟა-ფშა-  
 ველა ასე მიმართავს დავით გურამიშვილს:

„წენი ცრემლებით მოგხარშე  
ჩემი გრძნობების ფაფაო.“



ეროვნული

და ან კიდევ უფრო მიჭრილი და ლაპიდარი ფორმულა **ფშაველას**

„წენ ჩემო წინამორბედო,  
უძვირფასესო პაპაო!“

ამ მაგიური გასაღების შემდეგ ძალიან იოლი ხდება ვაჟა-ფშაველას და დავით გურამიშვილის პარალელების მოძებნა და ფარდა ეხდება ვაჟა-ფშაველას განმარტობისა და განყენების ლეგენდას.

ამჟამად მოვერიდებით დავასახელოთ ყველა ის ელემენტი, სადაც ერთმანეთს ხვდებიან ეს პოეტები; გვინდა შეცხერდეთ მხოლოდ ორ მაგისტრალ ხაზზე, საიდანაც გამოდინა შემდეგ სხვა დეტალები და შემავალი ნასკვები, რომელთაც მხოლოდ აღნუსხვა და რიგზე დალაგება უნდა.

ორი მთავარი ხაზი — ერთი ეროვნური და მეორე ხალხური — აერთებს და ანათესავებს დ. გურამიშვილს და ვაჟა-ფშაველას.

წარსულ საუკუნეში უდიდესმა პოლონელმა პოეტმა ა დ ა მ მ ი ც კ ე ვ ი ჩ შ ა მოგვცა ნაციონალური პოეზიის ფორმულა. სამშობლო მას უყვარს, ვინც ის დაკარგაო. ეს ფორმულა გამოჭრილია საქართველოს XIX საუკუნის პოეტებისთვისაც.

დღეს ჩვენ ვიცით, რომ ფეოდალური და ბურჟუაზიული პოეზიის ეს ფორმულა დაყირავდა, დღეს ჩვენ ვიცით, რომ სამშობლოს სიყვარული ნიშნავს ამ სამშობლოს მოპოებას და საკუთარი ხელით შეპქმნას, რომ სოციალისტური შინაარსი ეროვნულ ფორმას აძლევს ახალ სუნთქვას, ახალ სიცოცხლეს. ეს არის ახალი ადამიანის უპირატესობა. არა წარსულის რომანტიული გამოტირილი. არამედ მომავლისა და დღევანდელი დღის ბედნიერებით ამღერება და ის სულიერი პარამონია, რასაც ამყარებს განთავისუფლებული შრომა და მშრომელი კლასი. ხოლო ჩვენთვის დღეს უფრო გასაგებია წარსული ისტორია და დიალექტიკის მეთოდი უფრო ნათლად აშუქებს ამ წარსულის ტრავმებს. ამ მხრივ დავით გურამიშვილი წინამორბედი არა მარტო ვაჟა-ფშაველასი, არამედ ნიკოლოზ ბარათაშვილისა და სხვა დანარჩენი დიდი რომანტიკოსი პოეტებისა, რომელთაც ეროვნული ხედა აქციეს თავიანთი პოეზიის მთავარ მოტივად. დ. გურამიშვილის ბედი ძალიან მიაგავს დიდი ფლორენციელის დანტეს პედს, რომელმაც გამოიტირა თავისი სამშობლოს იტალიის დაქუცმაცება იმ დაცემის ეპოქაში, როცა რესპუბლიკები ერთმანეთს ებრძოდნენ და ანადგურებდნენ, როცა დანტემ თითონ გამოსცადა სხვათა კარზე გდება, მწარე პურის ჭამა, დამცირება და სირცხვილი.



დავით გურამიშვილი მომსწრეა ფეოდალური სერფთვე-  
ლოს აგონიისა და მან ეს აგონია ჯერ უნახავი ერუანტურად გვემოჩი-  
რა, — ეს არის ქართლის ბედი:

„ეთ მამალი სხვის მამალსა  
დაპტერდეს და წაეციდოს,  
მას სცემოს და თვით იცემოს,  
დაპქოროს და დაეციდოს,  
რა ორივე დაღალული  
ბაღმან პნახოს პირი ჰყიდოს,  
ეგრეთ ქართლი და კახეთი  
დარჩა თურქთა, ლეკთა, დიდოს!“

ჩვენ ვიცით, როგორ იწვინია დავით გურამიშვილმა სიყრმიდანვე ლე-  
კის ტყვეობა, როცა ლამის ყანიდან მოიტაცეს.

დავითის ტყვეობაში გოდება მართლაც ჰგავს დავით მეფსალმუნეს  
დიდ მოთქმას და ამ ხმაში ისმის სასოწარკვეთილი სულისკვთება ათასი  
ტყვე ქართველისა, რომელთაც ჰყიდდნენ ანატოლიისა და სტამბოლის  
ბაზარზე მონებად და ან სულს ლევდნენ, მთიელი ტომების ტყვეობაში.

თუ ნიკოლოზ ბარათაშვილი, ალექ. ჰავეჭავაძე  
და გრიგოლ ორბელიანი კიდევ ატარებენ ისტორიულ სა-  
ქართველოს ორგანიზლობას და მათში ცოცხალია სახელმწიფოებრივი  
ტრადიცია, თუ ბარათაშვილის „ბედი ქართლისა“ და დავით გუ-  
რამიშვილის „ქართლის ბედი“ ერთმანეთის პოეტური გამოძახებაა, —  
ილია ჰავეჭავაძისა და აკაკი წერეთლის ისტორი-  
ული პოემები მოკლებულია ამ დასაყრდენს, რაც აუცილებელი თავდუ-  
ბია ძლიერი ეპოსისა. ილიას და აკაკის ქართლის ბედი „ქართ-  
ლის ცხოვრებიდან“ ამოკითხული ქრონიკებია, მათ ისტორიულ გმირებს  
აშკარად ამჩნევიათ რომანტიული ბურუსი, მათ გმირებს აკლიათ უშუა-  
ლობა და მთელი პათოსით გადატანილი არიან წარსულში. ამიტომ არის,  
რომ აკაკისა და ილიას ეპიური შემოქმედება უფრო ცივია და  
ხშირად რიტორიკა ანელებს უშუალოთ განცდას.

ვაჟა-ფშაველამ პირდაპირ ჩამოართვა ხელი და ხმალი დავით  
გურამიშვილს, როგორც გურამიშვილი ხედავდა უცხოეთში  
გაბიზნული ფეოდალური არისტოკრატის წრეში, როგორ ლევდა სულს  
ქართველი „მალალი“ წოდება რუსეთის ბიუროკრატულ სახელმწიფოს  
კარზე, ასევე ნათლად დაინახა ვაჟა-ფშაველამ იმპერიალისტურ გარე-  
მოცვაში რუსეთის ბიუროკრატის უკანასკნელი იერიშები და მთის სა-  
ქართველოს, ფშავ-ხევსურთა არწივების ბუდეთა დანგრევა.

ვაჟა-ფშაველა განიცდიდა საშუალო საუკუნის მორალის დაპირდა-  
პირებას კაპიტალისტურ ეპოქასთან.

ხედავდა რომ ძველი ადათისა და ზნე-ჩვეულებებისაგან ათორბევნი რჩებოდა, და აქ მან, როგორც კერა დანგრეულმა და კერა გაპარტახებულმა დევთა ხელმწიფემ, საშინელი დრტვინვით შეუტია კანკარაობა და ძალას.

ლენინი უდიდესი გამჭრიახობით აღნიშნავს, თუ რა სიმაღლეზე მიდიოდა ლევ ტოლსტოი კაპიტალიზმის უღმობელ კრიტიკაში და როგორ ამხელდა ბიუროკრატიული რეჟიმის სიმკაცრეს, თუმცა მისი ზნეობრივი იდეალი დიდად იყო დაშორებული მუშათა კლასის რევოლუციურ იდეოლოგიას.

ვაჟა-ფშაველამ და სანდრო ყაზბეგმა, რომელთა ზნეობრივი იდეალიც დაშორებულიყო თანამედროვეობას, გაიმეორეს ეს გზა.

ლევ ტოლსტოის „პაჯი მურატა“ და ვაჟა-ფშაველას პოემებს შორის ყოველთვის შეიძლება პარალელის გატარება და იმის დამტკიცება, თუ რა პათოსამდე მიდის კაპიტალისტური წყობილების უარყოფა მისსავე წიაღში. ვაჟა-ფშაველა იმიტომ არის უდიდესი ეპიკოსი, რომ ორგანიულად გრძნობს ხალხურ ძირებს და პირველ წყაროს.

გოგოთურ და აფშინაზე, ალუდა ქეთელაურზე, ჯოყოლაზე და ძალღიკა ზიმაკაურზე, ზეიადაურზე და გულთმისან მინდიაზე, ბრძენსა და გველისმკამფაზე „ქართლის ცხოვრება“ არაფერს ამბობს. ეს უფრო მხედრული შაჰნამეა — წიგნი გმირობისა და ქედმაღლობის აპოლოგია. ვაჟა-ფშაველამ პირველად აალაპარაკა პოეზიაში სახალხო გმირები და შთაბერა მათ უკვდავი სული. ვაჟა-ფშაველა თითონ ამ ხალხის შვილია, მათი ბედის მონაწილე და აქი შესტირის დავით გურამიშვილს:

„ტან-ფეხშიშველი დავდივარ,  
ცოლს არ მიცვია კაბაო.  
ჩემისთანები ბაგებზე  
ასი, ათასი აბაო!..“

ვაჟა-ფშაველა სწორედ მეწყერია ამ ბაგებზე დაბმულ ლაბა ხარეზისა, მოაქვს ამ გაუტეხელი კოლექტივის ნიაღერის სიმძლავრე.

დავით გურამიშვილის დასახელებით ვაჟა-ფშაველამ თითონ გახსნა თავისი პოეზიის შიფრი და თავისი თავი დაუნათესავე „სამშობლოს ეკლის მკაფავსა და მოზარე“ დავითიანის ავტორს.

თუ ამ პირველ მაგისტრალზე დავით გურამიშვილსა და ვაჟა-ფშაველას შორის კიდევ სდგას ნიკოლოზ ბარათაშვილი, როგორც მესანგრე, რასაც უთუოდ გრძნობს თითონ ვაჟა-ფშაველა ბარათაშვილისადმი მიძღვნილ თავის ლექსებში, პოეზიაში ხალხური ენის შემოტანა და ლექსში პოეტური სახეების გამართვა ვაჟა-ფშაველას დავით გურამიშვილისგან აქვს უშუალოდ ათვისებული. აი სტრიქონები დავით გურამიშვილიდან:

1. „კიდევ შევხედე, გავშინჯე  
გარჩევით დავინახე,  
თავთ იაღქანნი ქალთანი  
დევთა რქად გამოვსახე.“
2. „რა რომ სთქვეს პურის სახელი  
მე იმან მომიფონაო.  
ამ სიხარულმა დამშალა  
ჯივრით შეკრული კონაო“.
3. „მეხო, ქუხილის ისარო,  
მტერთ გულზე დასარკობელო“.
4. „მოვე ღვთისავე, შთაო პოხილო,  
დავითის საგალობელო“...

სრულიად არ არის საჭირო იყოს კაცო დაოსტატებული სახეების, ეპიტეტებისა და რიტმის ანალოგიების ძებნასა და მისადაგებაში, რომ აღმოაჩინოს ამ ლექსში ვაჟა-ფშაველას და გურამიშვილის ნათესაობა.

თვით ვაჟა-ფშაველას შაირი პირველად გურამიშვილის აქვე გამართული ხალხურ მოტივზე.

დ. გურამიშვილის პოემაში „მზიარული გაზაფხული“ ათარებელი ადგილია, რომელთა შედარებაც ვაჟა-ფშაველას პოემებთან აშკარად დაამტკიცებდა, რომ ვაჟა-ფშაველას არა ერთგვარი პოეტური თავდაბლობით და საკუთარი შემოქმედების განზრახვი დამციროებით უთქვამს თავისი გულწრფელი აღსარება, ლექსი „დავით გურამიშვილის ხსოვნას“ განდობაა ოსტატისა ოსტატისადმი.

დავით გურამიშვილის პოეზიასთან დანათესალება და სათავის გახსნა სრულიადაც არ უკარგავს ვაჟა-ფშაველას დიდი ოსტატისა და ხალხური პოეზიის საკუთარ შემოქმედებაში გადატანის დამსახურებას. ამ მხრივ ვაჟა-ფშაველა რაფიერ ერისთავსაც ენათესავება: „სამშობლო ხევსურისა“ პირველი მანიფესტია „მთის პოეზიაში“. მხოლოდ ვაჟა-ფშაველამ უდიდეს სიმალლემდის აიყვანა ის, რაც მის წინამორბედებს ნიშანდობლივად ჰქონდათ.

ქართული პოეზიის ჯაჭვში ვაჟა-ფშაველას რგოლის მონახვა სრულიადაც არ უშლის მის საკუთარი სახის გამოჩენას, პირიქით, ის უფრო ამტკიცებს მის დიდ სახელს და უკავშირებს ქართული პოეზიის ურყევ საფუძველს, ნიადაგსა და სამყაროს, რომელიც ყოველთვის გვეკონდა „უთვალავი ფერითა“.

ა. ლუღუჩავა.

## აკაკი წერეთლის ჩაღიზი

1859 წელს ჟურნალ „ცისკრის“ ნოემბრის ნომერში დაიბეჭდა ლერ-  
მონტოვის ლექსი: „შტო პალესტინისა“, თარგმანს ხელს აწერდა  
ს-ლ. ი. ეს იყო აკაკი წერეთლის სამწერლო დებიუტი.

1915 წლის 6 იანვარს სიცოცხლის უკანასკნელ დღეებს მიახლოვე-  
ბული ჭაღარა პოეტი პოემა „ომის“ დასასრულის სახით უკანასკნელ  
სტრიქონებს სწერდა. პოემა დასრულდა. დადლილი, დასუსტებული,  
ოჯახური მდგომარეობით აღელვებული მგოსანი საწერ მაგიდიდან სა-  
რეცელს ეწვია. ხუთი დღის შემდეგ გართულებულ ავადმყოფობას დამ-  
ბლა დაემატა — პოეზიის „პატრიარქს“ სხეულის მარცხენა ნაწილის მო-  
ძრაობა და თავისუფალი მეტყველება წაერთვა. სიკვდილ-სიცოცხლის  
ჭიდილი რამდენსამე დღეს გაგრძელდა. 1915 წლის 8 თებერვალს ლა-  
მის 12 საათსა და 55 წუთზე სიცოცხლე დამარცხდა: 33 დღის წინად  
„ომის“ სტრიქონებთან ომში ნახევრად დაფერფლილი დიდი პოეტი სამუ-  
დამოდ დაღუპდა.

აღნიშნულ თარიღებს — 1859 — 1915 წლებს შორის თავსდება აკაკის  
შემოქმედების გზა. დიამეტრალურად მოწინააღმდეგე ეპოქებს ეკუთვნის  
ეს დატეხი: პირველი — სამოციანი წლების უღელტეხილს, როცა ჯერ  
კიდევ ბატონობდა ფეოდალური ურთიერთობის ბორკილები, მეორე —  
მსოფლიო იმპერიალისტური ომის ქარიშხლიან წლებს, რევოლუ-  
ციის რკალით რომ დამთავრდა. გარდამავლობის, კონტრასტების, სოცია-  
ლურ ძალთა ვადაჯგუფების, კლასობრივი ანტაგონიზმის გამძაფრე-  
ბის მთავარეხილები აკავშირებენ ერთმანეთთან ამ პოლუსებს. ეს უაღ-  
რესად მღელვარე და ცვალებადი სოციალური ვარჯიშო გარკვეულ პრო-  
ცესს დაედო საფუძვლად მწერლის შემოქმედებაშიც. მართალია, აღ-  
ნიშნული პროცესი არ შეზღუდოდა დიდი ლირიკოსის ძირითად იდეებს, მაგ-  
რამ მათი გამომხატვის ხასიათი, სხვა სიტყვებით: მათზე აგებული პოე-  
ტის პოზიცია უდაოდ ვანიცდიდა ცვლილებას სოციალური სიტუაციის  
მიმართებასთან დაკავშირებით. ამ ცვლილების ბუნების გამორკვევა წარ-  
მოადგენს აკაკი წერეთლის შემოქმედების სოციალოგიის ერთ-ერთ ძი-

რითად პრობლემას, რომელსაც დღემდე მხოლოდ განსვენებულმა სიმონ ზუნდაძემ მიაქცია ყურადღება.

„სად მოენახო ნამდვილი ქართველი?“ — ასეთი იყო პირველი კითხვა, რომელიც ახალგაზრდა აკაკიმ ჯერ კიდევ სამშობლოში დაბრუნებამდე თერგს იქით მყოფმა დასვა. შემთხვევითი არ იყო ამ პრობლემის აკაკის მიერ წამოყენება. იგი მისი ორგანული ძირითადი იდეებიდან მომდინარეობდა. დამახასიათებელია, რომ ეს მომენტი წარმოდგენილია მგოსნის პირველ პოლემიკურ წერილში, რომელიც „ახირებულ იყურებს“ სათაურით 1862 წელს დასწერა ე. წ. ე. თ. ლ. ის წინააღმდეგ და იმავე წელს გამოქვეყნდა „ცისკრის“ მაისის ნომერში მესამე თერგდალეულის ფსევდონიმით. აღნიშნულ წერილში მოყვანილ სიტყვებს შემდეგი კონტექსტი ავრძელებს: „ამ თერგ გამოღმა ძველ ქართველებს მივბაძო, რომლებიც აღარ არიან, თუ ახალს ჭრელაძეებს? ჭრელაძეები ვინ არიან? გაკვირვებით მკითხავთ. ვანა არ იცით?“

„ქართულზედ რომ ხელს იღებენ,  
ვეღარც რუსულს ახერხებენ.  
ულვაშებს ემტერებიან.  
რუსულად ბაკებს უშვებენ.

ქართულ ენას არად ხდიან,  
შვილებს რუსულადა ზრდიან,  
ტრეტიაკოვსკის აქებენ  
და რუსთველს კი დასცილიან  
ეს გაზღაფან ჭრელაძენი,  
საქართველოს ფუჭი ძენი,  
უსწავლელი სწავლულები,  
კატრი-კროზნი, სულელ ბრძენი“. და სხვა.

უკვირებულ სტრიქონებში, პოეტის თანამედროვე საქართველოს ეროვნული მდგომარეობის დახასიათებასთან დაკავშირებით, „მამების“ წინააღმდეგ მიმართული ვესლი და შხამია ჩამარხული. აკაკის ეს გალაშქრება ძველი თაობის წინააღმდეგ არ იყო არც პირველი, არ უკანასკნელი: ათეული წლების მანძილზე იგი ლიბერალურ-პატრიოტული იდეების პოზიციიდან დაუნდობლად ებრძოდა ფეოდალური კონსერვატიზმის წარმომადგენლებს. ამ ბრძოლის ძირითად მომენტს (საფუძველს) ეროვნული პრობლემა წარმოადგენდა. აღნიშნული მოტივი თაობათა ბრძოლაში, სხვა თერგდალეულებთან შედარებით, აკაკიმ განსაკუთრებული სიმკვეთრით განავითარა, ამასთან არა მარტო ამ სფეროში: გასული საუკუნის არც ერთ ქართველ მწერალს ეროვნული პრობლემა ისეთი სიღრმით, ისეთი სისრულით, ისეთი ორგანულობით არ განუცდია და

არ გამოუხატავს, როგორც აკაკის, მხატვრული სიტყვისა და იდეების ამ დიდ ოსტატს.

„ჩემი ხატაა სამშობლო,  
 სახატე სიღლი ქვეყანა“...

ანდა.

„ცაფირუზ-სმელეთ ზღრმეხტო  
 სულის ჩამდგმელო მხარეო,  
 შენი ვარ, შენთვის მოკვედები,  
 შენზევე მგლოფიარეო!“

ზღეროდა იგი და ამ პოეტურ თქმებში სწორად გამოხატავდა თავისი იდეების, შემოქმედების მთავარ ობიექტს, ძირითად მაგისტრალს.

მაგრამ აკაკის ეპოქა, ისევე, როგორც მეცხრამეტე საუკუნის პირველი ნახევარი, ისეთ პერიოდს წარმოადგენდა, როდესაც ეროვნული პრობლემის ასეთი სიმკვეთრით დასმა შინაგანი აუცილებლობით გულისხმობდა, როგორც მთავარ მომენტს, საქართველოში რუსეთის თვითმპყრობელობის ბატონობის მიმართ გარკვეულ პოზიციაზე დგომას. ამ შრივ აკაკი თავიდანვე ოპოზიციური თვალსაზრისის მატარებელი იყო. ამიტომ მისი შემოქმედების ძირითადი ხაზიც უკანასკნელი წლების გამოკლებით, მიემართებოდა თვითმპყრობელობის რუსეთის კოლონიური პოლიტიკის ბატონობის წინააღმდეგ. ეროვნულ თემაზე აგებული პირველი ლექსი—„ნავი“, დაწერილი 19 წლის მგოსნის მიერ 1859 წლის 25 მარტს, ამ გზაზე გადადგმულ პირველ ნაბიჯს წარმოადგენდა. დამახასიათებელია, რომ „ნავის“ ნაბეჭდი ტექსტი (დაბეჭდა „ცისკრის“ იმავე წლის სექტემბრის ნომერში), ცენზორის თუ მისი შიშით ჟურნალის რედაქტორის მიერ გადაკეთებისა და დამამთავრებელი სტროფის მოკვეცის გამო, ისეთ თვალსაზრისს შეიცავს, რომლის მიხედვითაც ახალგაზრდა ავტორი გვევლინება იმ ეპოქაში მეტად გავრცელებული სამშობლოს ბედის მეფის ტახტთან დამაკავშირებელი შეხედულების გამომხატველად.

„დამორჩალა ხვამალდა ნებით  
 დიდს სურვილით და განსვენებით,  
 მისა შემდეგ აქეს მწეადობაი ნავს  
 და მვენებელიც აღარაინ ჰყავს!“\*)

ასე მთავრდება ეს ლექსი „ცისკარში“, მაგრამ, როგორც საქ. მუზეუმის ხელნაწერთა განყოფილებაში დაცული ავტოგრაფიდან და მოკვანილი სტროფის მხატვრული ანალიზიდან ირკვევა, „ნავის“ ასეთი დასასრული აკაკის არ ეკუთვნის. იგი შეცვლილია ცენზურული პირობე-

\*) „ცისკარი“, № 8, 1859 წ. ლექსი :ლეგორიულთა: „ხვამალდად“ ნაგლისხბე-  
 ლა ჩასეთი, ხოლო „ნავად“ საქართველო.  
 9. „შნათობა“ № 8.

ბის გამო იმ ოპოზიციურ იდეებისათვის, რომლებსაც ორიგინალურ შე-  
იკავდა. დასახელებული ავტოგრაფი შემდეგი სტროფებზეა:

„დაემორჩილა ხვამალდა ნებით,  
დიდის სურვილით და განსვენებით,  
მის შემდეგ ვითომ აქვს მშვიდობა ნავს  
და მავნებელი აღარავენ ჰყავს.  
მართალი არის, გარეშე მტერი  
მოშორდა იმ ნავს, აღარადა ჰყავს.  
მაგრამ ვაი, რომ თვით ის ხვამალდი  
მას თავზე აყრის მტერსა და ნავავს.“

ამ სტრიქონებში აშკარა პროტესტია მოცემული საქართველოში რუსეთის თვითმპყრობელობის ბატონობის წინააღმდეგ. ეს პროტესტი პრინციპულად საწინააღმდეგო პოზიციას შეიცავს „ცისკრის“ ნაბეჭდ ტექსტში წარმოდგენილ იდეებთან შედარებით. და, ალბათ, „ნავის“ ასეთი დამახინჯების გამო სწერდა აკაკი 1860 წ. 25 აპრილს პეტერბურგიდან დედას: „მე და კერესელიძე როგორღაც ვერ მოვეწყვეთ და ლექსებში წამიხდინა, თავისებურად გადააკეთა და შარშან სექტემბერს აქეთ აღარაფერს უგზავნი“.\*)

ამრიგად, როგორც „ნავის“ ორიგინალის მიხედვით გამოირკვეა, ახალგაზრდა მგოსანს თავიდანვე ღრმად სწამდა, რომ რუსეთის ცარიზმის დახმარება სამშობლოს „ნავისათვის“ იმავე დროს თავზე მტერისა და ნავის ყრას ნიშნავდა. ეს ფაქტი, როგორც სამშობლოს „ტანჯვის“, „დამცირებისა“ და „გატალახიანების“ საფუძველი, არა ერთხელ გადაიქცა პოეტის ცრემლისა და კენესის მიზეზად.

„უკი, ცრემლი მამა კაცსა  
შეარცხენს და არ შეშვენის,  
მაგრამ ის სჯობს, ჩემად ტანჯვას,  
ცრემლი ვღვარო. არა მრცხენის!  
ნურვინ სედილობს იმ ცრემლებში  
ნახოს კერძო სიყვარული!  
იქ იქნება საიდუმლო,  
გულ-გამხეთქი დაფარული!  
ყოველს წვეთში ნიშანს ნახავს,  
ქართლის ტანჯვის გამოხატველს,  
და შწარქსა ნაკადულში  
გრძელ მოთხოვას გულის დამწველს.  
ეჰ, მტურანე, დაჰკა, დაჰკა!  
ეგებ დასდნეს მწუხარება  
და ჩემთ თვალთა ვადმოსწერონ  
ნაღვლიანი მდღლარება.“

\* ამ წერილის ავტოგრაფი დაცულია ქუთაისის მუზეუმში.



ასე სწერდა აკაკი ჯერ კიდევ 1863 წერს. \* მას შემდეგ, როდესაც მონად ქცეულ სამშობლოს<sup>1</sup> ბედით აფორიაქებული არა ერთხელ იმხედრებულა სიცოცხლის წინააღმდეგ, ათასი განცდით აკენესებულს არა ერთხელ უმღერია „ბედის არ წერისა“ და ყოფნის დაისის ცრემლიანი სიმფონია; ბრაზით ანთებული სატრფოსაც შეჯახებია, უთქვამს: „ფურთხის ღირსი ხარ შენ საქართველო“-ო და სხვა. მაგრამ ეროვნული განთავისუფლების იმედი არსებითად მაინც არასოდეს არ დაუკარგავს, მაინც არ მისცემია უიმედობას და არ დაკმაყოფილებულა მარტოოდენ ცრემლების ღვრით. ეს მომენტი სამოციან წლებში დაწერილ ნაწარმოებთა შორის, არსებული ეროვნული დაცემულობის ჩვენებასთან ერთად, განსაკუთრებული სიმკვეთრით ეღერს 1862 წელს დაწერილ ლექსში: „პასუხი ილია მამაცაშვილს“.

უფრო მეტი ოპტიმიზმი და ბრძოლის სურვილით გატაცებაა მოცემული ერთი წლის შემდეგ დაწერილ „სიმღერაში“, რომელიც ცენზურული პირობების გამო, „ცისკრის“ 1863 წლის თებერვლის ნომერში შემდეგი სათაურით დაიბეჭდა: „დიდი კნიაზის მიხეილ ნიკოლოზის ძის მობრძანების დროს ახალი შთამომავლობა უმღერის საქართველოს“.

საწევოვო ძველთა ძველო,  
 დღეს სწულეო გულის მწველო,  
 გამჭნაბი გუჯეს ძველი ქება,  
 ვით ზაფხულში მზისგან მდუღო...  
 მაგრამ აწ-კი დრო მოვიდის,  
 გამოცოცხლდი საქართველო...  
 ამდენის ხნის მწუხარება,  
 ნახე, მალე გავცურება...  
 დრო მოვიდის, გაიღვიძე,  
 თურომ გინდა ნეტარება.  
 კმარა ამდენი ხნის ძილი,  
 გაიღვიძე, გვექცარება!..  
 წინა წავალთ შენი ძენი,  
 გვესურს ახალ დროს უღოთ ბუნეი,  
 და დავსთხოთ წმინდა სისხლი,  
 რომ ვავებანოთ ძველი სენი!..  
 ! ზა ვართ, მსხვერპლად შეგვიწირე,  
 აზღვე, შემოირტყე წენი,“ და სხვ.

ასეთია ამ ლექსის დამახასიათებელი სტროფები. მოყვანილი ფაქტები, რაც ამ მხრივ არსებული დოკუმენტების მხოლოდ ნაწილს წარმოადგენს. გარკვევით მიგვიჩივებენ იმაზე რომ აკაკი, როგორც აღინიშნა, თავიდანვე მტრულად იყო განწყობილი რუსეთის თვითმპყრობელობის მიმართ და „გაერთიანე-

\*) იხილე აკაკის ლექსი „შეჩასტა“. პირველად დაიბეჭდა 1863 წ. „ცისკარში“.





ბით“, „სიხსლის ნთხევეით“, „თავდადებებით“ ცდილობდა, „ახალი დროის“ სამშობლმანქანების დღეობის ბჭენი ეღო.\* მით უფრო და და რადიკალური ხდებოდა პოეტში ასეთი ჭანწყობილება, რაც უფრო შორდებოდა იგი სამოციანი წლების უღელტეხილს. გადაჭარბებული არ იქნება, თუ ვიტყვით, რომ არც ერთ ქართველ მწერალს ეროვნულ ნიადაგზე ისეთი სასტიკი, აშკარა და დაუნდობელი ბრძოლა არ უწარმოებია თვითმპყრობელობასთან, როგორც სამოციანი წლების ამ დიდ ოპოზიციონერს, რომელსაც სამშობლოს უბედობა პირად ტანჯვად გადაეცა. როგორც აღვნიშნეთ, ხშირად არის ეს ბრძოლა უიმედობითა და ცრემლით აფერადებული, მაგრამ ოპტიმიზმის, ბრძოლისაკენ მოწოდების ხარის რევაც იმდენად მძლავრად ისმის მისი სიღრმიდან, რომ აკაკი უკანასკნელი პერიოდის გამოკლებით, არსებითად მაინც გარკვეულ შე-

\*) მოყვანილი ლექსის მიხედვით განსვენებული სიმ ხუნდაძე „ნათობში“ გამოქვეყნებულ ნარკვევში დასკვნის, თითქოს აკაკი სამოციანი წლებში იმ ეროვნული შეხედულების საფუძველზე მდგარიყო, რომელსაც პოეტი-სარდალი გრიგოლ ორბელიანი გამოხატავდა.

„უცე სათური ლაპარაკობს ლექსის პოლიტიკური აზრის შესახებ. — სწერს ხუნდაძე. — მკითხველმა უნდა იცოდეს, რომ იმ ხანებში მეფის მოადგილედ კავკასიაში, ბარათინსკის ნაცვლად, დაინიშნა დიდი მთავარი მიხეილ ნიკოლოზის ძე და სწორედ ამ ფაქტს გაიოქმევია წერეთლის ლექსი“... „ეს მოტივი. — განაგრძობს მკვლევარი ლექსის ზოგიერთი სტროფის მოყვანის შემდეგ. — აუცილებლად გაგრძელება იმ ეროვნული მოტივისა, რომელიც გამოფეხებული იყო მე-19 საუკუნის პირველი ნახევარს პოეზიაში და რომლის საუკეთესო გამოხატველი იყო გრიგოლ ორბელიანი. ამ მოტივის მთავარი შინაარსი იმ შეხედულებიდან მომდინარეობდა, რომ რუსეთის თვითმპყრობელობა არის ერთად-ერთი საფუძველი საქართველოს აღორძინებისა“, და სხვა (იხ. „ნათობი“, 1930 წ., № 2-3, გვ. 224).

მართლაც, ამ ლექსის „ცისკარში“ დაბეჭდილი სათური („დიდი კნაზის“...) გარკვევით იძლევა ასეთი დასკვნის საფუძველს. მაგრამ, როგორც გახ. „საქართველოს“ 1908 წლის მეხუთე ნომერში მოთავსებულ აკაკის მოგონებიდან ირკვევა ეს სათური არ ეკუთვნის თვით პოეტს.

ერთხელ, — ვკითხულობთ „3 მოგონებაში“, — ევრესელიძესთან მივედი. გახარებული დამხვდა: გაეაშვებინე შენი ლექსიო! დიდ უარზე კი იღვა, სანამ სათური არ გამოუცვალეო და „სიმღერის“ მაგიერ ასე დაეაწერო: „დიდი მთავრის მობრძანების დროს ახალი თაობა უგალობს საქართველოს.“ აი, ხერხს რა შეუძლიანი! ლექსი სრულიად გაეაშვებინე და სათური რაც უნდა, ის იყოსო! მოჰყვა კითხვას: „სამეფო ძველთა ძველო“ და სხვა“.

ამ ცნობას თვით ლექსის შინაარსისა და სათურის წინააღმდეგობაც იდასტურებს. ამრიგად, ხუნდაძის მოსაზრება, თითქოს აკაკი სამოციანი წლებში გრიგოლ ორბელიანის ეროვნულ თვალსაზრისის საფუძველზე მდგარიყოს, არ ეთანხმება ისტორიულ სინამდვილეს.



ამბოხედ, მებრძოლი პატრიოტიზმი ყველაზე რელიეფურ და რბიერ-ტურად პროგრესიულ წარმომადგენლად გვევლინება. თვითმპყრობნულ რუსეთს ასე მიმართავდა პოეტი:

„შენი ტყვე ვარ, მაგრამ ჩემ გულს  
ანუგეშებს ის იმედი,  
რომ ოდესმე შენს ცხრაკლიტულს  
მთლად დაღწევს ჩემი ბედი!“ \*)

ოთხმოციანი წლების მიჯნაზე ასე გამოხატავდა აკაკი თავის მტრულ დამოკიდებულებას რუსეთის მიმართ ლექსში „ნაძალადეგ საქმროს“. ამავე პერიოდში პოეტმა სამშობლოს ეროვნულ გაზაფხულად აღიარა და აღტაცებით შეხვდა იმპერატორის მკვლელობას. ასეთივე პოზიციას გამოხატული სხვა ფორმაში ჩვენი საუკუნის დამდეგს დაწერილ „გამოტეხილ სიტყვაში“.

აკაკი უმღერდა ყველაფერს, რაც მტერს ასუსტებდა, რაც მტრის წინააღმდეგ იყო მიმართული. მეორე მხრით, დაუნდობელი იყო მისი ბრძოლა ყველა მათ მიმართ, ვინც მტრის მიერ „გამურულ და გატალახიანებულ“ სამშობლოს ბედს პირად კარიერაზე სცვლიდა, მეფისა და იმპერიის ერთგულებას ფიცულობდა.

ეროვნული განთავისუფლების ერთადერთ გზად მხოლოდ ბრძოლის, ამბოხების აღიარება — ჯანსაყთობიერი სიმკვეთრით გამომეღაცნებული „სამამი“. ეს ლექსი რელიგიური სამოსლით შეიცავს აღნიშნულ ოპოზიციურ-პროტესტანტულ პოზიციას: პოეტის რწმენა ქრისტეს და რიგებაშია გადმოცემული. ქრისტე კი დედოფლის შეკითხვაზე „ქართველთა განსაცდელის“ ირგვლივ, სხვათა შორის, შემდეგ პასუხს იძლევა:

„ქრისტე ამტანი ვულჯრილად  
თივს რისთვის უდებს სატანას?  
„ეპიებდეთ და კპოვებდეთ“,  
ასე არ ვამცენ ქვეყანას?!  
აბა, ეძიოს იმანაც  
საერთო ამბოხებითა,  
თუ არ იპოვნის, რაცა სურს  
ლეთისმშობლის მეოხებითა“.

კომენტარიებს არ ვურთავთ. ციტირებული სტროფები აშკარად გამოხატავენ მხატვრული სიტყვის დიდი ოსტატის ტკივილებსა და მემამო-

\*) იხ. ლექსი: „ნაძალადეგ საქმროს“. ეს ლექსი პირველად სხვა ვარიანტით დაიბეჭდა 80-იან წლებში გამოცემულ ერთ-ერთ კრებულში. დაწერილია იმავე პერიოდში (დაახლოებით 1880 წლის შემდეგ). ციტირებული ვარიანტი შეცვლილი სათაურით პირველად გამოქვეყნდა ს. გორგაძის და ს. აბაშელის რედაქციით გამოცემულ რჩეული ნაწერების IV ტომში. (იხ. ამ ტომში მოთავსებული ლექსი: „თვითმპყრობნულს“).

ხე სულს. ესევე მომენტი ზოგად, მაგრამ პოეტის წარსულისათვის შეტად დამახასიათებელი ფორმით წარმოდგენილია 1905 — 1910-იან წლებში(?) დაწერილ ლექსში — „იონა ბრინჯიანის“:

„ყოლიც რუსი მყავს, შვილიც რუსი მყავს  
და სვე რუსეთში დავკალარავდი,  
მიყვარდა რუსი, მაგრამ მის ნაკლს-კი  
ვალეიარებდი... ევრა ვფარავდი!  
ევგობდი მის წარსულს, ეწვევილდი აწმყოს,  
მძულდა მთავრობა ბიუროკრატია“

აკაკის ამ ბრძოლამ რუსეთის ცარიზმის წინააღმდეგ თავისი განვითარების უმაღლეს და უკანასკნელ მწვერვალს 1905 წლის რევოლუციის პერიოდში მიაღწია. ამ ეპოქის ეს განსაკუთრებული და თავისებური გაბრძოლება გარკვეულ საფუძველს ემყარებოდა. ამ საფუძველზე და რევოლუციისადმი პოეტის დამოკიდებულებაზე ქვემოთ შევჩერდებით. ამჟამად კი ხაზი უნდა გაესვას იმ ფაქტს, რომ რუსეთის ცარიზმის წინააღმდეგ აკაკის ბრძოლას მხოლოდ ეროვნული დამოუკიდებლობის პრინციპი ედევასაფუძვლად. ეს პრინციპი მგონის აზროვნებაში არ უპირისპირდება რუსეთთან საქართველოს შეერთების დროს დადებულ ხელშეკრულებას, პირიქით, პოეტის უკმაყოფილებისა და პროტესტის ობიექტს ამ ხელშეკრულების დავიწყება, დარღვევა წარმოადგენდა. „არა ჩვენ ჩვენნი წინაპრების ანდერძის წინააღმდეგი არავართ, — სწერდა იგი ერთ-ერთ წერილში — დღესაც იმას მოვითხოვთ, რასაც იმათ პირდებოდენ და ისინი მოელოდნენ: ენას, რჯულს და ეროვნულ დამოუკიდებლობას“ (კურსივი ჩემია — მ. დ.).

ასეთი იყო აკაკის ეროვნული მისწრაფებებისა და რუსეთის თვითმპყრობელობის წინააღმდეგ ბრძოლის ძირითადი პრინციპის სუბიექტურ საფუძველი. ამ მომენტს ემყარებოდა აგრეთვე აკაკის შემოქმედებაში საკმაოდ მძლავრად წარმოდგენილი წარსულის — ძველი საქართველოს რომანტიკა. ამ მხრივ საკმაოდ გავრცელებული შეხედულება, თითქოს აკაკი თავის შემოქმედებაში რომანტიზმის მომენტებს იმეორებდეს, მართებული არ არის: აკაკი წარსულს თანამედროვეების თვალსაზრისით უცქეროდა და არა რომანტიკოსის თვალთ. იგი აიდივალბდა ძველ საქართველოს, ხოტბას ასხამდა მის წარმომადგენლებს („გმირებს“) არა ძველის რესტავრაციისათვის, არამედ თვითმპყრობელური რუსეთის წინააღმდეგ მიმართული მებრძოლი ეროვნული იდეების აგტირების მიზნით.

„რაც ყოფილა, დღეს არ არის,  
რაც დღეს არის, ხვალ ნულა კქნას!“

ასე სწერდა აკაკი ოთხმოციან წლებში\*). ცხადია, ამ სტრუქტურის ავტორს არ შეეძლო რომანტიზმის ორტოდოქსალური იდეებზე ექსტრაგა-ამავე დროს ეს სრულიადაც არ უშლიდა პოეტს ჰქონოდა წყნარად დიდი სიყვარული, აღტაცებული თვალთ ეცქირა მისთვის. მიოთხად მომენტს, რომელიც მას ასე იტაცებდა საქართველოს წარსულიდან, წარმოადგენდა ეროვნული დამოუკიდებლობა და ამ დამოუკიდებლობისათვის „მამულიშვილთა თავდადებული“ ბრძოლა. ისტორიულ თემაზე აც-ბულ თითქმის ყველა მის ნაწარმოებში უმთავრესად მხოლოდ ამ მომენტს აქვს გასული ხაზი თანამედროვეობასთან დაკავშირებით. წმინდა ისტორიზმი ანდა მისი სრული სახით აღდგენის იდეა აკაკის არც ერთ ნაწერებში არ ახასიათებს. შეიძლება მეტიც ითქვას: აკაკის შემოქმედებაში ასახული ისტორიული საქართველო წარმოადგენდა, ერთის მხრივ, მისი დროის საქართველოში თვითმპყრობელურ რუსეთის ბატონობის წინააღმდეგ ბრძოლის თავისებურ ფორმას, მხოლოდ მეორეს მხრივ — სააგიტაციო საშუალებას თანამედროვეთა შორის, ისინიც წინაპრებივით გამოქომაგებოდნენ „დაცემულ ქვეყანას“.

მგოსნის ასეთ დამოკიდებულებას წარსულისადმი, სხვათა შორის, ეს გარემოებაც იწვევდა, რომ მას არ გააჩნდა გარკვეული სოციალური და-საყრდენი ეროვნული თავისუფლებისათვის ბრძოლაში. პრიჭით, მისი პოზიცია ამ მხრივ ცვლილებას განიცდიდა ისტორიულ ვითარებასთან დაკავშირებით. ამ ცვლილებათა მთავარი შტრიხები, რომელთა შესახებ უფრო დაწვრილებით გვექნება საუბარი, ზოგადად ასეთია: თუმცა აკაკი სამწერლო ასპარეზზე გამოსვლიდანვე ეჭვის თვალთ უყურებდა და კრიტიკულად ეპყრობოდა თავად-აზნაურობას, ამჟღავნებდა და გმობდა მის ეროვნულ გადაგვარებას, მაგრამ გამოსწორებას მაინც მოელოდა; იგი ყოველთვის ეროვნული მთლიანობის პრინციპს აყენებდა. მომდევნო წლებში (1880-იანი წლების მიჯნამდე) პოეტი დარწმუნდა, რომ ამ ეროვნულ თლიანობაში თავად-აზნაურობას აღარ შეეძლება კვლავ ძი-რითადი, ნამყენი ფენა იყოს: ცხოვრების ლოგიკამ, მგოსნის სიტყვებით რომ ვთქვათ, „უცხო ძალის ბატონობამ“ იგი „დასცა, გადააგვარა“, უი-ნიციტიეო ძალად, „მტრის მონად“ აქცია — პირადი ინტერესების ნა-ქუტქში ჩაქცა. მის ადგილზე აკაკის თვალმა ახალი ძალა, — „მუშათა ერი“ შეამჩნია. ეს მოხდა ოთხმოციანი წლების გადასასვლელზე. ამ რწმე-ნამ კი, პირველად შედარებით მკრთალად რომ მეღვენდებოდა 1905-იან წლებში რევოლუციასაც დაუკავშირა; მშრომელი ხალხი, რევოლუცია რევოლუციის პერიოდში — ეს მომენტები მიაჩნდა მას ერის ძირითად (წამყვან) ძალად სამშობლოს განთავისუფლებისათვის ბრძოლაში. რეა-

\* ) იხ. აკაკის ლექსი „ახალი გზა“. პირველად დაიბეჭდა „დროების“ 1880 წლის 23 ოქტომბრის ნომერში.

ქციის გამარჯვების შემდეგ მოხუცმა მგოსანმა ეს გზაც უარყო, ხოლო მხოლოდ ომის ატმოსფეროში სოციალურ დასაყრდენ გამოცდილმა და ბრძოლაზე გულგატეხილმა პოეტმა სამშობლოს ჩაგვრეულ დასახლებულ თვით მჩაგვრელ ძალას — რუსეთის თვითმპყრობელ იმპერატორის იმპერიალისტურ ომში აღებულ „ეროვნულ პოლიტიკას“ დაუკავშირა. ამ რწმენით ჩავიდა იგი სამარეში.

აკაკის უთანხმოება თანამედროვეობასთან არ ისაზღვრება მხოლოდ თვითმპყრობელობის წინააღმდეგ ბრძოლით. პოეტი ასეთსავე ბრძოლას ეწეოდა თავისი ეპოქის თავად-აზნაურობისა და სასულიერო წოდების გადაგვარების წინააღმდეგ. რასაკვირველია, ამ ბრძოლას საფუძვლად არ ედვა არც რელიგიის და არც იმ პრინციპის უარყოფა, რომელსაც წოდებათა არსებობა ეყრდნობოდა. ამ მხრივ მგოსანი, როგორც ქვემოთ გამოვარკვევთ, არა რევოლუციის, არამედ რეფორმიზმის თვალსაზრისზე იდგა.

აკაკის ოპოზიცია თავად-აზნაურთა მიმართ უპირისპირდებოდა მათ „წინაპართა ანრდილად ქცევას“, ერთმანეთს შორის ჩხირკედელაობას, ინდივიდუალიზმით გატაცებას, „მესამე წოდებისადმი“ მკაცრ დამოკიდებულებასა და, რაც მთავარია, თვითმპყრობელურ რუსეთთან შეგუებას, ეროვნული ინტერესებისათვის ზურგის შექცევას. ეს ოპოზიცია აშკარად არის წარმოდგენილი აკაკის ჯერ კიდევ სამოციან წლებში დაწერილ ლექსებში: „დედამ რომ შვილი გაზარდოს“, „ყადის ჯორები“, „აპელაციის მკოდნე“ და სხვ. ამავე თვალსაზრისზეა აგებული შემდეგი პერიოდის ლექსების, ფელეტონების, წერილებისა და სხვა ეპიკური ნაწარმოებთა მთელი წყება (მათ შორის გამოუქვეყნებელი ლექსი „ასათიანებს“, დაწერილი 1870 წელს, და „კენჭობია“, რომელიც თავის დროზე მეფის ცენზურამ „იდეურად ცოდვილ ნაწარმოებთა წყებას“ მიუშმატა).

ასეთსავე პრინციპზეა აგებული აკაკის ბრძოლა სასულიერო წოდების წინააღმდეგ. ეროვნული გადაგვარება, „ქართული რჯულისა“ და ენის დავიწყება, მარტოოდენ შემოსავლით გატაცება, — აი, მიზეზები, რომელთა გამოც პოეტი თავს ესხმოდა ამ სოციალურ წრეს.

აკაკის შემოქმედების ეს მხარე დღემდე ნაკლებად არის ცნობილი, ამიტომ მასზე უფრო დაწერილებით შევჩერდებით.

1890 წელს მეფის ცენზურის მიერ აღკვეთილ ლექსში შემდეგ სტრიქონებს ვკითხულობთ:

„მღვდელმა უბრძანა დიაკვანს:  
 ზომ ზედავ, ღმერთი წყრებაო!...  
 არც ქორწილია, არც ნათვლა  
 და არც არავინ კვდებაო!“

კოლები სხვის ქვრებს მისდევენ,  
ვიღა დაიწერს ჯვარსაო?  
შვილებიც ხომ აღარა ჰყავთ...  
ხმარობენ ჯადო ქარსაო.



სიკვდილიც განზე გავვიდგა,  
ის ჩენი ცოდვით სავსეო!  
აღარ გვაქვს შემოსავალი  
და გლახაკს დავეშვავსეთო.\*)

ამ სტრიქონებში აშკარადაა წარმოდგენილი სამღვდელთა საზღვარგარეთის უარყოფითი, კრიტიკული დამოკიდებულების ერთი მხარე. ასეთივე განწყობილებაა მოცემული აკაკის 1892 წელს გამოცემული პოემის „ხოლერის“ მეფის ცენზურის მიერ აღკრძალულ სტრიქონებში:

„მღვდელ-დაიკვნებაც მოვითხავ,  
შეკვრებზე მიუღისთ სულა! \*\*)

ამავე პოემის ცენზურის მსხვერპლად ქცეულ სხვა ნაწილში ეს თემა-ეროვნულ მომენტთან არის დაკავშირებული:

„სადღაა მღვდელი ქართველი,  
სხვაგვარად თავმოწონია?  
წიგნების კითხვა ეშლება,  
არც ესნის ტიბიონია.

დათურად ბლავის და ფიქრობს,  
რომ ტკბილი იადონია!  
ხატს წმინდა სანთელს არ უნთებს,  
შიგ გარეული ქონია.

საწყალ ხალხს გამოვლია  
დრამით ძალი და ღონია;  
სხვა გზას იდგა, მავრამ ჯერ  
კიდევ გასავალს ელის ფონია!“

1905 წლის რევოლუცია საერთოდ თავისებურად აითვისა აკაკიმ. ამ თავისებურების ამოსავალ პრინციპს პატრიოტიზმი წარმოადგენდა. აღნიშნული თვალსაზრისით უდგება პოეტი რევოლუციას „ასი წლის ამბავში“.

\*) ეს ლექსი აიკრძალა 1890 წელს, როცა ის აწყობილი იყო „თეატრში“ დასაბეჭდად. ავტორგრაფი დატულია საქ. მუზეუმის ხელნაწერთა გან-ში.

\*\*) ამ პოემის ავტორგრაფის ცენზურის მიერ ნებადართული პირი დატულია ქუთაისის მუზეუმში.

„ჩვენ დრო მოგვეცა, ქართველებს,  
დაჩაგრულს დედინაცვლობით,  
დაგვიბრუნდება სუფველა,  
რაც ჩამოგვართვეს ასწლობით.“



მეგრამ ხალხმა, პოეტის აზრით, ვერ გამოიყენა ეს დრო. ვერ დაღუწა ეროვნული ჩაგვრის კართაგენი. ვინ არის დამნაშავე? მთელი ერი? არა! მხოლოდ ისინი, ვინც ბრძოლისათვის მზად მყოფ ხალხს შინაურებზე უთითებდა, ვინც ჭადაგებდა:

„მაშ ვეცეთ ჩვენც შინაურებს,  
რომ მოვიშორათ მტერიო,  
თავადს, აზნაურს, ვაჰარს, მღვდელს  
უნდა ეცვალოთ ფერიო.“

ესენი რომ არ იქნება  
და გაჭრებიან ყველაო,  
მუშათა კითხვა აღიძრის  
და გვეღირსება შეველაო.“

ცხადია ეს სტრიქონები იმ პოლიტიკური პარტიის მისამართით არის დაწერილი, რომელიც რევოლუციის ქარიშხალს კლასობრივი ბრძოლის ლიანდაგით მიაჭანებდა. პოეტს ნაადრევ ოცნებად და გზის არევად მი-აჩნია ასეთი მოჭმედება: მას, უბირველეს ყოვლისა, მხოლოდ ეროვნული „ზარბაზნების“ ტეკა-ჭუხილის მოსმენა სურდა.

1905 წლის რევოლუციისადმი ასეთი დამოკიდებულება უაღრესად დამახასიათებელია აკაკის მსოფლმხედველობისათვის. ამ მომენტს არსებითი კავშირი აქვს აგრეთვე მგოსნის შემოჭმედების იმ მხარესთან, რომელიც დღემდე ნამდვილ დემოკრატიზმად არის ცნობილი. აღსანიშნავია, რომ აკაკის დემოკრატიზმის უმართებულოდ გაგების საფუძველზე არსებობს საკმაოდ გავრცელებული შეხედულება, ვითომ პოეტს მთლიანად მიეღოს ჩვენი ქვეყნის პირველი რევოლუცია. ასეთი დასკვნა, რომელიც წარმოადგენს პოეტის საერთო მსოფლმხედველობისა და შემოჭმედების ძირითადი მოტივაციის გაუთვალისწინებლობის თუ გარკვეულ ტენდენციის შედეგს, ვერ გამოხატავს აკაკის შემოჭმედების ობიექტურ ბუნებას. პოემა „ასი წლის ამბავი“ ერთ-ერთი ძირითადი მნიშვნელობის ფაქტია აღნიშნული დასკვნის წინააღმდეგ. ამ პოემაში, გარკვევით არის გამოთქმული მგოსნის კრელო, კლასობრივი ბრძოლის უარყოფისა და მხოლოდ ეროვნული თავისუფლებისათვის გამიზნული ბრძოლის მოთხოვნის სახით. ცხადია, აქ რევოლუციის ნამდვილი იდეების უარყოფაა მოცემული. სხვა ნაწერები? ამ კითხვებზე პასუხის გაცემა მოითხოვს აკაკის შემოჭმედებაში წარმოდგენილი, უმთავრესად უმართებულოდ გაგებული დემოკრატიზმის ხასიათის განხილვას.

მკვლევართა ერთი ნაწილის აზრით, დემოკრატიზმი აკაკის შემოქმედების ძირითად მოტივს წარმოადგენს. ასეთი შეხედულება განსაკუთრებული სიმკვეთრით წარმოდგენილია ვ ა ხ . კ ო ტ ე ტ ი შ ე რ ე მ ს ა ნ ა და ს ი მ . ხ უ ნ დ ა ძ ი ს ნარკვევებში.

„აკაკი წერეთლის შემოქმედებას, — სწერს ვ. კოტეტიშვილი, — ორი ძირითადი მხარე აქვს: ეროვნული და მშრომელი ხალხის სატრფიალო“.

ასეთსავე დებულებას ავითარებს სიმ. ხუნდაძე:

„როგორც უკვე აღვნიშნეთ, შემქმნელი არის ის აზრი, თითქოს აკაკის ჩანგი ერთ ხმაზე ეღერდეს და პატრიოტიკა შეადგენდეს ინი პოეზიის ერთადერთ მოტივს. წინააღმდეგ, აკაკი წერეთელი მრავალმხრივი მწერალია და, რაც აღსანიშნავია, მის ნაწერებში საგრძნობი სიმძლიერით არის გატარებული დემოკრატიული პრინციპები“.

სხვა სტრიქონებში კი დემოკრატიული პრინციპები აკაკის შემოქმედების მოტივად არის აღიარებული.

ამ პოეზიის პრინციპიალურად საწინააღმდეგო თვალსაზრისში დგას კიტა აბაშიძე. მისი თვალსაზრისით აკაკის შემოქმედებას ამოსწურავს მხოლოდ ერთი მოტივი: ეროვნული პრობლემა (პატრიოტიკა).

„სამშობლოს სიყვარული, — სწერდა იგი. — ეს ის წერტილია, რომელიც რადიუ-სებით შეერთებულია თ. აკაკი წერეთლის პოეზიის ყოველ ანბანთან და სტრიქონთან“.

ჩვენი აზრით, მოყვანილი შეხედულებები ვერ გამონახავენ აკაკის შემოქმედების ობიექტურ ბუნებას. ისინი სინამდვილის ცალკეული მხარეების გაზვიადებულ, ტენდენციურ გადმოცემას შეიცავენ. ფაქტები კი ამ უკიდურესობათა შუა გზაზეა მოთავსებული.

როგორც დავინახეთ, აკაკის შემოქმედება ძირითადად ეროვნული პრობლემის ხერხემალზეა აგებული. ეს მომენტი აკაკის შემოქმედებისა და აზროვნების წამყვან მომენტს წარმოადგენდა. ბრძოლა რუსეთის თვითმპყრობელობის წინააღმდეგ, წარსულის რომანტიკა და თითქმის ყველა ძირითადი მაგისტრალი, დიდი პოეტის ჩანგის ეღერას რომ ახასიათებს, ამ პრობლემიდან ამომდინარეობს. მაგრამ ეს მხარე მწერლის შემოქმედების ძირითადი მოტივია და არა ერთადერთი. ამიტომ აღნიშნული არ გულისხმობს, თითქოს აკაკის შეხედულებას მხოლოდ ეროვნული მოტივი ამოსწურავდეს, როგორც ამას კიტა აბაშიძე ფიქრობდა. პირიქით, ამ პრობლემის ფონზე აკაკის შემოქმედებაში სხვა არაძირითადი ხასიათის მოტივი და თემატიკაც არის მოცემული, რომელთა შორის ყველაზე რელიეფურად დემოკრატიული ელემენტები გვევლინება. სხვა სიტყვებით: აკაკის შემოქმედება არ შეიცავს მხოლოდ ეროვნულ პრობლემას, მასში დემოკრატიული ელემენტებიც არის წარმოდგენილი სხვა უფრო მკრთალ მომენტებთან ერთად, მაგრამ არა ძირითადი მოტივის სახით, არამედ, როგორც მიდრეკილება, ტენდენციები.



დემოკრატიული განწყობილება სამოციან წლებიდანვე შეტანილია  
 აქაცის შემოქმედებაში. ამ თემის გამოშვებული პირველი ნომერი  
 „შური“ და „გლების ახსარება“ 1861 წელს არის დაწერილი. მისი  
 ბულ ლექსებში პოეტი გლებითა აუტანელი პირობების სურათს იძლევა:

„მარტო ჩვენთვის არ ვწუხობთ,  
 სხვისიც გვმართებს სამსახური,  
 ბატონი გვავს, ვართ სწული,  
 უბატონო უბედური!

ველა თავში გვიჩაქუნებს  
 გარეშე და შინაური;  
 ცხელსა მიწას უბეად ალბობს  
 ოფლი ჩვენგან მონაწერი.

ჩენი ჯაფით მონაცვანი  
 სხვასთან მიდის საზრდო პერი,  
 შინ კოლშეილს შიშშილი გვიკლავს,  
 მაგრამ ვინ მიუვდოს ური?

მათსა საზრდოს სხვა იტაცებს,  
 სტირის კოლი მეძუძური,  
 შიშნაღისგან რძე უშრება,  
 წივის შვილი უსუსური!

ღმერთს ბატონად მოუცია  
 ჩვენთვის ერთი აზნაური.  
 მისთვის სუველა ჩენა ვართ  
 მებეგრეცა და მსახური.

მისგან ტანჯვას რომ მოვრჩებით,  
 მაშინ გეტანჯავს მისი ფური!

მაშინ ვველა ბატონია!  
 გამკითხავი საღლა არი!..  
 მდივანბეგის ბოქაულებს  
 გაიღებთ სახლის კარი.

სულ მათ მიაქვთ, რაც რომა გვაქვს:  
 ქათამი, თხა, ძროხა, ცხვარი.  
 ჩვენც უფელდღე ტანჯვას ველით...  
 გლებებს რა გვაქვს გასახარი?

სამართალს კოლოფში სძინავს,  
 ის არს ფულის მეგობარი,  
 არ იღუპებს თუ უფულოთ  
 მასთან მივიდა სტუმარი!

შინდის წინებლებზე სწერია  
 ჩენი სახელი და გვარი.“ და სხვ.



ასე ახასიათებს აკაკი გლეხთა მდგომარეობას „მუშურში“ ახალ-  
გური სურათია მოცემული „გლეხის აღსარებაშიც“.

ამ ლექსებში გარკვეულადაა წარმოდგენილი მკაცრი სიჭკნისა და სისამართლობისა და ჩაგვრის ძირითადი მხარე. მაგრამ, მიუხედავად იმისა, რომ ორივე ლექსი („მუშური“ და „გლეხის აღსარება“) დაწერილია მაშინ, როცა, ერთის მხრივ, რუსეთში ბატონყმობის გადავარდნა უკვე ფაქტი იყო, როცა შესაფერი პროექტის დამუშავება იწყებოდა ჩვენშიც, ხოლო მეორეს მხრივ — რუსეთის მოწინავე აზროვნება რევოლუციური იდეების ტრიბუნას წარმოადგენდა. ამ ლექსებში გამოყვანილი გლეხები, რომელნიც, ცხადია, თვით ავტორის თვალსაზრისს ატარებენ, მაინც პასიურად ემორჩილებიან თავიანთ ბედს: ცდილობენ „უბედური“ ყოფის დავიწყებას და არა შეცვლას, განადგურებას.

„სიმინდა თოხნა დაეწყოთ.  
ერთხმად დაესაზოთ მუშური;  
ეგებ მაშინ დაგვაიწყდეს,  
რომ გლეხნი ვართ უბედურნი!

განეაგრძოთ, ძმებო, მუშებო,  
ჩვენი სევდის განმაჭარბი“... („მუშური“)

ასე ლაპარაკობენ ისინი. მეტიც: ამავე „მუშურში“ შემდეგ აღვილ-  
საც ვხვდებით:

„უპატრონო და ცარვარგვართ,  
როგორც ცხვარი უმწყემსურა“.

აკაკის გლეხების ეს პრინციპი ამ ლექსებში მოცემული მსოფლმხედველობის გასაღებს იძლევა; ეს მსოფლმხედველობა, ერთის მხრივ, წოდებათა შორის არსებულ მკაცრ დამოკიდებულებას უპირისპირდება, ხოლო მეორეს მხრივ, აუცილებელ მოვლენად სთვლის ამ წოდებათა არსებობას. სხვაგვარად: „მუშურში“ და „გლეხის აღსარებაში“ არსებული ცხოვრების გარდაქმნის რეფორმისტული იდეაა მოცემული \*).

\*) აღნიშნულთან ერთად უაღრესად დამახასიათებელია აკაკის დამოკიდებულება გლეხთა განმათივისუფლებელ რეფორმასთან, როგორც ცნობილია, აკაკი განსაკუთრებული აღტაცებით შეხვდა აღნიშნულ დაქტს (ლექსი „იმერული ნანა“ და სხვ.), რადგან ამ მოვლენით, როგორც თავადაც ახსენებდა, ისე გლეხობის მდგომარეობის გაუმჯობესებას მოელოდა. მაგრამ მომდევნო წლებში, როცა გარკვევით გამომქადაგდა რეფორმის ხასიათი, პოეტმა ზურგი შეაქცია მას.

„რუსეთი რომ მიეატოვე, — სწერს აკაკი, „ჩემ თავგადასავალში“, — და ცოლშვილით დაებრუნდი სამშობლოში, მაშინ ძალიან არეული და გამოურკვეველი დრო იყო. ბატონ-ყმობა უნდა გადავარდნილიყო, ახალი რეფორმები შემოდიოდა, რასაც ჩვენ ისე შეეხაროდით. ისიც თავისთვის კუდს იტოვებდა: სახელით ყველაფერი კარგი იყო,

შემდეგ პერიოდში, რაც უფრო შორდებოდა პოეტის სამოქალაქო მოღვაწეობის გზაჯვარედინს, მით უფრო მარცხნივ მიდიოდა ეჭვით „მუშებს“, „მუშის ნატვრა“ და სხვა ამგვარი ლექსების მთელი სერია გარკვევით გამოხატავს ამ ფაქტს. მაგრამ, აღნიშნულის მიუხედავად, აკაკის ეს ლიბერალურ პროგრესიული რადიკალიზმი ძირითადად მაინც „მუშურში“ და „გლეხის აღსარებაში“ გამოხატულ იდებებს შერჩა. ამ მოვლენის საილუსტრაციო დოკუმენტი მრავალია. მათი ერთი ნაწილი ქვემოთ იქნება განხილული, ამეამად კი დავასახელებთ ორს. პირველი წარმოადგენს სიტყვას, რომელიც აკაკიმ 1911 წ. წინანდალში მის პარტიკულარულად შეკრებილ გლეხებს უთხრა:

„ამ ხეს ხომ ხედავთ? სამი ნაწილისაგან არის შემდგარი: ფესვებისაგან, ღრწად რომ არიან მიწაში ჩაფლული და არა სმანან. ღეროსა და ტანისაგან, ფესვებისაგან რომ არის ამოყრილი, და მერე სათავეში ღეროზე გადმოშლილ შტოებისაგან. ეს სამი ნაწილი, ერთმანეთზე გადაბმული, შეადგენენ ერთ ხეს... ასეთივეა ეროვნების ხეც. ყოველი ერთი შესდგება დაბალი, შუათანა და მაღალი წოდებისაგან. ისინი ერთმანეთთან შეკავშირებით შეადგენენ ერთ რომელიმე ერს... უერთმანეთოდ არ ვარგინართ. თქვენს ერთ მთლიანობას სამივე ნაწილი შეადგენს და ამიტომ მტკიცედ უნდა იყოთ ერთმანეთთან შეკავშირებული... როგორც ხეს შტოები და ღერძი ეჭირვება, ისე ხალხსაც წოდება. მაგრამ წოდება შეცვლებულია და არა შეუცვლებელი. სტუდიან ისინი, რომელნიც ამბობენ, რომ მხოლოდ ფესვებია, თორემ მაღალ წოდებად სხვებიც გამოდგებიან, რადგანაც ხე ყველა ხეა... ნუ დაივიწყებთ, რომ ფესვი საქართველოს ეროვნების თქვენ ხართ და წოდებანი კი თქვენზე ამონაყარი... თქვენი კავშირი უნდა იყოს მტკიცე“\*) (ზაზი ზერ... — 8 დ.).

მეორე დოკუმენტი აკაკის დაუმთავრებელი პუბლიცისტური წერილი, რომელიც პოეტის მოღვაწეობის უკანასკნელ პერიოდს ეკუთვნის და იმ დროინდელ პოლიტიკურ პარტიებს შეეხება. ამ წერილში სოციალ-დემოკრატების შესახებ ვკითხულობთ:

მაგრამ სახრავად კი არ ვარგოდა. მაგალითად: რა ბატონ-ყმობის მოსპობა, იყო ის მოსპობა. როცა ბატონი და ყმა, ჯაჭვით ერთმანეთზე გადაბმული, ჩინოვიკის ეჭირა ხელში და ორივეს აღჩაობდა—ელეტად? რაღა ნაყოფს გაჰმოიღებდა ის სამოქალაქრო, სადაც ხალხის ენა ავარძალული იყო და ენის უცოდნელობის გამო ხალხი უნდა გამელეტ-გამცემლებს ჩაეარდნოდა ხელში? ამებს ყველას ეხედავდი და ამიტომ სრული ჩემი თანაგრძნობა. ვერ ნოიპოვა რეფორმამ და დაიწერა „იდეოკატი“, „კატა და ძალი“, „ეის უნდა შევეყარო“ და სხვანი.“

ეს პარტიოტიზმის ცეცხლთან დაკავშირებული უარყოფა რეფორმისა, თავად-ობნაურობისა და გლეხობის მდგომარეობის გაუარესებით გამოწვეული, სხვა დოკუმენტებს შორის განსაკუთრებული რელიეფურობითაა წარმოდგენილი აგრეთვე ლექსში „ბატონ-ყმობა გადაკვდეს“ (ავტორგრაფის სახით დაცულია საქ. მუზეუმის ხელნაწერების განყოფილებაში).

\*) გაზ. „თემი“, 1911 წ., № 45. ტექსტი მოყვანილია შემოკლებით.



მოხატულია რევოლუციით გამოწვეული ალტაცება, ხოლო მღვთის მხრივ — მოწოდება მეტის ბძოლისაკენ.

„სრულდა თითქმის, რასაც ენატრობდით  
ჩვენ ამ ნახევარ სუჯუნში“

(„ნატერა“).

ვიკონი, აღარ ესტორი მე“ („თქვენი კირიმე“).

ასე სწერდა ჰალარა პოეტი რევოლუციაზე. მაგრამ, როგორც ზემო-  
დაც აღვნიშნეთ, აკაკის ეს ალტაცება არ ნიშნავდა რევოლუციის ნამ-  
დვილი იდეების გაზიარებას. აკაკი არასოდეს არ ამადლებულა რევო-  
ლუციამდის. მას რევოლუცია იტაცებდა მხოლოდ როგორც საშუალებას  
ეროვნული იდეების განხორციელებისათვის და არა იმ განწყობილების  
გამო, რომელსაც აჯანყებული რევოლუციონერები ეწირებოდნენ ბარი-  
კადებზე. მეტიც: როგორც „ასი წლის ამბის“ დასასრულიდან გამოირ-  
კვევა, მგოსანი არა თუ არ იზიარებდა რევოლუციურ იდეებს, არამედ  
კიდევ ებრძოდა მათ „ეროვნული მთლიანობისა“ და ეროვნული თავის-  
უფლებისათვის ბრძოლის თვალსაზრისით. რევოლუციასთან დაკავშირე-  
ბულ თითქმის ყველა მის ნაწარმოებშია გამომჟღავნებული ეს პოზიცია.  
„საილუსტრაციოთ გავიხსენოთ რევოლუციის პირველ წელს დაწერილი  
„მოხუცის ცნობა“ \*). ამ ლექსის მეორე ნაწილში პოეტი გლეხების გა-  
მოღვივებას, მონურ მორჩილებიდან ბრძოლაზე გადასვლას ებება. ეს  
ფაქტი მას მზედ მაიჩნია, მაგრამ, მისივე აზრით:

„უცრად გამოღვივებულს  
და ბნელში დიდხანს ნამყოფსა  
რომ შეაშუქებს ერთთვად  
მზე, ვერ მოუტანს ნაყოფსა.“

ამ გაგებით აქვს ახსნილი მგოსანს გლეხობის კლასობრივი ბრძოლის  
ფრონტზე გამოსვლაც:

„ქართველი გლეხიც ასეა,  
სიბნელით გაბრუებული  
ჯერ შინაურებს ეხლება,  
რომ მოიფხანოს მან გული.“

პოეტს სწამს, რომ გლეხობისა და რევოლუციის ასეთი გზა დროები-  
თია. იგი მოითხოვს უფრო გადამწყვეტ და არსებით ბრძოლას „გარეშე  
შტრის“ წინააღმდეგ. ამ ბრძოლაში ხედავს ის ხსნას:

„მერე შეუტყვეს გარეშეს,  
შინვე რომ დაიგეშება  
და მაშინ იხსნის თავს მხოლოდ!  
მაშინ კი ენუგეშება!“

\*) ეს ლექსი ცალკე წიგნად გამოვიდა 1905 წელს.



ეს იმედი უდევს საფუძვლად რევოლუციაზე მგონის ამღერებას, ამავე იმედის გამო ამთავრებს პოეტი „მოხუცის გრძნობას“ შემდეგ სტრიქონებით:

„სიმაღ ავიღე კალამი,  
ჩანგით მივ აროე წერასა  
და შეუერთე ჩემი სვეც  
გლეხობის ბედის წერასა“.

პოეტის უარყოფითი დამოკიდებულება რევოლუციის იდეებისა და პრაქტიკისადმი უფრო მკვეთრად არის წარმოდგენილი იმავე წელს დაწერილ „რჩევაში“.

1905 წლის რევოლუციისადმი აკაკის დამოკიდებულების ასეთივე ტენდენციაა წარმოდგენილი დაუმთავრებელ „სურათებში“. ეს ნაწყვეტი, რომელიც დამახასიათებელია ამ მხრივ აკაკის მსოფლმხედველობისათვის, შემდეგ სტრიქონებს შეიცავს:

- 1) მიწის მამიებელი ღარიბი გლეხები: მუშაობა გვინდა!..  
მოგვეციო მიწა...
- 2) შეშინებული მიწის პატრონი: თქვენ რომ მოგვით, მერე შე  
რალა ექნა?
- 3) კალაჩა შერთული მომხმარებელი, ნაციონალისტი: ეს საწყლები  
მიწას დაეძებენ, უნდა მოვემხროთ:  
ნიწა ვაშოენით, სამელო იარაღიც  
მოვემზადოთ და მოხმარებაც ვას-  
წვლოთ.
- 4) ახალგაზრდა პირტიტველა მომხმარებელი,  
სოციალ-დემოკრატი: უნდა ეს გლეხები ავახმანოთ  
და სხვა სულერთია!
- 5) სომეხები: მე ამით უნდა შეეზბიკინო, რომ თოფი გაეზადეს, მაშინ დამფრთხა-  
ლი ნადირი მე ჩამივარდება ხელში.
- 6) ჩაფიქრებული მონადირე რუსი: ესენი ერთმანეთში ეერ შირი-  
გებულან, მეც ეს მინდა!.. „წამ-  
კიდებელს წაქაღე, სუყველის  
თავი წასწყვიტე“. რომელიც  
გადარჩება იმას მე ვოტველიფავ  
თავში“ \*).

კომენტარიებს აქაც ზედმეტად ვთვლით. ციტირებული დოკუმენტები ისედაც ნათელს ხდიან პოეტის კონცეპციას, არც სხვა ანალოგიურ ნაწე-  
რებზე შევჩერდებით, თუმცა არსებობს ისეთი მეტად დამახასიათებელი  
დოკუმენტები, როგორცაა წერილი „იმერეთის გადაწევა მოძრაობის  
დროს“, 1908 წელს „ნიშადურში“ დაბეჭდილი ლექსი „გლეხის საჩივა-  
რი“ და ს.პ. ჩუენი აზრით, აღნიშნულიც კმარა წამოყენებული დებულე-

\* ) იეტოგრაფი დაცულია საქ. მუზეუმის ზედნიწერ. განყოფილებაში.



ბის დასამტკიცებლად. დავუმატებთ მხოლოდ შემდეგს: მსჯელობიდან არ გამომდინარეობს დასკვნა, თითქოს აკაკის 1905 წლის რეგულაციის მიმართ დამოკიდებულებაში მხოლოდ ეროვნული მხარე იყოს მსჯელობის. როგორც აღვნიშნეთ, ეროვნული პრობლემა ძირითად მორტივს წარმოადგენდა და არა ერთადერთს. მის გვერდით ან მის საფუძველზე დემოკრატიული ტენდენციის გარკვეული ნაკადიც არის მოცემული, უმთავრესად „მშრომელი ერის“ აუტანელი ცხოვრების ჩვენების სახით. ამ მხრივ დამახასიათებელია ლექსები: „ბატონყმობა გადაავდეს“, 1906 წ. დაწერილი „გლეხის საჩივარი“ და სხვ. საილუსტრაციოთ მოვიყვანთ ამ უკანასკნელს:

„დიდება უნდა უფალო!  
რას გეთხოვს? რა მოლტია,  
რომ ჩამოგვიდგა კირიფით  
სოფელში გვჩაქუცია?“

სადაც, ვილაცის, რაღაცა  
ვითომდა ჩაუდენია,  
ახლა ჩვენ გვახდევინებენ,  
მოგვდეს ცეცხლი და გენია!...

კომლზე სამ-სამი თუანი  
აღვილად გაუწერია...  
თითქოს ეს გადასახდო  
გლეხისთვის არაფერია!..

სად წვევიძლია, ამდენი  
რომ მოეგროვოდ ხელადა?  
უნდა შორს სადმე წავიდეთ  
ფულების საქებნელადა.

რომ დაებრუნდებით, დაგვხედება  
სოფელი აოხრებულნი,  
კოლ-შეილი ნამუსხდილი,  
ოჯახი ატირებული“.

1905 წლის რევოლუციასთან დაკავშირებით აკაკისვე ეკუთვნის ისეთი ლექსებიც, რომლებიც რევოლუციის ცალკე მომენტებს ეხებიან. ასეთ ერთ-ერთ ტიპურ ნაწარმოებს წარმოადგენს „კოჭობა“<sup>\*)</sup>. ამ ლექსში თვითმპყრობელობის ჯალათთა უსაზიზღრესი მოქმედების ასახვის ფონზე პოეტს შესანიშნავი ოსტატობით აქვს გადმოცემული „ოხრანკის“ მიერ მცირეწლოვანთა ქულების ცნობილი ფაქტი.

\*) დაცულია სპ. მეზემ. ზელნაწერ განყოფილებაში.

რევოლუცია დროებით დამარცხდა. გამარჯვებული რეაქცია უმასტრესი შურისძიების გზას დაადგა. ეს ფაქტი განსაკუთრებულად მკვეთრად განიცადა აკაკიმ. „უ მ წ ე ო, უ ი ა რ ა ლ ო მ თ ე ლ ი უ ზ ე მ ჯ ი რ ი მ ი მ ა მ ლ ო ი წ ვ ი ს და ო ხ რ დ ე ბ ა“\*) — სწერდა იგი მელანქოლიით შეპყრობილი და ათასი განცდით აფორიაქებული, ხოლო დამარცხების მიზეზს ხედავდა ერის შიგნით „ძმების მტრობაში“, რევოლუციის კლასობრივი ბრძოლის საფუძველზე განვითარებაში.

სად არის ხსნა? პასუხს ბურჟუაზია ფარავდა: მოხუცი მგოსანა გარკვეულ უღელტეხილთან იდგა, მაგრამ უღელტეხილის იქით მიმავალი გზება მისთვის ჯერ კიდევ არ მოსჩანდა.

უველაფერი ეს როგორც მაშინ, ისე მომდევნო წლებში თავისებურ განწყობილებას უქმნიდა დიდ ლოგიკოსს, ხოლო ეს განწყობილობა განსხვავებულ სახეს აძლევდა მის ეროვნულ იდეებს. უპირველეს ყოვლისა, გაპქრა სამშობლოს ბრძოლით დახსნის რწმენა. ამავე დროს რევოლუციისა და რეაქციის პრაქტიკამ პოეტისათვის აშკარა გახდა „მეშათა ერის“ რევოლუციურ ბრძოლასა და მის საკუთარ პოზიციას შორის არსებული უფსკრული. ამით დასრულდა ილუზია, რომლის მიხედვითაც აკაკი „მეშათა ერსა“ და რევოლუციაში თავისი ეროვნული იდეების რეალიზირების სოციალურ დასაყრდენს ხედავდა. მისი კლასის ამ მიმართებით გამოყენების შესაძლებლობა კი რამდენიმე ათეული წლის შემდეგ უარყოფითად გადაწყდა.

და კითხვა: სად არის ხსნა? უპასუხოდ დარჩა.

მაგრამ ძვრა მაინც მოხდა: 1910-ანი წლების მიჯნაზე ნახევარი საუკუნის მანძილზე ნაოცნების ნამსხვრევებში ჩალეწილი, უპერსპექტივოდ დარჩენილი მგოსანის აზრი უკან მოტრიალდა — ვორონცოვის ეპოქამ მიიპყრო, ეს ტენდენცია განსაკუთრებული სიმკვეთრით პოემა „ვორონცოვში“ გამოიხატა.

ეს პოემა\*\*) დიალოგის პრინციპზეა აგებული. დიალოგში მონაწილეობენ: ალექსანდრე და ვახტანგ ორბელიანები, ნიკოლოზ ბარათაშვილი, დამიტრი ყიფიანი. ვორონცოვი, თვით მგოსანი და სხვები. ვორონცოვი პოემაში წარმოდგენილია ქართველი ერის ინტერესებით გატაცებულ ადამიანად. მის პოლიტიკას აკაკი ყოველგვარ კრიტიკის გარეშე ღებულობს.

პოემის უკანასკნელ ნაწილში მოცემულია ვორონცოვის პერიოდიდან ნახევარი საუკუნის შემდეგ პოეტის შეხვედრა ვორონცოვთან („სიზმა-

\*) იხ. წერილი „იმერეთის გადაწვა მოძრაობის დროს“. დაცულია საქ. მუზეუმის ხელნაწ. ვანყოფინებაში.

\*\*) პოემა „ვორონცოვი“, როგორც აკაკის ერთ-ერთ პირად წერილიდან ირკვევა, დაწერილია 1910 — 1911 წლ., პარიზში. 1913წელს აკრძალულ აქნა მეფის ცენზურის მიერ (იბეჭდებოდა „ჩემი ნაწერ“ მეორე წიგნ-ში). გამოაქვეყნა ი. გრიშაშვილმა „მნათობის“ 1935 წლის პირველ ნომერში.



რი“). მგოსანი პოემის ამ ნაწილში შემდეგა სიტყვებით მიმართავს კრძალულ მეფის მოადგილეს:

„ასე ამ რიგად ღონე მიხდილი  
ერთ ქართველში დღეს ცოცხალ-მკვდარი  
და სანუგეშო რომ რამე გვითხრას,  
მომავლისთვის არავინ არი...“

ეროვნული  
ზინზლირთეა

„დო მოხუცო! მე წინდაწინვე  
ვეთაყვანები მაგ შენ ცოლ ხმებს,  
რომ სიტყვა სიტყვით შეცა გადავსკვ  
შენგან სულადგმულ ჩემსა მოძმეებს“.

ამ მიმართვის შემდეგ პოეტი საპასუხო შთავონებას ისმენს. პასუხში ქართველი ერის დაცემა თვით ქართველთა მოქმედებით არის ახსნილი.

„ეს რა მეზმანა, რა მომჩვენა,  
რომ ვორონკოვი გამომცხადა  
და დღევანდელი შავი პირდაბე,  
ვით მოცქელმა მალლით ამხადა?“

პოემის მთელ მანძილზე ბრძოლით სამშობლოს დახსნის იდეის მიმართ გარკვეული გულგატეხილობა, უარყოფითი დამოკიდებულება გამოსჭვივის. სხვაგვარი პერსპექტივა აკაცისათვის ჯერ არ არსებობდა. მაგრამ განვლო რამდენიმე წელმა და საქართველო მსოფლიო იმპერიალისტური ომის რკალში მოექცა. ამ ფაქტთან დაკავშირებით რუსეთის თვითმპყრობელობამ თავისებური სიტუაცია შექმნა, განსაკუთრებით კოლონიურ ერებში. აკაკი, ძველი თაობის ინტელიგენციის ძირითად ნაწილთან ერთად, ამ სიტუაციის გავლენის ქვეშ მოექცა. აქ დამთავრდა პოეტის მემამბოხე ოპოზიციური. ბარიკადებთან დაკავშირებული მტრული დამოკიდებულება რუსეთის მიმართ. მეტიც: ამ მიჯნაზე სამშობლოს ეროვნული ხსნა მგოსნის აზროვნებაში დიდ რუსეთს და იმპერატორის მიერ ომში აღუბულ პოლიტიკას დაუკავშირდა. ასეთი განწყობილება აკაკიმ გამოხატა თავის უკანასკნელ პოემაში „ომში“ და მასზე ადრე ომის შესახებ დაწერილ პუბლიცისტურ წერილში.

„ომში“ ავტორი განსაკუთრებული თავდაჭერილობით ეპყრობა თვითმპყრობელურ რუსეთთან საქართველოს „შეერთების“ ფაქტს, და არა მარტო ამ ფაქტს, არამედ საქართველოში რუსეთის ბატონობის ეპოქასაც კი. ეს მანძილი მას ერის დასვენებისა და რუსეთის კალთაში ძილის საუკუნედ მიაჩნია. გამოღვიძების მიზეზად იგი იმპერიალისტურ ომს, განსაკუთრებით რუსეთის იმპერატორის ეროვნულ პოლიტიკას სთვლის.

პოემის დასასრულ. იმპერიალისტურ ომში რუსეთის მონაწილეობის მღლებასთან დაკავშირებით, კვითხულობთ შემდეგს:



„ჯერი რომ მიდგა რუსეთზე, მაშინ  
ესა თქვა მათმა იმპერატორმა:  
„მეც ვეთანხმები ჩემ მოკავშირეთ,  
რაც გადაწყვიტეს მაშინ იმ ორმა.

„მეტის დათმობა არ შემძლია,  
აწ სახლელი აქვს ჩემს მოთმინებას,  
და წერილი] ხალხი რომ დამტყაროს,  
არავის ამის არ მივცემ ნებას.

მრავალ სულობით გალომებული  
დეე ნუ ულაპავს სუსტს[ა] ძლიერი!  
სრული უფლება მიენიჭება,  
თავის ნებაზე რომ იყოს ერი.

მაშინ მსოფლიოდ სანატრელი დრო  
დაწუნარებული დადგება სრული  
და დამყარდება ერებთა შორის  
მშობა, ერთობა და სიყვარული.

აქს ჭადაგებს ჰავის კავშირი—  
და ეს მოძღვრება სანატრელია,  
მაგრამ განზრახვა დღევანდელი დღის  
ხელის შემშლელი საბაგელია.

მეც რატომ ვიღებ ხელში მახვილსა,  
წინააღმდეგ სისხლის ნდომისა  
და მოკავშირე ვხდები მეც სხვებთან  
ამ უკანასკნელ დიდი ომისა!“

იმპერატორის ასეთი ჭადაგებით აღფთოვანებული პოეტი ამ მოწოდებას საფუძვლად უდებს ომში ქართველთა თავგანწირულ მონაწილეობას.

პოეტს ღრმად სწამს, ვითომ ამ ომით ქართველი ერის ეროვნული ჩაგვრის ბორკილები იმსხვრეოდეს. ამიტომ გულწრფელი სურვილით მიმართავს იგი თვითმპყრობელ რუსეთს:

„ჩენი სიყვდილით, ჩენის დაღვეით  
ახლა იწყება მომავლის შობა,  
და დიდ რუსეთსა, წვრილ ხალხის დამცველს,  
ნუ მოეშალოს აწ გამარჯვება.

რომ იმას მტერი არ აწუხებდეს,  
არცა ამიერ და [არც] იმიერ,  
და ჩენც ვიძახდეთ  
ჩენის საფარად: მრავალ-ვამიერ“!



ანალოგიურ სტრიქონებს შეიცავს ომის შესახებ დაწერილი პეტრო-  
ვისტური წერილი, რომელიც ვახ. „ომის“ 1914 წლის 27 ნოემბერში  
ნომერში დაიბეჭდა „აკაკის წერილის“ სათაურით.

ამრიგად, ქალაქით შევერცხლილი, სიცოცხლის უკანასკნელ დღეებს  
მიახლოებული მგოსანი პოემა „ომში“ და ომის შესახებ დაწერილ წე-  
რილში რუსეთის თვითმპყრობელთა სადიდებლად ამღერდა: რუსეთის  
საჯალი — იმპერატორი — ერთნაირი ჩაჯრის მტრად, ეროვნული  
„მომხისა“ და „სიყვარულის“ მქადაგებლად აღიარა. ბრძოლაზე გულ-  
ვატეხილმა პოეტმა იმპერატორის ეროვნულ პოლიტიკას დაუკავშირა  
სამშობლოს ბედი — თხოვნით შეეცადა „სატრფოს ქაჯეთის ციხიდან გა-  
მოტაცებას“. და ეს მაშინ, როდესაც არც ისე შორეულ წარსულში სი-  
ხარულით შეხვდა ალექსანდრე მეორის მკვლელობას, ნახევარი საუკუნის  
მანძილზე აბეზარ, უშინ „ნაძალადევი საქმროს“ უწოდებდა იმავე რუსეთს,  
დაფსა და ნალარას სეკმდა, გმირებს ეძებდა, ხანჯალს ლესდა მის  
წინააღმდეგ საბრძოლველად, ბარიკადებისაკენ იშვერდა ხელს ეროვნული  
თავისუფლების მოსაპოებლად. აკაკის მიერ უკანასკნელ წერილში ასეთ  
პოზიციაზე დადგომა, ისიც ამგვარი პოზიციის გამართლებისთვის სოცია-  
ლურად ყოველმხრივ დაკლილ პირობებში, არსებითად წარმოადგენდა  
იმ ცნობილ თვალსაზრისის აღდგენას, რომელიც სამშობლოს აღორძინე-  
ბას მეფის ტახტს უკავშირებდა.

ერთი შეხედვით, თითქო საქმე გვაქვს პრინციპულად მოწინააღმდეგე  
პოზიციებთან, ნამდვილად კი აკაკი, თვითმპყრობელური რუსეთის წინა-  
აღმდეგ აშხედრებული, მეფის მკვლელობით აღფრთოვანებული, რევო-  
ლუციით გატაცებული და „ომის“ ავტორი, დიდი რუსეთისა და იმპერა-  
ტორის მეხოტბე — მთლიანია. ძირითადად ორივე შემთხვევაში იგი ერ-  
თისა და იმავე იდეების საფუძველზე დგას. სახელდობრ, იგი უკიდურესი  
პატრიოტი იყო და მომენტის მიხედვით (რადგან გარკვეული სოციალური  
დასაყრდენი არ გააჩნდა თავისი იდეის რეალიზირებისათვის) იმ მოვლე-  
ნებს უმღერდა, რომლებიც ეროვნული განთავისუფლების პერსპექტივას  
გადაუშლიდა. უკანასკნელ პერიოდში ასეთ პერსპექტივას პოეტი თვით-  
მპყრობელობის წინააღმდეგ დაუნდობელ ბრძოლაში ხედავდა, 1905 წლის  
რევოლუციის დამარცხების შემდეგ კი იმპერატორის ეროვნულ პოლიტი-  
კაში. ამით აიხსნება აკაკის შემოქმედებისა და აზროვნების სფეროში არ-  
სებული სხვადასხვაობა.

გასული საუკუნის ქართული პოეზიის მთავრეხილზე ოთხი მწვერვალია  
ამართული: ნ. ბ ა რ ა თ ა შ ე ი ლ ი, ი ლ ი ა, ა კ ა კ ი და ვ ა ე ა.  
ოთხივე მწვერვალი გარკვევით განსხვავდება ერთმანეთისაგან როგორც  
მსოფლმხედველობის, ისე პოეტიკის თვალსაზრისით. მათ შორის აკაკი  
თავისებური იყო პიროვნული ბედიტაც. იგი განსაკუთრებით აამაღლა  
თავისმა ეპოქამ: არც ერთ ქართველ მწერალს ისეთი დიდი დაფასება,

სიყვარული და პოპულარობა არ ღირსებია სიცოცხლეში, როგორც მას — ამ უდაოდ დიდ ნოვატორ ოსტატს. მის სახელსა და ნაწერებს იცნობდნენ ჩვენი ქვეყნის ყველა კუთხეში. იცნობდნენ ბავშვებიც კერძო და საჯარო სკოლებში. მდებარე უშუალოდ ხალხთან იყო დაკავშირებული, ხალხში ფართოდ ამატომ გადიქა მისი იუბილე მადლიერი სამშობლოს ზეიმად, ხოლო დასაფლავება — ეროვნულ გლოვად.

ცხადია, მგოსნის ასეთი „ბედი“ მისი შემოქმედების ხასიათთან იყო დაკავშირებული. იდეების მხრივ: მებრძოლი პატრიოტიზმი, რეფორმიზმი, დემოკრატიული ტენდენცია; პოეტის თვალსაზრისით: დიდი ოსტატობის რკალში ჩაღურსმული სისადავე, პოეტური ფოლკლორის საუკეთესო ტრადიციების თავისებური გამოყენება. ძირითადად ასეთია ის მთავარი მომენტები, რომლებიც აკაკის შემოქმედებაში ობიექტურად პროგრესიულ ფორმაში მტკაენდებოდა და რომლებიც დიდი პოეტის მიერ მითითებულ ბრწყინვალე „ბედს“ ედო საფუძვლად. უაღრესად დამახასიათებელია, რომ ყველა ეს მომენტი მეტნაკლები სიახლოვით ორგანულად არის დაკავშირებული აკაკის შემოქმედებითს მეთოდთან — რ ე ა ლ ი ზ მ თ ა ნ. გადაჭარბებული არ იქნება, თუ ვიტყვით: შემოქმედებითი მეთოდის არსება, — აი, რა წარმოადგენდა ძირითად კვანძს, რომელიც, ერთის მხრივ, თვით მწერლის მსოფლმხედველობიდან გამომდინარებოდა და რომელმაც, მეორეს მხრივ, თავისი აღნიშნული სამშობლო — იდეები ობიექტურად უფრო პროგრესულ ფორმაში წარმოიდგინა: მგოსანი ხალხის, ცხოვრების სულს დაუკავშირდა.

არსებობს აზრი, თითქოს აკაკი წმინდა რეალისტი არ იყო. მეტიც: ხშირად მას რომანტიკოსადაც კი სთვლიან. როგორც ზემოთ შევნიშნეთ, ასეთი გაგება მართებული არ არის. აკაკის რომანტიზმს შემოქმედებითს პრინციპებთან, ისე, როგორც მის მსოფლმხედველობითს საფუძვლებთან, არავითარი კავშირი არა აქვს. ის, რაც აკაკის შემოქმედებაში რომანტიზმად ან, უკეთეს შემთხვევაში, ნეორომანტიზმად არის მიჩნეული, სინამდვილეში რეალისტური რომანტიკაა, დაკავშირებული პოეტის მებრძოლი ეროვნული იდეების აგტირების მომენტთან. უაღრესად დამახასიათებელია, რომ აკაკის შემოქმედების ეს მხარე — მეთოდის ხასიათი არა მარტო შემოქმედებითს პრაქტიკაშია წარმოდგენილი, არამედ თეორიულადაც მას ხშირად აქვს ზაზგასმული უტილიტარულ-რეალისტური ესთეტიკის პრინციპთა სახით. ამ მხრივ, უპირველეს ყოვლისა, ყურადღებას იქცევს ლექსი „პოეტი“.

„ხან უგნური ვარ, ხან ბრძენი,  
 ხან არც ესა ვარ, არც ისა!  
 გარემოების საყვირი,  
 არც მიწისა ვარ, არც ცისა..“

ეს გული სარკედ ქცაულა,  
 ბუნების ნათაყვანია,  
 მხოლოდ მის სახეს გიჩვენებს,  
 რასაც შიგ ჩაუხედია.



ენაც მას ამბობს, რაც სმენას  
 სხვისაგან გაუგონია,  
 ან თვალს უნახავს და კეუას  
 გაუზომ-აუწონია!\*)

აქეთივე თვალსაზრისია წარმოდგენილი „მწერალში“.

„წერა მხოლოდ მაშინ უნდა,  
 წინ რომ გედგას იდეალი  
 და გულშიაც გიყვავოდეს  
 ვარდი ანუ შხამ-ეკალი.“

როცა გულში უნებურად  
 გაღიშლება ვარდი... ია  
 და მიგვიწივს საოცნებოდ  
 სასოთხისკენ კარი ღია.

მაშინ უნდა ბუღბუღივით  
 ჩაიტიკიკი-ჩაამღერო  
 და მოხიბლულ თანამგრძობსაც  
 გული ტბილად აღძგერო!

და როცა გულს შეგვიტრება  
 მწიარე ისრად ვეალ-ნარო,  
 შენც გაუღინთე ნალველ-შხამით  
 სწორ-შეტყველი შენი ტნარი!

მაშინ, როცა საზოგადოდ  
 სანუგეშოს არას ელი:  
 ყორანივით დაიჩხველე,  
 ასინინდი როგორც გველი!\*\*)

და ეს ცხოვრების სულთან მიჯაჭვა, მომენტთან, ყოველდღიურობასთან დაკავშირებული სიმღერა „სწორ-შეტყველ ჩანგზე“, როგორც პოეტის შემოქმედების ერთადერთი გზა, სხვა ნაწერებშიც არა ერთხელ აღუნიშნავს მას. საილუსტრაციოდ დავასახელებთ „პოეტის პროგრამას“. ამ ლექსში შემდეგ სტროფებს ვკითხულობთ:

\*) პირველად დაიბეჭდა გაზ. „ივერიაში“ 1886 წ. 30 ოქტომბრის ნომერში.

\*\*) იხ. „ლიტ. მემკვიდრეობა“, № 1, გვ. 338.

„ქირში ზარს ვიტყვი საცრემლოს  
და ლხინში „მრავალ-ქამიერს“.  
გარჩევა უნდა აე-კარგსა  
და დრო — გულსისთქმას წამიერს.  
მაკებარი ვარ ერთგულის  
და მგომბი ქვეყნის მტერისა,  
მათი პასუხის მიმცემი  
საკადრის-შესაფერისა“ \*).



ამგვარ პრინციპზეა აგებული აკაკის მთელი შემოქმედება. სინამდვილე, გადმოცემული ხან სიხარულის, ხან ცრემლების შემცველი სტრიქონებით, ყოველთვის გარკვეული იდეის გზით მოძრაობა. ხან ბუღბუღივით ჭიკჭიკი, ხან გველივით სისინი, ნაღველი და შხამი ან ალტაცება, — ასეთია ამ პრინციპის ხერხემალი. ამიტომ ათასჯერ მართალი იყო აკაკი, როცა იგი თავისი შემოქმედების შესახებ შემდეგ სტრიქონებს სწერდა:

„ცრემლში მიღესაც ნღველი  
და მელნად ის იხმარია,  
შიგ თაფლი არის ნარევი  
და ზოგან ცხარი ძმარია!

ზოგს ეტკბილება, ზოგს არა,  
მაგრამ რა ჩემი ბრალი?...  
ბუღბუღი ვარდს და ეკალზე  
თანაბრად მომღერალია“...)

ბუნებრივია, რომ მგოსნის შემოქმედებითი პრაქტიკის ასეთ გზას საფუძვლად ედგა გარკვეული უტილიტარულ-რეალისტური შეხედულება საერთოდ მწერლობაზე. 1884 წელს გამოცემულ გ. ერისთავის თხზულებათა I ტომის წინასიტყვაობაში იგი სწერდა:

„მწერლობა ზნეობითი და გონებით მესარკეობაა. ნაწერში, როგორც სარკეში, ნათლად უნდა ისახებოდეს (წერლის თანადროება მისის ქსნორ-სიმრდით, რომ საისტორიო სურათებად გადასცეს მომავალ დროებას და როგორც სარკეში მხოლოდ ის იხატება, რაც მხოლოდ მის გარშემოა და რაც მას გულში ჩაჰყურებს, ისე პოეტის ნაწერშიაც იმას უნდა ვხედავდეთ, რაც მის გულს, როგორც ხალხის თანაზიარს, მოხვედრია. და, მაშასადამე, მწერალს ნება არ აქვს, რომ ყოველდღიურ საერთო მოვლენებს, რაგინდ წვრილმანიც იყოს, თვალი აარიდოს. რაც უფრო ნიჭიერია პოეტი, უფრო ძლიერად ექვემდებარება ამ ზემოპოყვანილ პირობებს“ \*\*)

ან კიდევ:

„მწერლობა არის უძლიერესი და უპირველესი იარაღი, რომელიც სიმართლით უნდა ილესებოდეს და უსუსტრად იხმარებოდეს სამშობლოს საკეთილდღეოდ“ \*\*\*).

\*) პირველად დაიბეჭდა 1898 წ. „კრებულის“ მე-11 ნომერში.

\*\*) გ. ერისთავის თხზულებათა დასახელებული გამოცემა, გვ. VIII.

\*\*\*) იკვი, გვერდი VII.

ამ სტრიქონებში წარმოდგენილი ვაგება არ გულისხმობს, თითქმის მწერ-  
როლობა პირდაპირ, ემპირიულად უნდა სახავდეს სინამდვილეს. პირიქით,  
აკაკი ასეთი პოზიციის — ე. წ. „ფოტოგრაფიული რეალიზმი“ — წინააღმდეგი იყო. „ბიბლიოგრაფიულ შენიშვნებში“ იგი სწერდა:

„ნიჭიერმა მწერალმა სტენოგრაფიულად კი არ უნდა გადაიღოს ყველაფერი, რაც  
გაიგონა, ნახა... მართალია, ფოტოგრაფია სწორად აღწერს, ერთ ფიორსაც არ და-  
აკლებს მაგრამ მაგიერად განმაცხოველებელ სულს ვერ ჩაუდგამს იმის... ხელოვანი  
მხატვარი კი იმისთანა რამ დამახასიათებელ ნიშანს აიღებს, შეურჩევს მისთანა წამს  
გრძნობა-გონების გამოჩენველებისას რომ სულს ჩაუდგამს და განახორციელებს  
ნახატს“.

ამასთან ერთად უნდა აღინიშნოს ის ფაქტიც, რომ აკაკი თავისი რეა-  
ლისტური კონცეპციით არ დაქანებულა მისი დროის რუსულ ლიტერა-  
ტურულ აზროვნებაში საკმაოდ გავრცელებულ ულტრაუტილიტარიზმის  
სიღაბლემდე. ამ უკანასკნელ თვალსაზრისსა და „წმინდა ხელოვნების“  
თეორიის მომხრეებს შორის მას საშუალო გზა მქონდა არჩეული:

„ზაიცევს არად ვაგდებდი, — სწერს აკაკი „თავის თავგადასავალში“ — ნიჭიერ პი-  
სარებს თქმვა ეფასებდი. მაგრამ მისი ბევრი არ მომწონდა და არც ის მჯერა მეორე  
პარტიის, რომ მწერლობაში მხოლოდ წესიკა და კეთილზმოვანება უნდა იყოს და კმა-  
რავ. ორთა შუა მყოფს, მე ჩემი გზა მქონდა არჩეული და მივლოდი წყნარად.“ \*)

ასეთია აკაკის ლიტერატურული მსოფლმხედველობა. ამ ნიადაგზე  
გამოიკვეთა მისი შემოქმედებითი მეთოდიც — რეალიზმი. და ეს მე-  
თოდი იმდენად ამალდა დიდი პოეტის შემოქმედებაში, განსაკუთრებით  
ლირიკაში, რომ ვერც ერთი ქართველი პოეტი ლირიკოსი ამ მხრივ ვერ  
უთანასწორდება მას. აკაკის მიერ შექმნილი რეალისტური ლირიკა არის  
ლირიკაში რეალიზმის გამოყვებლის კლასიკურ  
რი ფორმა.

ცხადია, აკაკის აღნიშნული როგორც ესთეტიკური კონცეპცია, ისე  
შემოქმედებითი მეთოდი ორგანულ ურთიერთობაში იმყოფება მგოსნის  
საერთო მსოფლმხედველობასთან, განსაკუთრებით გარკვეულ პოლიტიკურ  
კურ იდეებზე დამყარებულ თანამედროებისადმი კრიტიკულ-ოპოზიციურ  
დამოკიდებულებასთან. როგორც ყოველთვის, ამ შემთხვევაშიც მსოფლ-  
მხედველობა საზღვრავდა შემოქმედის შემოქმედებითს კრედოს. მაგრამ  
ობიექტურად აკაკის შემოქმედებაში შედეგი — რეალისტური შემოქმე-  
დებითი მეთოდი — უფრო შორს წავიდა, ვიდრე ამის შესაძლებლობას  
იძლეოდა საფუძველი — პოეტის იდეები. ეს გასაგებიცაა, რადგან აკაკი  
გარდამავალი ეპოქის მთავარეხილებში ცხოვ-  
რობდა და მის რეალისტურ ხედვას არ შეეძლო  
მხოლოდ დაღმავალი კლასის ლიბერალური ინ-

\*) რჩული ნაწერები, ტ. I, გვ. 73.



ტერესებზე აგებული რეფორმისტული დემოკრატიული იდეების ვიწრო ჩარჩოში ჩაყვანილიყო, — ან შეემჩნია, ვერ ეგრძნო ის სიჭაბუკეობა. მელიც მის თვალწინ მოძრავ, მღვდვარე ცხოვრებას თითქმის ყოველ ნაბიჯზე ახასიათებდა. აქედან იწყება სწორედ მის შემოქმედებაში პროგრესიული თვალსაზრისი.

ძირითადად აღნიშნული მომენტებით იფარგლება აკაკის შრავალ-შრივი შემოქმედების არსება. ცხადია, ამ მომენტებს, როგორც ეს წარმოებულ მსჯელობიდანაც სჩანს, გარკვეული სოციალური ადგილი და ბუნება აქვთ. ამ უკანასკნელის ირგვლივ თავისებური შეხედულება აქვს გამოთქმული განსვენებულ სიმონ ხუნდაძეს. მისი აზრით:

„აკაკი თავისი შემოქმედებით და აზროვნებით გარდამავალ საფეხურს წარმოადგენდა თავად-აზნაურულ ლიბერალიზმიდან ნამდვილ დემოკრატიზმისაკენ და, როგორც ერთი, ქანობდა თავად-აზნაურულ და დემოკრატიულ სოციალმბედველობათა შორის. ამიტომ მას არ შეეძლო სავსებით თავისუფალი ყოფილიყო თავად-აზნაურული ტენდენციებისაგან“ \*) (ხაზი ჩემია — მ. ღ.).

წინამდებარე წერილში წარმოდგენილი აკაკის შემოქმედების დამახასიათებელი ფაქტები არ ამართლებენ მკვლევრის ამ დასკვნას. პირიქით, როგორც დავინახეთ, აკაკი თავად-აზნაურული ტენდენციით კი არ ხასიათდება, არამედ ძირითადად დგას ამ კლასის პროგრესიულ ლიბერალიზმის საფუძველზე. და თუმცა „ნამდვილი დემოკრატიზმის“ გავლენით გამოწვეულ, მაგრამ არსებითად მაინც იმავე სოციალური პირობებით განსაზღვრულ, ხშირად ეროვნულ პრობლემასთან დაკავშირებულ დემოკრატიულ ელემენტებს (ტენდენციას) ანსახიერებს. ეს სოციალური დასაყრდენი მხატვრული სიტყვისა და სისადავის დიდმა ოსტატმა ობიექტურად, უკანასკნელი წლების გამოკვლიებით, გარკვეულ პროგრესიულ ფორმებში გამოხატა. ისტორიულად მას ხვდა წილად თავისი კლასის იდეების რადიკალიზმის უკანასკნელ-საზღვრამდე მიყვანა, რაც მან ბრწყინვალედ შეასრულა.



\*) ს. ხუნდაძე „აკაკი წერეთელი“, ჟურნ. „მნათობი“, 1930 წ. № 4, გვ. 185.



ნა. ასტვაცატუროვი

## სანდრო შანშიაშვილის პოეზია

(ლემსიანის ახალი წიგნის „გავლილი შაბას“ გამო).

სანდრო შანშიაშვილს თვალსაჩინო ადგილი უჭირავს ქართულ მხატვრულ ლიტერატურაში. იგი თემატურად მრავალფეროვანი და სხვადასხვა ეპოქის მწერალია. მისი ლიტერატურული მოღვაწეობისა და მსოფლმხედველობრივი ევოლუციის დასახასიათებლად საკმარის არ არის მარტოდ პოეტურ ნაწარმოებთა განხილვა-ანალიზი. სამი ათეული წლის განმავლობაში სანდრო შანშიაშვილმა შექმნა მრავალი ლირიკული ლექსი, რამდენიმე პოემა და უფრო მეტი სხვადასხვა სახის დრამები და პოთრობები.

ეს სხვადასხვა ლიტერატურული ეპოქის ერთი საერთო ფსიქოლოგიური სულით არის გააღწეული, ერთი მეორის პარალელურად ვითარდება და ერთი მეორეს აესებს.

ამიტომ ს. შანშიაშვილის, როგორც მწერლის, დასაფასებლად ალბულ უნდა იქნას მისი შემოქმედება მთლიანად. გარეშე ამისა შეუძლებელია ეიქონიოთ სრული და ყოველმხრივი წარმოდგენა იმ მდიდარ და მრავალფეროვან მხატვრულ პროდუქციაზე, რომელიც მწერალმა — პოეტმა, ბელეტრისტმა და დრამატურგმა — სამი ათეული წლის მანძილზე დააგროვა. უფრო მეტიც: შეუძლებელია მწერლის მსოფლმხედველობრივი ევოლუციის მოხაზვა, თუ არ იქნება ანალიზირებული მისი დრამატურგიული ნაწარმოებები, რადგან ყველაზე უფრო მკვეთრად ს. შანშიაშვილის მსოფლმხედველობრივი გარდაქმნა მის პიესებშია მოცემული, იქ არის მთელი ძალით განცდილი რევოლუცია და მისი მონაპოვარი.

ს. შანშიაშვილის საბჭოთა პერიოდის პიესები მწვერვალია მწერლის შემოქმედებაში. ამ პიესებში მოცემულია მწერლის რეალისტური ყნოსვა, რევოლუციური პათოსი და საკუთარი წარსული შემოქმედების იდეური გადაფასება, ამასთან მოცემულია ისეთი სიძლიერით, როგორც აქვერც ერთ მის ლექსში ვერ ვხვდებით.

ეს გარემოება, ჩვენის აზრით, უნდა აიხსნას იმით, რომ საბჭოთა პერიოდში მწერალი უფრო ნაყოფიერად მუშაობდა დრამატურგიულ-დრე პოეზიაში.

ამასთან ს. შანშიაშვილი, როგორც პოეტი, ბევრად უფრო გვიან განთავისუფლდა წარსულის გავლენისაგან, მისი ლექსები პიესებზე უფრო კონსერვატიული აღმოჩნდა. ჩვენის აზრით, დრამატურგიულმა შემოქმედებამ შექმნა პოეტში ის შინაგანი განწყობილება, რომელმაც უკარნახა მას პოეზიაში.

მაგრამ ზემო აღნიშნული სრულიადაც არ ნიშნავს, რომ არ შეიძლება ბოდეს ს. შანშიაშვილის, როგორც პოეტის, დამოუკიდებელი განხილვა.

ს. შანშიაშვილი იმდენად ძლიერი ფიგურაა XX საუკუნის ქართულ პოეზიაში, რომ მისი მხოლოდ ლექსების განხილვაც საკმაო წარმოდგენას მოგვცემს მწერლის მთელი შემოქმედების ხასიათზე და მსოფლმხედველობრივ ევოლუციაზე.



ს. შანშიაშვილი ლიტერატურული მოღვაწეობის ასპარეზზე გამოვიდა ქართული სიმბოლიზმის „აყვავების“ პერიოდში, მისი პირველი ლექსები დათარიღებულია 1905 წლით. ქართველი სიმბოლისტების გამოსვლას წინ უსწრებდა შესაბამისი სოციალ-პოლიტიკური ვითარება. რომელიც სულიერ საზრდოს აძლევდა მათ. ეს იყო პირველი რევოლუციის დამარცხება და რეაქციის გაბატონება, რამაც წვრილ ბურჟუაზიული ინტელიგენციის ერთი ნაწილი დიდი ხნით დააავადა პესიმიზმით და ანტი-საზოგადოებრივი ინდივიდუალიზმით. ინტელიგენციის ეს ფენა ღრმად ვერ იხედებოდა ცხოვრებაში და გაუბოდა კლასობრივ წინააღმდეგობათა რეალური სინამდვილის ასახვას, იგი თავს სინამდვილიდან გაქცევითა და შეცნობილ სამყაროში ნაევადით ირთობდა. სიმბოლისტები გაუბრბოდნენ ბობოქარ ცხოვრებას და ეძებდნენ სულის დამამშვიდებელ მყუდროებას.

„სანდრო შანშიაშვილის შემოქმედებას — როგორც სამართლიანად ამბობს ამხ. მალაქია ტაოროშელიძე თავის მოხსენებაში საბჭოთა მწერლების პირველ საკავშირო ყრილობაზე. — რომელიც ვითარდებოდა დასავლეთ ევროპის დეკადენტური ლიტერატურის უშუალო გავლენის ქვეშ, ახასიათებდა კონკრეტულ სოციალ-პოლიტიკური ვითარებისაგან მოწყვეტა, ოცნების მეთიორ მოჩვენებათა და რომანტიკული ბურჟუაზიული ძველი ძველი ცხოვრების სფეროში ნაევადი“.

თითქმის ყველგან სიმბოლისტებს საერთო სენი სჭირდათ. შემოქმედების ასპარეზზე გამოსვლისას ისინი ყოველთვის ფიქრობდნენ, რომ ახალი იდეების გამომხატველები და ნოვატორები იყვნენ. — ახალ ჰანგზე, ახალ მოტივზე მღეროდნენ. ახალ იდეებს ავრცელებდნენ. ფაქტიუ-

რად კი ღრმად ჰქონდათ ფესვები გადგმული წარსულში. სიმბოლურების შემოქმედებაში ძლიერი იყო წარსულთან დაკავშირებული, და ამიტომ არ შეეძლოთ მათ გაეგოთ მომავლის ნათელი პერსპექტივა. არ შეეძლოთ მისწდომოდნენ ისტორიული პროცესის იმანენტურ მწვერვალებს, და როცა არსებული სინამდვილის წინააღმდეგობებიდან გამოსავალს ეძებდნენ პოულობდნენ და იხლართებოდნენ ამ წინააღმდეგობებში, იწყებდნენ უიმედო ჭეითინს და ნავარდს მისტურ სამყაროში.

ასეთივე ხასიათისაა ს. შანშიაშვილის შემოქმედებითი გზა. პოეტი იმის ღრმა რწმენით გამოვიდა ლიტერატურული მოღვაწეობის ასპარეზზე, რომ იგი ისე არ მღეროდა, როგორც მღეროდნენ უწინმისი პოეზია, მისივე სიტყვით, ახალი სიმღერა იყო, ახალი იდეური მოტივებით:

„ისე არ ვიღერ, ვით უწინ მღერდნენ  
წინამორბედნი ჩემი იდეების;  
თვალეში რჩეულს შემომაჭერდნენ  
ბრძენ მახარებელს დიდ იდეების“.

ეს რწმენა მოჩვენებითი ხასიათისაა. პოეტის შემოქმედებას ისე ღრმად აქვს ფესვები გადგმული წარსულში და ისე მტკიცედ არის დაკავშირებული ძველთან, რომ იმავე ლექსში ამჟღავნებს პოეტი თავისი „დეკლარაციის“ ზერელობას („ძველზე ვაშენებ სხვა კოშკის კედლებს“). რამდენადაც ცდილობდა პოეტი ძველზე აეგო „ახალი“ კოშკის კედლები, იმდენად არ შეეძლო განთავისუფლებულიყო იგი წარსულის მანქანის სოციალური ტრადიციებისაგან, არ შეეძლო გაბედულად ებრძოლა ახლისათვის. ამით უნდა აიხსნას ის გარემოება, რომ იქვე, სადაც თავს იჩენდა ხოლმე პოეტის შემოქმედებაში ერთგვარი იმედისა და „ბრძოლის“ ტენდენცია, მათ თან სდევდა ზევდა და უიმედობა.

სევდა და მისტური განწყობილება პოეტის მუდმივი თანამგზავრობა იყო. პოეტს „თაღში ფრტყა შავით მზრებზე და შავი ნავით დასცურავდა მყუდროების შავ ტალღებზე“.

1905 წლის რევოლუციის აღმავლობა პოეტმა თავისებურად განიცადა. ხანმოკლე აღმოჩნდა მისი სულიერი აღმადრენა და „ბრძოლებით“ გატაცება. რეაქციის გამარჯვებით პოეტის სულში უღმობელმა სევდამ დაისადგურა და „ყრმობის გიჟური სიხარული და სიამე წაშალა“...

„უღმობელმა, შემზუთველმა სევდამ ფრთები გაშალა!  
შურის ქარმა, მტრობის ზარმა ჩემი შეება წაშალა!..  
სიკოცხლესა ხანმოკლესა უდგა ცუდი ღარები,  
გულმოკლული, გაისრული დავალ დავიარები.  
დღეს ჩემს სულში უღმობელმა სევდამ ფრთები გაშალა,  
ყრმობის გიჟური სიხარული და სიამე წაშალა!..  
რაღა დამარბა სანუგეშო ოდნავ გამხარებელი? —  
ცივი გული, ცივი გრძნობა შურის მძიებელი“.

პოლიტიკურმა რეაქციამ ფრთები შეუკვეცა პოეტის ბურჟუაზიულ პატრიოტიკას და რომანტიკას, ველარ ხედავდა პოეტს თავისი მზიან მომავალს და წუხდა, რომ ამ სატუენეში დაიბადა:

„ამ სატუენეს რად ავხსენ ფარდა?  
რად შემოვალე მისი კიშკარი? —  
თუ ყრმობის პირველ ღიმილთან ერთად  
ჩამიტრებოდა ბნელში ცისკარი?!“

ს. შანშიაშვილი, რომელიც ფიქრობდა, რომ იგი ძველს არ ეკუთვნის და ქმნის ახალ პოეზიას ახალი იდეებით, თავის გარშემო უსაზღვრო სიცილიერეს და ბნელ უდაბნოს გრძნობს, სდგას „მარტოკა იდელებული“, უწოდებს თავის მითრთოლვარე ხელს სულის დემონს, მტანჯველ ღმერთს და მასთან ერთად ეძებს სადგურს, სადაც სულიერად დამშვიდდება და კმაყოფილებას მიეცემა. ეს „სადგური“ წარსულია და წარსულთან ერთად ითხოვს იგი დასამარებას. (1)

პოეტმა რევოლუციამდე ამოსწურა თავისი იმედები და, მარტოებაში დარჩენილი, აღარაფერს ელოდა:

„სდუმს ღანე ბნელი არავის ველი.  
მიუჩებულა ტყე მთა და ველი.  
ვინ ჩამორგია მწუხარე ზარი?  
მუდამ მარტო ვარ... სევდა მკლავს მწველი.  
არავის ველი... არავის ველი!“

მაგრამ თუ აღმავლობის პერიოდში, როცა ნაციონალისტურ წერილ-ბურჟუაზიულ ინტელინგეციასაც შეეძლო რაღაც სულიერი კმაყოფილების მნიშვნელობა ეპოვა და თავი ცოტა უფრო ღალად ეგრძნო, სანდრო შანშიაშვილის ბურჟუაზიული პატრიოტული რომანტიკის ერთგვარი „გააქტივება“ ხდებოდა, თუ პოეტი ფიქრობდა, რომ „რადა ბელი აქვს ჩვენთან ნალველს ან მყუდროებას, სული ზრახვით ელვარე ხან ზღვას, ხან გრიგალს ედარება“ და სხვ. ეს მხოლოდ მოჩვენებითია (არა არსებითი) და მას არავითარი მნიშვნელობა არა აქვს ს. შანშიაშვილის შემოქმედების ხასიათისა და ბუნების გარკვევისათვის.

ს. შანშიაშვილს გულწრფელად სძულდა მეფე-მტარვალი, მას ღრმად სწამდა, რომ „შვილებსაც ტანჯვას გადაეცემთ, ვიდრე საერთო მტარვალს არ დაეცემთ“... მაგრამ, მეფე-მტარვალის წინააღმდეგ ბრძოლაში იგი მაინც შორს იდგა მებრძოლი რევოლუციური იდეისაგან, იგი ვერ სცილდებოდა წერილი ბურჟუაზიის უსუსურ პროტესტს. პოეტი არასოდეს არ იყო ბოლომდე თანმიმდევრული, იგი ზოგჯერ პასიობასაც ქადაგებდა, იმ იმედით, რომ თავისთავად „რაც იყო კიდევ განმეორდება.“

ამასთან პოეტი თავისი პასიობით შემარიგებლობაზე დადილობა და არ-  
ჩებულისადსი შეგუებას ცდილობდა:



„თუ ვსურს სიცოცხლე, იტანჯე კოდეც!  
სეზონურადი ცხოვრების ტალღებს“.



ს. შანშიაშვილმა თითქმის მთელი ორი ათეული წლის მანძილზე თავისი შემოქმედებითი გზა გაიარა, როგორც ტიპურმა ქართველმა სიმბოლისტმა. ს. შანშიაშვილის ამ პერიოდის პოეზიის დამახასიათებელი იყო ინდივიდუალიზმი, ამსტრაქტულობა. მენშევიზმის ბატონობის ხანაში ეს ხაზი მან უფრო გააღრმავა და უკიდურეს ნაციონალურად ამღერდა.

ს. შანშიაშვილი მსოფლმხედველობრივად ძალიან შორს იდგა პროლეტარიატისაგან, იგი უკანასკნელი ათეული წლის განმავლობაში ახდენს თავისი წარსულის სრულ გადაფასებას და ხდება საბჭოთა რევოლუციის მოწინავე იდეების მატარებელი.

საბჭოთა რევოლუციას საქართველოში ს. შანშიაშვილი პირველ ხანებში ვერ შეხვდა კარგად, ის რამდენიმე წელს კვლავ ძველ გახცდათა რკალში იყო მოქცეული.

ს. შანშიაშვილის ამ პერიოდის ლექსები ცივია და დაფარული სევდის გამოშხატველი. იგი ძველებურად არ სწუხს, არ კენესის, მაგრამ, უძილობის „კინკა“ მოსვენებას არ აძლევს. იტანჯება, ყინვის ოფლში კანკალებს:

უძილობის ტრევი კინკა  
თავზე მახის, ვიტანჯები;  
სიბნელიდან მეძახიან  
იესული და აღქაჯება:  
— გარედ გამო! გამო გარედ!  
მაგლაჯუნა ჩემს ლოგინში  
დაქვეტილი შემომიძვრა:  
ყინვის ოფლში ივანკალი,  
ჩემი ტახტი ოთლიდ შეინძრა—  
ჯელში მიჭერს.  
მკოცნის მწარედ!  
თან იძახის: — გამო გარედ!“

სანდრო შანშიაშვილი თავს არიდებს ბოძოქარ ცხოვრებას, რომელსაც სიცოცხლე შეაქვს საქართველოს მოდუნებულ სხეულში. მიდის იგი მყუდროების მოსაპოვებლად სოფელში და ხელს აკიდებს მეურნეობას. ყოველივე ეს პოეტის იდეურ განწყობილებიდან გამომდინარეობდა და ახდენდა უშუალო გავლენას მის პოეზიაზე.



ს. შანშიაშვილის ამ პერიოდის ლექსები იდებურად „დაცლილი“ ხე-რეღე, აბსტრაქტული და საზოგადოებრივად პასიურია, ფორმალური მხრივ ძველი ლექსების განმეორებაა.

ს. შანშიაშვილი თანდათან იღებს სწორ ორგანიზაციას და დგება საბჭოთა პლატფორმაზე. 1927 წელს დაწერილ ლექსში — „გავლილი შარა“, სადაც პოეტი თითქოს თავისი წარსულის გადაფასებას ახდენს, ამკარად მცდარ შეხედულებას ანვითარებს. აქაც კი არ არის პოეტი განთავისუფლებული ანტიპროლეტარული თვალსაზრისისაგან. პოეტი ამ ლექსში ისე გვიხატავს საბჭოთა ხელისუფლების ლიტერატურულ პოლიტიკას, თითქოს იგი (საბჭოთა ხელისუფლება) თოხის მუშას უფრო მეტად აფასებს, ვიდრე პოეტს, მგოსანს, და სწუხს, რომ ათეული წლების მანძილზე პოეზიის ცეცხლზე სწავდა საკუთარ გრძნობებს:

„არვის უთმობდი პოეტის პორფირს,  
მედიადრობა მქონდა მე ორბის,  
და რა რიგ ენანობ... ამდენ ლელვამში  
რად დავწვი გრძნობა? სულს რად ვქანცავდი?  
რად ვალამებდი დღეს ოცნებაში:  
მკონნებს ხომ ჰქონდათ ბედი ნაცადი?  
მეც ხომ შემეძლო დამეკრა თოხი,  
ან ვგდებულყავ სადმე მელორედ  
(იტყოდნენ ჩემზე, ხალხს ეგ აცხოვრებს,  
არ დამსახედნენ მტრად ან მეკობრედ!)“.

ეს იყო ს. შანშიაშვილის წვრილბურჟუაზიული განწყობილების ნაყოფი. ამ განწყობილებებისაგან განთავისუფლებისათვის პოეტს დიდხანს დასჭირდა ბრძოლა და იგი ახლა მოწინავე საბჭოთა მწერლების რიგებში დგას, უმღერს ახალ საქართველოს, სოციალიზმის გამარჯვებას, და უყვარს ჩვენი ქვეყნის მიღწევები:

„ვისაც სძულს და არ უნდა  
საქართველოს ახალი —  
ის ცოცხალი გვამია,  
მკვდარი — დაუმარხავი!“

სანდრო შანშიაშვილის შემოქმედებაში მსოფლმხედველობრივი გარდატეხის წერტილად 1927 — 28 წლები უნდა ჩაითვალოს. ამ წლებიდან იწყებს პოეტი საზოგადოებრივად აქტიურ, იდებურად გამართლებულ და ფორმალურად მაღალხარისხოვან — სადა ლექსების წერას. ასეთ ლექსთა რიცხვს ეკუთვნის „არსენა ჯორჯიაშვილი“, „დედისერთა ლენინთან“, „ქალს“, „ეპოპეია 26 კომუნარზე“, „სნაიპერი“, „იოსებ სტალინს“, „ახალ საქართველოში“ და სხვ.



ლავროსი კალანდაძე.

## ჭეშმარიტება და მხაფხურობა\*)

სიბრძნისა და სიმართლის ყველაზე ვრცელი და უშრეტო წიგნია გადაშლილი ჩვენს წინაშე — სოციალისტური ქვეყნის სინამდვილე.

ყველაზე მშვენიერი და ძლიერი გმირია ამ წიგნში — სოციალისტური ადამიანი.

ყველაზე მართალი და საღი ნება სუფევს აქ — ბედნიერი და საამურო ცხოვრების განმტკიცების ნება.

დიდია ამ ახალი ქვეყნის ახალ ადამიანთა მხატვრული და ესთეტიკური მოთხოვნილება. ვერავეითარი სიყალბე და ვერავეითარი სქემები ვერ ასაზრდოებენ მათ.

გინდათ მისცეთ ნამდვილი მხატვრული საზრდო ამ ბრძოლასა და ამ შრომაში საბედნიეროდ ვადვიძებულ და განახლებულ სულს? — კეთილი ინებეთ, გაიგეთ და შეისწავლეთ, რა მოსწონს და რა უყვარს, რა ატკობს და რა აღელვებს, რა აკაეებს და აკრისტალებს სოციალისტურ ადამიანს, სტახანოველს, საბჭოთა გმირს, საბჭოთა მეცნიერს. აი, მშვენიერებისა და ესთეტიკურობის საუკეთესო საზომი, საუკეთესო კრიტერიუმი.

სოციალისტური რეალიზმი არის ის იარაღი, რომლის საშუალებითაც სინამდვილიდან შეიძლება ისეთი მხატვრული სახეების გამოკვეთა, რომლებიც აღძრავენ და აღზრდიან სოციალისტური ადამიანის გრძნობებსა და ვნებებს, ფიქრებსა და აზრებს.

გაუსწორდით სოციალისტური სამშობლოს მოწინავე ადამიანების მაღალ მხატვრულ მოთხოვნილებას, — ასეთია საბრძოლო ძახილი საბჭოთა მწერლის მიმართ.

სოციალისტური ქვეყნის მშრომელთა გემოვნების, ვნებისა და გრძნობების ინდივიდუალური მრავალფეროვნების საერთო ფონზე იბადება და მძლავრ ნაკადად გადმოსჩქეფს სოციალისტური ადამიანების ერთი მთა-

\* კამათის წესით.



ვარი და ძირითადი, საერთო და საყოველთაო ნება — ნება სიმაართლის და ჭეშმარიტებისა.

გამარჯვებული და განთავისუფლებული ადამიანი ყველაფერში ჭეშმარიტებას ეძებს. ჭეშმარიტება მისი იარაღია: შემცდარი აზრით, შემცდარი გეზით, ყალბი წარმოდგენით იგი ვერ დაიპყრობს ბუნების ძალებს, ვერ იფრენს ცაში, ვერ მისწვდება არქტიკას, ვერ გადაშლის მიწის წიაღს, ვერ უხელმძღვანელებს საზოგადოებრივ განვითარებას, ვერ შექმნის ბედნიერ და საამურ ცხოვრებას.

თუ საზოგადოებრივი განვითარების ყველა საფეხურზე სხვადასხვა საზოგადოებრივ კლასებს ჭკონდათ რაიმე მოთხოვნილება და შესაძლებლობა მისწდომოდნენ ზოგიერთ ჭეშმარიტებას ბუნებისა და საზოგადოების განვითარების შესახებ, ამ მხრივ ყველაზე მეტი მოთხოვნილება და პოტენციური შესაძლებლობა მუშათა კლასსა, სოციალისტური ქვეყნის მშრომელებს აქვთ. მუშათა კლასს არ ეშინია საზოგადოებრივი განვითარების ობიექტური ჭეშმარიტებისა. ჭეშმარიტება მის მხარეზეა.

რეალური სამყაროს მოვლენათა ღრმა არსის შეგნებისაკენ — ობიექტური ჭეშმარიტებისაკენ მიიღტვის მუშათა კლასის შეგნება.

კლასს, რომელიც ვერდნობა ყველა გარდასული კლასის გამოცდილებას და ისტორიულად, თავისი საზოგადოებრივი პრაქტიკით და საზოგადოებრივი შეგნებით მალა დგას წარსულის ყველა კლასებზე, რომლის სასიცოცხლო ინტერესები ეფარდება საზოგადოებრივი განვითარების ობიექტურ სვლას, — აი, ასეთ კლასს ყველაზე მეტად შეუძლია მისწვდეს რეალური სამყაროს ობიექტურ ჭეშმარიტებას. დღეს ასეთი კლასი პროლეტარიატია, ასეთი ხალხი გამარჯვებული სოციალიზმის ქვეყნის ხალხია, რომელიც ლენინ-სტალინის პარტიის ხელმძღვანელობით ძლევამოსილად მიდის წინ.

ჩვენი სოციალისტური სამშობლოს მშენებლებში, როგორც ვთქვი, ყველაზე მეტია ცხოვრების დაფუძნების ნება. ცხოვრების გაჯანსაღება, ბედნიერი და საამური ცხოვრება, — აი რა სურთ სოციალისტური ქვეყნის ადამიანებს.

ამ ადამიანების მოწინავე საზოგადოებრივი ნება და აზრი უკუაგდება, როგორც სიყალბეს და სიბინძურეს, ყოველივე იმას, რაც ხელს უშლის და აფერხებს ცხოვრების გაჯანსაღებას, საამური და ბედნიერი ცხოვრებას, ადამიანის მიერ ადამიანის ჩავერის მოსაზრებას. ის, რაც სასარგებლო არ არის ბედნიერი და საამური ცხოვრებისათვის, სოციალიზმისა და კომუნისმისათვის, მიუღებელია მუშათა კლასისათვის, სოციალისტური ქვეყნის ადამიანებისათვის. ამ ადამიანებისათვის ჭეშმარიტი, მშვენიერი, ამაღლებელი და საამურია ის, რაც საამური ცხოვრების განმტკიცებასა და ზრდას ემსახურება. მუშათა კლასისა და სოციალისტური ქვეყნის ადა-



მიანთა შემეცნების მიზანიც ეს არის. ხოლო „შემეცნება“ შეიძლება იყოს... სასარგებლო ადამიანის ეჭროება: იცაში, ცხოვრების დაცვაში, სახის შემსუფთოებაში მხოლოდ მაშინ, თუ იგი ასახავს ადამიანის ავგან დამოუკიდებელ ობიექტურ კვშმარიტებას.\*)

ამრიგად, შემეცნება, რომელიც არ ასახავს ობიექტურ კვშმარიტებას, არ შეიძლება მუშათა კლასისათვის სასარგებლო იყოს და, მაშასადამე, არ შეიძლება საამურო, მშვენიერი და სასიცოცხლო ძალთა ამშაღებელი იყოს.

კვშმარიტების იარაღი ადამიანთა აზროვნებაა, მისი საზომი კი — ადამიანთა საზოგადოებრივი პრაქტიკა. ბუნება და საზოგადოებრივი ყოფა ადამიანს აძლევს აზროვნებას, აზროვნების უნარს. ადამიანთა აზროვნება კი ასახავს რეალურ ქვეყანას და ასახავს არა სარკისებრ მკვდრად, არამედ ცოცხალი გადამუშავებით, სოციალურ-კლასობრივი გაშუალებით. (опосредствованием) „ადამიანის აზროვნება არა მარტო ასახავს რეალურ ქვეყანას, არამედ კიდევაც ქმნის მას“\*\*).

და მართლაც, საზოგადოებრივი განვითარების ყოველი ახალი ფორმა, მეცნიერებისა და ტექნიკის მიღწევა, თვითმფრინავი, რადიო, ელექტრომავალი და სხვა არასდროს არ მოუხზავს ვაშლის ხეს, ესენი ბუნებასა და საზოგადოებაში უშუალოდ არასდროს არ ყოფილან მოცემული. ყოველივე ეს ადამიანის აზრში, ადამიანის გენიამ შექმნა. აზრში შექმნა, მაგრამ არა თავისი საკუთარი „სხეულიდან“, არამედ ისევ ბუნებიდან. აზრში ბუნებაში აღმოაჩინა მათი მოძრაობის კანონები, მათი ნივთიერი შესაძლებლობა. და ამდენადვე ესენი ბუნებაში არსებობდნენ, როგორც რეალური შესაძლებლობანი. და რა უსაზღვროდ საესეა ასეთი შესაძლებლობებით ბუნების უსაზღვრო და ბარაქიანი წიაღი! ადამიანის გენის საქმეა დაუსრულებლად თხაროს და გახსნას სამყაროს უღვეველი საიდუმლობანი.

ადამიანთა საზოგადოებრივი შეგნება ასახავს და ქმნის რეალურ ქვეყანას. მაგრამ ამავე დროს თვით ადამიანთა შეგნება ბუნებისა და საზოგადოებრივი ცხოვრების პროდუქციაა.

„შეგნება არასდროს არ შეიძლება იყოს სხვა, გარდა მხოლოდ ყოფის შეგნებისა, ხოლო ადამიანთა ყოფა ეს არის მათი ცხოვრების რეალური პროცესი. თუ მთელს იდეოლოგიაში ადამიანები და მათი ურთიერთობა

\*) В. И. Ленин. Соч., т. XIII, стр. 114 (ზაზი ჩვენია. — ლ. კ.).

\*\*) Ленинский сборник, Москва, стр. 239.

მოსწანს თავდაყირა დაყენებული, როგორც რომელიმე კამერობა ვერცში, ესეც მათი ცხოვრების ისტორიული პროცესიდან გამომდინარეობს. მკვლევარს იმისა, როგორც საგნების პირუტყვი გამოხატულებას მატერიალური წარმოდგენის მათი ცხოვრების უშუალო ფიზიკური პროცესიდან.\*)

ადამიანთა საზოგადოებრივ-კლასობრივი შეგნება სხვადასხვა იდეოლოგიურ ფორმაში გამოვლინდება.

მარქსი თავის ცნობილ შესავალში „პოლიტიკური ეკონომიის კრიტიკისათვის“ ანსხვავებს სამყაროს მხატვრული შემეცნების წესს ფილოსოფიურ-მეცნიერული შემეცნების წესისაგან. მარქსის ამ დებულებას ზოგიერთები ხშირად იფიქვენ და ფონს იოლად გადიან იმის თქმით, რომ შემეცნების საერთო კანონები სავალდებულოა საზოგადოებრივი იდეოლოგიის ყველა ფორმისთვის. ეს მართალია, მაგრამ იგი ისეთი სიმართლეა, რომელიც ამა თუ იმ იდეოლოგიური ფორმის, კერძოდ მხატვრული შემეცნების გაგებისათვის სრულიად საკმარის არ არის და საკითხის დასმის გამოსავალ წერტილშივე გვაჩერებს.

მხატვრული შემეცნება, როგორც საზოგადოებრივი შეგნების ერთ-ერთი იდეოლოგიური ფორმა, რეალური ისტორიული მოვლენაა. ყოველივე მოვლენას კი, რაკი იგი წარმოიშვა და არსებობს, აქვს თავისი არსებობისა და განვითარების ასე თუ ისე სხვათაგან განსხვავებული შინაგანი კანონები.

დღეს ჩვენში თითქმის ყველას მირ აღიარებულია ის ჭეშმარიტება, რომ მხატვრული აზროვნება არის აზროვნება მხატვრული სახეებით ანუ აზროვნება მხატვრულ სახეებში.

მაგრამ ზოგიერთი ლიტერატურათმცოდნის ნაშრომში არის ტენდენცია, რომ მხატვრული სახე წარმოადგინოს შინაარსის გულგრილ ფორმად. თითქოს მხატვრული სახე ამა თუ იმ კლასობრივი იდეის (შინაარსის) უბრალო ფარჩისა ან ჩითის მოსასხამი იყოს და თითქოს იდეისათვის სულ ერთი იყოს — რომელი სამოსით მოიარებება იგი.

მართალია, მეცნიერების, ფილოსოფიის, პოლიტიკის, ხელოვნებისა და სხვა იდეოლოგიური ფორმების შინაარსი ერთი და იგივეა იმ გაგებით, რომ ყველა ისინი ადამიანთა საზოგადოებრივი ყოფის რეალური პროცესების გამოხატულებაა, ადამიანთა საზოგადოებრივი შეგნების ფორმებია. მაგრამ ეს იმას არ ნიშნავს, რომ ცალცალკე ამ იდეოლოგიურ ფორმებში განხორციელებულ კონკრეტულ იდეათა შორის სრული იგივეობის გაგება შეიძლება. მაგალითად, ერთსა და იმავე საზოგადოებრვე პოლიტიკურ იდეაზე შეიძლება დაიწეროს მეცნიერული, პუბლიცისტური და მხატვრული ნაწარმოები. მაგრამ იდეა, რომელიც მხატვრულად განხორ-

\*) Маркс и Энгельс. Архив, кн. I, с. 216.



ციელდება, იჭნება არა მარტო პოლიტიკური იდეა, არამედ პოლიტიკური მხატვრული იდეაც, რადგან მხატვრული სახე, რომელშიც იჭნება ეს იდეა, არის ამ იდეის არა გულგრილი ფორმა, არამედ მისი (სტრუქტურული) სტრუქტურული წინაგანი სტრუქტურა და ამდენად ეს ფორმა შინაარსიც არის.

მხატვრული სახე არის შემეცნებითი კატეგორია ანუ სინამდვილის შემეცნების იარაღი. ყოველ მხატვრულ სახეში მოცემულია წინამდევობათა ერთიანობა, ფორმისა და შინაარსის ერთიანობა. მხატვრული სახე არის თავისი შინაარსის ფორმა და თავისი შინაარსი მის გარეშე არ არსებობს. ლუარსაბ თათქარიძე „კაცია-ადამიანიდან“ არის არა მარტო მწერლის იდეური მიმართების ორგანიზაცია, არამედ იმავე დროს მწერლის თვით იდეური მიმართებაც. ამ მხრივ საკვებით სამართლიანია ლევ ტოლსტოის დაახლოებით შემდეგი განცხადება: თუ გინდათ გითხრათ, რა მინდოდა მეთქვა ჩემი მხატვრული ნაწარმოებით, მე ისევ თავიდან ბოლომდე უნდა წავიკითხოთ იგიო. ამით ტოლსტოი ამბობს, რომ მისი მხატვრული სახეები განუყრელია მის იდეებთან, რომ თვით მხატვრული სახეები მისი იდეებია.

ყოველი მხატვრული სახე რეალური ქვეყნის, საზოგადოებრივი ყოფის რეალური პროცესის შემეცნებაა და, როგორც ასეთს, მას უეჭველად შეესაბამება მხატვრული სინამდვილე ანუ მხატვრობა სინამდვილეში. მხატვრულ აზროვნებას, ისე, როგორც საერთოდ აზროვნებას, არ შეუძლია ასახოს სხვა რამ, ვარდა რეალური პროცესისა; სხვა ობიექტი მას არა აქვ. სულ სხვა საკითხია სწორად ასახავს თუ არა.

მხატვრული აზროვნებაც არა მარტო ასახავს, — მას კიდევაც გამოაქვს განაჩენი მოვლენების შესახებ, კიდევაც ქმნის რეალურ ქვეყანას, მაგრამ არა საკუთარი „სხეულიდან“, არამედ ისევ რეალობიდან.

მხატვრულ სახეს, არის ის სინამდვილის სწორი ასახვა თუ სინამდვილე მასში თავდაყირაა დაყენებული, მაინც შეეფარდება რეალური პროცესი. ადამიანთა მთელი აზროვნება დიალექტიკური პროცესია, ბოლო აზრის დიალექტიკა ნივთთა დიალექტიკის გამოკრთომაა, „ნივთთა დიალექტიკა ქმნის იდეათა დიალექტიკას“. \*)

ამრიგად, მხატვრული, მშვენიერი, დიდებული, ტრაგიკული თუ კომიკური არსებობდნენ როგორც რეალური პროცესები, როგორც რეალური შესაძლებლობანი, და მხატვრული აზროვნება ასახავს მათ როგორც რეალურ პროცესს. ყოველი მხატვრული სახე იმდენად არის ქეშმარიტი მხატვრული სახე, რამდენადაც იგი უახლოვდება შესაბამის რეალურ პროცესებს.

ჩერნიშევსკი, თავის შესანიშნავ დისერტაციაში „Эстетические отношения искусства к действительности“ სამართლიანად ამტკი-

\*) Ленинский сборник, IX, стр. 211.



ცებს, რომ მშვენიერება სინამდვილეში უფრო მდიდარი და მშვენიერია, ვიდრე მშვენიერება ხელოვნებაში.

გარდა ამისა, ჩერნიშევსკი საესეებით სწორ აზროვნებას, როცა ამტკიცებს, რომ მხატვრულობა, ესთეტიკურობა მშვენიერების ცნებით არ იფარება, რომ მშვენიერების ცნება ესთეტიკურის ერთი ელემენტთაგანია, რომ ყოველი მხატვრული არ არის მშვენიერი. აღსანიშნავია აგრეთვე, რომ ჩერნიშევსკი სამართლიანად ანსხვავებს „მშვენიერი სახის დახატვას“ და „სახის მშვენიერად დახატვას“.

ჩერნიშევსკი, გამოდის რა იმ დებულებიდან, რომ მშვენიერება არის თვით ცხოვრება, რომ მშვენიერება სინამდვილეში მალა სდგას მშვენიერებაზე ხელოვნებაში, ისე როგორც ორიგინალი მალა სდგას სურათზე, რომ ესთეტიკურია ის, რაც იწვევს ადამიანის სასიცოცხლო ძალთა გაღვიძებას, — ანვითარებს საღ უტილიტარულ შეხედულებას ხელოვნებასა და პოეზიაზე.

ჩერნიშევსკის ესთეტიკური მოძღვრების მეთოდოლოგიურ საფუძველს ფეირობახიანული მატერიალიზმი წარმოადგენს. ამიტომ, ცხადია, მასში ასე თუ ისე თავს იჩენს ფეირობახიანის სუსტი მსარეებიც, განსაკუთრებით ფეირობახიანული აბსტრაქტული ადამიანის, როგორც ნივთიერ-ფიზიკური ერთეულის, თვალსაზრისის გამოვლენის მხრივ. მაგრამ მემკვიდრეობის კრიტიკული ათვისების აზრიც იმაში მდგომარეობს, რომ ამ სუსტი მხარეებიდან გამოვეყოთ საღი და ჭეშმარიტი. უეჭველად სწორი შეხედულებაა ჩერნიშევსკის უტილიტარული შეხედულება. ამ აბსტრაქტული ადამიანის თვალსაზრისის გამოვლენით. სწორია ის, რომ ამა თუ იმ საზოგადოებრივი ეპოქისათვის, ამა თუ იმ კლასისათვის ესთეტიკური და მხატვრულია ის, რაც იწვევს კლასისა და კლასობრივი ადამიანის სასიცოცხლო ძალების, გრძნობების, ენებების გაღვიძებას, სასიცოცხლო ძალების გამახვილებასა და შემოკრებას.

მხატვრული აზროვნების განვითარებას შეეფარდება ობიექტური სინამდვილის შესაბამისი განვითარება. ყოველ მხატვრულ სახეს, როგორც მხატვრული აზროვნების პროდუქტს, შეეფარდება განსაზღვრული რეალური პროცესი. მარქსისტულ-ლენინური თვალსაზრისით, ყოველი მხატვრული სახე არ შეიძლება სხვა რამ იყოს, გარდა რეალური პროცესის შემეცნებისა, რეალური სამყაროს გამოხატულებისა. სხვა საკითხია, როგორი შემეცნებაა, როგორი გამოხატულებაა, რეალური სამყარო მხატვრული აზროვნების ობიექტია, მისი საგანია. იგი მიიღწევის მისწვდეს თავის საგანს, გამოხატოს ობიექტის ნამდვილი არსი, შექმნას ნათელი წარმოდგენა საგანზე, მოგვეცეს საგნის ჭეშმარიტი მხატვრული იდეა. მხატვრული სახის ესთეტიკური ღირსება ცობიექტური ჭეშმარიტების, ობიექტური მხატვრულობის მიწვედომის ხარისხით განისაზღვრება.

საქსებით სწორია პლექხანოვი, როცა სწერს, რომ „როცა ელჩი იდგა საფუძვლად ედგა მხატვრულ ნაწარმოებს, მას შეაქვს ამ ნაწარმოებში ისეთი შინაგანი წინააღმდეგობანი, რომლებსაც განაპირობებდა იბღალბება მისი ესთეტიკური ღირსება.“<sup>\*)</sup>

მაგრამ ამხ. ალ. ჩავლეიშვილი პლექხანოვის ამ დებულებას უმართებულოდ სთვლის და აცხადებს, რომ „იგი არ მართლდება ლიტერატურულს ისტორიით“-ო<sup>\*\*</sup>). ჩავლეიშვილი უმართებულოდ სთვლის პლექხანოვის ამ დებულებას, მიუხედავად იმისა, რომ მეორე ადგილას მასვე მოჰყავს, როგორც სწორი დებულება, ლენინის ანალოგიური შეხედულება: „როცა ავტორი თავის მოთხრობას თავისთვის უწნობ თემას უძღვნის, გამოდის არა მხატვრული ნაწარმოები. მის შესახებ რომ ნიჭიერად დასწერო, საჭიროა მისი ცოდნა“ (ლენინი). ცხადია ლენინს აქ მხედველობაში აქვს არა ყალბი და შემცდარი, არამედ ნამდვილი. ქეშმარიტი ცოდნა. ხოლო ცოდნა იდეის თუ იდეების გარეშე არ არსებობს. ყალბი იდეა კი სინამდვილის დამახინჯებაა და თავის თავად ობიექტის არცოდნას ნიშნავს. ბურჟუაზიას სურს, რომ კაპიტალიზმი მარადიული იყოს. ეს მისი ყალბი იდეაა. და ეს იდეა თავისთავად, არსებითად ხომ ისტორიული განვითარების აუცილებელი კანონების არცოდნას ნიშნავს. რასაკვირველია შეიძლება რომელიმე ბურჟუაზიულ იდეოლოგს ესმოდეს, რომ ისტორიულად აუცილებელია კაპიტალიზმის დაღუპვა, მაგრამ კაპიტალიზმის მარადიულობის ყალბ იდეას იგი მაინც ქადაგებდეს. და ეს ყალბი იდეა თავისთავად მაინც ისტორიული აუცილებლობის ანუ რეალური პროცესის არცოდნა იქნება.

ამრიგად, ლენინის დებულებითაც, როცა მწერალი სწერს ისეთ მოვლენაზე, რომლის ნამდვილი არსის ცოდნა მას არა აქვს, გამოდის არამხატვრული ნაწარმოები, ანუ როცა ცნობიერება და ობიექტი ერთმანეთს არ ემთხვევა, როცა იდეა ყალბია, არ შეიძლება ნაწარმოები ქეშმარიტი მხატვრული ნაწარმოები იყოს.

ამხ ალ. ჩავლეიშვილი ცდილობს ყველა თავის ნააზრევს მარქსისტულ-ლენინური მარკა მიაკრას. იგი სწერს:

„მარქსისტულ-ლენინური ლიტერატურათმცოდნეობა კი მხატვრული ლიტერატურული სახისა და იდეის ურთიერთდამოკიდებულების ზოგადი განხილვის დროს ხაზს უსვამს ორ გარემოებას: 1) როგორც არის მწერლის მსოფლმხედველობა, ისეთივეა მისი შემოქმედების სახეთა სისტემა და წერის მანერა; მათ შორის გათიშვა და ანტაგონიზმი შეუძლებელია; 2) იდეის ნაირობა არ განსაზღვრავს მხატვრულობას, ე. ი. როგორც ყალბი (ა რეაქციონური, ისე ქეშმარიტი იდეა შეიძლება მოცემულ იქნას მხატვ-

\*) Г. В. Плеханов. Соч., т. XIV, стр. 150—151.

\*\*\*) „მთაბი“, № 7—8, 1935 წ. „ლიტერატურული სახის პრობლემები“, გვ. 323.

რულად, მხოლოდ იმ წინაპირობით, თუ იგი გულწრფელად სწავის შეე-  
რაღს \*).

ეროვნული

უპირველეს ყოვლისა, ვადაჭრით უნდა განეაცხადოთ სწავლის შედეგად  
მარქსისტულ-ლენინურ ლიტერატურათმცოდნეობას არსად და არასდროს  
ასეთი წინააღმდეგობებით აღსავსე დებულებები თავის არა თუ ხაზგას-  
მულ, არამედ ხაზგაუსმელ გარემოებებადაც კი არ გამოუცხადებია.

ჩაველიშვილის პირველი გარემოების თანახმად, „როგორც არის მწერ-  
ლის მსოფლმხედველობა, ისეთივეა მისი შემოქმედების სახეთა სისტემა და  
წერის მანერა“ ანუ, სხვა სიტყვებით, როგორც არის მწერლის იდეათა  
სისტემა (მსოფლმხედველობა), ისეთივეა მისი შემოქმედების სახეთა სის-  
ტემა. ლოგიკურად კი ეს იმას ნიშნავს, რომ თუ მწერლის იდეები ყალ-  
ბია, ნაშინ მისი შემოქმედების სახეთა სისტემაც ყალბი და არა მხატვ-  
რული იქნება. თავისთავად ჩაველიშვილის ამ პირველი გარემოების ნამ-  
დვილი აზრი ვულგარული და არასწორია. ამაზე ქვემოთ ვილაპარაკებთ. მა-  
გრამ თვით ჩაველიშვილის კონცეპციაში ეს პირველი გარემოება ხომ არსე-  
ბითად ეწინააღმდეგება მისივე მეორე საქვაკუთხედო გარემოებას, რომ  
ყალბ და რეაქციურ იდეაზე შეიძლება აიგოს მაღალ-მხატვრული ნაწარ-  
მოები.

ჩაველიშვილის პირველი გარემოება, ამრიგად, დიამეტრალურად ეწი-  
ნააღმდეგება მის მეორე გარემოებას. თუ პირველი გარემოებით გვაუწყა-  
რომ როგორცაა იდეათა სისტემა, ისეთივეა შემოქმედების სახეთა სის-  
ტემა, რომ მათ შორის არავითარი გათიშვა არ შეიძლება არსებობდეს,  
მეორე გარემოებით გვიხვდეს, რომ იდეის ნაირობა არ განსაზღვრავს  
მხატვრულობას. რომ ყალბი და რეაქციური იდეა შეიძლება მოცემულ  
იქნას სხატვრულად, ე. ი. იდეათა სისტემასა და მხატვრულ სახეთა სის-  
ტემას შორის შეიძლება არსებობდეს სრული გათიშვა და გულგრილობა  
ურთიერთისადმი ანუ მხატვრულობისათვის სულ ერთია, იდეა ყალბი და  
რეაქციონური იქნება თუ კეთილშობილი.

ეხლა საკითხის არსებით მხარეზე. ალ. ჩაველიშვილის პირველი დე-  
ბულებით, მწერლის მსოფლმხედველობასა და მის შემოქმედების სახეთა  
სისტემას შორის არავითარი გათიშვა არ შეიძლება არსებობდეს, რომ  
„როგორც არის მწერლის მხატვრულობა, ისეთივეა მისი შემოქმედების  
სახეთა სისტემა და წერის მანერა“.

სადაო არ არის, რომ შემუშავებული და დადგენილი მსოფლმხედვე-  
ლობა შემოქმედების მთავარი მაცოცხლებელი ნაკადი უნდა იყოს. ამი-  
ტომაც არის, რომ დღეს ჩვენი პარტია ჩვენი საბჭოთა მწერლობის აუცი-  
ლებელ იარაღად სთვლის მეცნიერულ-რევოლუციურ მსოფლმხედველო-

\* „მნათობი“, № 7—8, 1935, წ. გვ. 322.

ბის დაუფლებას, რომ მხოლოდ ასეთი მსოფლმხედველობით შეიძლება ჩვენს ნამდვილ მხატვარს მართლად და მხატვრულად ასახოს ეპოქა. მარქსისტულ-ლენინურ მსოფლმხედველობას, ე. ი. ყველაზე მეტწილად მხატვრულ-რეკოლუციურ და მთლიან მსოფლმხედველობას, თუ ის მართლაც ღრმად აქვს შესისხლზორცებული მწერალს, შეუძლია აღმოფხვრას მხატვრის შემოქმედებაში სტიქიურობა, აღმოფხვრას გათიშვა იდეათა სისტემასა და შემოქმედების სახეთა სისტემას შორის და მით მწერლის ნამდვილი ღვაწლი დააგვირგვინოს მთლიანი და მაღალ-მხატვრული ნაწარმოებით. მაგრამ ეს არ ნიშნავს, რომ ლიტერატურის განვითარება იმ თავითვე ამ გზით მიიმართებოდა, რომ ყველა მწერლის მსოფლმხედველობასა და მისი შემოქმედების სახეთა სისტემაში მუდმივი თანხმობა და პარმონია სუფევდა. პირიქით, ლიტერატურის ისტორია მოწმობს, რომ მწერლების, თუგინდ დიდი მწერლების, ღარიბი და ყალბი მსოფლმხედველობა ხშირად იწვევდა მათ შემოქმედებაში ერთგვარ წინააღმდეგობას, სტიქიურობას და, თუ გნებავთ, მათი მსოფლმხედველობისა და შემოქმედების სახეთა სისტემის ერთგვარ გათიშვას. ბალზაკი, როგორც მხატვარი, უდიდესი რეალისტი იყო. ამაშია მის ნაწარმოებთა მხატვრული ღირსება. მაგრამ მსოფლმხედველობით ბალზაკი ლეგეტიმისტი იყო. არა თავის ლეგეტიმიზმით შესწლო ბალზაკმა დაესაბა მომავლის ადამიანები იქ, სადაც ისინი ნამდვილად იყვნენ, და არა იქ, საითყენაც მისი პირადი სიმპატიები ეწეოდნენ, არამედ თავისი რეალიზმით. ბალზაკი რომ ყველგან და ყველაფერში თავის ლეგეტიზმს გაჰყოლოდა, ის თავის რეალიზმამდე ვერასოდეს ვერ მივიდოდა. გოგოლის შემოქმედებისა და მისი მსოფლმხედველობის ურთიერთობაც დაახლოებით ასეთსავე მოვლენას წარმოადგენს. დაახლოებით ასეთივე მოვლენებს აქვს ადგილი ტოლსტოის, გოეტეს, ილია ჭავჭავაძის და სხვათა შემოქმედებაში. უფრო მეტიც: ბურჟუაზიული და გარდასული კლასების ყველა დიდი მწერლის შემოქმედებაში, მეტად თუ ნაკლებად, ასეთი წინააღმდეგობა, ასეთი გათიშვა უპოველად გამოსკვივის. ამ მოვლენის ახსნა, ერთის მხრივ, უნდა ეუქიოთ ამ მწერლების კლასობრივი შევნების შეზღუდულობაში (შეზღუდილი მსოფლმხედველობა), ხოლო მეორეს მხრივ — მათ ინდივიდუალობაში. ლენინი თავის გენიალურ ფილოსოფიურ ნაშრომში „მატერიალიზმი და ემპირიოკრიტიციზმი“ არა ერთხელ აღნიშნავს, რომ მრავალი ბუნებისმეტყველი, მიუხედავად თავისი რეაქციურ-იდეალისტური მსოფლმხედველობისა, ხშირად სტიქიურად ანვითარებებს მატერიალისტურ შეხედულებას ბუნებაზე. აღნიშნული მხატვრების შემოქმედებაშიაც ანალოგიურ მოვლენასთან გვაქვს საქმე.

ამ თვალსაზრისით, როგორც სჩანს, შესაძლებელია ერთგვარი გათიშვა, ერთგვარი წინააღმდეგობა მწერლის მსოფლმხედველობასა და მისი შემოქმედების სახეთა სისტემას შორის.



აქვე უნდა შევნიშნო, რომ თუ კი რომელიმე რეაქციური მსოფლმხედველობის მწერალი იძლევა რეალისტურ და ქეშმარიტ მხატვრულ სახეებს, ეს არავითარ შემთხვევაში იმას არ ნიშნავს, თითქმის-ლიტერატურულ შეხედულებები განხორციელდა რეალისტურად და ქეშმარიტ მხატვრულ სახეებად, ისე, როგორც იდეალისტური მსოფლმხედველობის ბუნებისმეტყველის სტიქიური მატერიალისტური შეხედულება ბუნებაზე არ ნიშნავს იმას, თითქმის იდეალისტური მსოფლმხედველობა განხორციელდა მატერიალისტურ შეხედულებად.

აღ. ჩავლეიშვილის მეორე დებულების მიხედვით, „როგორც ყალბი და რეაქციური, ისე ქეშმარიტი იდეა შეიძლება მოცემულ იქნას მხატვრულად, მხოლოდ იმ წინაპირობით, თუ იგი გულწრფელად სწამს მწერალს“. სანამ ამ დებულების არსებით უსაფუძვლობას განვიხილავდეთ, საჭიროა ამ დებულების შესაძლებელი ორაზროვნება ჩავლეიშვილის ნამდვილ აზრამდე მივიყვანოთ. ავტორი ამ დებულებით იმას კი არ ამტკიცებს, რომ ყალბი და რეაქციური იდეა, როგორც ობიექტი, როგორც საგანი მხატვრული შემოქმედებისა, შეიძლება მოცემულ იქნას მხატვრულად... ამავი. ვფიქრობთ, არც არავინ შეედავებოდა, რადგან მხატვარს, რასაკვირველია, შეუძლია მოგვეცეს მართალი, დამაჯერებელი და ქეშმარიტი მხატვრული სახე რეაქციონერისა — მთელი მისი რეაქციური იდეებით. უფრო მეტიც: მწერალს შეუძლია მოგვეცეს თავისივე რეაქციური შეხედულებებისა და ფიქრების მართალი და ქეშმარიტი სურათი, ე. ი. მოგვეცეს რეაქციური და ყალბი იდეა. არა! ჩავლეიშვილი ამტკიცებს სხვა რამეს, სახელდობრ იმას, რომ ყალბი და რეაქციური იდეა „შესაძლებელია საფუძვლად დაედოს მხატვრულ შემოქმედებას და განხორციელდეს, როგორც ესთეტიკური ფენომენი“. ამრიგად, ჩავლეიშვილის აზრი მდგომარეობს არა იმაში, რომ სიმახინჯე და სიყალბე, ყალბი და რეაქციონერი იდეა შეიძლება მოცემულ იქნას მხატვრულად, არამედ იმაში, რომ თვით ყალბი და რეაქციური იდეა შეიძლება იქცეს მხატვრულ დაქტად ანუ განხორციელდეს ესთეტიკურ ფენომენად.

მწერლის იდეა თუ იდეები, როგორც ვიცით, შეადგენენ ნაწარმოების შინაარსს, მხატვრული სახეები კი — მის ფორმას. ჩავლეიშვილის კონცეპციით, მხატვრობა ანუ მხატვრული ფორმა ამ შინაარსის შინაგანი მოთხოვნილება, შინაგანი სტრუქტურა კი არ არის, არამედ რაღაც გარეშე გულგრილი მოვლენაა, ე. ი. რა ნაირიც არ უნდა იყოს შინაარსი ანუ იდეა, გინდ ყალბი და რეაქციური, გინდ ქეშმარიტი, — ეს მხატვრობას, მხატვრულ ფორმას არ ეხება. ამრიგად, გამოდის, რომ მხატვრობისათვის არავითარი მნიშვნელობა არა აქვს იმას, თუ რა იდეას იძლევა, თუ რას ამბობს მწერალი, არამედ იმას, თუ როგორ ამბობს, ხოლო იმისთვის, თუ როგორ ამბობს, მთავარია გულწრფელობა. გულწრფელობა რომ კარგი თვისებაა და რომ იგი საჭიროა არა მარტო

მხატვრულ, არამედ ადამიანის ყოველგვარ შემოქმედებაში, ამას არც ერთი ჭკუთამყოფელი სადაოდ არ მიიჩნევს. მაგრამ რეაქციონერებმა და სიყალბე, რანაირი გულწრფელობითაც არ უნდა იყოს შესთქმენილი „ესთეტიკურ ფენომენად“ რომ ვერ იქცევა, ეს ყოველმა მარქსისტ-ლენინელმა უნდა იცოდეს, თუნდაც იმ უბრალო მოტივითაც, რომ რეაქციური იდეა რევოლუციისა და რევოლუციონერისათვის სარგებლიანობის მიკროსკოპიულ ნაწილაკსაც კი არ შეიცავს.

შემოქმედების ხარისხის გულწრფელობით განსაზღვრის დებულება ამხ. ჩაველიშვილს ამხ. ნუსინოვისაგან აქვს ნასესხები.

ყალბა და რეაქციური იდეები, იმდენად, რამდენადაც ისინი ნამდვილად არსებობენ რეაქციონერების შეგნებაში, რეალური მოვლენებია. ყალბ და რეაქციურ იდეაზე როგორც რეალურ მოვლენაზე, შეიძლება დაიწეროს მალალმხატვრული ნაწარმოები, ე. ი. შეიძლება მოცემულ იქნას ყალბი იდეის ქეშმარიტი მხატვრული სახე. და ეს სახე იმდენად იქნება ქეშმარიტი მხატვრული სახე, რამდენადაც ის იქნება ყალბი იდეის უარყოფა, რამდენადაც ის იქნება მხატვრული ჩვენება იმისა, რომ ეს ყალბი იდეა ნამდვილად ყალბია, რომ მისი რეალობა მის სიყალბეშია. მაგრამ მარქსისტულ-ლენინური თვალსაზრისით, რევოლუციური პროლეტარიატის მოთხოვნილებების, გრძნობების, ვნებების, მისწრაფებებისა და განცდების თვალსაზრისით, ყალბი და რეაქციური იდეა, არავითარ შემთხვევაში არ შეიძლება „ვანბორციელდეს როგორც ესთეტიკური ფენომენი“.

რეაქციური და ყალბი იდეა, ისევე, როგორც თვით რეაქციური და ყალბი სოციალური მოვლენა, მუშათა კლასისა და საერთოდ მშრომელების სასიცოცხლო ძალებისა და ინტერესების ჩახშობისაგან არის მიმართული. ამიტომ ის არ შეიძლება პროლეტარიატის მხატვრულ ფაქტად, ესთეტიკურ ფენომენად იქცეს. მხატვრულისა და ესთეტიკურის განსაზღვრა კლასის სასიცოცხლო ძალებისა და ინტერესების გაღვივების თვალსაზრისით ნიშნავს არა ვულგარულ-მხატვრული ინსტრუმენტი, არამედ საღ მარქსისტულ-ლენინურ უტილიტარიზმს.

ცხადია, რეაქციურ კლასებს, რეაქციურ სოციალურ ჯგუფებსა და ცალკეულ რეაქციონერებს ნაწარმოები თავის რეაქციური და ყალბი იდეებით მხატვრულ ფაქტად, ესთეტიკურ ფენომენად წარმოუდგებათ. ეს მათი კლასობრივი ინტერესების, კლასობრივი სარგებლიანობის თვალსაზრისით იქნება განსაზღვრული, ვინაიდან რეაქციური იდეები მხოლოდ მათი ინტერესებიდან გამომდინარეობენ და ეს იდეები მათთვის სიყალბე და სიკრულე კი არა, ხალასი სიბრძნე და ქეშმარიტება იქნება.

ზემოთ საკმაოდ ვილაპარაკეთ იმაზე, რომ მხატვრობა შემეცნების შედეგია, რომ მხატვრული სახე შემეცნებითი კატეგორიაა. მხატვრული შემეცნების ობიექტს, ისე, როგორც ყოველგვარი შემეცნების ობიექტს,

საზოგადოებრივი ყოფის რეალური პროცესები, რეალური ქვეყანა წარმოადგენს. ჩავლევთ იმის აზრით კი, მხატვრობისათვის მარტოვენი... იდეა ანუ ქვეყნის შემეცნება ყალბი იქნება თუ ქვეყნის მხატვრობა გამოდის, რომ მხატვრობა თუ მხატვრული სახე არის არა ქვეყნის შემეცნება, არამედ ქვეყნის შემეცნების ანუ იდეის განურჩეველი (не-различная) ფორმა. და რაკი მხატვრული სახე ქვეყნის შემეცნების (იდეის) განურჩეველი ფორმაა, მას არც რაიმე შემეცნებითი ფუნქცია ჰქონია. ეს ფორმა თითქოს არა შემეცნებიდან, არამედ რაღაც სხვა წყაროდან წოდის და ჩაჩვიით ჩამოეცემა თავზე ყალბ ან ქვეყნის იდეას. ასეთ დასკვნას, სხვა რომ არა იყოს რა, მარქსიზმ-ლენინიზმთან საერთო არაფერი აქვს.

მეორე მხრივ, თუ მხატვრობისათვის სულ ერთია, რანაირი იქნება იდეა, მაშინ მას (მხატვრობას) არც რაიმე სოციალურ-კლასობრივი ფუნქცია ჰქონია, იგი ზეკლასობრივი მოვლენა ყოფილა, რადგან, როგორც ვიცით, კლასობრიობა მხოლოდ იდეურ მიმართებაში იხატება.

მხატვრობის ზეკლასობრივ მოვლენად აღიარების ტენდენცია მართლაც აქვს ჩავლევთ იმის. იგი სწერს: „შემოქმედების მხატვრობისათვის ღირებულია არა ის, თუ როგორია იდეა პროლეტარიატის თვალაზრისით, არამედ ის, თუ როგორია იგი მწერლისა და მისი კლასისათვის“. ამრიგად გამოდის, რომ იდეა შეიძლება პროლეტარიატისათვის მიუღებელი იყოს, მაგრამ ამ იდეის მხატვრობა ანუ მხატვრული ფორმა მისაღები იქნება როგორც პროლეტარიატისათვის, ისე იმ კლასისათვის, რომლის იდეა პროლეტარიატისათვის მიუღებელია.

იდეები კლასობრივი, მხატვრობა საყოველთაო ზეკლასობრივი — ასეთია ჩავლევთ იმის დებულებებიდან გამომდინარე დასკვნა.

ან კიდევ ჩავლევთ იმის სწერს: „მხატვრობა არ არის აუცილებლად სინამდვილის რეალისტური გამომხატვის ზომა“. და მართლა, რომ ყალბ იდეაზე არ შეიძლება მხატვრული ნაწარმოების დაწერა. მაშინ ხელოვნება დაკარგავდა თავის ფუნქციონალურ დანიშნულებას იმ კლასისათვის, რომელსაც წარმოების პროცესში თავის მდგომარეობის გამო არ შეუძლია ქვეყნის წარმოდგენა იქონიოს სინამდვილის შესახებ“. ამ ამონაწერის ერთი აზრი, რომელსაც ასე თავგამოდებით იცავს ავტორი, მდგომარეობს იმაში, რომ, თუ რამე ნუ იტყვით, ყალბ იდეაზე შეიძლება ნაწარმოების დაწერა, ხოლო მეორე აზრი — იმაში, რომ, რაკი ყალბ იდეაზე შეიძლება ნაწარმოების დაწერა, ის უშეკვლად მხატვრული უნდა იყოს, თორემ ხელოვნება დაკარგავს კლასობრივ ფუნქციას. ამ მაგალითი იმისა, თუ ნათელი აზრი როგორ გააბუნდოვანა ადამიანმა. არა მგონია, ავტორს შეეძლოს ვინმე იმაში, რომ ყალბ იდეაზე შეიძლება ნაწარმოების დაწერა.



ყალბ იდეაზე შეიძლება ნაწარმოების დაწერა. ეს შესაძლებელია მერ რე რა? ეს ნაწარმოები ხომ ყველასათვის მხატვრული და ესთეტიკური არ იქნება? ის ესთეტიკური და მხატვრული იქნება მხოლოდ ვინაობა იქნება იმ ადამიანებისათვის, რომელთაც „არ შეუძლიათ ქეშმარიტი წარმოდგენა-იქონიონ სინამდვილის შესახებ“ (აქ ისიც უნდა შევნიშნოთ, რომ კლასის გონების ასეთი აბსოლუტური შეზღუდვა არასოდეს არ ხდება).

ხელოვნების კლასობრივი ფუნქციონალური დანიშნულება მდგომარეობს არა იმაში, რომ მხატვრობას აქვს რაღაც ააერთო. საყოველთაო, ზეკლასობრივი ზომა, განსხვავებული „სინამდვილის რეალისტური გამოხატვის ზომისაგან“, არამედ სწორედ იმაში, რომ მხატვრობის ზომა ისტორიულ-კლასობრივია, რომ სხვადასხვა კლასსა და სხვადასხვა ეპოქას მხატვრობის სხვადასხვა ზომა აქვს. ჩავლენიშვილს კი ჰგონია, რომ კლასობრივია მხოლოდ იდეები, ხოლო მხატვრობა საყოველთაო და საკლასთაშორისაა.

ჩავლენიშვილი არ სცხრება:

„ხშირად უაღრესად რეაქციური იდეა უდიდესი მხატვრობით არის შესრულებული. მაგ., ტურგენევის „Отцы и дети“, მეჩვიდმეტე თავი. რომელშიაც მოთხრობილია ბაზაროვის სიკვდილი, მისი სოციალური უნარიანობა, როგორც ავტორის ყალბი წარმოდგენის მაჩვენებელი რაზნოჩინური ინტელიგენციის შესახებ, იკითხება უდიდესი განცლით“.

გადაჭრით უნდა ითქვას, რომ ეს მეტის-მეტად სუსტი საილუსტრაციო არგუმენტია ესოდენ „გაბედული“ დებულების დასამტკიცებლად.

უპირველეს ყოვლისა უნდა აღინიშნოს, რომ ტურგენევიც იც „Отцы и дети“ რეალისტური ნაწარმოებია, რომ მასში იმ დროინდელი საზოგადოებრივი ცხოვრებისა და საზოგადოებრივი შეგნების ზოგიერთი მხარე სწორად არის ასახული. ტურგენევიც იცის ცხოვრება და იგი მრავალ ქეშმარიტ მხატვრულ იდეას იძლევა მაშინდელი ცხოვრების შესახებ. ავილოთ თვით ბაზაროვი. ტურგენევიც იც ამ სახეში უმკველად მოგვცა რაზნოჩინური ინტელიგენციის ზოგიერთი მართალი რეალური ხაზი, მაგრამ ამავე სახეში მოცემულია პაროდია რევოლუციურ ნაროდნიკებზე, მოცემულია ყალბი წარმოდგენები. აქ სიყალბე და ქეშმარიტება ერთმანეთშია გათქვეფილი. და შეიძლება ვინმესთვის სწორედ იმ ვარუ-მოებამ, რომ მხატვრული ნაწარმოები თუ მხატვრული სახე შეიცავს არა ერთ იდეას, თუ ვინდ მთავარსა და ძირითადს, არამედ იდეათა და წარმოდგენათა მთელ სისტემას, შექმნას ილუზია, რომ ქეშმარიტ იდეათა შორის თითქო ყალბი იდეაც არის განხორციელებული, როგორც „ესთეტიკური ფენომენი“.

თუ თქვენ ნამდვილი პროლეტარულ-სოციალისტური შეგნების ადამიანი ხართ და გრძნობთ, რომ ნაწარმოების იდეა ყალბი და რეაქციურია.

როგორ შევიძლიათ ეს რეაქციურობა და სიყალბე „ესთეტიკურ ფეოდალ-  
ნად“ განხორციელებული მიიჩნიათ, რანაირი გულწრფელი არ  
იყოს ის გამომვლავებული?  
გ. ი. ბ. ლ. ი. მ. მ. მ. მ.

ჩველიშვილი დაიწინებთ ცდილობს მხატვრობას, მხატვრულ სა-  
ხეს წაართვას შემეცნებითი ფუნქცია: ის ხშირად იმეორებს, რომ ესა  
და ეაო. „...არის მისი შემეცნებითი ღირსების ხარისხი და არა მხატვრუ-  
ლობის მაჩვენებელი“-ო. თითქოს მხატვრობა არ იყოს შემეცნების  
პროდუქტი.

არ შეიძლება ფორმისა და შინაარსის გაიგივება, მაგრამ არ შეიძლე-  
ბა მათი გათიშვაც. „შეგნება და მდგომარეობა, იდეა და მატერია — ეს  
ორი სხვადასხვანაირი ფორმაა ერთი და იმავე მოვლენისა, რომელსაც  
საერთოდ რომ ვსთქვათ, ბუნება ეწოდება, მაშასადამე, ისინი არც უარ-  
ყოფენ ერთმანეთს და არც ერთსა და იმავე მოვლენას წარმოადგენენ“  
(სტალინი \*).

ვიმეორებთ, რომ ეს ფორმა არის ასეთი, და არა სხვანაირი. იმი-  
ტომ, რომ ის ამ ანუ ასეთი და არა სხვა შინაარსისაა, და — პი-  
რიქით. აბა სცადეთ, როგორც მხატვრული სახე, როგორც ფორმა დაა-  
კოქლეთ ნ. ბარათაშვილის „მერანი“, — თუ არ დაკოქლდეს თვით  
შინაარსი, თვით „მერნის“ იდეა. სცადეთ, გახადეთ ტარსელს  
ვეფხის ტყავე და ჩააკვით ანაფორა, თუ არ შეიცვალოს ამ სახის შე-  
მეცნებითი (იდეური) შინაარსიც. ონეგინს წაართვით თუნდაც  
ისეთი თვისება, როგორიცაა ფრანგული ენის ცოდნა, და უეჭველად მი-  
რღებთ ასე თუ ისე უკვე შეცვლილ იდეურ შინაარსს.

მხატვრული ნაწარმოების სისადავე და ხალხურობა, რასაც ჩვენ  
ჩვენი მწერლებსაგან მოვითხოვთ, არსებითად ხომ ფორმის საკითხია,  
მაგრამ იმავე დროს ის იდეური ანუ შინაარსის საკითხიცაა.

უბრალოება და ხალხურობა სოციალისტური ქვეყნის მშრომელთა  
მოთხოვნაა და ის მათი იდეური და ესთეტიკური კოდექსის შემად-  
გენელი ელემენტია. წარმოვიდგინოთ ორი ერთგვარ ძირითად რევოლუ-  
ციურ იდეაზე აგებული მხატვრული ნაწარმოები, იმ განსხვავებით, რომ  
ერთი სადად და ხალხურად არის შესრულებული, მეორე კი „მაღალი  
შტილი“. ამ ორი ნაწარმოების ერთგვარობა ნამდვილად არ იქნება ერთ-  
გვარობა, რადგან უბრალოება და „მაღალი შტილი“ არა მარტო წმინ-  
და ფორმებია, არამედ გარკვეული იდეური მიმართებებაც.

ჩველიშვილი ხან ყურს გვიჭედავს იმის მტკიცებით, რომ რეაქცი-  
ური და ყალბი იდეა „შეიძლება განხორციელდეს როგორც ესთეტიკუ-  
რი ფეოდალი“, ხან კი სულ სხვა რამეს ჩაურთავს. აი რასა სწერს იგი:

\*) ციტატი მოგვყავს ანს. ლ. ბერიას წიგნიდან: „აკ ბოლშევიკური ორგანიზა-  
ციების ისტორიის საკითხისათვის“, 1935 წ., გვ. 103.

„ახლის თქმა კი მოვლენის არსის გახსნის გარეშე შეუძლებელია. სწორედ ეს არის ხელოვნების შინაარსი: სინამდვილის ცოდნის გარეშე შემოქმედება შეუძლებელია. ცოდნა არსის ცოდნაა და იგი არა მარტო სახის შემეცნებითა ღირებულებას, არამედ მის მხატვრულობასაც“ \*).

გარგი და პატიოსანი. თუ არსის ცოდნა განსაზღვრავს მხატვრულობასაც, ყალბი და რეაქციური იდეა ხომ არსის ცოდნა არ არის, მაშინ როგორღა ხორციელდება რეაქციური იდეა „ესთეტიკურ ფენომენად“? თურმე წყიტიყვი:

„ერთია, როდესაც მწერალი ისეთ რამეზე სწერს, რაც არ იცის, მეორეა, როდესაც იცის, მაგრამ თავისი კლასობრივი განსაზღვრულობის გამო, შეგნებულად ამახინჯებს მას, არ გვაწუდის მას, არ გვაწუდის ისე, როგორც ცოდნის საგანი ნამდვილად არსებობს. ეს უკანასკნელი სინამდვილის ფალსიფიკაციაა და, როგორც ვნახეთ, ყალბი იდეის სახით გვევლინება“ \*\*).

მართალია, სინამდვილის შეგნებელი დამახინჯება ყალბი იდეაა, მაგრამ შეუგნებელი დამახინჯებაც ხომ ყალბი იდეაა. შემეცნების ისტორიულ-კლასობრივი განსაზღვრულობა გულისხმობს, რომ არა მარტო ის არის ყალბი იდეა, ყალბი წარმოდგენა სინამდვილეზე, როცა კლასობრივი ადამიანი განზრახ, შეგნებულად ამახინჯებს სინამდვილეს, არამედ ისიც ყალბია, როცა სინამდვილე შეუგნებლად და სტიქიურად არის დამახინჯებული. ჩაველიშვილის აზრთა დინება კი შემდეგნაირია: თუ მწერალი შეგნებულად ამახინჯებს სინამდვილეს, მაშინ იბადება ყალბი იდეა, ხოლო ყალბი იდეა „შეიძლება განხორციელდეს, როგორც ესთეტიკური ფენომენი“ ანუ „როგორც ყალბი და რეაქციური, ისე ტეშპარიტი იდეა შეიძლება მოცემულ იქნას მხატვრულად, მხოლოდ იმ წინაპირობით, თუ იგი გულწრფელად სწამს მწერალს (ხაზი ჩვენია. — ლ. კ.). მაგრამ რატომ არ ინება ჩაველიშვილმა, ესოდენ მაღალფარდოვან სიძნელეთა შორის ისიც აეხსნა ჩვენთვის, თუ როგორ შეიძლება, რომ მწერალს მის მიერვე შეგნებულად ყალბად შედგენილი იდეა გულწრფელად სწამდეს?

თუ მწერალი სინამდვილეს შეგნებულად ამახინჯებს, შეგნებულად ეწევა ფალსიფიკაციას, შეგნებულად ადგენს ყალბ იდეას, მაშინ არ შეიძლება ეს იდეა მას გულწრფელად სწამდეს. და რაკი არაგულწრფელობის პირობებში მხატვრული ნაწარმოების შექმნა შეუძლებელია, ასეთი ყალბი იდეა ვერ გამხორციელდება „ესთეტიკურ ფენომენად“.

\*) „მნათობი“ № 10, 1935 წ. გვ. 174.

\*\*\*) იქვე.

თუ ყალბ იდეად სინამდვილის ისეთ შემეცნებას მოვიხსენიებთ, როცა მწერალი, თავისი შემეცნების კლასობრივი განსხვავებულობის გამო, თავის და უნებურად შეუვარდებლად ამხინჯებს სინამდვილეს, მაშინ ესეთი ყალბი იდეა არსის არ ცოდნაა... და ჩველი შეიღრმე რომ თანახმაა, რომ არსის არცოდნა მხატვრულად არ ხორციელდება. ამრიგად, არც ერთ შემთხვევაში ყალბი და რეაქციური იდეა არ ხორციელდება, როგორც „ესთეტიკური ფენომენი“.

მარქსისტულ-ლენინური ლიტერატურათმცოდნეობა, ესთეტიკისა და ლიტერატურათმცოდნეობის საკითხების გარკვევისას, ვერ ასცდება ისეთ გენიალურ ნაშრომებს, როგორცაა მარქს-ენგელსის „წმინდა ოჯახი“, ლენინის სტატიები ტოლსტოიზე, სტალინის მითითებები სოციალისტურ რეალიზმსა, მწერლობის დანიშნულებასა და დრამის მნიშვნელობაზე და მარქსიზმ-ლენინიზმის ამ ფუძემდებელთა სხვადასხვა ნარკვევი. მოსაზრება, დებულება ხელოვნების, ლიტერატურისა და ესთეტიკის შესახებ.

„წმინდა ოჯახში“ მარქსი და ენგელსი არჩევენ ექვს სიუს რომანს „პარიზის საიდუმლოებებს“ და თავიდან ბოლომდე წითელი ზოლივით ატარებენ იმ აზრს, რომ სინამდვილის ფალსიფიკაცია — ყოველთვის არამხატვრული და არაესთეტიკურია. მარქსი ჩვეულებრივი სარკაზმით შენიშნავს აგრეთვე, რომ ბურჟუაზიული სალონები, ბურჟუაზიული საბალო დარბაზების ბანოვანი, „რაინდები“ და მათი ყოფა-ცხოვრება მხოლოდ მედღეულებსა, ჩარჩებსა და სოფლის უბადრულ პასტორებში იწვევენ სრულქმნილების გრძნობებსა და ესთეტიკურ აცტაცებას.

ლენინი ტოლსტოის სიდიადეს მის ფხიზელ რეალიზმში ხედავს; ტოლსტოი იმ იდეათა და განწყობილებათა ნართალი მხატვარია, რომლებიც ახასიათებდნენ რუსეთის პატრიარქალური გლეხობის მილიონებს. ხოლო ტოლსტოის რეაქციურ იდეებს ლენინმა „ერთ-ერთი ყველაზე უფრო საზიზღარი საგნის ქადაგება“ უწოდა. განა შეიძლება სადაო იყოს ის, რომ ლენინის გენია ამ „ქადაგებაში“ არაფერს ესთეტიკურს, არაფერს მხატვრულს არ ხედავდა? განა ლენინის სტატიებში ტოლსტოის შესახებ და საერთოდ სადმე ლენინის ნაშრომებში შეგიძლიათ აღმოაჩინოთ ნატამალიც კი იმისა, რომ ამ „საზიზღარმა“ იდეებმა ესთეტიკური ხორცშესხმა მიიღეს და ისინი „ესთეტიკურ ფენომენებად“ გადაიქცნენ? ლენინმა ტოლსტოის მხატვრული სიდიადის ზომად „უაღრესად ფხიზელი რეალიზმი, ყოველი და ყოველნაირი ნიღაბის ჩამოგლეჯა“ გამოაცხადა.

სტალინის გენიალური მითითებები სოციალისტურ რეალიზმზე განა არსებითად იმას არ ნიშნავს, რომ პროლეტარული, სოციალისტუ-



რი შეგნების კანდესირებულმა გენიალობამ მხატვრობისა და ესთეტიკურობის კრიტიკრიუმად სინამდვილის ტყუილი, მართალი, ქეშმარიტი ასევე უნდა იყოს. აცხადა, ხოლო მხატვრობის ზომად სინამდვილის ქეშმარიტ მხატვრულ იდეებში მოცემად ააწესა? ყალბი და რეაქციური იდეა არ შეიძლება გადაიქცეს „ადამიანის სულის ინტენერთა“ მხატვრულ იარაღად.

მარქსიზმ-ლენინიზმი, რომელიც სამყაროს ქეშმარიტ რევოლუციურ-მეცნიერულ მატერიალისტურ-დიალექტიკურ ახსნას იძლევა და რომელიც ყოველთვის რეალური ქვეყნის ქეშმარიტ რევოლუციურ შემეცნებას გულისხმობს, მთელი თავისი არსებით ეწინააღმდეგება ყალბი და რეაქციური იდეების „ესთეტიკურ ფენომენად“ განხორციელების აზრს.

შეიძლება გავუღვარებინო რომელიმე მოყვარულმა გვითხრას, რომ, რაკი მოვლენათა არსის მხატვრული მიწვედომის სიღრმე და ქეშმარიტი იდეები განსაზღვრავენ მხატვრული შემოქმედების ესთეტიკურ ღირსებას, ყოველი ახალი საზოგადოებრივი საფეხურის მხატვრული პროდუქტია მაღლა უნდა იდგეს წინანდელზე, რადგან ყოველი ახალი ხანა უკვე მიღწეულ ქეშმარიტებათა მემკვიდრეცაა და მათი გამომრავებელიც (თუმცა ყოველთვის ასე არ არის მაგრამ აქ ამის გარკვევა შორს წაგვიყვანს).

უპირველეს ყოვლისა, განმეორებით ხაზი უნდა გავუსვათ იმ გარემოებას, რომ არაყოველი ქეშმარიტი იდეა, რომელიც განხორციელებულია კონკრეტულ გრძობითს ფორმაში, ინდივიდუალიზირებულია, ანუ ის არის არა ქეშმარიტი იდეა საერთოდ, არამედ ქეშმარიტი მხატვრული იდეა. მხატვრული ნაწარმოების ესთეტიკური ღირსებაც იმაზეა დამოკიდებული, თუ რამდენად ღრმად და ფართოდ არის ასახული თავისი ეპოქა ან ქეშმარიტ მხატვრული იდეები.

და განა თავიანთ დროს, თავიანთ ეპოქას უფრო ღრმად და უფრო ფართოდ არ ასახედენ ქეშმარიტ მხატვრულ იდეებში რუსთაველი და დანტე, შექსპირი და ტოლსტოი, ბალზაკი და გოეტე. ვიდრე მათ მიერ დადგმულ მხატვრულ იალბუზებს ამოფარებული მწერლები?

მეორეს მხრივ, მარქსმა გენიალურად ახსნა ის, თუ რატომ გენიკებს დღესაც ძველი ბერძნული ხელოვნება ესთეტიკურ სიამოვნებას და რატომ ინარჩუნებს იგი ერთგვარად ნორმისა და მიუწვედომელი ნიმუშის მნიშვნელობას:

„მამაკაცი ხელახლა ბავშვად ვერ იქცევა, წინააღმდეგ შემთხვევაში გაბავშვდება, მაგრამ განა მას არ ახარებს ბავშვის გულუბრყვილობა, განა თვით იგი არ უნდა მიისწრაფოდეს, რომ უმაღლეს საფეხურზე გადა-



მოსცეს მისი ნამდვილი არსება, და განა ბავშვის ბუნებაში სიცოცხლეს არ მოიღებს ყოველ ეპოქაში მისი საკუთარი ხასიათი თანამედროვეობითი ბუნებრივი სახით? კაცობრიობის საზოგადოებრივ ბავშვობას, როგორც საც იგი უმშვენიერესად გაიშალა, რატომ არ უნდა ჰქონდეს ჩვენთვის მარადიული მიმზიდველობა, როგორც განუმეორებელ საფეხურს? \*

გარდა ამისა, ცნობილია, რომ მარქსი დიდად აფასებდა შექსპირის შემოქმედებას. ის ხშირად ამბავებდა თავის გენიალურ დებულებებს შექსპირის ჭეშმარიტი მხატვრული იდეებით (მაგალითად, ფულის ბუნების, კაპიტალისა და შრომის დამოკიდებულების და სხვათა შესახებ). ცნობილია აგრეთვე, რომ მარქსი მიუთითებდა შექსპირის რეალიზმზე. ერთი შეხედვით კაცი იფიქრებს: რა არის რეალისტური ამ ზღაპრულ სუვეტებსა და ფაბულებში, ამ სულებსა და აზრდილებში, ამ ნიაღვარებით მოვარდნილ ფანტაზიაში? მაგრამ ეს მხოლოდ ერთი შეხედვით. ნამდვილად კი მხატვრული შემეცნება არის არა, სინამდვილის სარკისებრ მკვდარი და ფოტოგრაფიული ასახვა, არამედ შეგრძნებათა და შთაბეჭდილებათა ვადამუშავების რთული პროცესი, და მხატვრული შემეცნება არა მარტო ასახავს სინამდვილეს, არამედ კიდევაც ჰქმნის მას. ამიტომ მწერალს მოვლენათა ღრმა არსის, ღრმა მხატვრული არსის გამოსაყვანად სახეების, შედარებების, ალევორიებითა და ფორმის სხვა თვისებათა ზღვა სჭირდება. ცხადია, იმას, თუ რომელი ვარემოდან ჰკრეფს მწერალი ფორმის ამ თვისებებს, ისევ მისი ისტორიული და კლასობრივი საზოგადოებრივი შეგნება განსაზღვრავს. როგორც, მაგალითად, ძველი „ბერძნული მითოლოგია შეადგენდა ბერძნული ხელოვნების არა მარტო არსენალს, არამედ მის ნიადაგსაც“ (მარქსი) და შეადგენდა იმიტომ, რომ თვით მაშინდელი საბერძნეთის საზოგადოებრივი განვითარება გულისხმობდა ბუნების მითაზირებას, ბუნებასთან მითოლოგიურ დამოკიდებულებას.

მოვლენათა ღრმა არსის მიწოდებაში, ჭეშმარიტ მხატვრულ იდეებში ხედავდა მარქსი შექსპირის სიღიადეს. მწერალი კი, რომელიც ვერ იძლეოდა მოვლენათა ღრმა არსს, ვერ იძლეოდა ჭეშმარიტ მხატვრულ იდეებს, მარქსის ათვისის ნამდვილი მხატვარი არ იყო. ასეთი იყო მაგალითად, შატობრიანი, რომელიც მას „მუდამ ეჯავრებოდა“.

აზრისა და არსის ურთიერთობა ილუზიების რეალურ შესაძლებლობასაც არ გამოჰქვითავს. ამიტომ ადამიანები ილუზიებიდან დაზღვეული არ არიან. თუ რომელიმე ჩვენი დროის ლიტერატურათმცოდნეს რაიმე ყალბი და რეაქციონური იდეა „ესთეტიკურ ფენომენად“ განხორციელებული

\* ქალაქი მარქსი. „პოლიტიკური ეკონომიის კრიტიკისათვის“, საბეღამო, 1932 წ., გვ. 36.



წარმოუდგება, ეს, უკეთეს შემთხვევაში, ილუზიაა, ხოლო უარეს შემთხვევაში მოწმობს, რომ ასეთი ლიტერატურათმცოდნის კიდევ დაავადებულია დროგადასული კლასებისა და სოციალური ჯგუფების იდეური გავლენით.

ზოგჯერ ამბობენ ხოლმე, რომ ესა და ეს ნაწარმოები იდეოლოგიურად გამართლებულია, ხოლო მხატვრულად არა ან და — პირიქით. ნაწარმოების ზოგადი და სახელდახელო შეფასებისათვის ასეთი შეხედულება დასაშვებია, მაგრამ ღრმა ანალიზის შედეგად ასეთი ზოგადი შეფასება უეჭველად მოიხსნება, როგორც არა საკმაო და ამდენადვე არასამართლიანი.

დოსტოევსკის „Бесы“, რასაკვირველია, მიუღებელია იდეოლოგიურად, მაგრამ მას აქვს ზოგიერთი მხატვრული ღირსება. რაში მდგომარეობს ეს მხატვრული ღირსება? ცხადია, არა იმაში, რომ რეაქციური იდეა განხორციელებულია „ესთეტიკურ ფენომენად“, არამედ იმაში, რომ მასში მოცემულია რეალური პროცესების ზოგიერთი მხარის, განსაკუთრებით გარკვეული წრეების ფსიქოლოგიური მოვლენების რეალისტური ასახვა, მათი ქეშმარიტი მხატვრული იდეები.

ლენინი სწერს: „ერთი სიტყვით, ისტორიულად ყოველი იდეოლოგია პირობითია, მაგრამ უცილობელია ის, რომ ყოველ მეცნიერულ იდეოლოგიას (რელიგიური იდეოლოგიისაგან განსხვავებით მაგალითად) შეესაბამება ობიექტური ქეშმარიტება, აბსოლუტური ბუნება.“\*).

ლენინის გენიალურ დებულებაში, სხვათა შორის, მოცემულია მემკვიდრეობის ათვისების გასაღებიც, მემკვიდრეობის ათვისების გამოსავალი წერტილიც. ეს გასაღები იმაში მდგომარეობს, რომ ამა თუ იმ იდეოლოგიური ფორმიდან მემკვიდრეობად მივიღებთ იმას, რაც მასში ობიექტურ ქეშმარიტებას გამოხატავს. რელიგიურ იდეოლოგიას არ შეესაბამება რაიმე ობიექტური ქეშმარიტება და ამიტომ არ შეგვიძლია ვილაპარაკოთ რელიგიური იდეოლოგიიდან რაიმე მემკვიდრეობის მიღებაზე.

ლენინის ეს დებულება, მეტად თუ ნაკლებად, უეჭველად ვრცელდება მხატვრულ ნაწარმოებებზედაც და სწორედ ამდენადვე შეგვიძლია ვილაპარაკოდ მხატვრულ მემკვიდრეობაზე. ყელა ნ ა მ დვილ მ ხ ა ტ ვ რ უ ლ ნ ა წ ა რ მ ო ე ბ ს, ა ს ე თ უ ი ს ე, უ ე შ ვ ე ლ ა დ შე ე ს ა ბ ა მ ე ბ ა ო ბ ი ე კ ტ უ რ ი ქ ე შ მ ა რ ი ტ ე ბ ა.

ხელოვნებისა და ლიტერატურის განვითარების ისტორია მოწმობს, რომ ამ განვითარებაშიაც ხდება ხოლმე ფორმის ჩამორჩენა შინაარსისაგან. ფორმა და შინაარსი, როგორც წინააღმდეგობათა ერთიანობა, მუდ-

\*) Ленин. Соч., т. XIII, 83-111.

მივ ურთიერთ ბრძოლასა და ერთიანობაშია, მაგრამ როგორც პროცესი, როგორც მოძრაობა. მაგალითად, საზოგადოების საწარმოეუქმელებში (შინაარსი) ყოველთვის აქვს თავისი გარკვეული სტრუქტურა. არც მასში დამყარებულია გარკვეული საწარმოო ურთიერთობა (ფორმა), რომელიც თვით საწარმოო ძალების განვითარების გარკვეული დონის შინაგანი ბუნებიდან გამომდინარეობს. ამდენად ფორმა შინაარსიც არის. მაგრამ განვითარების განსაზღვრულ საფეხურზე საწარმოო ძალები (შინაარსი) იმდენად გაიზრდებიან, რომ ვეღარ ეტევიან ძველი საწარმოო ურთიერთობის (ფორმის) ჩარჩოებში. საწარმოო ძალები ვეღარ იტანენ ძველ სტრუქტურას, რადგან ის ამუხრუჭებს და აფერხებს მათ განვითარებას. ძველი ფორმა უნდა გასკდეს, უნდა დაიზრდეს და გაზრდილი საწარმოო ძალები ანუ ახალი შინაარსი ახალ ფორმაში შევა. ასეთია ფორმისა და შინაარსის ურთიერთობა, რაც კაპიტალისტური საწარმოო ურთიერთობის აუცილებელი დარღვევის, კაპიტალიზმის აუცილებელი დაღუპვის მაგალითზე ლენინმა გენიალურად ახსნა და გვიჩვენა თავის წიგნში: „იმპერიალიზმი, როგორც უმაღლესი ეტაპი კაპიტალიზმისა“.

ამრიგად, ფორმის ჩამორჩენა შინაარსისაგან არის პროცესი. ის ხდება მხოლოდ მოძრაობასა და განვითარებაში. ასევე ხდება მწერლის შემოქმედებაში, ასევე ხდება ლიტერატურისა და ხელოვნების განვითარებაში. მაგრამ სულ სხვა მოვლენასთან გვაქვს საქმე უკვე დასრულებულ კლკეულ ნაწარმოებებში, რომლებსაც აღარავითარი განვითარება აღარა აქვთ. მოთას „ვეფხისტყაოსანი“ თავისთავად მუდამ დარჩება იმად, რაც არის. ეს პოემა შინაარსითაც და ფორმითაც ის არის, რაც უკვე არის და იქნება. ეს ფორმაა ამ შინაარსისა და ეს შინაარსი ეტევა ამ ფორმაში. აქ სრული სიმშვიდე, ერთიანობა და წონასწორობაა. აქ ფორმისა და შინაარსის შორის არავითარი ჩამორჩენა და წინ გასწრება არ ხდება. ასეთ წონასწორობას ანუ შექანიკური კანონების მოქმედებას რომ სინამდვილეში ადგილი აქვს და რომ ის არა თუ არ ეწინააღმდეგება და არ გამოქვითავს განვითარების დიალექტიკურ კანონებს, არამედ ექვემდებარება მათ და შეადგენს მათ მომენტებს, ამის ახსნას ენგელსი თავის „ბუნების დიალექტიკაში“ იძლევა.

ამრიგად, არსებითად არ არის სწორი, როცა ამბობენ — ამა და ამ ნაწარმოებებში ფორმა ჩამორჩება შინაარსს ან — პირიქით. უკეთეს შემთხვევაში, ასეთ გამოთქმას მეტად განსაზღვრული და პირობითი მნიშვნელობა შეიძლება მიეცეს.

დღეს ჩვენ ვამბობთ, რომ ლიტერატურა და ხელოვნება ჩამორჩებიან ჩვენს ეპოქასო. ეს საესებით სწორია, რადგან ჩვენში ლიტერატურა ჯერ კიდევ სათანადოდ ვერ დაეუფლა იმ ობიექტურ მხატვრულ სიმდიდრეს, რითაც ყველა სხვა ეპოქაზე უფრო მეტად სავსეა სოციალისტური ქვეყნის სინამდვილე. ამავე ნიადაგზე დღეს ლიტერატურის განვითარება-

ში, როგორც პროცესში, უეჭველად ხდება ფორმის ჩამორჩენა შინაარსისაგან. იმ ღრმა იდეებში, იმ ახალმა გრძნობებში, ფიქრებში, და ენებებში, რომლებიც ფლობენ დღეს ჩვენი ქვეყნის მილიონებს, რომლებიც ცდილობენ ჩვენი მწერლები და მხატვრები, ჯერ კიდევ ვერ შეაფერი მხატვრული განხორციელება.

მხატვრობის ყოველივე მომენტს ანუ მხატვრული სიტყვის ყველა თვისებას, ხელოვნების ყველა დარგში აზრობრივი დანიშნულება აქვს და მისი ღირსებაც აზრის ანუ შემეცნების ხარისხით განისაზღვრება.

ცნობილია, რომ დიდი და ქეშმარიტი მწერლები მხატვრული ფორმის ისეთი თვისებებითაც კი, როგორიცაა რიტმი და რითმა, თვით მოვლენის, საგნის თუ განწყობილების რიტმისა და მოძრაობის გადმოცემას ცდილობენ. ეს აღიღებს ყოველთვის ნაწარმოების მხატვრულ ღირსებას. ასე იქცევა შოთა, აკაკი, ვაჟა, პუშკინი და სხვ.

კომპოზიცია, სუჟეტი, ფაბულა, რითმა, რიტმი და სხვა, მხატვრული ფორმის თვისებებია. მართალია, რიტმი და რითმა, კომპოზიცია და სუჟეტი არ შეიძლება მხატვრულ სახედ მივიჩნიოთ, მაგრამ არც ის შეიძლება, რომ მხატვრული ფორმის თვისებები გულგრილ და ტექნიკურ ფორმებად გამოაცხადო ისე, როგორც არ შეიძლება ადამიანის სხეულის ცალკეული ნაწილები ადამიანის არსების გულგრილ და გარეშე ნიშნებად აღიარო. უხელო ადამიანი კვლავ ადამიანია, მაგრამ უხელობა მის არსებაშია და კპოვებს გამოხატულებას, ე. ი. ამ ადამიანის არსება მაშინ, როცა ორივე ხელი ჰქონდა, ნაწილობრივ სხვა იყო, ვიდრე ეხლა, როცა ცალხელაა, რადგან ადამიანის არსება არის ყველა თავისი სოციალური და ფიზიკური თვისების მთლიანობა. ასევეა მხატვრული სახე. მხატვრული სახე არის ყველა თავისი თვისებისა და ნიშნის მთლიანობა. ამ მთლიანობიდან ერთი ნიშნის გამოკლებაც კი ასე თუ ისე, სცვლის მხატვრული სახის რაობას.

ავილოთ რიტმი მუსიკაში. მუსიკაში შინაარსი უმთავრესად რიტმით არის ორგანიზებული. მაგალითად, ბეთჰოვენის მუსიკალური გაფორმება გოეტეს „ეგმონტი“-სა არის გარკვეული იდეოლოგიური მუსიკალური სახე თუ სახეთა სისტემა. ამბობენ, რომ იგი რევოლუციური პროტესტანტული სულისკვეთებით გოეტეს „ეგმონტზე“ უფრო მალა დგასო. გოეტე გულგრილად მოეკიდა ბეთჰოვენის მიერ მისი ნაწარმოების მუსიკალურ გაფორმებას. ბეთჰოვენმა „ეგმონტი“ შედარებით ჭარბი რევოლუციური რიტმის შეტანით უკუაგდო გოეტეს „ეგმონტის“ შემარიგებელი შტრიხები. ამ რიტმის გამოკლებით ბეთჰოვენის „ეგმონტი“, როგორც იდეოლოგიური მუსიკალური სახე, უკვე აღარ იქნებოდა ის, რაც არის.

ის გარემოება, რომ მხატვრული ფორმის ყველა თვისებას ანუ ყველა კომპონენტს აზრობრივი ფუნქცია აქვს, იმას არ ნიშნავს, თითქოს

არ არსებობდეს უაზრო ფორმები. რამდენიც გნებავთ, ჩვენს დროშიაც კი. მაგრამ უაზრო ფორმაც მწერლის გარკვეულ იდეურ მმართველობას უნდა მოადგენს და ამდენად ამ უაზრობასაც ერთგვარი აზრის მქონეობა ენიშნება. ვინმესათვის ეს უაზრო ფორმა მხატვრულიც იყოს, მაგრამ, ყოველ შემთხვევაში, პროლეტარულ-სოციალისტური შეგნებისათვის იგი არასოდეს არ იქნება მხატვრული.

უაზრობა, უშინაარსობა და სიყალბე მხატვრული ნაწარმოების უმნიშვნელო დეტალებშიაც კი ვნებს მხატვრულობას, ამცირებს ნაწარმოებას ემოციონალური გავლენის ძალას.

აეილოთ თუნდაც სიმონ ჩიქოვანის ლექსი „დონბასის ღამე“. დონბასის ღამე მშვენიერი თემაა. პოეტს განუზრახავს შეაქოს სოციალისტური ქვეყნის ერთ-ერთი საამაყო სამრეწველო ცენტრის — დონბასის ღამე. განზრახვა დიდებულია, მაგრამ ლექსი არც თუ საკმაოდ მხატვრული და ემოციონალურია. ეს იმიტომ, რომ ვერ არის იდეურად საკმაოდ გამართული ანუ ლექსი ვერ გამოხატავს მოვლენის ღრმა არსს, ვერ სწვდება ობიექტურ ქვეყნობას. პოეტი აგვიწერს, თუ როგორ „შეყავს ღამეში ციმციმა ჩქერებს“ ქარხანა, თუ როგორ „აზმოვრებს ცუხაით“ ქარხნის შუჭით ტანში დახვეტილს“ ქარის წისქვილს; „მატარებლები გაუელვებენ მიწიდან ამდგარ კვამლს და მნათობებს“; შემდეგ „გამოყავს ქარს ღამანჩელი“, „ის აჩხარუნებს ჯავშანს, კაეშანს“ (?). სხივი ხმალს გადაუმტვრევს მას. შემდეგ პოეტი აგვიწერს, რომ „დგება კვლავ დღე, ქარხანა შემოხედავს თვით მგოსანს, მიმართავს მას (პოეტს) და, ვფიქრობ, პირველად პოეტის ლანძღვა გამოუდის („მუხის ნაფოტო, რიონის ჩქერში ტალღით ნაცემო, ალვის შრიალში ამონაბოდო“), მაგრამ ამშვიდებს იმით, რომ საბჭოეთში ნავაყვაცებს უწოდებს და ბოლოს ეუბნება:

„და ქართლის სიტყვა ამ ბუნებაში  
პოებს საშობლოს და შთავცონებას.“

ამრიგად, პოეტი დონბასის ღამეში მხოლოდ ნიეთებსა და ნიეთების მექანიკურ ურთიერთობას ხედავს. ლანდებსაც ხედავს — დროგადასულ ლანდებს: ღამანჩელს, ოდიშელ ბატონს. მაგრამ ვერ ხედავს ცოცხალ ხალხს, ცოცხალ ადამიანებს, და თუ იცის, რომ იქ ხალხია, იცის იმით, რომ ქარის წისქვილი დაჭერილ ქარს უმტკიცებს,

„რომ ეს ქარხანა ხალხით, ხარხნილით,  
არა არის რა, წისქვილს გარეშე“

ან და მით, რომ:

„რიერაეი ხალხის ერიაშულს შეყვრის.“

ხალხი დახრახნილი ერთ მწკრივზე? ხალხი და ხრახნილი ქარხნის ერთგვარი მასა?

პოეტი ვერ ხედავს კონკრეტულ ადამიანებს, ქარხნის მრავალმხრივი ცხოვრების შემომქმედებს, ვერ ხედება, რომ ლამაზი ელემენტები წისქვილებს ადამიანები ამარცხებენ ქარხნებით. და ელექტრომანქანებით და, არა ქარხნები — „ხალხით, ხრახნილით“. დაახლოებით ასეთაა ლექსის „დონბასის ღამის“ მხატვრული სახე. დეტალებში კი ხშირია უაზრობა.

„ქარის წისქვილი, როგორც სირცხვილი  
დაკიდებს ფრთებს და მოიგავს ჩხვილს.“

როგორ მოიგავს ქარის წისქვილი ჩხვილს, ძნელი წარმოსადგენია. ან რას ნიშნავს ეს „როგორც სირცხვილი დაკიდებს ფრთებს“? არ ვიცით, სად ნახა პოეტმა ფრთებდაკიდებული სირცხვილი. იქნებ უნდოდა ეთქვა, რომ ქარის წისქვილი სირცხვილია. ესეც შეუსაბამობა იქნებოდა.

„მოდის ღამე და მუცლის ბარბაცით“...

მუცლის ბარბაცი წარმოუდგენელია, ხოლო ადამიანის ბარბაცი უაზრობისაგან ფაქტია.

ან კიდევ ფრაზა:

„ვით მოსირმული ხავსით მნათობი  
უძლური ფრთები ეხვევა ქარში.“

აქ თითქოს ლამაზი სიტყვებია, მაგრამ სრული უაზრობაა. ესთქვათ, დიდი ძალდატანებით შევსძელით წარმოვიდგინოთ ხავსით მოსირმული მნათობი, მაგრამ ყოველად შეუძლებელია ხავსით მოსირმულ მნათობსა და ქარში ვახვეულ უძლურ ფრთებს შორის რაიმე „ვით“-ის, ე. ი. მსგავსების დამყარება.

უაზრო ფრაზების შედგენა, თუნდაც ლამაზი სიტყვებით, ძალიან იოლი საქმეა. ამას არც დიდი ნიჭი უნდა. „დონბასის ღამეში“ სიმონ ჩიქოვანი (მე მხოლოდ ამ ერთ ლექსზე ვლაპარაკობ) როდი ცდილობს, რომ რითმითა და რიტმით გადმოგვეცეს თვით მოვლენის მოპარობა და სიცოცხლე; იგი მხოლოდ რითმავს რითმისათვის, ლამაზ სიტყვებს ამბობს ლამაზი სიტყვებისათვის. ასეთი ხერხები ფორმალისმის ბალზია დაკრეფილი.

„მნათობის“ იმავე მეათე ნომერში მოთავსებულია პეტრე სანოსონის ლექსი „მდინარეს“. ამ პოეტსაც დიდებული განზრახვა აქვს — დაგვიხატოს ბოლშევიკ-პოეტის დამოკიდებულება ოქტომბრის რევოლუციისა და სოციალისტური მშენებლობის სინამდვილისადმი. მაგრამ ერთია განზრახვა, ხოლო მეორე შესრულება.

ბოლშევიკ-პოეტისა და სოციალისტური სინამდვილის ურთიერთობა მეტად მდიდარი რეალური პროცესია. ბოლშევიკი პოეტი მარტო პასიური მკვრეტელი არ არის. დიდი სოციალისტური მშენებლობის პროცესისა, იგი მისი შემოქმედიც არის, ახალ ადამიანთა შექმნის პროცესისა, ადამიანთა სულის ინჟინერი. და აი ამ რეალური პროცესის — ბოლშევიკ-პოეტისა და სოციალისტური სინამდვილის ურთიერთობის ღრმა არსს სამსოინძე თავისი ამ ლექსით ვერ სწვდება, ვერ იძლევა ჰემზარიტ მხატვრულ იდეას. ლექსი იწყება ასე:

„სწრაფათ მიყვებარ, დიდო მდინარე,  
აღუღებულო შავი ზღვასავით“...  
„მიიყვო მხესთან დამაბინადრე  
იქ დავასრულოთ გზები სავალნი“.

სოციალისტური მშენებლობის სავალი გზები არ სრულდება და პოეტი ამოღ ითანაზიარებს მდინარეს სოციალისტური მშენებლობის სავალი გზების დასრულებაში. გარდა ამისა, პოეტები საერთოდ მზისკენ მფრინავე რაშებით, არწივის ფრთებით და სხვა ასეთებით მიილტოდნენ და ეს, ცოტად თუ ბევრად, ეგუებოდა აღმა, მზისკენ სრბოლას, მაგრამ მხესთან მდინარით მისვლა თუ მიცურვა არაბუნებრივი და ნაძალადეგია.

მხატვრული სახე მაშინ არის ნამდვილი მხატვრული სახე, როცა ყველა მისი ელემენტი ჰქმნის კონკრეტულ ინდივიდუალიზებულ მთლიანობას. თუ გამოთქმები, შედარებები, მარტივი სახეები და სხვა „უმსგავსო და შორი შორია“, არ შეიძლება მთლიანი იდეოლოგიური მხატვრული სახის მოცემა. პ. სამსოინძე ამ ლექსში ამ წესს ივიწყებს. მაგალითად: პირველი ტაეპით ჩვენ წარმოდგენილი გვაქვს, რომ სამსოინძე მდინარეშია და მდინარეს მიჰყავს სწრაფად. მეორე ტაეპში ვტყუობილობთ, რომ ის უკვე აღევნებია მდინარეს „როგორც თოლია, როგორც ფრთამალი მთის შევარდენი“. მესამეში — იგი უკვე „ერთი ჩქარია“, რომელიც მდინარეს ეუბნება:

„შენსა დინებას ბედი მივანდე  
სხვა რამ ამ ქვეყნათ რა დამჩენია“.

შეოთხეში კი:

„მუდამ ვიცურო შენთან (თუ შენში? — ლ. კ.)

მინდა მე

თუ არა ფერი დამედოს მკედრისა“.

ამრიგად, მდინარეს მიჰყავს პოეტი. უცბად იგი თოლიად და შევარდენად გადაიქცევა და მისდევს მდინარეს. მეორე მდინარის „ერთი ჩქარია“, შემდეგ მისცურავს მასთან (და არა მასში), და ჩვენც ველოდებით, რომ სადაც არის... დაყვინთავს.

„სულმოკლეობას მედამ ვჭოლავედი;  
როცა მგელივით იწყებდა ღმუილს“.



სულმოკლეობას მედამ ჰჭოლავედით, თუ მხოლოდ მაშინ, როცა მგელივით იწყებდა ღმუილს? გარდა ამისა, მეტის-მეტად ნაძალადევი სულმოკლეობის მგელივით ღმუილი. ლექსში არის ასეთი მოზღენილი ფრაზა:

„გაცავებულვარ როგორც ფოლადი  
დავიმსხვრევი და არ გავიღუნები“.

მაგრამ საერთოდ ლექსი „მდინარეს“ ვერ იძლევა ოქტომბრის რევოლუციისა და სოციალისტურ მშენებლობაში ბოლშევიკ-პოეტის მონაწილეობის რეალური პროცესის ღრმა ობიექტურ შინაარსს და ამდენადვე იგი არ წარმოადგენს მაღალ იდეოლოგიურ მხატვრულ სახეს.

შეიძლება ზოგიერთ მწერალს ასეთი შეხედულება ჰქონდეს: იქნებ ფორმა დამიწუნონ, მაგრამ შინაარსით მაინც ძლიერი ვარო, ან — პირიქით: იქნებ შინაარსი დამიწუნონ, მაგრამ ფორმით მაინც დიდი მხატვარი ვარო. ერთიც და მეორეც ილუზიის ბურუსში გახვევას მოასწავებს. ეპოქა მათ ეუბნება: „შე მრწამს მაღალი შინაარსი მაღალ ფორმაში. ერთ-ერთის უვარგისობა მეორის უვარგისობასაც მოასწავებს.“

კეშმარიტი იდეური მხატვრული სახის გარეშე მწერალი ნამდვილი მხატვარი არ არის“.





# შ ი ნ ა ა რ ს ი

ლ. ბერია — ს. ს. რ. კავშირის ახალი კონსტიტუცია და ამიერ-კავკასიის ფედერაცია . . . . .	3
ლეო ქიაჩელი — გვადი ბიგვა (რომანი. გაგრძელება) . . . . .	11
გრ. აბაშიძე — მოედანთან (ლექსი) . . . . .	33
მიხეილ ჯავახიშვილი — ქალის ტვირთი (რომანი. გაგრძელება) . . . . .	35
ვლ. შაიაკოვსკი — შინისკენ უცხოეთიდან (ლექსი. თარგ. ნ. მიწი-შვილმა) . . . . .	51
ა. ბელიაშვილი — ბაგრატა (მოთხრობა) . . . . .	55
გრ. ცეცხლაძე — დაბრუნება (ლექსი) . . . . .	66
ხ. თავაძე — ფრთები (რომანი. გაგრძელება) . . . . .	68
შენრიხ შაინე — ლირიკული ინტერმეცო (თარ. ხ. ვარდოშვილმა) . . . . .	108

## ლიბერატურის ისტორია

ტ. ტაბიძე — დ. გურამიშვილი და ვაჟა-ფშაველა . . . . .	120
მ. დუდუჩავა — ა. წერეთლის რეალიზმი . . . . .	127

## კრიტიკა და პუბლიცისტიკა

ე. ასტვაცატუროვი — ს. შანშიაშვილის პოეზია . . . . .	156
---	-----

## ხელოვნებათმცოდნეობა

ლ. კალანდაძე — ქეშმარიტება და მხატვრულობა . . . . .	163
---	-----

